





元 脱 脱 等撰

華 書 局

中

卷二四二至卷二五六(傳)

宋史卷二百四十二

列傳第一

后

妃上

張貴妃 李宸 孝章宋皇 太祖 英宗宣仁聖烈高皇后 元德李皇后 妃 母昭憲杜太后 苗貴 后 楊淑 妮 妃 眞宗章懷潘皇 太宗淑德尹 周貴妃 沈貴妃 太祖孝惠賀皇后 皇 楊德妃 后 后 仁宗郭皇后 章 懿德符皇 穆郭 馮賢妃 皇 孝 慈聖 明王 章獻明肅劉皇后 皇 光獻曹皇后 明德李皇后 后

周 人 拿祖之詩曰:「厥 初生民,時維姜嫄。」蓋推本后稷之所自出, 以爲王跡之所 由 基

列

僔

第

后

妃 上

后,妮傅。 矣。 治。 爲宗社慮,蓋 也。 範之正,蓋· 百餘年,外無漢王氏之患,內無唐武、偉之禍,豈不卓然而可尙哉。 舊史稱昭憲性嚴毅,有禮法。 易之家人上九曰:「有孚,威如,終吉。」其是之謂歟。 宋之興,雖由 南渡而后,若高宗之以母道事隆祐,孝宗奉明慈怡愉之樂,皆足以爲百王法程。 有以開宋世之基業者焉。 益遠矣。 先世積累,然至宣祖功業始大。 厥後慈聖光獻曹后擁佑兩朝,宣仁聖烈高后垂簾聽政,而有元祐之 觀其訓太祖以無逸治天下,至於豫定太宗神器之傳 昭憲杜后實生太祖、太宗,內助之賢,母 昭憲垂裕之功,至是茂 宋三

既笄,歸于宣祖。 太祖 母昭憲杜太后,定州安喜人也。父爽,赠太師。 治家嚴毅有禮法。生邕王光濟、太祖、太宗、秦王廷美、夔王光贊、燕國

母范氏, 生五子三女, 太后

居長。

陳國二長公主

后日:「 太后於堂上,衆皆賀。太后愀然不樂,左右進曰:「臣聞『母以子貴』,今子爲天子,胡爲不 |周 ·點檢已作天子。」太后曰:「吾兒素有大志,今果然。」<u>太</u>祖卽位,尊爲皇太后。 顯德中,太祖爲定國軍節度使,封南陽郡太夫人。及太祖自陳橋還京師,人走報太 太祖 拜

樂?」太后曰:「吾聞『爲君難』,天子置身兆庶之上,若治得其道,則此位可尊;苟或失馭,

求爲匹夫不可得,是吾所以憂也。」太祖再拜曰:「謹受教。」

豈爲汝有乎?汝百歲後當傳位于汝弟。四海至廣,萬幾至衆,能立長君,社稷之福也。」<u>太</u> 書,普於紙尾書「臣普書」。藏之金匱,命謹密宮人掌之。 祖 祖考及太后之積慶也。」太后曰:「不然,正由周世宗使幼兒主天下耳。使周氏有長君,天下 曰:「汝知所以得天下乎?」太祖嗚噎不能對。」太后固問之,太祖曰:「臣所以得天下者,皆 傾首泣曰:「敢不如敎。」太后顧謂趙普曰:「爾同記吾言,不可違也。」命普於楊前爲約誓 建隆二年,太后不豫,太祖侍樂餌不離左右。疾亟,召趙普入受遺命。太后因問太祖

太后崩于滋德殿,年六十,諡曰明憲。葬安陵,神主祔享太廟。乾德二年,更諡昭憲,

合附安陵。

節度使,封會稽郡夫人。 思常爲軍校,與宣祖同居護聖營。 太祖孝惠賀皇后,開封人。右千牛衞率府率景思長女也。性温柔恭順,動以禮法。景 生秦國晉國二公主、魏王德昭。 晉開運初,宣祖爲太祖聘焉。周顯德三年,太祖爲定國軍 五年,寢疾薨,年三十。 建隆三年

列

四月, 韶追册爲皇后。 乾德二年三月,有司上諡曰孝惠。 四月,葬安陵西北,神主享于別

ハ六〇八

廟。神宗時,與孝章、淑德、章懷並附太廟。

孝明王皇后,邠州新平人。彰德軍節度饒第三女。孝惠崩,周顯德五年,太祖爲殿前

都 點檢,聘后爲繼室。后恭勤不懈,仁慈御下。周世宗賜冠帔,封琅邪郡夫人。

事 一竇儀撰哀册文。 、杜太后得驩心。 太祖卽位,建隆元年八月,册爲皇后。常服寬衣,佐御膳,善彈箏鼓琴。 晨起,誦佛書。 二年四月,葬安陵之北。神主享于別廟。 生子女三人,皆夭。乾德元年十二月崩,年二十二。有司上諡,翰林學 太平興國二年,祔享太廟

崩,復隨母來賀長春節。開寶元年二月,遂納入宮爲皇后,年十七。性柔順好禮,每帝視朝 太祖賜冠帔。乾德五年,太祖召見,復賜冠帔。時偓任華州節度,后隨母歸鎮。 孝章宋皇后,河南洛陽人,左衞上將軍偓之長女也。母漢永寧公主。后幼時隨母入見, 孝明后

退,常具冠帔候接,佐御饌。太祖崩,號開寶皇后。

諡 ,權殯普濟佛舍。 太平興國二年,居西宮。 三年正月,祔葬永昌陵北。 雅熙四年,移居東宮。 命吏部侍郎李至撰哀册文,神主享于別廟。 至道元年四月崩, 年四十四。 有司上

神宗時,升祔太廟。

太宗淑德尹皇后,相州鄴人。 滁州刺史廷勛之女。兄崇珂,保信軍節度。 太宗在周 公升附太 時

娶焉。 早薨。 及帝卽位、詔追册爲皇后、幷諡、葬孝明陵西北。 神主享于別廟,後

廟。

韶從之。奉神主升祔太廟。 即位,追册爲皇后,諡懿德,享于別廟。 夫人,進封楚國夫人。太宗封晉王,改越國。 懿德符皇后,陳州宛丘人。魏王彦卿第六女也。 后姊,周世宗后也,淳化四年殂。 至道三年十一月,韶有司議太宗配,宰相請以后配, 開寶八年薨,年三十四。 周顯德中,歸太宗。 葬安陵西北。 建隆初,封汝南

郡

莊 肅 會太祖崩,至太平興國三年始入宮,年十九。 ,撫育諸子及嬪御甚厚。

嘗生皇子,不育。

至道二年,封后嫡母

吳氏爲衞國太夫人,後 明德李皇后,潞州上黨人。淄州刺史處耘第二女。開寶中,太祖爲太宗聘爲妃。 雍熙元年十二月,詔立爲皇后。 后性恭謹 旣納

德。 改封楚國,及封后母陳氏為韓國太夫人。 別建宮立名,從之。 權殯沙臺。三年十月,祔葬永熙陵。 太宗崩,眞宗卽位。 四年宮成,移居之,仍上宮名曰萬安。景德元年崩,年四十五。 至道三年四月,尊后爲皇太后,居西宮嘉慶殿。咸平二年,宰相請 禮官請以懿德、明德同附太宗廟室,以先後爲次, 諡|明

李賢妃,真定人,乾州防禦使英之女也。

從之。

人,皆早亡,次生楚王元佐。 太祖聞 妃有容德,爲太宗聘之。 妃嘗夢日 開寶中, 輪逼己,以裾承之,光耀遍體,驚而悟,遂生眞宗。太 封隴 西郡君。太宗卽位,進夫人。生皇女二

平興國二年薨,年三十四。

|真宗卽位,追封賢妃,又進上尊號爲皇太后。 有司上諡曰元德。 咸平三年, 附葬永熙 命駕

陵。 部與中、知制語梁周翰撰哀册。 以中書侍郎、平章事李沆爲園陵使。 神主祔別廟。 車駕詣普安院攢宮,素服行禮,拜伏嗚咽。

符三年,禮官趙湘請以后祔太宗廟室。眞宗曰:「此重事也,俟令禮官議之。」六年秋,宰相 王旦與羣臣表請后尊號中去「太」字,升祔太廟明德之次,從之。 大中祥符元年,追贈后父英檢校太尉、安國軍節度、常山郡王,母魏國太夫人。 大中祥

宗諡。 神主享于別廟。舊制后謚冠以帝諡。 端拱二年五月薨,年二十二。眞宗卽位,追册爲皇后,諡莊懷,葬永昌陵之側,陵名保 <u>真宗章懷潘皇后,大名人,忠武軍節度美第八女。</u><u>真宗在韓邸,太宗爲聘之,封莒國夫</u> 遂改「莊」爲「章」,以連眞宗諡云。 慶曆中,禮官言,「孝」字連太祖諡,「德」字連太

章穆郭皇后,太原人,宣徽南院使守文第二女。淳化四年,眞宗在襄邸,太宗爲聘之。

列傳第

封 魯國 夫人,進封秦國。 眞宗嗣位,立爲皇后。 景德四年,從幸西京還,以疾崩,年三十二。

后 謙約惠下,性惡奢靡。 族屬入謁禁中,服 飾華侈,必加戒勗。 有以家事求言於上者,

后終不許。 兄子出嫁,以貧欲祈恩賚,但出裝具給之。上尤加禮 重

宅使、 引,命翰林學士楊億撰哀册。 仁宗即位,升祔眞宗廟室,改諡章穆。 及崩,上深嗟悼。 康州刺史,姪承慶、承壽皆遷官。大中祥符中,封后母高唐郡太夫人梁氏萊國太夫 禮官奏皇帝七日釋服,特詔增至十三日。 葬永熙陵之西北,神主享于別廟。 以后弟崇儀副使崇仁爲莊 太常上諡曰莊穆。 靈 駕發

軍;父通,虎捷都指揮使、嘉州刺史,從征太原,道卒。后,通第二女也 章 獻明肅劉皇后,其先家太原,後徙益州,爲華陽人。祖延慶,在晉、漢間爲右驍衞大

將

令 王 以鍛銀爲業,攜之入京師。 斥 初,母龐 去。 王不得已,置之王宮指使張耆家。 夢月入懷,已而有娠,遂生后。后在襁褓而孤,鞠於外氏。善播鼗。 后年十五入襄邸,王乳母秦國夫人性嚴整,因爲太宗言之, 太宗崩,眞宗即位,入爲美人。以其無宗族, 蜀人龔美

更以美爲兄弟,改姓劉。

大中祥符中,爲修儀,進德妃。

與楊淑妃撫 自 章穆崩, 視甚至。 真宗欲立爲皇后, 大臣多以爲不可, 帝卒立之。 后性警悟,曉書史,聞朝廷事 ,能記其本末。 李宸妃生仁宗, 后以爲己 眞宗退朝,閱天下封

奏,多至中夜,后皆預聞。 天禧四年,帝久疾居宮中,事多決於后。 宮闥事有問,輒傅引故實以對。 宰相寇準密議奏請皇太子監國,以謀泄罷相,

承制 州 用 司 丁謂代之。 馬。 陽懷古詣謂告,謂夜乘犢車,挾崇勵、懷古造樞密使曹利用謀。 於是詔皇太子開資善堂,引大臣決天下事,后裁制於內。 旣而, 入內都知周懷政謀廢后殺謂,復用準以輔太子。 明日,誅懷政,貶準衡 客省使楊崇勳、內殿

殿,帝 輔臣。 虀 始 鳴 百 峀 御 眞宗 鞭 位左,太后位右,垂簾 允恭諭 其謀 承明殿。 特衞如 崩, 出於丁謂,非太后意 曰:「皇帝視事,當朝 遺詔尊后爲皇太后,軍國 乘輿。 百官 表賀,太后哀 令天下避太后父諱。 決事 也。 夕在 慟。 議已定,太后忽出手書,第欲禁中閱章奏,遇大事即 間旣 .側,何須別御一殿? 有司 重事,權取處分。 貶,馮拯等三上奏,請 請 **羣臣上尊號日** 制令稱「吾」,以生日爲長寧節, 間等請太后御別殿,太后遣張景 應元崇德仁壽慈聖太后,御文德 」於是請帝與太后五 如 初議。 帝亦以爲言,於是 出入御 日 御承 大安 召 對 明

大 聖 五 年正 日, 太后御會慶殿。 羣臣及契丹使者班廷中, 帝再拜跪上壽。 是歲郊祀

殿

受册

前, ,范仲淹 Ш 「手書諭」 力言其非,不聽。 百官,毋請加奪號。 九月,詔長寧節百官賜衣,天下賜宴,皆如乾元節。 禮成,帝率百官恭謝如元日。 --年多至,天子又率百 官上

太后 冠 儀 亦謁 天,前 明 道元年冬至,復御文德殿。 太廟、乘玉輅、服緯衣、九龍花釵冠、齋于廟。質明、服衮衣、十章、減宗彝、藻、 後 亚 珠翠 ·十旒。 薦獻七室,皇太妃亞獻, 有司陳黃麾仗,設宮架、登歌、二舞。 皇后終獻。 加上尊號日應天齊聖顯功 明年, 帝親耕 籍 田

諡 自后 是歲崩,年六十五。 始。 追贈三世皆至太師、尚書令、兼中書令,父封魏王。 **諡日章獻明肅,葬于永定陵之西北。** 舊制皇后皆二諡,稱制,加四

崇

德慈仁保壽太后

所假 桨, 首。 以 「姑老矣。」命左右賜以珠璣帕首。 釦 有龍 器 太后曰:「大長公主, 借 初 仁宗卽位尙少,太后稱制,雖政出宮闈,而號令嚴明,恩威加天下。左右近習亦少 鳯 宮掖 日 飾,太后 :「尙方器 間 未嘗妄改作。 曰:「此豈 勿使 太宗皇帝女, 入吾家也。」常服絁繻練裙,侍者見仁宗左右簪珥珍麗, 人臣 內外賜與有節, <u></u> 印 時潤 得?」命有司 王元份! 先帝諸妹也; 若趙家老婦, 寧可比耶?」舊賜大臣 柴氏、李氏二公主入見,猶服髲鬀。太后曰: 婦安國夫人李氏老,髮且落,見太后,亦請帕 別製 入香京挺以賜之。 賜族人御食,必易 欲效之。

太后

戒曰:「彼皇帝嬪御飾也,汝安得學。」

于地 曰:「吾不作此負祖宗事。」有漕臣 先是,小臣方仲弓上書,請依武后故事,立劉氏 劉 綽者,自京西還, 廟, 而程琳亦獻武后臨朝圖 言在庾有出賸糧千餘斛,乞付三 ,后擲其書

司。 后 問 日:「卿識王曾、張知白、呂夷簡、魯宗道乎? 此四人豈因獻羨餘進哉

后 稱制凡十一年,自仁宗卽位,乃渝輔臣曰:「皇帝聽斷之暇,宜詔名儒講習經史,以輔

其德。」於是設幄崇政殿之西廡,而日命近臣侍講讀

古、楊偕、郭勸 訪外 事 T 謂 崇勳等以 曹利用既以侮權貶竄,而天下惕然畏之。 、段少連論奏,太后悉逐之。 此勢傾中外。 兄子從德 死, 烟戚、 晚稍進外家,任內宮羅崇勳、江德明等 門人、廝役拜官者數十人。 御 史 曹脩

下韶戒中外毋輒言。 內徙,死者復其官。 后之世無毫髮間隙焉。 太后保護帝旣盡力,而仁宗所以奉太后亦甚備。 其後言者多追詆太后時事, 及不豫,帝爲大赦,悉召天下醫者馳傳詣 范仲淹以爲言,上曰: 上春秋長, 京 %不 知爲宸妃所出,終太 「此股所不忍聞 諸嘗 爲太后謫 也。 省皆

謂 日符之貴,功德莫與爲比,謂宜崇建新廟, 章穆皇后位崇中壼,已祔眞宗廟室, 於是泰寧軍節度使錢惟演請以章獻、章懿與章穆並祔眞宗室。 ,自協一帝一后之文;章獻明肅處坤 同殿異室,歲時薦饗,一 用太廟之儀,仍別立廟 詔三省與禮院議, 元之尊,章懿 皆以 感

スポーポ

遵 以崇世享。 國朝懿德、明德、元德三后同附太宗廟室故事,遷附眞宗廟。 翰林學士馮元等請以奉慈爲名,詔依。 慶曆五年,禮院言章獻、章懿二后 詔兩制議,翰林學士王堯

臣等議

;請**遷**二后袝,序於章穆之次,從之。

爲章獻太后侍兒,莊重寡言, 女,不育。 卜:釵完,當爲男子。 李宸妃,杭州人也。 進才人,後爲婉儀。 左右取以進,釵果不毁,帝甚喜。 祖延嗣,仕錢氏、爲金華縣主簿、父仁德、終左班殿直。初入宮、 眞宗以爲司寢。 仁宗即位,爲順容,從守永定陵。 既有娠,從帝臨砌臺,玉釵墜,妃惡之。帝心 已而生仁宗,封崇陽縣君;復生一 章獻太后使劉美、張懷德

爲訪其親屬,得其弟用和,補三班奉職

初, 仁宗在襁褓,章獻以爲己子,使楊淑妃保視之。仁宗卽位,妃嘿處先朝嬪御中,未 終太后世,仁宗不自知 所出 也。

爲妃

明道元年,疾革,進位宸妃,薨,年四十六。

嘗自異。

人畏太后,亦無敢言者。

坐簾下,召夷簡問曰:「一宮人死,相公云云,何歟。」夷簡曰:「臣待罪宰相,事無內外,無不 初,章獻太后欲以宮人禮治喪於外,丞相呂夷簡奏禮宜從厚。 太后遽引帝起,有頃,獨

用 當預。」太后怒曰:「相公欲離間吾母子耶!」 品禮,殯洪福院。 尚念劉氏,則喪禮宜從厚。」太后悟,遽曰:「宮人,李宸妃也,且奈何?」<mark>夷簡乃</mark>請治喪 夷簡又謂入內都知羅崇勳曰:「宸妃當以后服殮,用水銀實棺,異時 夷簡從容對曰:「陛下不以劉氏爲念, 臣不敢

勿謂

夷簡未嘗道及。」崇勳如其言。

以 耐太 劉氏 視之,妃玉色如生,冠服如皇太后,以水銀養之,故不壞。仁宗嘆曰:「人言其可信哉! 視朝累日,下哀痛之詔自責。尊宸妃爲皇太后,謚莊懿。 福康公主下嫁用和之子瑋。 廟。 加厚。 後章獻太后崩,燕王爲仁宗言:「陛下乃李宸妃所生,妃死以非命。」仁宗號慟頓毀,不 拜用和爲彰信軍節度使、檢校侍中,寵賚甚渥。 陪葬永定陵,廟日奉慈。 又卽景靈宮建神御殿,日廣孝。 幸洪福院祭告口,易梓宮,親哭 既而追念不已,顧無以厚其家,乃 慶曆中,改諡章懿,升 遇

楊淑妃,益州郫人。祖蹈,父知儼,知儼弟知信,隸禁軍,爲天武副指揮使。

儀上。帝東封、西祀,凡巡幸皆從。章獻太后爲修儀,妃與之位幾埓。而妃通敏有智思,奉順 妃年十二入皇子宫。<u>眞</u>宗卽位,拜才人,又拜婕**妤,進婉**儀,仍詔]婉儀 升從 品,位昭

列傳

章獻無所忤,章獻親愛之。 故妃雖貴幸,終不以爲己間,後加淑妃。 真宗崩,遺制以爲皇太

命爲右侍禁。 帝卽位,嘗召其姪永德見禁中,欲授以諸司副使。 始,仁宗在乳褓,章獻使妃護視,凡起居飲食必與之俱,所以擁佑扶持, 妃辭曰:「小兒豈勝大恩, 小官 恩意 可也 遊動備。 及

乎?」乃詔删去遺誥「同議軍國事」語,第存后號。 慶,稱保慶皇太后 臺東毋追班,乃入自執政曰:「上春秋長,習知天下情僞,今始親政事,豈宜 章獻遺誥尊爲皇太后,居宮中, 與皇帝同議軍國事。 奉緡錢二萬助湯沐,後名其所居宮曰保 閣門趣百僚賀,御史中丞蔡 使女后 相 繼 一種制 齊

者謂 崩,遂罷。 禮慈母於子祭,於孫止,請廢后廟,瘞其主園陵。 景祐三年,無疾而薨,年五十三。 初,仁宗未有嗣,后每勸帝擇宗子近屬而賢者,養于宮中,其選即英宗也。 后父祖皆累贈至一品,知信贈節度使。 殯於皇儀殿。 知信子景宗,見外戚傳。 英宗弗欲遽也,下有司議,未上,會帝 帝思其保護之恩,命禮官議加服小功。 英宗立,言

立之,有從中沮之者,不果。 歷美人、婕妤、充媛,至德妃。爲人淑儉不華,帝亦以妃家世故,待之異衆。 沈貴妃, 宰相倫之孫,父繼宗,光祿少卿。 嘉祐末,進貴妃。 熙寧九年薨,年八十三。 許出殯其家,車駕 大中祥符初,以將相家子被選。 長秋 虚位,帝欲 初爲才人,

臨奠,輟視朝三日,諡昭靜。

頸,上大怒。入內都知閻文應因與上謀廢后,且勸帝以爪痕示執政。 俱幸,數與后 仁宗郭皇后,其先應州金城人。平盧軍節度使崇之孫也。 初,帝寵張美人,欲以爲后,章獻太后難之。后旣立,而頗 忿爭。 一日,尚氏於上前有侵后語,后不勝忿,批其頰, 韶封爲淨妃、玉京沖妙仙師,賜名 見疏。 天聖二年,立爲皇后。 上自起救之,誤批 上以示呂夷簡,且 其後尚美人、楊美人 告 上

號 被 別點責。 金庭教主、沖靜元 於是中丞孔道輔、諫官御史范仲淹段少連等十人伏閣言:「后無過,不可廢。」道輔等俱 景祐 元年,出居瑤華宮, 師。 後帝頗念之,遣使存問,賜以樂府,后和答之,辭甚愴惋。 而尚美人亦廢於洞眞宮入道,楊美人別宅安置。 又 帝嘗密 八賜后

列

傳第

后

妲上

八六一九

清悟,居長樂宮白。

令召入,后曰:「若再見召者,須百官立班受册方可。」屬小疾,遣文應挾醫診視,數日, 后暴薨。 中外疑閻文應進毒,而不得其實。 上深悼之,追復皇后,而停諡册祔廟之禮

慈聖光獻曹皇后,眞定人,樞密使周武惠王彬之孫也。 明道二年,郭后廢,詔聘入宮。

景站 元年 九月,册爲皇后。 性慈儉,重稼穡,常於禁苑種穀、親蠶,善飛帛書。

殿 之帝,貸其死。后具衣冠見,請論如法,曰:「不如是,無以肅淸禁掖。」帝命坐,后不可,立請, 縱火,陰遣人挈水踵其後,果舉炬焚簾,水隨滅之。 下,聲徹帝所, 曰:「明日行賞,用是爲驗。」故爭盡死力, 后方侍帝,聞變遽起。 慶曆八年閏正月, 宦者以乳嫗歐小女子給奏,后叱之曰:「贼在近殺人,敢妄言耶!」后度賊必 帝將以望夕再張燈,后諫止。 帝欲出, 后閉閣 賊卽禽滅。 · 擁持,趣呼都知王守忠使引兵入。 是夕,所遣宦侍,后皆親剪其髮, 後三日,衞卒數人作亂,夜越屋叩寢 閣內妾與卒亂當誅, 祈哀幸姬, 賊傷宮嬪殿 諭之

張妃怙寵上僭,欲假后蓋出游。 帝使自來請, 后與之, 無靳 色。 妃喜, 還以告,帝曰:

移數刻,卒誅之。

「國家文物儀章,上下有秩,汝張之而出,外廷不汝置。」妃不懌而輟

英宗方四歲,育禁中,后拊鞠周盡,迨入爲嗣子,贊策居多。 帝夜暴疾崩,后悉斂諸門

鑰置於前,召皇子入。及明,宰臣韓琦等至,奉英宗卽位,尊后爲皇太后。

氏及左右臣僕,毫分不以假借,宮省肅然。 更議之」,未嘗出己意。 帝感疾、請權同處分軍國事,御內東門小殿聽政。 。頗涉經史,多援以決事。 中外章奏日數十,一一能紀綱要。 。大臣日奏事有疑未決者,則曰「公輩 檢柅曹

持饍飮以食帝。外家男子,舊毋得入謁。 悅,無所不盡,從行登翫,每先後策掖。后亦慈愛天至,或邊朝稍晚,必自至屏扆候矚,間親 弟佾同中書門下平章事。神宗立,尊爲太皇太后,名宮日慶壽。帝致極誠孝,所以承迎娛 日,附侍帝,帝復爲請,乃許之,因偕詣后閣。少焉,帝先起,若令附得伸親親意。后遽曰: 「此非汝所當得留。」趣遣出。 明年夏,帝疾益愈,即命撤簾還政,帝持書久不下,及秋始行之。 后春秋高,僧亦老,帝數言宜使入見,輒不許。 敕有司崇峻典禮,以 他

四。 帝推恩曹氏,拜假中書令,進官者四十餘人。 晚得水疾,侍醫莫能治。元豐二年冬,疾甚,帝視疾衰門,衣不解帶。旬日崩,年六十

帝至后所,后曰:「吾昔聞民間疾苦,必以告仁宗,因赦行之,今亦當爾。」帝曰:「今無他事。」 , 王安石當國,變亂舊章,后乘間語神宗,謂祖宗法度不宜輕改。 熙寧宗祀前數日,

列傳第

后妃

Ŀ

之,不若暫出之於外。」帝悚聽,垂欲止,復爲安石所持,遂不果。 后曰:「吾聞民間甚苦青苗、助役,宜罷之。」安石誠有才學,然怨之者甚衆,帝欲愛惜保全

卒精 萬 帝嘗· 乎? 不諧,則生靈所係,未易以言。苟可取之,太祖、太宗收復久矣,何待今日。」帝曰: 」帝曰:「固已辦之矣。」后曰:「事體至大,吉凶悔吝生乎動,得之不過南面受賀而 有意於燕薊,已與大臣定議,乃詣慶壽宮白其事。后曰:「儲蓄賜予備乎?鎧仗士

「敢不受敎。

| 軾兄弟, 哀慕毀瘠,殆不勝喪。 其過微矣。 蘇軾以詩得罪,下御史獄,人以爲必死。 喜曰:『吾爲子孫得兩宰相。』今聞軾以作詩繫獄,得非仇人中傷之乎?捃至於詩, 吾疾勢已篤,不可以冤濫致傷中和 有司上諡,葬于永昭陵。 ,宜熟察之。」帝涕泣,軾由此得免。 后違豫中聞之,謂帝曰:「嘗憶仁宗以制科得 及崩,帝

時 氏遂納于章惠皇后宮寢。 堯封 張貴妃,河南永安人也。 兄堯佐補蜀官,堯封妻錢氏求挈 長得幸,有盛寵。 祖穎,進士第,終建平令。 孤幼隨之官,堯佐不收恤,以道遠辭。 妃巧慧多智數,善承迎,勢動中外。 父堯封,亦舉進士,爲石州推官卒。 妃幼 慶曆 無 低,錢 元年,

肱 封 清河郡君,歲中爲才人,遷修媛。 初,進貴妃。 後五年薨,年三十一。仁宗哀悼之,追册爲皇后,諡温 忽被疾,曰:「妾姿薄,不勝寵名,願爲美人。」許之。 成。 追封堯封清河 . 那

王, 諡景思。

而堯佐因緣僥倖,致位通顯云。

當貤恩外家,抑不肯言。「元祐六年薨,年六十九。 容德入侍,生唐王昕、福康公主。 頗有恩。 苗 貴妃,開封人。父繼宗。 既踐阼,疇其前勞,進貴妃。 母許,先爲仁宗乳保,出嫁繼宗。 封仁壽郡君,拜才人、昭容、德妃。 贈其父至太師、吳國公,母陳、楚國 哲宗輟朝,出奠,發哀苑中,諡曰昭節。 帝登位,得復通籍。 英宗育於禁中, 妃擁佑 大人。 福康 下嫁, 妃以

帝崩 嫁錢景臻、 南 ,傍建僧 ",妃日一疏 居 貴妃,開封人。生四歲,從其姑入宮,張貴妃育爲女。稍長,遂得侍仁宗,生兩公主。 屋,費 郭獻卿。 食,屏處一室,誦佛書,困則假寐,覺則復誦,晝夜不解衣者四十年。公主下 緡錢六萬,皆貯儲奉賜。 連進至賢妃,徽宗立,加貴妃。 郭公主先亡,詔許出外第, 歷五朝,勤約一致。 與親戚相往來。 啓壽藏於周氏瑩

列

傳

十三薨,諡昭淑。

薨,年五十四。贈德妃。 敏, 叔弟五人。積與郭后不相能,后旣廢,妃亦遣出。 取貴,今以恩澤徼倖,恐啓左右詖謁之端。」帝悅,命徙居肅儀殿。 妙音律,組紃、書藝一過目如素習。父忠爲侍禁,仁宗欲加獎擢,辭曰:「外官當積勞以 楊德妃,定陶人。天聖中,以章獻太后姻連,選爲御侍,封原武郡君,進美人。 後復召爲婕妤,歷修媛、修儀。 贈其祖貴州刺史,而官其 熙寧五年 端麗機

始終五朝,動循禮度。 幸神宗,生二王而沒。 長,得侍仁宗,生邢、魯國二公主。封始平郡君。 馮賢妃, 東平人。 曾祖炳, 薨,年七十七,贈賢妃。 王尙幼,妃保育如己子。 知雜御史;祖起,兵部侍郎。 累加才人、婕妤、修容。在禁掖幾六十年, 帝將登其品秩,力辭不拜。 妃以良家女,九歲入宮。 養女林美人得

英宗宣仁聖烈高皇后,亳州蒙城人。曾祖瓊,祖繼勳,皆有勳王室,至節度使。母曹氏,

爲 慈聖光獻后 配 既長,遂成昏濮邸。 (三姊也,故后 少鞠宮中。 生神宗皇帝、岐王顥、嘉王顒、壽康公主。 時英宗亦在帝所,與后年同,仁宗謂慈聖,異日必以 治平二年册爲皇

久之,但斥望春門外隙地以賜,凡營繕百役費,悉出實慈,不調大農一錢。 援先后家比?」辭之。 后 弟 內殿崇班(日) 神宗立,尊爲皇太后,居寶慈宮。 士林,供奉久,帝欲遷其官,后謝曰:「士林獲升朝籍,分量已過,豈宜 帝累欲爲高氏營大第,后不許。

福, 十歲兒一黃袍,懷以來,蓋密爲踐阼倉卒備也。 制,立爲皇太子。初,岐、嘉二王日問起居,至是,令毋輒入。又陰敕中人梁惟簡,使其妻製 帝頷之。 喜學書,已誦論語七卷,絕不好弄。」乃令王出簾外見建等,建等再拜謝且賀。 元豐八年,帝不豫,浸劇,宰執王珪等入問疾,乞立延安郡王爲皇太子,太后權同聽政 注等見太后簾下。后泣,撫王曰:「兒孝順,自官家服藥,未嘗去左右,書佛經以祈 是日降

苛斂、寬民間保戶馬。 上,已散遣修京城役夫,减皇城覘卒, 哲宗嗣位,尊爲太皇太后。 事由中旨,王珪等弗預知。 驛召司馬光、呂公著,未至,迎問今日設施所宜先。 止禁庭工技,廢導洛司,出近侍尤亡狀者。 又起文意博於旣老,遣使勞諸途,論以復 戒 未及條 中外母

スポニホ

祖宗法度爲先務,且令亟疏可用者。

炭百萬,先帝中夜得報,起環楊行,徹旦不能寐,聖情自是驚悸,馴致大故,禍由遵裕,得免 刑誅,幸矣。先帝肉未冷,吾何敢顧私恩而違天下公議!」確悚慄而 從父遵裕坐西征失律抵罪,蔡確欲獻諛以固位,乞復其官。 后日:「遵裕靈武之役,塗

不毛之地以賜西戎,而宇內復安。契丹主戒其臣下,復勿生事於疆場,曰:「南朝盡行仁宗 次第罷之。於是以常平舊式改青苗,以<u>嘉</u>祐差役參募役,除市易之法,這茶鹽之禁,舉邊砦 光、公著至,並命爲相,使同心輔政,一時知名士彙進於廷。凡熙寧以來政事弗便者,

異時眩惑地。吾不忍明言,姑託訕上爲名逐之耳。此宗社大計,姦邪怨謗所不暇恤也。」 惟王珪曾奏賀,遂定儲極。且以子繼父,有何間言?而曜自謂有定策大功,妄扇事端,規爲 蔡確坐車蓋亭詩謫嶺表,后謂大臣曰:「元豐之末,吾以今皇帝所書佛經出示人,是時

當陽、非國家美事、況天子正衙、豈所當御。就崇政足矣。」上元燈宴,后母當入觀,止之曰: 「夫人登樓,上必加禮,是由吾故而越典制,於心殊不安。」但令賜之燈燭,遂歲以爲常 姪公繪、公紀當轉觀察使,力遏之。 帝請至再,僅遷一秩,終后之世不敢改。 又以官冗

廷試舉人,有司請循天聖故事,帝后皆御殿,后止之。又請受册寶於文德,后曰:「母后

當汰、詔損外氏恩四之一,以爲宮掖先。 臨政九年,朝廷清明,華夏綏定。

臣等游說乎?且汝尙欲如曩日,求內降干撓國政耶?若復爾,吾卽斬汝。」媪大懼,不敢出 宋用臣等旣被斥,祈神宗乳媪入言之,冀得復用。后見其來,曰:「汝來何爲?得非爲用 自是內降遂絕,力行故事,抑絕外家私恩。 文思院奉上之物,無問巨細,終身不取其

一。人以爲女中堯舜。

爲魏、 后、太妃力辨其誣,事乃已。 元祐八年九月, 屬疾崩, 年六十二。後二年, 章惇、蔡卞、邢恕始造爲不根之謗, 皇太 魯國夫人,弟士遜、士林及公繪、公紀皆追王,擢從孫世則節度使。他受恩者,又十餘 語在怨傳。 至高宗時,昭暴惇、卞、恕罪,褒錄后家,贈曹夫人

校勘記

- 幸洪福院祭告 院 原作「寺」, 據上文及宋會要禮三二之一八、長編卷一一三改。
- 長樂宮 宋會要后妃一之三、長編卷一一三都作「長寧宮」。
- S 慈聖光獻后 「后」原作「妃」。按「慈聖光獻」是仁宗曹后的諡號, 已見本卷慈聖光獻曹皇后傳,

據改。

列傳第一 校勘記

入六二人

史卷二百

列 傳 第二

后

妮下

鄭皇后 武 神宗欽聖獻肅向皇后 賢 妃 王貴 哲宗昭慈孟 妃 韋賢妃 皇后 欽成朱皇后 喬貴 昭 懷劉 妮 皇后 劉 欽慈陳皇后 貴 宛 徽宗顯恭王 欽宗 朱 林賢 皇 皇

后

妃

蔡貴妃 劉婉儀 高宗憲節邪皇后 聖仁烈楊皇后 張貴妃 李賢妃 孝宗成穆郭皇后 憲聖慈烈吳皇后 理宗謝皇后 光宗慈懿李皇后 度宗全皇后 黄貴 潘賢妃 成恭夏皇后 妮 楊淑 寧宗恭淑韓 張賢 成肅謝皇 妃 妮 劉 貴妃 后

列 傳 第 后 妃 下

恭

神宗 欽 聖憲肅向 河內人,故宰相敏中曾孫也。 治平三年, 歸于潁邸, 封安國夫

神宗 即位,立爲皇后。

將卜后 者, 后辭曰:「安有 且言有特旨, 帝不 及 諸 豫,后贊宣仁后定建儲之議。 王 一納婦,后敕向族勿以女置選中。 ·姑居西而婦處東, 瀆上下之分。」 章惇異議,不能 后曰:「吾族未省用此例,何庸以私情撓公法。」一不與。 哲宗立,尊爲皇太后。 族黨有欲接例以恩換閣職,及爲選人求京秩 不敢徙,遂以慶壽後殿爲隆祐宮居之。 宣仁命葺慶壽故宮以居后, 帝倉卒晏駕,獨 帝

所斥 故 老、寬徭息兵、愛民崇儉之學,則喜 徽宗 逐賢 大夫士,稍稍收用之。 77. 請權同處分軍 國 事,后以長君辭。 故事 見于 有 加 色。 御正殿、遊家諱、立誕節之類,皆不用。 **纔六月**, 帝泣拜,移時乃聽。 卽還政。 凡紹聖、元符以還 至 聞賓召

決策

迎端

沮

封 郡 则 年 IE 而自敏中以上三世,亦追列 月崩,年五十六。 常 追念 不已, E 一倒,非常典也。 乃 數 加 恩兩舅,宗良、宗回,皆位開府儀同三 пJ

欽成 朱皇后 開封人。 父崔傑,早世; 母李,更嫁朱上安。 后鞠於所親任氏。 熙寧初

入宮爲御侍,進才人、婕妤,生哲宗及蔡王似行、徐國公主,累進德妃

春秋之義,「母以子貴」,其尋繹故實,務致優隆。 於是輿蓋、仗衞、冠服,悉侔皇后。 欽聖復命卽閣建殿,改乘車爲興,出入由宣德東門,百官上牋稱「殿下」,名所居爲聖瑞 哲宗卽位,尊爲皇太妃。時宣仁、欽聖二太后皆居尊,故稱號未極。元祐三年,宣仁詔 徽宗立,奉禮尤謹 紹聖

崇寧元年二月薨,年五十一。 追册爲皇后,上尊諡,陪葬永裕陵。

贈崔、任、朱三父皆至師、保。

殿,思顧舊恩,毁瘠骨立。 欽慈陳皇后,開封人。幼穎悟莊重,選入掖庭,爲御侍。 建中靖國元年,追册爲皇太后,上尊諡,陪葬永裕陵。 左右進粥、藥,揮使去,曰:「得早侍先帝,願足矣!」未幾薨,年三 生徽宗,進美人。 帝崩,守陵

居,升美人。 林賢妃,南劍人,三司使特之孫,司農卿洙之女。幼選入宮,旣長,遂得幸,封永嘉郡 生燕王俁、越王偲、邢國公主,進婕妤。 元祐五年薨。 韶用一品禮葬,贈貴儀

八六三一

列

又 贈賢妃。

武賢妃,始以選入宮。 元豐五年,進才人。生吳王佖、賢和公主。 歷美人、婕妤。

副之; 院事王嚴叟攝司徒副之; 正. 尉,充奉迎使,同知樞密院韓忠彥攝司徒副之;尚書左丞蘇頌攝太尉,充發策使,簽書 世禮儀簡略,詔翰林、臺諫、給舍與禮官議册后六禮以進。 即位,進昭儀、賢妃。 卿 教以女儀。 副之; 初, 哲宗昭慈聖獻孟皇后,洛州人,眉州防禦使、馬軍都虞侯、贈太尉元之孫女也。 吏部尚書王存攝太尉,充納吉使,權戶部尚書劉奉世攝宗正卿副之; 哲宗既長,宣仁高太后歷選世家女百餘入宮。 皇伯 **| 元祐七年,諭宰執:「孟氏子能執婦禮,宜正位中宮。」命學士草制。** 祖判大宗正事高密郡王宗晟攝太尉,充納成使,翰林學士范 大觀元年薨,乘興臨奠,輟朝三日,諡曰惠穆。 尚書右丞蘇職攝太尉,充告期使,皇叔 后年十六,宣仁及欽聖向太后皆愛 至是,命尚書左僕射呂大防攝太 祖同 知大宗正事宗景攝宗 翰林學士 百祿 攝宗 又 一梁燾 以以近 樞 IE. 卿

攝 后語帝曰:「得賢內助,非細事也。」進后父閤門祗候在爲崇儀使、榮州刺史, 太尉,充納采、問名使,御史中丞鄭雍攝宗正卿副之。 帝親御文德殿册爲皇后。 母王氏 〈華原郡 宣仁太

于帝。 曰:「皇太后出 宮中之制,惟后得之。婕妤在他坐,有愠色,從者爲易坐,製與后等。 后閣中陳迎兒呵之,不顧,閣中皆忿。 久之,劉婕妤有寵。 內侍|郝隨謂婕妤曰:「毋以此戚戚,願爲大家早生子,此坐正當爲婕妤有也。 」后起立,劉亦起,尋各復其所,或已撤婕妤坐,遂仆于地。 紹聖三年,后朝景靈宮,訖事,就坐,諸嬪御立侍,劉獨背立簾下, 冬至日,會朝欽聖太后於隆祐宮,后御坐朱 衆弗能平, 懟不復朝,泣訴 聚金飾, 因傳 唱

即皇城司鞫之,捕逮宦者、宫妾幾三十人,搒掠備至,肢體毁折,至有斷舌者。 宣夫人燕氏、尼法端與供奉官王堅爲后禱祠。 故。 治病符水入治。 史董敦 敦逸畏禍 帝曰:「此人之常情耳。」后卽蒸符於帝前。 會后女福慶公主疾,后有姊頗知醫,嘗已后危疾,以故出入禁掖。 逸覆錄,罪人過庭下,氣息僅屬,無一人能出聲者。 及己,乃以奏牘上。詔廢后,出居瑤華宮,號華陽教主、玉清妙靜仙師,法名 后驚日:「姊寧知宮中禁嚴,與外間異邪?」令左右藏之;俟帝至,具言其 事聞,韶入內押班梁從政、管當御藥院蘇珪 宮禁相傳,厭魅之端作矣。 敦逸秉筆疑未下,郝隨等以言脅 公主藥弗效,持道 未幾,后養母聽 獄成,命侍御

列

沖眞

今乃貶錄問官,何以取信中外?」乃止。 世。」帝曰:「敦逸不可更在言路。」曾布曰:「陛下本以皇城獄出於近習推治,故命敦逸錄問, 翳,是天不欲廢后也; 構成是獄, 天下冤之。 初 章惇誣宣仁后有廢立計,以后逮事宣仁,惇又陰附劉賢妃, 人為之流涕,是人不欲廢后也。」且言:「嘗覆錄獄事,恐得罪天下後 敦逸奏言:「中宮之廢,事有所因, 帝久亦悔之,曰:「章惇誤我。」 情有 可察。 欲請建為后, 韶下之日, 天爲之陰 遂與郝隨

號元 旨,復居瑤華宮, 望斷以大義。 不得復。 祐皇后,時劉號元符皇后故也。 元符末, 欽聖太后將復后位, 適有布衣上書, 以后爲言者, 卽命以官, 臺臣錢適 蔡京與執政許將、 加賜希微元通知和妙靜仙 、石豫、左膚等連章論韓忠彥等信一布衣狂言, 温益 崇寧初, 趙挺之、張商英皆主其說。 師 郝隨諷蔡京再廢后, 復已廢之后,以掠虛美, 昌州 徽宗從之, 詔依紹聖韶 判官馮解上書言后 於是詔后還內,

昌 議再復后,尊爲元祐 乃復上尊號元祐皇后,迎入禁中,垂簾聽政。 僭位,尊后爲宋太后, 靖康初,瑤華宮火,徙居延寧宮,又火,出居相國寺前之私第。 太后。 迎居延福宮,受百官朝。 詔未下而京城陷。 時六宮有位號者皆北遷,后以廢 胡舜陟、馬伸又言,政事當取后旨。 金人圍汴,欽宗 獨 與近 邦昌 張 邦

臣

將 所 傸 部 及 后 入內侍 扈 聞 衞,又命御營前軍 康王在濟, 邵成章奉圭寶、乘輿、服 遣尚書左右丞馮澥、李回及兄子忠厚持書奉迎。 統 制張俊逆于道。 御迎, 王卽 **尋降手書**, 皇帝位, 改元,后以是日撤 播告天下。 命副都指揮 王至南京 簾, 尊 后爲元祐 后遣宗室 使郭仲荀

尚書省言,「元」字犯后

祖名,請易以所居宮名,遂稱隆祐

太后

清巖 朱勝非請令臣僚得獨對論機事,仍日 兒聽政,將何以令天下。」傅等泣請,太后力拒之。 |善、|汪伯彥所誤,皆已逐矣。| |傳等言必立皇太子,太后曰:「今強敵在外,我以婦人抱三歲小 后 奉太后幸杭州 加 慰 出 陛。 修草狀進星。 撫,傅等皆喜。 上將幸揚州,命仲荷衞太后先行, 御殿,乃命撤簾。 梁氏馳入世忠軍 ,以苗傳爲扈從統制。 太后喜曰:「吾責塞矣。」再以手札趣帝還宮,卽欲撤簾。 韓世忠妻梁氏在傅軍中,勝非以計脫之,太后 是日,上皇太后尊號 , 諭太后意。 童貝 引傳黨一人上殿,以釋其疑。 踰年,傅與劉正彥作亂,請太后聽政,又請立 駐揚州 世忠等遂引兵至, 遊黨懼。 起邊事, 、州治。 致國家禍亂。 帝聞事急,詔禪位元子,太后 會張浚請先定六宮所居地, 今皇帝無失德, 诏見, 太后從之,每見傅等, 朱勝非等誘以 勉令世忠速來,以 帝令勝非請太 垂簾聽政 遂詔 皇子。 止為黃 復辟,命 忠 潛 曲 厚

太后聞張浚忠義,欲一見之,帝爲召浚至禁中。 列 傳 第 后 妃 下 承議郎馮嚴當貽書苗傅勸復辟,上未

之知,太后白其事,檝得遷秩。

兵萬 院 命 事 劉 死者十數,惟太后舟無虞。 人衞從。 從行,凡四方奏讞、吏部差注、舉辟、功賞之類,皆隸焉。 寧止制置江、浙,衞太后往洪州,百司非預軍事者悉從。 帝幸建康 帝慮敵人來侵,密諭康、珏緩急取太后旨,便宜以行。過落星寺,舟覆,宮人 ;(E), 命簽書樞密院事鄭瑴衞太后繼發, 比至, 帝率羣臣迎于郊。 仍命滕康、劉珏權知三省樞密 復命四廂都指揮使楊惟忠,將 會防秋迫,

屯江州。 衞不滿百,遂往<u>虔州。太后及</u>潘妃以農夫肩輿而行。 在,及知在虚州,遂命中書舍人李正民來朝謁。 后乘舟夜行。質明,至太和縣,舟人景信反,楊惟忠兵潰,失宮人一百六十,康、珏俱遁,兵 既至洪州,議者言:「金人自蘄、黃渡江,陸行二百餘里,即到洪州。」帝憂之,命劉光世 光世不爲備,金人遂自大冶縣徑趣洪州。 康、压奉太后行,次吉州。 帝盧太后徑入閩、廣,遣使歷詢后所 金人追急,太

外,兵馬驚擾,當亟奉迎,以愜朕朝夕慕念之意。」遂遣御營司都統辛企宗、帶御器械潘永思 珏 率衆圍城,康、珏、惟忠弗能禁。 了命盧益、李回代之。諭輔臣曰:「朕初不識太后,自迎至南京,愛朕 時 虔州府庫皆空,衞軍所給,惟得沙錢,市買不售,與百姓交鬥,縱火肆掠。 惟忠步將胡友自外引兵破新于 ,城下,新乃去。 不啻己出。今在 帝 聞,罷康、 土豪陳新 數千里

迎 歸。 太后至越,帝親迎于行宮門外,遍問所過守臣治狀。

耶 也。」帝聞之悚然。 昔奸臣肆爲謗誣,雖嘗下詔明辨,而國史尙未删定,豈足傳信?吾意在天之靈,不無望於帝 」立命出之。 入宮禁中, 嘗微苦風眩。 太后生辰,置酒宫中,從容謂帝曰:「宣仁太后之賢,古今母后未有其比。 後乃更修神宗、哲宗實錄,始得其正,而奸臣情狀益著。 有宮人自言善符呪, 疾良已。 太后驚日:「吾豈敢復聞此語

春〇三、 厚有憾,誣與太后密養飲宗子。 帝事太后極孝,雖帷帳皆親視;或得時果,必先獻太后,然後敢嘗。 患風疾,帝旦暮不離左右,衣弗解帶者連夕。 帝曰:「朕於太后如母子,安得有此。」卽治其罪。 宣教郎范燾與忠 紹興五年

以繼體之重,當從重服, 几 殯于會稽上 月,崩於行宮之西殿,年五十九。 皇村,附神主于哲宗室,位在昭懷皇后上。 凡喪祭用母后臨朝禮。」上尊號曰昭慈獻烈皇太后,推恩外家凡五 遺命擇地攢殯,俟軍事寧,歸葬園陵。 三年,改諡昭慈聖獻 帝詔曰:「朕

聞,卽令易武, 避后父名,不許; 后性節儉謙謹,有司 命學士院降韶,戒敕忠厚等不得預聞朝政、通貴近、至私第謁見宰執。 羣臣請上太皇太后 月供千缗而 旷。 號,亦不許。 幸南昌,斥賣私絹三千匹充費。 忠厚直顯謨閣, 臺諫、給舍交章論 尋詔文書應奏者 列, 以恩 后

澤當得官者近八十員,后未嘗陳請。

皆

如所云。

初,后受册日,宣仁太后歎曰:「斯人賢淑,惜福薄耳!異日國有事變,必此人當之。」後

與輔臣議,將廢之,而后已爲左右所逼,卽簾鈎自縊而崩,年三十五。 明年,尊爲太后,名宮崇恩。帝緣哲宗故,曲加恩禮,后以是頗干預外事,且以不謹聞。 友端爲之用。」孟后旣廢,后竟代焉。 右正言卿浩上疏極諫,坐竄。 有盛寵,能順意奉兩宮。 昭懷劉皇后,初爲御侍,明豔冠後庭,且多才藝。 由美人、婕妤進賢妃。 時孟后位中宮,后不循列妾禮,且陰造奇語以售謗,內侍郝隨、劉 徽宗立,册爲元符皇后。 生一子二女。

未嘗一語輒及,帝幡然憐之。大觀二年崩,年二十五。諡曰靜和,葬裕陵之次。紹興中,始 徽宗即位,册爲皇后。生飲宗及崇國公主。后性恭儉,鄭、汪二妃方亢寵,后待之均 徽宗顯恭王皇后,開封人,德州刺史藻之女也。元符二年六月,歸于端邸,封順國夫 巨閹妄意迎合,誣以闇昧。帝命刑部侍郎周鼎即秘獄參驗,略無一跡,獄止。后見帝,

鄭皇后 ,開封人也。父紳,始爲直省官,以后貴,累封太師、樂平郡王。

以二人賜之。后自入宮,好觀書,章奏能自製,帝愛其才。 后本飲聖殿押班,徽宗爲端王,每日朝慈德宮,欽聖命鄭、王二押班供侍。 **崇寧**初,封賢妃,遷貴妃,有異 及即位,遂

寵。徽宗多賚以詞章,天下歌之。

還言:「居中與父紳相往還,人皆言其招權市賄,乞禁絕,許御史奏劾。」后性端謹,善順承帝 命工改製妃時舊冠。又乞罷黃麾仗、 在樞府,后奏:「外戚不當預國政,必欲用之,且令充妃職。」帝爲罷居中。居中復用,后歸寧 王 |皇后崩,|政和元年,立爲皇后。 小駕鹵簿等儀,從之。 將受册,有司創製冠服,后言國用未足,冠珠費多,請 恩澤皆弗陳請。時族子居中

嚴備 時用 意。 事者言, 劉貴妃薨,帝思之不已,將追册爲后。 飲宗受禪,尊爲太上皇后,遷居寧德宮,稱寧德太后。從上皇幸南京,金師退,先歸。 帝不從,出 上皇將復辟於鎮江, . 郊迎后,於是兩宮歡甚洽。 人情危駭。 后即奏妃乃其養子,乞別議褒崇之禮,帝大喜。 上皇聞之,卽罷如洛之議。 或謂后將由端門直入禁中,內侍輩頗勸欽宗

列傳第二 后妃下

還,始知上皇及后崩,高宗大慟。 以聞哀日爲大忌。 汴京破,從上皇幸靑城。 梓宮歸,入境,承之以槨,納暈衣其中,與徽宗合攢于會稽永佑陵。 北遷,留五年,崩于五國城,年五十二。 詔立重成服, 諡 顯肅。 后親族各遷官有差。 紹興七年,何蘇等使 附主徽宗室,

官。 至保信軍節度使,加太尉。 之,故紳得歸。 有鄭藻者,后近屬也。 先是,后至金營, 后既行,紳亦以是年薨,諡僖靖。 訴于批罕曰:「妾得罪當行,但妾家屬不預朝政,乞留不遣。」批罕許 紹興 卒,追封榮國 中帶御器械,用后祔廟恩,拜隴州防禦使; 公, 諡端靖。 家屬流寓江南,高宗憐之,詔所在尋訪賜 凡四使金,歷官

王機、 惠淑康淑順德柔福冲懿帝姬。 一貴妃, 與鄭后俱爲押班。 徽宗立,封平昌郡君,進位 政和七年九月薨,諡日懿 至貴妃。 肅 生 耶王楷、幸王植、陳

累遷 **一婉容。** 章賢妃, 高宗在康邸出使, 開封人,高宗母也。 進封龍德宮賢妃。 初入宮,爲侍御。 從上皇北遷。 崇寧末,封平昌 建炎改元, 1郡君。 大觀 遙尊爲宣和皇 初,進婕妤,

后。封其父安道爲郡王,官親屬三十人。 由是遣使不絕。

處,屈己講和,正爲此耳。」翰林學士朱震引唐建中故事,請遙尊爲皇太后,從之。 俱追封王。 少卿吳表臣請依嘉祐、治平故事,俟三年喪畢,然後舉行。乃先降御札,播告天下。后三代 紹興七年,徽宗及鄭皇后崩聞至,帝號慟,諭輔臣曰:「宣和皇后春秋高,朕思之不遑寧 已而太常

<u>金人猶未歸后,乃遙上皇太后册寶於慈寧殿。是後,生辰、至、朔,皆遙行賀禮。</u> 未幾,金人遺蕭哲來,亦言后將歸狀。遂豫作慈寧宮四,命莫將、韓恕爲奉迎使。 洪皓在燕,求得后書,遣李微持歸。帝大喜曰:「遣使百輩,不如一書。」遂加微官。金 帝以后久未歸,每顰蹙曰:「金人若從殷請,餘皆非所問也。」王倫使回,言金人許歸后。

約;如其未也,雖有誓約,徒爲虛文。」 人遺蕭毅、邢具瞻來議和,帝曰:「朕有天下,而養不及親。」徽宗無及矣!今立誓信,當明言

以后歸爲請。 親之在上國,一老人耳;在本國,則所緊甚重。』以至誠說之,庶彼有感動。」鑄等至金國,首 命何鑄、曹勛報謝,召至內殿,諭之曰:「朕北望庭闈,無淚可揖。 金主曰:「先朝業已如此,豈可輒改?」勛再三懇請,金主始允。鑄等就館,館 卿見金主,當曰:『慈

列

傳第二

后妃

下

伴 耶律紹文來言, 金主許從所請。 洪皓聞之,先遣人來報。 鑄等還,具言其實。 遂命參政

次翁爲奉迎使。 金人遣其臣高居安、完顏宗賢等扈從以行。

、秦魯國大長公主、吳國長公主迎于道。帝親至臨平奉迎,普安郡王、宰執、兩省、三衙管 十二年四月, 次<u>燕山</u>,自東平舟行,由清河至楚州。 既渡淮, 命太后弟安樂郡王至

軍皆從。 帝初見太后,喜極而泣。八月,至臨安,入居慈寧宮。 韋淵

先是,以梓宮未還,詔中外輟樂。至是,慶太后壽節,始用樂。 謁家廟,親屬遷官幾二

令通 帝侍太后,或至夜分未去,太后曰:「且休矣,聽朝宜早,恐妨萬幾。」又嘗謂:「兩宮給使,宜 犒其衆,由是途中無間言。 金人憚行,太后慮有他變,乃陽稱疾,須秋凉進發。已而稱貸于金使,得黃金三千兩以 一用;不然,則有彼我之分,而佞人間言易以入也。」 太后 聰明有智慮。初,金人許還三梓宮,太后恐其反覆,呼役者畢集,然後起攢。時方 太后在北方,聞韓世忠名,次臨平,呼世忠至籐前慰勞。還宮,

册 曰:「太后年已六十,惟優游無事,起居適意,卽壽考康寧,事有所闕,愼毋令太后知,第來 命,承平典禮,悉能記之。 時皇后未立,太后屢爲帝言,帝請降手書,太后曰:「我但知家事,外庭非所當預。」 將行 帝先意承志,惟恐不及,或一食稍減,輒不勝憂懼。 常戒宮人

白股。」

出殿門,會牡丹盛開,帝入白,太后欣然步至花所,因留宴,竟日盡歡。 十九年,太后年七十,正月朔,即宮中行慶壽禮,親屬各遷官一等。 翌日,以諭宰執。后 太后微恙,累月不

苦目疾,募得醫皇甫坦,治卽愈。

四人,授官者三人。 減租稅。 上父母年八十者,悉官封之。 二十九年,太后壽登八十,復行慶禮。 俄崩于慈寧宮,諡曰顯仁。 九月,得疾,上不視朝,敕輔臣祈禱天地、宗廟、社稷,赦天下, 攢于永佑陵之西,祔神主太廟徽宗室。 親屬進官一等,庶人年九十、宗子女若貢士已 親屬進秩者十

執刀劍以衞。 多積於庫。 太后性節儉,有司進金唾壺,太后易,令用塗金。宮中賜予不過三數千,所得供進財帛, 至是,喪葬之費,皆仰給焉。 太后曰:「我祠四聖謹甚,必其陰助。」旣北遷,常設祭,及歸,立祠西湖上。 然好佛、老。初,高宗出使,有小妾言,見四金甲人

宗,遂引韋氏,二人愈相得。 喬貴妃,初與高宗母韋妃俱侍鄭皇后,結爲姊妹,約先貴者母相忘。 二帝北遷,貴妃與韋氏俱。至是,韋妃將還,貴妃以金五十兩 既而貴妃得幸徵

列

爲

贈 皇太后 高 居安 ; 妹無還期,終死於朔漠矣 :「薄物不足爲禮, 願好護送姊還江 」遂大慟以別 南。」復舉酒酌韋氏曰:「姊善重保護, 歸 刨

劉 貴妃,其出單微。 入宮, 即大幸, 由才人七遷至貴妃。 生濟陽郡王棫、祁王模、信王

政和三年秋,薨。

微疾,不經意,趣幸之,已薨矣,始大悲惻。特加四字謚曰阴莲懿文。 又欲踵温成故事追崇,使皇后表請,因册贈爲后,而以明遠諡焉 先是,妃手植芭蕉於庭曰:「是物長,吾不及見矣!」已而果然。 左右奔告帝,帝初以共 敍其平生,絃諸樂府。

其美,復召入。 妃以同姓養爲女,遂有寵,爲才人,進至淑妃。 國公橞、和福帝姬。 時又有安妃劉氏者,本酒保家女。 政和四年,加貴妃。朝夕得侍上,擅愛顓席,嬪御爲之稀進。 初事崇恩宮; 宮罷,出居宦者何訢家。 生建安郡王楧、嘉國公椅、英 內侍楊戩譽 擢其父劉

宗元節度使。

華玉眞安妃,肖其像于神霄帝君之左。 妃 一天資警悟,解迎意合旨,雅善塗飾,每制一服,外間即傚之。 宣和三年薨,年三十四。 初諡明節和文,旋用明達 林靈素以技進,目爲九

疾無狀, 戚容,帝悲怒,疑其爲厭蠱。 近比,加册贈爲皇后,葬其園之西北隅。帝悼之甚,後宮皆往唁,帝相與啜泣。崔妃獨左視無 閣內侍王堯臣坐盜金珠及出金明池游宴事,倂鞫治。 **卜者劉康孫緣妃以進,喜妄談休咎,捕送開封獄。** 獄成,同日誅死。 醫曹孝忠侍 **遂廢崔妃**

爲庶人。

崔生漢王椿及帝姬五人云

孝莊,官至永慶軍承宣使,卒贈昭化軍節度使。 皇太子妃。 上尊號,溢仁懷,祔于太廟欽宗室,推恩后家十五人。五年,奉安神御于景靈宮。 兄二人: 孝孫, 靖康中以節鉞換授右金吾衞上將軍, 卒贈開府儀同三司, 孝章, 欽宗朱皇后,開封祥符人。父伯材,武康軍節度使。 欽宗卽位,立爲皇后。 追封伯材爲恩平郡王。 后旣北遷,不知崩聞。 慶元三年

王出使,夫人留居蕃衍宅。 高宗憲節邢皇后,開封祥符人。父煥,朝請郞。 金人犯京師,夫人從三宮北遷。上皇遣曹勛歸,夫人脫所御金 高宗居康邸,以婦聘之,封嘉國夫人。

八六四五

列

第

后妃ド

后,官后親屬二十五人。 環,使內侍持付勛曰:「幸爲吾白大王,願如此環,得早相見也。」王憐之。 及卽位,遙册爲皇

后回鑾,始得崩聞。 紹興九年,后崩于五國城,年三十四。金人秘之,高宗虛中宮以待者十六年。 上爲輟朝,行釋服之祭,諡懿節,祔主于別廟 顯仁太

知帝意,乃請爲其姪珣、琚婚邢氏二女,以慰帝心。 紹興十二年八月,后梓宮至,攢于聖獻太后梓宮之西北。帝思后,殊慘不樂,皇后吳氏 淳熙末,改諡憲節,祔高宗廟

異之。 近嘗夢至一亭,扁曰「侍康」;傍植芍藥,獨放一花,殊妍麗可愛,花下白羊一,近寤而 憲聖慈烈吳皇后,開封人。父近,以后貴,累官武翼郎,贈太師,追封吳王,諡 后以乙未歲生,方產時,紅光徹戶外。年十四,高宗爲康王,被選入宮,人謂「侍康」 宣靖

之以免。未幾,帝航海,有魚躍入御舟,后曰:「此周人白魚之祥也。」帝大悅, 還越,進封才人。后益博習書史,又善翰墨,由是寵遇日至,與張氏並爲婉儀,尋進貴 王 即帝位、后常以戎服侍左右。后頗知書,從幸四明,衞士謀爲變,入問帝所在,后給 封和義 郡

之徵。

妃。

十三年,詔立貴妃爲皇后。帝御文德殿授册, 顯仁太后回鑾,亦愛后。 憲節皇后崩聞至,秦檜等累表請立中宮,太后亦爲言。 后卽穆淸殿廷受之。 追王三代,親屬由后官 紹興

顯仁太后性嚴肅,后身承起居,順適其意。 **肾繪古列女圖,置坐右爲鑒;又取詩序之**

義,扁其堂曰「賢志」。

者三十五人。

紹興。 之,封普安郡王。 中外議頗籍籍。 初,伯踪以宗子召入宮,命張氏育之。 后嘗語帝曰:「普安,其天日之表也。」帝意決,立爲皇子,封建王。 張氏卒, 倂育于后, 后視之無間。 后時爲才人,亦請得育一子,於是得怕以,更名 伯琮性恭儉,喜讀書,帝與后皆愛 出 場居

皇崩,遺詔改稱皇太后。帝欲迎還大內,太后以上皇几筵在德壽宮,不忍舍去,因名所御殿 朔,朝上皇畢,入見后如宮中儀。乾道七年,加號壽聖明慈。 復加壽聖齊明廣慈之號。十年,以后年七十,親屬推恩有差。十二年,加尊號日備德。 日慈福,居焉。 高宗內禪,手詔后稱太上皇后,遷居德壽宮。 光宗卽位,更號壽聖皇太后,以壽皇故,不稱太皇太后也。帝嘗言及用人, 孝宗即位,上尊號日壽聖太上皇后。 淳熙二年,以上皇行慶壽禮, 月

列

月,帝率羣臣行慶壽禮,嘉王侍側,后勉以讀書辨邪正、立綱常爲先。 后 日:「宜崇尚舊臣。」紹熙四年,后壽八十,帝乃覲后,奉册禮,加尊號日隆慈備福。 夏,孝宗崩,始正太皇 五年正

太后之號。

宗手韶,立皇子嘉王爲皇帝。 臣發喪太極殿,成服禁中,許之。 重華宮。 時光宗疾未平,不能執喪,宰臣請垂簾主喪事,后不可。 汝愚後以謫死,中書舍人汪義端目汝愚爲李林甫,欲倂逐其黨,太后聞 翌日, 后代行祭奠禮。 册夫人韓氏爲皇后,撤簾。 尋用樞密趙汝愚請,於梓宮前 已而宰執請如唐肅宗故事,羣 慶元元年,加號 光祐,遷 垂簾,宣光 而非之。 居

上皇帝疾未痊瘉,宜於宮中承重;皇帝服齊衰五月,以日易月。」詔服朞年喪。 三年十月,后寢疾,詔禱天地、宗廟、社稷,大赦天下,踰月而 ,崩,年八十三。 諡 遺誥:「太 日 憲聖慈

烈,攢附于永思陵。

妃未有位號,帝即位,將立為后,呂好問諫止之,立為賢妃。 潘賢妃,開封人,元懿太子母也。父永壽,直翰林醫局官。 高宗居康邸時納之,邢后 太子薨,從隆祐太后于江 北

西,踰年還。紹興十八年薨。永壽,贈太子少師。

列傳第二 后妃下

| 妃、吳才人方環坐,以觀其所向。 時賢妃新失皇子,意忽忽不樂,婕妤手招之,遂向婕妤。 宮中可付託者誰耶?帝曰:「已得之矣。」意在婕妤。 張賢妃,開封人。 建炎初,爲才人,有寵, 進婕妤。 已而伯琮入宮,年尚幼,婕妤與潘賢 帝欲擇宗室子養禁中,輔臣問帝以

門宣贊舍人,妃薨,遷秩二階。 帝因命婕妤母之,是爲孝宗。尋遷婉儀, 十二年卒(主),上為輟朝二日,贈賢妃。 弟萃,閻

恃寵驕侈,嘗因盛夏以水晶飾脚踏,帝見之,命取爲枕,妃懼,撤去之。 劉貴妃,臨安人。入宮爲紅霞帔,遷才人,累遷婕妤、婉容,紹興二十四年進賢妃。 淳熙十四年薨。 頗

和州防禦使、知閤門事。 父懋,累官昭慶軍節度使。 奉使還,遷蘄州防禦使氏以福州觀察使。 金人南侵,獻錢二萬緡以助軍興費。 懋子允升,紹興末爲

訪得其言,以寬譬帝意。 盟,劉錡主戰,幸醫王繼先從中沮之,因謀誅騎,帝不懌。 嘗遣人諷廣州蕃商獻明珠香藥,許以官爵。 劉 一婉儀,初入宮,封宜春郡夫人。 帝怪與繼先言合,詰之,婉儀急,具以實對。 尋進才人,與劉婉容俱被寵,進婉儀。 舶官林孝澤言于朝、詔止其獻。 一日,在婉儀位,有憂色。 帝大怒,託以他過廢 婉儀頗恃恩招 金人將叛 婉儀陰

兄忧,累官和州防禦使、知閤門事,婉儀旣廢,乃與祠罷歸

張貴妃,開封祥符人。初入宮,封永嘉郡夫人。 乾道六年, 進婉容。 淳熙七年,封太上

皇淑妃。十六年,進貴妃。紹熙元年薨。

宗郎追告命,許自便。 十年,復故封。李氏、王氏俱明豔,淳熙末,上皇愛之。及崩,憲聖后見二才人,每感憤,孝 美人馮氏,才人韓氏、吳氏、李氏、王氏俱被寵幸,後皆廢。吳氏,中宮近屬也,紹興三 蓋非常制云。

孝宗成穆郭皇后,開封祥符人。奉直大夫直卿之女孫,其六世祖爲章穆皇后外家。孝宗

爲普安郡王時納郭氏,封咸寧郡夫人。生光宗及莊文太子愭、魏惠憲王愷、邵悼肅王恪。紹

興二 追封皇太子妃。及受禪,追册爲皇后,諡恭懷,尋改安慘。及營阜陵,又改成穆,祔孝宗廟。 十六年薨,年三十一,追封淑國夫人。三十一年,用明堂恩,贈福國夫人。 旣 建太子,

弟師馬、師元,官不過承宣使,師元不及建節而卒。 父賊,累官昭慶軍承宣使,追封榮王。孝宗待郭氏恩禮彌厚,然不假外戚以官爵。 將內禪,師禹始除節度使 光宗朝,官 后

至太保,封永寧郡王。

普安郡王夫人郭氏薨,太后以夏氏賜王,封齊安郡夫人。 立爲皇后。 成 悉夏皇后,袁州宜春人。曾祖令吉,爲吉水簿。夏氏初入宮,爲憲聖太后閣中侍御。 乾道二年,謁家廟,親屬推恩十一人。三年崩,諡安恭。 即位,進賢妃。 寧宗時,改諡成恭。 踰年,奉上皇命,

門宣贊舍人,累遷奉國軍節 之僧舍,號夏翁。 初,后之生也,有異光穿室,父協奇之,及長,以姿納宮中。久之,父居益困,及歸,客袁 翁亡,后始貴。 度使,提舉萬壽觀。 訪得其弟執中,補承信郎、閻門祗候。 寧宗即位,加少保。 踰 年,卒于家。 未幾,遷右武郎、閤

初,執中與其微時妻至京,宮人諷使出之,擇配貴族,欲以媚后,執中弗爲動。 他 月,后

列傳第

后妃下

館件副使,連射皆命中,金人駭服。 慶壽禮,近戚爭獻珍環,執中獨大書「一人有慶,萬壽無疆」以獻。 親爲言,執中誦宋弘語以對,后不能奪。 孝宗聞其才,將召用之,謝曰:「他日無累陛下,保全足 既貴,始從師學,作大字頗工,復善騎射。 高宗喜,錫賚甚渥。 高宗行 嘗爲

矣。」人以此益賢之。

安郡王,封咸安郡大人。 成肅謝皇后,丹陽人。幼孤,鞠於翟氏,因冒姓焉。及長,被選入宮。 王卽位,進婉容。 踰年,進貴妃。 憲聖太后以賜普

尊爲皇太后。 傳旨,立貴妃爲皇后,復姓謝氏。 成恭皇后崩,中宮虚位。 慶元初, 加號惠慈。 淳熙三年,妃侍帝,過德壽宮,上皇諭以立后意。 親屬推恩者十人。 嘉泰二年,加慈佑太皇太后。 光宗受禪,上尊號壽成皇后。 三年崩,諡成肅, 尋遣張去爲 孝宗崩, 攢附于

翼 舍人、帶御器械。 郎。 后性儉慈, 后嘗戒之曰:「主上化行恭儉,吾亦躬服澣濯, 減膳羊, 每食必先以進御。 **光宗朝,遷果州團練使。** 寧宗立, 服澣濯衣,有數年不易者。 轉萊州防禦使,擢知閤門事,仍幹辦皇 爾宜崇謙 抑, 遠驕侈。」後歷閣門宣贊 弟淵、以后貴、授武 永阜陵。

城司 金二千兩、田十頃 遷至保信軍節度使,尋加太尉 ,僦緡日十千。 後累陞三少,封和國公。 、開府儀同三司。 成肅皇后崩,遺誥賜淵錢 嘉定四年薨,贈太保。 十萬緡

蔡貴妃,初入宮,爲紅霞帔, 父滂,宜春觀察使。 封和義郡夫人,進婉容。 淳熙十年多,拜貴妃。 十二年秋

筵,嘗諫省後宮費。 無著聞者。 李賢妃,初入宮,爲典字,轉通義郡夫人,進婕妤。 帝曰:「朕老矣,安有是?近葬李妃用三萬緡耳。」帝雖在位久,後宮寵 淳熙十年卒, 贈賢妃。 時李燾在經

前石上,道心異之,遂字后日 光宗慈懿李皇后,安陽人,慶遠軍節度使、贈太尉道之中女。 鳳娘。 道帥湖北,聞道士皇甫坦善相人,乃出諸 初,后生,有黑鳳集道營 女拜坦。 |坦見

列傳

第

后,驚不敢受拜,日:「此女當母天下。」坦言於高宗,遂聘爲恭王妃,封榮國夫人,進定國夫

人。乾道四年,生嘉王。七年,立爲皇太子妃。

誤。」孝宗亦屢訓后:「宜以皇太后爲法,不然,行當廢汝。」后疑其說出於太后 性妬悍,嘗訴太子左右於高、孝二宮,高宗不懌,謂吳后曰:「是婦將種,吾爲皇甫坦所

有不處,其奈宗社何?」后覘藥實有,心銜之。頃之,內宴,后請立嘉王爲太子,孝宗不許。 購得良藥,欲因帝至宮授之。宦者遂訴於后曰:「太上合藥一大丸,俟宮車過卽投藥。萬 息有廢立意。 后曰:「妾六禮所聘,嘉王,妾親生也,何爲不可?」孝宗大怒。后退,持嘉王泣訴于帝,謂壽 及太子卽位,册爲皇后。光宗欲誅宦者,近習皆懼,遂謀離間三宮。會帝得心疾,孝宗 帝惑之,遂不朝太上。

禮。 又黃貴妃有寵,因帝親郊,宿齋宮,后殺之,以暴卒聞。是夕風雨大作,黃壇燭盡滅,不能成 多於太廟。 帝疾 帝嘗宮中浣手,睹宮人手白,悅之。他日,后遣人送食合于帝,啓之,則宮人兩手也。 ,由是益增劇,不視朝,政事多決於后矣。后益驕奢, 封三代爲王, 家廟逾制,衞兵 后歸 謁家廟, 推恩親屬二十六人、使臣一百七十二人,下至李氏門客,亦奏補

是時,帝久不朝太上,中外疑駭。 紹熙四年九月重明節,宰執、侍從、 臺諫連章請帝

官

中興

以

來

未有

也

過宮。 問曰:「此何理也?」傅良曰:「子諫父不聽,則號泣而隨之。」后益怒,遂傳旨罷還宮。 引帝裾請母入,因至屛後,后叱曰:「此何地,爾秀才欲斫頭邪?」傅良下殿慟哭,后復使人 出,至御屏,后挽留帝入,曰:「天寒,官家且飲酒。」百僚、侍衞相顧莫敢言。中書舍人陳傅良 春秋高,千秋萬歲後,陛下何以見天下?」帝感悟,趣命駕朝重華宮。 孝宗崩,帝不能親執喪。 給事中謝深甫言:「父子至親,天理昭然。太上之愛陛下,亦獨陛下之愛嘉王。太上 是日, 百官班列侯帝 其後

六,諡慈懿。 宰相趙汝愚謀內禪, 立寧宗,尊后日太上皇后,上尊號日壽仁。 慶元六年崩,年五十

貴妃,亦舊侍東宮,次婕妤符氏,後出嫁於民間。 之,遂專寵。 黃貴妃,淳熙末在德壽宮,封和義郡夫人。 即位,拜貴妃。紹熙二年冬十一月,爲皇后李氏所殺。 光宗爲皇太子,傍無侍姬,上皇以夫人賜 帝聞而成疾。 又有張

宮意 寧宗恭淑韓皇后,相州人,其六世祖爲忠獻王琦。 **遂歸平陽郡邸**,封新安郡 夫人,進崇國夫人。 王受禪, 册夫人爲皇后。 初,后與姊俱被選入宮,后能順適兩 后父同卿,由

知泰州陸揚州觀察使,母莊氏,封安國夫人。

胄爲 后族, 慶元 同 卿季父侂胄, 六年崩、諡恭淑。 不 知同卿 自以有定策功, 乃后父也。 同卿累遷慶遠軍節度使,加太尉。慶元五年卒,贈太師,諡恭靖。 同 卿沒一年而后崩, 聲勢熏灼。 同卿每懼滿 院 育竟敗,人始服其善遠權勢云。 盈,不 敢干政。 時天下皆知佐 同

卿子峻,后兄也,官至承宣使。

恭 三年四月,進封 聖仁烈楊皇后,少以姿容選入宮,忘其姓氏,或云會稽人。 **〕婕妤**。 有楊 次山 者,亦會稽 人,后自謂其兄也,遂姓楊氏 慶元元年三月,封平樂郡

院胄見妃任權術,而曹美人性柔順,勸帝立曹。 五年,進婉儀。 六年,進貴妃。 恭淑 皇后 崩,中宮未有所屬,貴妃與曹美人 而貴妃頗涉書史,知古今, 性復機警, 俱有寵。 帝竟 韓

次山客王夢龍知其謀,密以告后, 后深銜之, 與次山欲因事誅侂胄。 會侂胄議用兵中

立之。

恐事 參知 橋 郎官張鐵皆預其謀。 側 俾皇子職入奏:「侂胄再啓兵端,將不利於社稷。」帝不答。 政 泄 率健卒擁住胄至玉津園,槌殺之。 1,俾次山擇廷臣 事錢象祖 ,嘗諫用兵貶信州,彌遠乃先告之。 開禧三年十一 可任者,與共圖之。 月三日,侂胄方早朝,彌遠密遣中軍統制夏震伏兵六部 復命關遠。象祖等俱赴延和殿,以殛侂胄聞,帝不 禮部侍郎 禮部尚書衛涇、著作郞王居安、前右司 史彌遠,素與侂胄有隙,遂欣 后從傍贊之甚力,亦不答。

之信,越三日,帝猶謂其未死。 后旣 誅侂胄,彌遠日益貴用事。嘉定十四年,帝以國嗣未定,養宗室子貴和,立爲皇子, 蓋是謀悉出中宮及次山等,帝初不知也。

賜名)站。 也,他日 者納之, 左右皆 |彌遠 而私 必置史爾遠於此地。」美人以告爾遠。 爾 遠爲 腹心,走白彌遠。 ·厚美· 一丞相,既信任於后,遂專國政,」城漸不能平。 人家,令何皇子動靜。 爾遠大懼,陰蓄異志,欲立他宗室子問爲皇子,遂陰 日, **站指興地圖示美人曰:「此瓊崖州** 初,站好琴,彌遠買美人善琴 医與肖

拜泣 曰:「內外軍民皆已歸心,苟不立之,禍變必生,則楊氏無噍類矣。」后默然良久,曰:「其 」彌遠等召畇入,后拊其背曰:「汝今爲吾子矣!」遂矯詔廢竑爲濟王,立畇爲皇

廢

事白后

,后不可,曰:「皇子先帝所立,豈敢擅變?」是夜,凡七

往反,后終不聽。

谷等乃

爾遠遣后兄子谷及石以

七年閏八月丁

酉,

帝大漸,

爾遠夜召昀入宮,后尚未知也。

列

入六五八

子,即帝位,尊皇后日皇太后,同聽政。

宗廟、社稷、宮觀,赦天下。五年十二月壬午,崩于慈明殿,壽七十有一,諡恭聖仁烈 十,帝率百官朝慈明殿,加尊號壽明仁福慈睿皇太后。十二月辛巳,后不豫,詔禱祠天地、 寶慶二年十一月戊寅,加尊號壽明。 紹定元年正月丙子,復加慈睿。四年正月,后壽七

鎮,尚理宗女周漢公主,官至左領軍衞將軍、駙馬都統。宗族鳳孫等,皆任通顯云。 次山官至少保,封永陽郡王。次山二子:谷封新安郡王,石永寧郡王。 自有傳。 姪孫

理宗謝皇后,諱道淸,天台人。父渠伯,祖深甫。 后生而黧黑,臀一目。

產益破壞。后嘗躬親汲飪。

后旋病疹,良已,膚蜕,瑩白如玉;醫又藥去目瞖。時賈涉女有殊色,同在選中。及入宮, 婢,事奚益?」會元夕,縣有鵲來巢燈山,衆以爲后妃之祥。|攑伯不能止,乃供送后就道。 理宗意欲立賈。太后曰:「謝女端重有福,宜正中宮。」左右亦皆竊語曰:「不立眞皇后,乃立 后獨在室,兄弟欲納入宮,諸父攑伯不可,曰:「卽奉詔納女,當厚奉資裝,異時不過一老宮 初,深甫爲相,有援立楊太后功,太后德之。理宗卽位,議擇中宮,太后命選謝氏諸女。

假 皇后邪! .」帝不能奪,遂定立后。 初封通義郡夫人(元),寶慶三年九月,進貴妃,十二月,

册爲皇后。

心,

乃 止

之,而帝禮 后旣立,賈貴妃專寵;貴妃薨, 遇益加焉。 開慶初,大元兵渡江,理宗議遷都平江、慶元,后諫不可,恐搖動民 閻貴妃又以色進。后處之裕如,略不介懷。 太后深賢

深甫、曾祖景之,皆魯王。宗族男女各進秩賜封賞資有差。 理宗崩,度宗立。咸淳三年,尊爲皇太后,號壽和聖福。 度宗崩, 瀛國公卽位, 尊為太 進封三代"父渠伯,魏王;祖

皇太后。太后年老且疾,大臣屢請垂簾同聽政,強之乃許。 加封五代。

潰, 陳宜中上疏請正其罪。太后曰:「似道勤勞三朝,豈宜以一旦罪而失遇大臣禮?」先削 以兵興費繁,痛自裁節,汰慈元殿提舉已下官,省汎索錢緡月萬。平章賈似道兵

其官,後乃置法貶死。

太后

與嗣 生,尙何 [君遭家多難,爾小大臣不能出一策以救時艱,內則畔官離次,外則委印棄城,避難 京朝官聞難,往往避匿遁去。 人爲?亦何以 見先帝於地下乎?天命未改,國法尙存。 太后命揭榜朝堂曰:「我國家三百年,待士大夫不薄。 凡在官守者,尚書省即與 偷

洌 傳 第 后 妲 下

轉

資,

負國

逃者,

御

史覺察以聞。」

中母,使勉之。十月,始還朝。 懦 無所長,日坐朝堂相爭戾。 德祐元年六月朔, 日食既,太后削「聖福」以應天變。丞相王爚老病,陳宜中、留夢炎庸 而張世傑兵敗於焦山, 太后又親爲書召夏貴等兵,曰:「吾母子不足念,獨不報先帝 宜中棄官去。 太后累召不至, 遺書宜

德乎?

」貴等亦罕有至者

社稷,臣,非所較也。」未幾,大元兵薄阜亭山,宜中宵遁,文武百官亦潛相引去 不至,太后怒而止。明年正月,更命宜中使軍中,約用臣禮。 宜中痛哭固請,不得已從之。 是月,大元兵破常州,太后遣陸秀夫等請和,不從。 明日當啓行,而宜中倉卒失奏,於是宮車已駕, 宜中即率公卿請遷都,太后不許, 宜中難之,太后涕泣曰:「苟存 日且暮而宜中

師,降封壽春郡夫人。 二月辛丑,大軍駐錢塘,宋亡。 越七年終,年七十四,無子。 瀛國公與全后入朝,太后以疾留杭。是年八月,

兄湙,宋時封郡王。 **姪堂,兩浙鎭撫大使,尙榮郡公主,暨、廛並節度使,端平初,頗干**

國政云。

度宗全皇后, 會稽人, 理宗母慈憲夫人姪孫女也 (10)。 略涉書史,幼從父昭孫知岳州。

阴慶初,秩滿歸,道潭州。 時大元兵自羅鬼入破全、衡、永、桂,圍潭州,人有見神人衞城者,

已而潭獨不下。逾年事平,至臨安。

間沒於王事,每念之,令人可哀。」后對曰:「妾父可念,淮、湖之民尤可念也。」帝深異之,語 大臣曰:「全氏女言辭甚令,宜配冢嫡,以承祭祀。」 處貴富,必能盡警戒相成之道。理宗以母慈憲故,乃詔后入宮,問曰:「爾父昭孫,昔在寶祐 論嵓大全黨,宜別選名族以配太子。臣僚遂言全氏侍其父昭孫,往返江湖,備嘗艱險; 會忠王議納妃。初,丁大全請選知臨安府顧嵓女,已致聘矣;大全敗,嵓亦罷去。臺臣 其

景定二年十一月,詔封永嘉郡夫人。十二月,册爲皇太子妃。弟永堅等補承信郎、直

秘閣。

人,各轉一官。五年三月,后歸寧,推恩姻族五十六人,進一秩。咸平郡夫人全氏三十二人, **废宗立,咸淳三年正月,册爲皇后。追贈三代,賜家廟、第宅。弟清夫、庭輝等一十五**

各特封有差。

朝于燕京。 后生子不育,次生瀛國公。十年,度宗崩,瀛國公立,册爲皇太后。宋亡,從瀛國公入 後爲尼正智寺而終。

生建國公是。 楊淑妃, 初選入宮爲美人。 宋亡,昰走温州,又走福州。 咸淳三年,進封淑妃。 衆推爲主,册妃爲太后; 推恩親屬幼節等三十四人進 封弟昺衞王。

修容俞氏所生 也。

妃聞之大慟,曰:「我艱關(11)忍死者,正爲趙氏祭祀尚有可望爾,今天命至此,夫復何言 至元 十四年, 共將張世傑葬之海濱 大軍圍且於海上。明年四月, 是卒, 昺代立。 十六年春二月, 景投海死,

逐赴海死。

蔡王似 祭王 |死後的追封,見同書帝系一之四〇、六朝綱要卷八。「以」字是「似」字之訛。 原作「蔡王以」,按宋會要后妃一之四欽成朱皇后條說:「生哲宗皇帝、楚王似。」楚王是 據改。

 Ξ 建康 卷二三改。 原作 「建寧」, 查苗劉亂後趙構往建康, 不是往建寧。 參考本書卷二五高宗紀、繫年要錄

慈寧宮 紹興五年春 原作「慈壽宮」,據下文及宋會要后妃二之六、繫年要錄卷一三二改。 按本書卷二三高宗紀、繫年要錄卷四三, 孟后實死於紹興元年四月庚辰, 此誤。

- 7. 芸 安樂郡王 本書卷四六五章淵傳、宋會要后妃二之八、繫年要錄卷一 四六都作「平樂郡王」。
- (圣) 謁家廟親屬遷官幾二千人 「二千」當爲「二十」之誤。 謁家廟推恩也。」宋會要后妃二之九載紹興十四年十月八日「皇太后款謁家廟,宗族推恩有差」 卯「詔贈皇太后故兄韋宗閔崇慶軍節度使,餘親屬遷官者十有九人,弟之女封夫人者七人,以款 繁年要錄卷一五二載紹興 十四年十月辛

幷列舉皇太后親屬遷官者的姓名和官職,人數與繫年要錄 同。

(+) 十二年卒 承上文紀元當是建炎,但建炎無十二年,按宋會要后妃三之一七、繫年要錄卷一

四

四、張實死於紹興十二年,此上應有「紹興」二字。

2 遷蘄州防禦使 安軍 **一**鎮撫使, 紹興時爲安撫使、經略安撫使, 「蘄州」原作「荆州」。按荆州宋初爲江陵府、建炎四年置荆南府、歸峽州、 非防禦州;繁年要錄卷一九九此條作 「蘄州」 荆門公

(元) 通義 那夫人 「義」原作「議」,宋無「通議郡」,而有通義郡,即眉州;本書卷四一理宗紀作「通義

據改

郡夫人」,

據改。

理宗 父全大節是兄弟,按行輩「則后爲慈憲之姪女,非姪孫女也」。 母慈憲夫人姪孫女也 考異卷七五說:全后之父全昭孫是全大中的嗣子,大中和理宗母之

列 傳 第 二 校 勘 記 (二) **戴閼** 本書卷四七瀛國公紀作「間關」,當是。

宋史卷二百四十四

列傳第三

宗室一

魏王廷美 燕王德昭 秦王德芳 秀王子偁附

維城之助焉 庶之家無甚相遠者。 所寓州縣,月有廩餼。 無補於事。 於是有矯其失者,而封建不復古矣。宋承唐制,宗王襁褓即裂土而爵之。 昔周之初興,大封建宗室,及其東遷,晉、鄭有同獎之功。 降至疏屬,宗正有籍,玉牒有名,宗學有教,郊祀、明堂,遇國慶典,皆有祿秩。 靖康之亂,

諸王駢首以弊於

金人之虐,

論者咎其無封建之實,

故不獲 至於宗女適人,亦有恩數。 然國祚旣長,世代浸遠,恆產豐約,去士 然其衰也,榦弱而枝強。 然名存實亡,

列傳第三 宗室一

ハナナナ

即位,尋議追復改葬,封其子孫。濮邸尊稱,言者惟務格非,不少避忌。宋末濟邸,國事將亡, 諫疏不息,必褒卹而後止。是蓋歷代之所難得者歟!表而出之,作宗室傳。 亦 可知矣。 雕 且宋於宗室,稍有過差,君臣之間,不吝於改,尤不憚於言。 東都之仁宗,南渡之高、寧,元良虚位,立繼小宗,大策一定,卒無動搖,磐石之固, 涪陵、 武功,眞宗

興,追封邕王,改曹王;弟光義,即太宗;次廷美;次光贊,幼亡,追封夔王,改岐王。 魏悼王廷美字文化,本名光美,太平興國初,改今名。太祖兄弟五人:兄光濟,早亡,宋

書門下平章事。開寶六年,加檢校太保、侍中、京兆尹、永興軍節度使。 建隆元年,授廷美嘉州防禦使。 二年,遷興元尹、山南西道節度使。 太宗卽位,加中書 乾德二年,加同中

令、開封尹,封齊王,又加檢校太師。從征太原,進封秦王。

使柴禹錫爲宣徽北院使兼樞密副使, 曹彬餞廷美於瓊林苑。以太常博士王遹判河南府事,開封府判官閻矩判留守事。以如京 京留守、賜襲衣、通犀帶,錢千萬緡〔〕,絹、綵各萬匹,銀萬兩,西京甲第一區。 七年三月,或告秦王廷美驕恣,將有陰謀竊發。上不忍暴其事,遂罷廷美開封尹,授西 楊守一爲東上閤門使充樞密都承旨, 賞其告廷美陰 詔樞密使

皆坐 延眞 功 一交通 也。 商 廷美及受其燕犒也。 州 左衞將軍、樞密承旨陳從龍爲左衞將軍, 長 史,禁軍列校皇甫繼明責爲汝州馬步軍都指揮使,定人王榮爲濮州教 **|**榮未行, 或又告榮嘗與廷美親更狂言:「我不久當得節帥。 皇城使劉知信爲右衞將軍, 弓箭庫使惠

坐削

籍,流海島

界遣趙· 大王。」 繋中 多遜受之。 承 ·書守當官(三)趙白、秦府孔 會趙普再相,廉得盧多遜與廷美交通事上聞。 旨 白以中書機事密告延美。 廷美遣樊德明報多遜云:「承旨言正會我意,我亦願宮車早晏駕。 李昉、學士扈蒙、衞尉卿崔仁冀、膳部郎 目官閻密、小吏王繼勳、樊德明、趙懷祿、閻懷忠等, 去年九月中,又令趙白 中兼御 上怒,責授多遜兵部尚書,下御史獄。捕 史知雜滕 |言於廷美云:「願宮車晏駕,盡力事 中正雜治之。 。」私遺多遜弓箭等 多遜自言: 命翰林

美親 玉帶、 酒,詣其妻父御前 廷美又遣趙懷祿私召同母弟軍器庫副使趙 信,嘗使求訪聲妓,怙勢取貨,贓汚 閻 金酒 密初給事廷美,上卽位,補殿直, 器, 懷忠受俶私遺白 忠佐馬軍都軍頭開封潘潾營燕軍校。 金百 兩、金器、 液藉。 仍隸秦王府,恣橫不法,言多指斥。 廷俊與語。 絹 樊德明素與趙白 扇等。 閻懷忠嘗爲廷美詣淮海王 至是,皆伏罪。 廷美又嘗遣懷忠齎銀盌、 1遊處, 多遜因之以結延美 王繼勳尤爲廷 一錢俶求犀 錦綵、羊

列

西京 將 男女等宜 第: 坐 輔 軍 導無狀 一,宜行 韓崇業降爲右千牛衞率府 趙白、 留 文武常多官集議朝堂。 守判官閣 正 **洗滅** 閻 名稱 也 密、王繼勳、樊德明、趙懷祿、閻懷忠皆斬於都門外,籍其家 以正 矩 為海州 貴州 一刑章。 防禦使德恭等仍爲皇姪; 司 戶參軍,前開封推官孫嶼爲融州司 趙白等處斬。」詔削奪多遜官爵,并家 太子太師王溥等七十四人奏。「多遜及廷美顧望 一率,仍去駙馬都尉之號:並發遣 皇姪女適韓氏去雲陽公主之號; |西京、就|延美居止。| 五月,贬 戸 多軍 屬流崖州 ·,皆秦王廷美官屬, 財。 詔:「秦王 廷美勒 一
呪
詛
, 右監門 廷 歸私

|氏卒。 哀 恩復舊, 「廷美 房州 防 成服。 他 變。」詔降廷美爲涪陵縣公,房州安置。 趙普以廷美謫居西洛非便,復教知開封府李符上言:「廷美不悔過,怨望,乞徙遠郡,以 自自 監察御 雍熙元年,廷美至房州 少剛愎, 遽茲 史袁廓通判 殞 逝, 長盆 痛傷奈何! 区 惡。 州 事, 股 、因憂悸 以 」因悲泣,感動左右,遂下詔追封廷美爲涪王,諡曰悼, 各賜白 同 氣 ·成疾而· 至 金三 親 白 妻楚國 不忍置之於法, 卒,年三十八。 兩。 八年 夫人張氏,削 正月, 俾居房陵,冀其 上聞之,嗚咽流 涪陵縣 國 封。 公廷美母 命崇儀 (思過。 涕,謂: 使習 陳國 学相 夫人耿 **湾進** ħ 欲 知

其後,太宗從容謂宰相曰:「廷美母陳國夫人耿氏,殷乳母也,後出嫁趙氏,生廷俊。 股

罪, 居守 腶 以 有 告 將泛舟往焉。 廷美故,令廷俊屬鞬左右,而廷俊泄禁中事於廷美。 但從貶宥。 西洛。 以其事者,若命有司窮究,則廷美罪不容誅。 l,禁中事,若非陛 而廷美不悔過,益怨望,出不遜語,始命遷房陵以全宥之。 股於<u>廷美,蓋無負矣!」言未訖,爲之</u>惻然。 廷美與左右謀,欲以此時竊發,不果,卽詐稱疾於邸,俟殷臨省,因而 下委曲宣示,臣等何由 股不欲暴揚其醜,及盧多遜交通 [知之。] 邇者,鑿西池,水心殿成,橋梁未備, 李昉對曰:「涪陵悖逆,天下共 至于廷俊,亦不加 事發,止令 爲變。 深

聞。

|普對 子。 意 得罪,普之爲也。 亟 誰 及 榻 之意訪之趙普 先朝自 無 前 濫 百.「臣 德昭 過,股不待五 爲 初 欲太宗傳之廷美,而廷美復傳之德昭。 昭昭 約誓書,普於紙尾書云「臣普書」,藏之金匱, 口愬之事 不得其死,德芳相繼 憲太后 願 備 樞 十,已盡 不豫,命太祖傳位太宗,因 普曰:「太祖已誤,陛下豈容再誤邪?」於是廷美遂得罪。 軸以察姦 上於宮中訪得普前所上章,并發 知 變。」退 四 夭絕,延美始不自安。 十九 年非矣。」辛亥,以普 「復密奏·「臣忝舊臣**,爲權**倖所沮。」 層謂 故太宗既立,即令廷美尹 趙普曰:「爾同記吾言,不可違也。」命普於 金匱得誓書,遂大感 命謹密宮人掌之。 已而柴禹錫等告廷美陰謀,上召問普, 爲司 徒兼侍 中。 悟。 因言昭憲太后 |開封, 或謂昭憲及太祖 他 日,太宗嘗 凡 召 1普謂 德昭 廷美所以遂 實稱 以 顧命 傳 本 X

列

傳

第

改封 年 追 圍 復 皇叔涪王廷美西京留守、檢校太師 至道 三月,詔擇汝、鄧地,改葬汝州梁縣之新豐鄉。 初 `命司門員外郎孫蠙爲皇姪、諸孫教授,廷美諸子之在京者肄業焉。 無中書令、河南尹、秦王; 張氏,楚國夫人。 仁宗即位,贈太師、尚書令。 徽宗即位, 真宗即位, 咸平一

魏

保康 神宗即位,拜感德軍節度使,改封榮。 者物故,則本宮之長封國公,其後以次受封。 軍留後; 子十人:德恭、德隆、德彝、德雅、德鈞、德欽、德潤、德文、德愿、 贈彰化軍節度使、安定郡王,諡和懿。 於是,德鈞子承簡屬最長,襲封徐國公,官至 承簡旣薨, 德雅子承**亮襲**封昌國 德存。 故事,皇族封王

愉 屬盡 嫡承襲。」詔可。 子、男,皆子孫承嫡者傳襲。 去 母弟,立庶子; 嗣。 年詔祖宗之子皆擇其後一人爲宗,世世封公,即與舊制有異。 故殺其恩禮。 熙寧二年, 克愉卒,子叔牙嗣。 無庶子,立嫡孫同母弟 韶宣祖、太祖、太宗之子,皆擇其後一人爲宗,世世封公,以奉其祀,不以服 乃以承亮爲秦國公,奉秦王廷美祀。明年薨,贈樂平郡王,諡曰恭靜。 三年,太常禮院言:「本朝近制,諸王之後,皆用本宮最長一人封公繼 元符三年,改今封。 若無嫡子及有罪疾,立嫡孫;無嫡孫,以次立嫡子同母弟; į 無同母弟,立庶孫。 曾孫以下準此。 按禮文,諸王、公、侯、伯、 合依禮令,傳

熙元 居 長寧郡侯,判沂州 因 一
免
官
。 含人韓檢、石補闕劉蒙叟分任二州通判。上臨遣之,曰:「德恭等始歷郡,善裨贊之。 年十二月,詔以德恭爲左武衞大將軍,封安定郡侯,判濟州 德恭字復禮,太平興國四年,以皇子出閣,拜<u>貴</u>州防禦使。 廷美卒, 復以 諸弟皆隨赴治所。 德恭爲峯州 刺史,弟德隆爲瀼州刺史,韓崇業爲靜難行軍 令高品衞紹欽送至州,常奉外歲給錢三百萬 廷美徙房陵,諸子悉從行, 德隆爲右武衞大將軍,封 ·司馬。 苟有 命起

將軍。 請,從之。 閼失而不力正, 止罪爾等。」 月,卒,年四十五。上臨哭之慟,廢朝三日。 承慶請,加贈護國軍節度兼侍中。 端拱 眞宗嗣位,就轉左武衞大將軍。 ·元年,進封德恭安定郡公。淳化四年,改左驍衞大將軍。 遷勝州團練使。景德初,改衡州防禦使。三年,被疾,子承慶刲股肉食之。 明道二年,追封高密郡王,諡慈惠。子承慶、承壽 咸平二年召赴闕,改封樂平郡公, 判號州 贈保信軍節度使,追封申國公。 天禧二年,從 至道二年,加左神武 乞奉朝

隸, 進所集廣韻字源 日 「李陽冰,唐室之秀。今克繼,朕之陽冰也。」訓子弟力學,一門登儒科者十有二人。 宗正薦之,仁宗親臨試,及令臨蔡邕古文法寫論語、詩、書; 承慶,官至和州團練使,卒贈武信軍節度使、循國公。子六人,克繼,善楷書,尤工篆 ,帝稱善,藏之秘閣。元祐五年,以定武軍節度觀察留後卒,贈開府儀同三 復詔與朝士分隸石經。

第

司、建國公、諡章靖。

侯。 武 勿忘 不下,子撫之抗章自列,乞如外官法。 人,登科者三。 拊 時,得出 仁宗曰:「宗子好學者頗多,獨爾以文章第進士,前此蓋未有也。殷欲天下知屬籍 試學士院 加領貿州刺史,終和州防禦使,贈鎭東節度觀察留後、會稽郡公。 視 軍 大 所學。」」叔韶頓首謝,旣退,又出九經賜之。 子 |叔 侍宴大淸樓,進所學虞世南書, 承壽, 將軍、成州團練使,贈同州觀察使、馮翊侯。 入禁中侍學,故仁宗待遇殊厚。 中等, 韶字君和,慶曆六年,與諸宗子帝前臨眞宗御書,選第一。 終南作坊使, 卒官唐州防禦使,贈崇信軍節度使、尹國公,諡孝齊。 先是,繼母無敍封法,叔充請於朝,詔從之,遂爲定制。 賜進士及第。 贈德州刺史、武當侯。 自太子右監門率府副 賜器加等。 朝廷從其請。 帝嘗御大淸樓召宗室試書,以克脩爲善。 子四人, 克己, 曉音律, 當作雅樂圖樂曲 遷右屯衞大將軍。 終右千牛衞大將軍,贈深州防禦使、 子叔充,父早世,異母弟叔瑁甚幼, 宗室正任有遺恩自 率遷右領軍衞將軍,入謝,命坐賜茶。 克脩字子莊,仁宗爲皇子 至和中,上書求試煩劇, 皇祐初,進所爲文,召 遺表祈任子, 此 藏書至萬卷。 始 有賢者,宜 終右 有司格 饒陽 子 叔 以

二年,從其子承訓之請, 德隆字日新。 雅熙三年,卒官沂州守,年二十三,贈寧遠軍節度,追封臨沂 加贈崇信軍節度、同平章事。 承訓官至順州刺史,卒贈深州 郡 公。

使。

躬引咎 沂州 累遷保信軍節度觀察留後。 留,有詔嘉獎。 釋。 獄,將置於法。 度使,追封信 進封 德 時年 鬆 齋 一郡公。 字可久,太祖召鞠於宮中。 戒 十九。 都郡王, 諡安簡。 致禱,旣而蝗自 **德彝疑其冤,命他** 眞宗初,召還。 淳化四年, 飛蝗入境,吏民請坎瘞 爲右監門衞大將軍,遷左武衞大將軍,改封廣平。 大中祥符八年卒,年四十九。 殪。 明道 咸平二年,命判滁州 司按之無異, 儒生乙恕者,郊居肄業, 二年,改封 德隆卒,授右千牛衛大將軍,封長寧郡侯,代兄德隆 |火焚之,||德彝日:「上天降災,守臣之罪也。」乃責 潁 因令緩刑以俟。 Ϊį ,與德恭並留不遣。 上臨奠,廢朝三日。 一日,有尸横舍下,所司捕恕 未幾,果獲殺人者,忽遂 三年,授徐州 部民詣闕乞 贈昭信軍 刺史, 得 節 抵 剉

|拱, 西京作坊使; 承謨,前卒; 承衎, 承矩,終莊宅使,贈博州 內殿崇班 ; 承錫, 供 刺 奉官。 史; 承勛至供奉官, 贈六宅副使; 承範、 承

公,終天平軍節度觀察留後,贈宣德軍節度、 **德雍字仲達**,淳化 初,授右驍衞將軍,歷右 同中書門下平章事, 7羽林、 龍武二將軍,累遷蔡州觀察使、咸寧郡 諡 康 簡 明道 中, 追封 庸

陵郡王。

子承 列 睦 傳 第 承亮。 Ξ 宗 承腔,終左領軍衛大將軍、 室 彭州團練、 虔州觀察使、 南 康侯; 承亮, 甘

秦國公,事見上。

景德二年,加右監門衛大將軍。 **德鈞字子正**, 性和雅, 善書翰,好爲篇什。 四年, 卒,贈河州觀察使,追封安鄉侯。 淳化初,拜右武衞將軍,四遷至右衞將軍。 時妻亦卒,男女十

四人皆幼,上甚嗟悼之。

敕書獎論。以宣州觀察使卒,贈開府儀同三司、和國公。 嘉之,詔:「承幹父子以藝文儒學名于宗藩,宜有褒勸。」於是追封承幹爲東平王,而賜克敦 賓副使;承翊,內殿崇班;承簡,襲徐國公;承幹,終懷州防禦使,贈保靜 子克敦,嗜經術,以宗正薦,召試中選,賜錢三十萬。一元豐間,集父承幹遺文以進,神宗 子承震,早卒;承緒,供奉官;承偉、承雅、承裔、承鑑、承則,並西京作坊使; 軍節度使、蕭 承裕, 國

德欽字丕從。 淳化元年,授右屯衞將軍,四遷右羽林將軍。 景德元年六月卒,年三十

德潤字温玉,頗好學,善爲詩。淳化元年,始授右領軍衞將軍,四遷右羽林將軍。 贈雲州觀察使,追封雲中侯。子承遵,西京作坊使。

六年二月卒,年三十九。 贈應州觀察使,追封金城侯。

百家,手自抄撮,工爲辭章。 德文字子矼, 淳化初,授右監門衞將軍,累遷滑州觀察使、馮翊郡公。 眞宗以其刻勵如諸生,嘗因進見,戲呼之曰「五秀才」,宮中由 少好學,凡經史

史旨。

祀

·節度使。

是悉稱之。

德文本廷美第八子,其兄三人早卒,故德文於次爲第五也。

帝封泰山、祀汾陰、

,德文必奏賦頌。

四子 , ::長滕王德秀, 次燕懿王德昭, 次舒王德林,次秦康惠王德芳。 **德秀、德林皆**

早亡,微宗時,追賜名及王封。

沖年, 兼 中書門下平 侍中,始封武功郡王。 燕懿王 欲其由 ·章事,終<u>|太祖之世,竟不封以王</u>爵。 德昭字日新,母賀皇后。 漸而進,授貴州防禦使。 是多郊祀,加檢校太尉。 韶與齊王廷美自今朝會宜班宰相之上。 三年二月,娶太子太傅王 乾德二年出閣。 開寶六年,授興元尹、山南西道節度使、 太宗太平興國元年,改京兆尹 故 事,皇子出閥卽封王。 <u>ر</u> ر 檢校太傅、同 太祖 移鎭 以德 / 永興, 昭

不利, 刎。 溥女,封韓國 又改越王。 上聞驚悔, 久不行<u>太</u>原之賞。 年, 從征幽州。 德昭喜愠 往 [抱其尸,大哭曰:「癡兒何至此邪!」贈中書令,追封魏王,賜諡,後改吳 軍中嘗夜驚,不知上所在,有謀立德昭者,上聞不悅。 不形於色。 德昭以爲言,上大怒曰:「待汝自爲之,賞未晚也! 眞宗卽位,贈太傅。 乾興初,加贈太師。子五人:惟正, 」德昭退而 及歸,以北 自 征

夫人。

從藹 同封。 慶曆 DO 守巽官至和州防禦使,贈武成軍節度使、楚國公。 年,詔封十王之後,以惟忠子從藹襲封潁國公,而惟吉子守巽以冀王後最長,與 從藹至齊州防禦使,贈武勝

惟吉,惟固

,惟忠,惟和

疾,自 沂州 保寧軍節度使、楚國公。從信卒,以惟忠之孫、從恪子世規襲封崇國公,官至右龍武 軍節度觀察習後、韓國公。 會稽郡王, 書請襲曾祖 防禦使以 力就 事,未幾薨。 至保信軍留後。 卒。 越懿王封不當,奪一官。 守巽子世清,累官茂州防禦使。 贈安化軍節度使、開府儀同三司、號王,諡恭安。 守異、從藹卒,以惟忠子從信襲封榮國公, 愛諸弟, 作棣萼會於邸中。 旣而議者是其說,乃遷越州觀察使,襲封 以本宮之長,得封 會元豐升附四后, 中國 官至雄州防禦使,贈 子令鄭嗣,元符三 受命告廟,方屬 公。 熙寧中, 越國公,進 大將軍

孫世準襲封安定郡王。 從 祀 先是、熙寧中、韶封楚康惠王之孫從式爲安定郡王、奉太祖祀。 由金州觀察使拜保靜軍節度使。 世準,從藹子也。 薨年六十八,贈開府儀同三司,追封成王。 爲人內恕外嚴,無綺羅金玉之好,凡天子郊廟,必 及從式薨,乃以懿王曾 世開襲

年,改今封。

封。

事銓擇。 世開 時宮僚有缺,不卽請,而以他官攝,故私謁公行。宗女當嫁,皆富家大姓以貨取, 宮官吳中爲御史,薦其學行,命試學士院,累召不赴。神宗褒異之,召對便殿, 世開悉言之,帝嘉納,欲以爲宗正,固辭,乃進一官。以其所列著爲令。 ,從海子、惟和孫也。 七八歲,日誦萬言,旣長,學問該治。 事後 母孝,撫孤 官至奉國 論 姪 不復 如己 事甚

Fi

軍 留後 薨 贈 開 府 儀同三司 , 追封 信王,諡 獻敏 世 雄 嗣

宗 六宮 IE 雄 子令 各 事 世 建 雄 學。 鑠 亦 寧 在 從 認 徽宗 几 選 年 中。 子, 薨, 卽 位,以 嘗請營都宅以 少力學知 牟 七 十五五 世雄 名。 於太祖之宗最爲行尊,拜崇信軍節度使,襲安定郡王,知 鮂 處 熙寧中, 太 疏 尉,追封淄王,諡恭憲 屬, 立三舍以訓學者。 詔宗子以材能 自表見者, 世 詔 福 用 襲封 其議, 官 長 置兩京敦宗院, 及學官以名

世 福 崇 從 信 子 官至 集 慶 軍節度使。 薨,贈儀王。 令盪襲 鹤。 令盪 一秦康 一曾孫 也

將 節 軍 度 使。 温 IF. 州 卒, 一,天聖 重 劊 練 使。 侍 1 年, 中, 坐 追 以 射殺親 封 久 同安 病, 事 郡 帝欲慰安之, 了官削 王, 官 諡 ||唐||靖。 爵 幽 由 之別宅。 保信軍 無子 以弟惟忠子 節度觀察留後、樂安郡 從讜少 好 學, 從讜爲 以 剛 嗣 褊 廢, 公特拜 官 至 遂自 左 龍 建 剄 寧軍 武

帝

悼之。

贈

濟南

侯

默、瑞 之。 哀號, 或 中 五. 夜 惟 禽賜之。 孝章皇后慰諭再三,始進饘粥。 歲 號 古 啼, 字 日 國 讀 必 濟州 祥, 常 書 自 乘 誦 起 防禦使、 母 撫 小 討 鄭 抱 乘 國 興及 帝 夫人 嘗 三歲, 小 射 陳氏。 鞍鞁馬, 飛 作弱 意 惟吉 弓 太宗卽位,猶在禁中,日侍中食。 發 命 輕 生甫 黃門擁抱, 而 矢, 中, 爾月, 植 惟 金錢 吉從 出 太祖命輦 爲 旁雀 入常從。 的 , 躍, 俾之戲 至 太祖 喜甚,帝 內 廷, 射 崩, 太平 惟 擇 + 亦 喜, 吉 發 二女媪 興國 裁 八 鑄黃 六歲, 中, 八年, 養視 金爲 帝 畫 甚 始 夜 奇 奇

大中祥符初, 子不得偕 左 出 三,改感德軍 羽 居 林 東宮,授左監門衞將軍,封平陽郡侯,加 軍 也。 大將軍。 節 封泰山, **真宗卽位,授武信軍節度,加同平章** 度。 至道二年,授閬州 明年,疾復作,上屢臨省之,親視灼艾, 以疾不從行, 詔許疾愈馳詣行在。 觀察使。 左驍衞大將軍,進封安定郡公。 凡 邸第供億, 事 時石保吉先爲使相,詔惟吉班其上。 還頓 車服賜與,皆與諸王埓,自餘 日給御膳, 鄭州, 惟古 爲營佛事。 迎 謁, 淳化四年, F 一勞問 三年五 遷 再

書褒答,仍付史館。 雅善草隸飛白,眞宗次爲七卷,御製序, 像、服玩、器用賜惟吉,歲時奠享,哀慕甚至。 惟吉好學,善屬文,性至孝。 追贈太尉,明道二年封冀王。 孝章皇后撫養備 命藏祕閣。 每誦詩至蓼莪篇, 涕泗交下, 宗室推其賢孝 子守節、守約、守異、守度、守廉、守康。 至, 其子守節,以父所書真草千文以獻,詔 親爲櫛沐。 咸平初, 以太祖孝章畫

月薨,時年四十

五。

廢朝

五日,贈中書令,追封南陽郡王至,諡

康孝。

諡僖穆。 南康 郡王,諡修孝。 守節,累遷彰化軍節度觀察留後、同知大宗正事。 子世永、世延。 世延,終右武衞大將軍、絳州防禦使,贈武寧軍節度觀察留後、彭城郡 世永,襲飛國公,官至鎮南軍留後,熙寧元年薨,贈昭信軍節度使、 卒贈鎭江 軍節度使,追封丹陽郡王,

守約, 列 終內園使、康州刺史,贈沂州團練使。 第 Ξ 宗 室 子世靜、世長。 世靜,至左武衞大將軍、均 八六七九

公。

張 州 軍 防禦使 信 英州 軍 節 惠 7, 卒贈 度觀察留後、 陳使,贈 鎭海 廣州 軍節度觀察留後、 濟陽郡公公。 觀察使、廬江侯。 北海郡公。 守巽及其子世清, 守麼,終供備庫副使,赠內藏庫使。 世長,終左武衞 事 見上。 大將軍 守度, 、解州防禦使, 終左領軍 守康,至供奉 一衞大 將 贈

惟固 字宗幹,本名元扆,太平興國八年,改賜名,授左千牛衞將軍。 是多卒。

宗 團 即位,改右千牛 練 使。 子從恪、從藹、從秉、從頴、從謹、 惟忠字令德, 八年卒, 衞 初名文起, 贈鄂州 大將軍。 觀察使, 太平 大中 興國 祥符 追封 從質 八年賜今名。 三年 江夏侯。 、從信 ٠, 進 左監門 明道二 從 讞 授右 衞大 年, 千牛衞 將軍、敍州 加 贈 將軍, 彰化軍節 刺 几 史。 遷右龍武 度使, 五 年, 追 進 軍 封 昌州 舒 國 眞

國公, 將 及 軍 第。 從恪,累官西染院使,卒,贈磁 齊州防禦使, 諡 安僖。 世 準、 世雄,並安定郡王 子世 贈武勝軍節度觀察留後, 一福,襲安定郡王 州 從信, 刺 從秉、從顯、從謹, 史、 封榮國公, 東萊侯。 追 對韓國 官至雄州防禦使, 子世規, 公。 並禮 子世豐,終太子 襲封崇國 資使。 從質 贈保 公。 寧軍 從藹 右 內殿崇班 衞 門終左 飾 奕 腹使、 追 鮰 衞 楚 從 進 大

惟和字子禮,端拱元年,授右武衞將軍,歷右聽衞 **肺** 武龍 武軍 右衞將 H. 大中 祥符 出

繼惟正

元年,領澄州刺史。 四年, 遷右千牛衞大將軍。 六年,卒,年三十六。 贈汝州防禦使、臨汝

明道二年,加贈永清軍節度觀察留後,追封淸源郡公。

稱其有理致。 惟和雅好學,爲詩頗淸麗,工筆札,優游典籍,以禮法自居,宗室推重。 及卒,上謂宰相王旦等曰:「惟和好文力學,加之謹愿,皇族之秀也, 嘗和御製詩,上 不幸短

命 」嗟悼久之,至於泣下。錄其稿二十二軸,上親製序,藏于祕閣。子從審、從誨。

官。 從誨,終左金吾衞大將軍、台州團練使,贈襄州觀察使、襄陽侯。 從審,終復州防禦使,贈寧國軍節度觀察留後、宣城郡公。嘗坐與人姦除名, 子世開,安定郡王,事 已而復

見上。

禮部員外郎王居正上言:「燕王親,太祖長子,其後當襲封。」議遂定。 世勿絕。今其封不舉,殷甚憫之。有司其上合封人名,遵故事施行。」時應、秦二王後爭襲封, 十五人,惟令時、令愿、令眼、令衿迹頗著,餘皆繼嗣,促促無足稱。 紹興元年,詔曰:「太祖皇帝創業垂統,德被萬世。神祖詔封子孫一人爲安定郡王,世 自紹與至嘉定,襲封

時坐交通城罰金。 其才,因薦于朝。 令時字德麟,燕懿王玄孫也,**蛋以才敏聞**。 宣仁太后曰:「宗室聰明者豈少哉?顧德行何 已而附內侍譚旗以進。 紹興初, 元祐六年,簽書潁州公事。時蘇軾爲守,愛 官至右朝請大夫。 如耳。」竟不許。「軾被竄,合 呂頤浩請以令時主

列傳第

=

宗

室

八六八二

1種,頗違淸議。 安定郡王。 行 1在大宗 IE 尋遷寧遠軍承宣使,同 司 」改右監門 帝命 易環 衞 衛官。 大將 軍 頤浩言: ·、榮州 知行在大宗正 防禦使, 「令時讀書能文, 權 事 知 行 四年薨, 在 大宗 恐不 貧無以爲殮, 正 須易。」帝曰: 事. o 遷 洪 州 帝 觀 令時昔 命戸部 察使 賜銀 事 襲 封

絹, 贈開 令矼 府儀同三司 紹興五年, 由邵武軍兵馬都監襲封, 授華州觀察使, 尋除同知大宗正事 0 踰

逢, 薨。 郎, 調 世逢生令愿,授右班殿直云了,遷東頭供奉官,累監州縣場庫。監 令魔字深之。 潁州簽判,歷綿州通 初, 懿王生昌州團練使惟忠(+), 惟忠生楚安僖王 判,累知蜀州、閬州、慶源府,召除衞尉少卿,擢秘閣修撰,再知慶源 司薛昂薦其才,易資 一從信, 從信 生益 公世 承 地

平 福州 府。 提 歸 再選 軍 刑 建炎二年,分西外宗子於泰州,命令愿知西外宗正 宗子 節 令矼 用戶部侍郎王俁薦,加直秘閣 因置 度 薨, ,得伯琮、 使。 司 ·焉。元懿太子薨,帝命令愿選藝祖後得三四人,尋擢集英殿修撰, 令應改閬州觀察使,襲封, 紹興 八十三年 伯浩養宮中,後選得伯政,性亦聰惠。 -薨,年 1 + 五 會建寧節度使 除同 贈 少師,後 知 大宗正事 士鄠知南外宗正司,以事去官,言者請 追封惠王,諡 事,除御營使司參贊軍事,挈宗子 高宗喜,轉令魔知泉州,尋與祠 踰 年,授鎭東軍 襄靖。 子 子游,官 承宣使,再遷保 知南外宗正。 至 避 湖 北 以

擇宗室文臣之廉正者代之,遂以命子游。 西、南外宗官用文臣,自子游始

州 軍興。 令詪由崇慶軍承宣使再襲封。 貢 腐,請歲出三之一以易新粟;水旱爲災,檢放不及七分處所,卽許振恤:皆從之。|令衿薨, 秦檜方柄用,安定郡王絕封者十餘年; 省朝廷降 IIII 鑄 令跟以爵遜令衿,乃陞令跟秘閣修撰(10),知台州,移知紹興府,召權戶部侍郎,領嚴、饒二 上試舍選合格, 授宣教郎, 錢局。先是,諸州錢監兵匠多缺不補,積其衣粮,號三分缺額錢,令詪請以其錢付諸監, 令跟蒞事明敏有風采,然在廣東日,嘗與副使章菱不協,陰中以法,陷一茂於死,世以此 令詪,字君序,以父任補右班殿直。政和中,遷成忠郎(云),召試,授從事郎。宣和二年,以 詔褒之。 銅本錢。 遷敷文閣直 又建議州縣賣官田計所入高下, [學士,特授左中大夫、知紹興府, 調信州永豐縣丞。中興初,累遷福州運判,兼提點刑獄公事。 隆興初,除同知大宗正事,奏減生日支賜丼郊祀賞給,以助 檜死,次令衿當封,適以事被拘,遂命令跟襲封。 守令進秩減磨勘有差; 州縣義倉多紅 引疾乞祠以歸,尋薨,年六 +

阿大臣,復罷。 言事忤旨, 令衿, 奪官。 嘉孝穆公世帙子也。 久之, 紹興七年,以都官員外 以事抵臨安,中丞李文會刻合於「昔爲大臣緩頰,今復奔走請託。」詔 博學有能文聲,中大觀二年含選。 郎召。 張浚罷,令衿請對留浚,言官石公揆論令衿 **靖康初**, 為軍器 少監。

列

趙鼎之子汾歸過衢,令衿贐之,侍御史徐嘉希恰旨,誣令衿與汾有密謀,何朝廷機事 訓朝政、 澤,五世 遜,追一官勒停,令南外宗正司拘之。 檜除召錫湖南提舉以報之,銜令衿,必欲置死地。 葬邑旁,令衿建堂合祠之,郡人感其化。 復爵。 下大理寺,俾汾自誣與張浚、李光等謀逆,而合衿預焉。獄上,檜病不能省,乃獲免。 二十六年,授明州觀察使,襲封。 而斬」之句。 侍御史董德元承風旨劾之,誣以贓私。 吏部直令衿,奏除**德安府**通判,遷知泉州。 通守汪召錫,檜兄壻也,頗疑合於,諷教官莫汲訴合於論日月無光,謗 引疾乞奉|燕王祠, 許之。 歸寓三衢。 韶下冷衿獄,案驗無狀,乃論冷衿謗訕 **嘗會賓客觀秦檜家廟記**, 泉屬邑有隱士秦系故廬,唐相姜公輔 尋加慶遠軍承宣使。 口誦「君子之 檜死,

王曾孫世凊。 興元年六月,令話得襲封,授寧州觀察使。 令話, 建炎末,爲右武衞大將軍、信州防禦使。 宣和中,又封秦王元孫令盪。 令盪卒,令庇年最長,禮官以爲小宗不當封。 二年七月薨,贈開府儀同三司 熙寧初,首封秦王孫從式,已而更封燕 十八年薨,贈開府儀同三司。

令擡襲封 使,襲封。 令德, 除金州觀察使。令擡薨,時秦王後無當襲者,武翼郎子揀屬燕王後,年又最長,得 令德貧,幾不能出蜀。 乾道元年爲武德郎。時安定郡王令詪換文階,大宗正司奏令德授定武軍承宣 七年,令德薨,令膨當封,以沈湎聲色,不任襲。 詔武德郎

元年 四年十一月,伯栩襲,授宣州觀察使。 襲封。子揀薨,九年九月,忠訓郎子肜襲,授客州觀察使。 十月, 忠翊郎子恭襲,授利州觀察使。 嘉定元年十月,伯柷襲,授福州觀察使。 八年十一 子恭薨,嘉定二年七月,子覿襲,授金州觀察使。 紹熙二年薨二十年八十餘。

月,伯澤襲,授潭州觀察使。

度使、同平章事。 日。 贈中書令、岐王及諡。 秦康惠王德芳,開實九年出閣,授貴州防禦使。 三年冬,加檢校太尉。 後加贈太師,改變王。子三人:惟敘、惟憲、惟能 六年三月, 寢疾薨, 年二十三。 太平興國元年,授興元尹、山南 車駕; 臨哭,廢朝五 西道節

贈同州觀察使、 使、同中書門下平章事、楚國公,諡惠恪。 慶曆 侃年, 齊國公。 詔封十王之後,以惟敍子從照封安國公,終左金吾衞大將軍、歸州 從照卒,以惟能子從古封安國公,終延州觀察使, 從古卒,惟憲子從式襲封舒國公。 贈保靜軍節度

團練使。

以 而 越王曾孫世準襲封安定郡王,而以從式子世恩襲爵爲楚國公,主楚王德芳之祀。 ,封安定郡王,終保康軍節度使,贈同中書門下平章事,追封榮王,諡安僖。 行尊者一人,裂土地而王之。使常從獻于郊廟,世世勿復絕。於是有司推擇,以從式應 神宗即位,謂創業垂統,實自太祖,顧無以稱。 乃下詔令中書門下考太祖之籍,以屬近 從式旣薨,詔 遷楚州

列

防禦使, 卒贈· 奉國 軍節度使,諡良僖。 徽宗即位,改封楚王爲秦王

河內侯 大 中 一样符 惟敍字懋功, 四年, 明道二年,加贈保靜軍節度觀察留後、高平郡公。 從 祀汾陰,拜左千牛衞大將軍。 性 純謹,頗好 學。 端拱 、初,授 左武 八月,卒, 衞將 軍, 年三十五 子從照,封安國公。 四 遷左 衞將軍、 贈懷州 領勤州 防禦使, 從溥,至右 刺史。 追 封

侍禁內殿崇班。

見上。 祥符 軍 累遷左羽林將軍、 九年五月卒,年三十八。 惟 從演 憲 字有則,美丰儀,少頗縱肆,長修謹,善射,好吟詠,多讀道書。端拱初,授左 ,禮賓副使。 領演州刺史,加左衞大將軍、領賀州團練使,眞拜資州 從戎、從戒、從湜,並內殿崇班 贈安德軍節度使兼侍中、英國 從賁,供奉官。 公。 子從式, 始封安定郡王 團 練 使 屯衞 大 中 將

惟能字若拙。 贈蔡州防禦使、張掖侯。 端拱初,授右屯衞將軍,累遷右神武軍將軍。 明道二年,加贈集慶軍節度觀察留後、南康郡公。 大中祥符元年五 |月卒,年

襲安國公。從善,內殿承制。從贄,崇班。

從 郁 生華陰侯世將, 安僖 秀王子偁,秦康惠王之後,高宗族兄也。 世將生東頭供奉官令僧,令僧生子偁。 康惠生英國公惟憲,惟憲生新興侯從郁 宣和元年, 舍試合格,調嘉興

是年,子伯踪生,後被選入宮,是爲孝宗

朝奉 令, 普安亦自 春,卒于 學,十五入 就傅, 息、 秀王 秀州 祕 l請持 子偁 召赴 。 諡 閣修撰,知處州。 大學,許依進士就舉,未出官者亦許入學聽讀,及一年,聽參選。」高宗納其說。 安僖。 服, 召對言:「宗室之寓于外者,當聚居官舍,選尊長鈴 都堂審察,改宣教郎印前,通 時孝宗爲普安郡王, 許之。 配張氏,封王夫人。 及普安建節, 已而乞祠,許之。 疑所服, 子 偁 判湖州,尋除直秘閣, 以恩贈太子 詔侍從、臺諫議 累官左朝 ,少師。 奉大夫。 旣爲 秦熺等請 東之。 賜五品服。 紹興 太子, 十三年秋致仕,明年 年未十五 解官. 加贈太師、 孝宗既封建 如南 附 班 入州 放事 國 小 ,

府 以 孝宗受禪 **沁藏神貌** 如濮王 ,稱皇伯,園廟 故 事。 之制未備 仍 班 詐 0 紹 熙元年,始即湖州秀園立廟, 奉神主, 建洞臨安

封

刑 司 幹辦 嗣 秀王 公 一伯圭 事 、除明州 字 禹錫, 添 差通 孝宗同母 判。 兄也。 孝宗 受禪 初,以恩補將仕郎,調秀州 Ŀ, 皇詔 除集英殿修撰、 知台 華亭尉,累官 州 至浙 西

州。 吏請沒入, 新學宮,命宗子入學,開以規矩。詔徙戍定海兵於許浦。 伯 在 郡 ,頗著政績,除敷文閣待制,改知 伯圭 不可? 戒其徒護喪及 貨以 歸 明 州, 陞 L 敷 文閣· 充沿海制 直 伯圭奏:「定海當控扼之衝,不 學士, 置 使。 以 蕃 〉憂去, 商 死 服 境 闋, 內, 遺貲 再 知明 巨

列

可撤備,請摘制司軍以實其地。」從之。

用之? 海 賊黨遂散。 寇猖 獗, 伯圭 以功進一官, 遣 人諭降其豪葛明,又遣明禽其黨倪德。 累陞顯謨閣、龍圖 閣學士。 在郡 十年, 二人素號桀點, 政寬和, 浚湖陂,均水 伯圭悉撫而

利 ;辨冤獄 嘗獲鑄銅者,不忍置諸法, 論令易業,民由是無再犯。

帶, 召 見,遷太保,封 加 淳熙三年, 少保,封滎陽郡王。 授安德軍節度使, 嗣秀王,賜甲第於安僖 高宗崩,入臨,充攢宮總護使,除少傅。 尋加開府儀同三司,充萬壽觀 同 側 使。 光宗卽位,陞少師。 朝德壽宮, 上皇賜玉 踰

夔 邸, 逐韶 而 臣 猶 .條上言:「治平中追崇濮邸,王子孫幾二十人,皆自環衞序遷其官。 非所以強本 責 伯 吏事 圭 諸子 他 ,得換班。 日或不免於議 支而固磐石 也 治則傷 前未 建 恩, 秀邸時,欲賦以 不則廢法, 曷歸之南 禄 則 不 免責 班 俾無 以更 今居南 更責 事 班者 今 ĪTĪĪ علا 建 師

軍節 紹 熙二 度使, 年 賜第還湖州 , 除判大宗正 ,尋薨于 事 , 建請 家。 別 計 聞, 立宗學,以教宗子。 帝爲 輟朝三日 追 超拜太師,免奉 封崇王 一,諡 憲 靖 朝 尋

問 潛龍 伯 時事,伯圭辭曰:「臣老矣, 圭 性 謙謹,不以 近 屬 自居。 郁 不復能記。」問至再三, 日 見, 行家 人 **禮,雖宴** 終不言。 私 隆 治, 執臣節 帝笑曰:「何太謹也。」益 愈 恭 日

愛重之。 Ŧī. 譲 寧宗嘉其志, 嘗欲廣其居,並湖爲複閣,有 詔 別議褒崇之禮, 司旣度材矣, 贈贊拜不名, 伯圭固辭而止。 **肩輿至殿門**。 子九人:師變、師揆、 阜陵成,遷中書令,凡

垂、師离、師禹、師皐、師岩、師彌、師貢。

通 判, ,師變請增廩,仍別給僦屋錢,以安其心。 间 直 夔 一秘閣。 字汝 ,初以祖恩補官, 尋知徽州、新學舍,進直 調太平州 一徽猷閣, 蕪湖簿。 帝稱善, 知湖州 隆興元年, 詔諸郡行之。 時歸 附從 改右承務郎, 軍 除直龍圖 加 廩於湖者衆, 閣,遷浙 歷台州、 西 不能 秀州

刑,改江東運判。

從。 政坐罷去。 池州軍 建 康務場往往奪民 ·帥霍政與守臣交上書相攻,詔師夔究曲直。 利, 爲害滋花, 師變首罷之。 守臣以郡計所资, 政密遣人求庇,師夔斥之,具言狀, 詣師夔詩復舊,不

入覲,除興寧軍節度使。 改秘閣修撰、知明州 侍父歸,父薨未踰月,師夔亦卒,年六十一。贈少師,追封新安郡王 寧宗卽位,加檢校少保,充阜陵橋道頓遞使。 銀沿海制置使,加數文閣待制,轉永慶軍承宣使。 阜陵 成,遷開府儀同 紹熙 元年,侍父

元吉 薦其材,上以 師揆字元輔,初補右 問史浩 承務郎奉祠。 浩言其聰爽可任。 除添差湖州簽判, 召對,除江東提舉。 改婺州 通判, 奏免失陷常平人毋責償 加直 「秘閣。 守臣韓

列

傳

第

=

改准南漕,尋遷淮西提 刑棄提舉,領屯田事。 奏以荒圩給軍士,其屯田爲民世業者勿奪,從

及代去,吏請獻羨錢二十萬,師揆曰:「後將病民矣。」除直秘閣,改江東轉運副使,加秘

閣修撰,知明州

超檢校太保、開府儀同三司,充萬壽觀使,襲封。 紹熙元年日日, 授觀察使。 寧宗卽位,除奉國軍承宣使,尋陞節度使。 開禧元年奉朝請,嘉定七年薨,贈太傅,追 召見,賜肩興,

封灃王,諡恭忠。

弟師禹,由保康軍**節度使**除開府儀同三司,襲封。 十六年,薨,贈太傅,追封和王,諡端

|萠。

校勘記

- (1) 錢千萬緡 「千萬」,本書卷四太宗紀、長編卷二三作「十萬」,疑此誤。
- 中書守當官 原作「中書守堂官」,按本書卷一六一職官志,中書省有 「守當官」,無「守堂官」,

「堂」當爲「當」之誤。長編卷二三正作「中書守當官」。

- 德文屬尊且賢 尊二 原作「祖」,據長編卷一五一、編年綱目卷一 二改。
- 四四 獎州刺史 「獎州」 原作「樊州」。 宋代無「樊州」,宋會要帝系一之二七、三之二都作 「獎州」,

至 追封南陽郡王 「郡王」原作 「郡侯」,據長編卷七三、宋會要帝系三之一七、東都事略卷一五吳

王德昭世家改。

(S) 贈張信軍節度觀察留後濟陽郡公 「張信」,宋會要帝孫三之二六作「彰寧」;「濟陽」,本書卷二

五宗室世系表作「濟陰」。 按本書地理志和卷一六八職官志都無「張信」、「彰寧」軍額, 只有

濟州的郡號,未升節鎮。 「彰信」軍額。 又據本書卷八五地理志,「彰信」是京東路曹州的軍額,郡號濟陰;而 世長如贈彰信軍節度觀察留後,例應封濟陰郡公。 疑當作「贈彰信軍 「濟陽」是

節度觀察留後、濟陰郡公」。

(七) 昌州 團練使惟忠 「惟忠」原作「惟固」。按上文惟忠於大中祥符五年進昌州團練使,有子從信;

惟固未進此職,亦無子。據改。

へえし 右班殿直 「殿直」原作「禁直」,按本書卷一六九職官志,有「右班殿直」,無「右班禁直」,據改。

(元) 成忠郎 由「成忠郎換從事郎」,與下文正合,作「承忠」誤。據改。 「成忠」原作「承忠」。按本書卷一六九職官志有「成忠郎」,無「承忠郎」;又「換官」條

3 者都是令誤;按文義亦當是。據改。 「令眼」原作「令衿」。繁年要錄卷一七一、一八〇、升秘閣修撰及下文各官職

列傳第三 校勘記

八六九二

 $\stackrel{\frown}{=}$ 紹熙二年薨 紀,紹熙二年十一月戊申,「安定郡王子肜薨」。 「紹熙」原作「紹興」。按上文爲乾道紀年,此處不當出「紹興」,本書卷三六光宗 據改。

CIEI 宣教郎 朝野 雜記甲集卷一秀安僖王條作「左宣敎郎」,此處省去「左」字;「宗」,應改作「宜」, 原作「宗教郎」,按本書卷一六九職官志無「宗教郎」而有「宣教郎」,繫年要錄卷五四、

음 紹熙二年 「紹熙」原作「紹興」。 上文爲淳熙紀年,此不當出「紹興」。 本書卷三六光宗紀,紹熙

晉 紹熙元年 二年六月丁亥,「以伯]生判大宗正 「紹熙」原作「紹興」。 事。 按師揆爲秀王諸孫,秀王封於紹興三十二年,此處不得有紹興 據改。

紀年; 本書卷三六光宗紀,紹熙元年七月癸丑,「詔秀王諸孫並 一援南班」。南班是宋宗子所授官,

敍遷之制,觀察使當爲南班之五遷官,師揆自屬「並授南班」之列,「紹興」係「紹熙」之誤,據改。 近屬自初除小將軍七遷爲節度使, 見沈括夢溪筆談卷 一故事二。 據本書卷一六九職官志武臣

宋史卷二百四十五

列傳第四

宗室二

漢王元佐 楚王元偁 周王元儼 昭成太子元僖 悼獻太子 商王元份 濮王允讓 越王元傑 鎭王元偓

次鎭恭懿王元偓,次楚恭惠王元偁,次周恭肅王元儼,次崇王元億。 太宗九子:長楚王元佐,次昭成太子元僖,次眞宗,次商恭靖王元份,次越文惠王元傑,

三,從獵近郊,冤走乘輿前, 漢恭憲王元佐字惟吉, 初名德崇, 母元德皇后。少聰警, 貌類太宗, 帝鍾愛之。年十 列 傳 筇 四 宗 室 太宗使元佐射,一發而中,契丹使在側,驚異之。 八六九三 從征太原、幽

薊。 太平 興國中,出居內東門別第,拜檢校太傅、同中書門下平章事,封衞王,赴上于中書。

後徙居東宮,改賜今名,加檢校太尉,進封楚王。

雅熙二年,疾少間,帝喜,爲赦天下。 初,秦王廷美遷涪陵,元佐獨申救之。 重陽日內宴,元佐疾新愈不與,諸王宴歸,暮過元佐 。延美死,元佐遂發狂,至以小過操挺 刃傷侍

第。曰(1):「若等侍上宴,我獨不與,是棄我也。」遂發忿,被酒,夜縱火焚宮。 詔遣 御 史捕

山,召還,廢居南宮,使者守護。諮議趙齊王遹、翊善戴元頓首請罪,帝赦之曰:「是子朕教 元佐,

詣中書劾問,

廢爲庶人,

均州安置。 宰相宋琪率百官三上表,請留元佐京 師。 行至黄

之猶不悛,汝等安能輔導耶?」

白,元佐遽曰:「管歸眞至矣。」帝聞之曰:「豈非爲物所憑乎?」封泰山,眞拜太傅,祀汾陰, 元佐生日,眞宗賜以寶帶。平居不接人事,而事或預知。帝嘗遣術士管歸眞爲醮禳,左右未及 真宗即位,起爲左金吾衞上將軍,復封楚王,聽養疾不朝,再加檢校太師、右衞上將軍。

不名。 鹵 即位,棄 遷 太尉兼中書令。又加太師、尚書令兼中書令,遂拜天策上將軍、興元牧,賜劍履上殿,詔書 海鼓吹導至永安, 陪葬永熙陵。明道二年,改封潞王。又改魏王。子三人:允升、允言、允成。 。時禁中火,元佐表停奉稟助完宮闕,不許。加兼遲州牧。仁宗爲皇太子,兼興元牧。仁宗 江陵牧。薨,年六十二,贈河中、鳳翔牧,追封齊王,諡 恭憲。宗室子弟特給假七日,以

坐坑殺女僕,鎖閉宮室外宅。 仁宗(三封王後,以允言子宗說恭憲王長孫,嗣封祁國公。皇祐中,坐帷薄不修除名,又 其子仲曼,官右武衞大將軍、道州刺史, 後因朝, 叩頭殿下泣

訴云:「父老且病,願納身官以贖。」神宗亦愍之,而未俞其請。出就馬, 氣塞不能言,及家而

卒。贈同州觀察使、馮翊侯。宗說幽死。

熙 寧三年, 以允升子宗惠襲封魏國公。 中書言宗惠不應封, 以恭憲庶長孫允言子宗

立嗣。

清乞襲父爵,奉漢王祀,詔從之。 |南康郡王。子仲來嗣,終金州刺史。 白書,旌其文雅。至是襲封,終武寧軍節度觀察留後,贈昭信軍節度使、同中書門下平章事 宗立從張揆學春秋。 太淸樓侍宴,預坐悉賦祼玉詩,宗立詩先成,仁宗稱善。 子不償嗣后。徽宗立,改封魏王爲漢王。不儻卒,子彥 屢賜飛

名元中,授右監門衞將軍,更賜今名。累遷澶州觀察使,封延安郡公,進武寧軍節度觀察留 允升字吉先,初発乳,養明德太后宮,太后親撫視之。元佐有疾,允升始出第。 眞宗賜

後,歷安德、建雄、安國軍節度使。景祐二年卒,贈太尉、平陽郡王,諡懿恭。

宗禮、宗且、宗悌、宗惠知名。

宗禮嘗侍宴太清樓,仁宗賦詩,命屬和,侍射苑中,復獻詩。 終虔州觀察使、成國公,贈

列傳

宋

八六九六

安遠 軍節 度使、 同中書門下平章事、韓國公。子仲翹、仲髦。

曰:「宗旦陪脫幼學,勤勞居多,此出朕意,豈應訴以常格?」所生母死,請別擇葬域,歲時奠 宗旦字子文,七歲如成人,選爲仁宗件讀。 同知大宗正事。 神宗卽位,拜崇信軍節度使、同中書門下平章 帝即位,獲超選、爲羣從所詆,上書言狀,帝

長屬籍十六年(13),宗子有過,優游誨導,一善必以聞。 事, 爲大宗正,賜方團金帶,非朝會得乘肩輿。元豐三年,封華陰郡王,加閉府儀同三司。 後遂著爲法。 治平中, 異時赴朝請者, 率以私丁給侍, 宗

旦建請,始得從官給。薨,贈太尉、滕王,諡恭孝,聽旗節印綬從葬。

使,贻保寧軍節度使、同中書門下平章事、東陽郡王,諡曰孝憲 亚 生母早世,宗悌不識也,聞父婢語平生,輒掩泣。 」歸帶而與之錢。 宗悌字元發,輕財好施。 所親用詐取藏鏹,得其狀,曰:「吾不以小故傷骨肉 故相王氏子持父所服帶求質錢,宗悌惻然曰:「宰相子亦至是 繼得其肖貌,繪而奉之如生。 恩。」竟不問 終明州觀察 所

,封魏國公,尋以旁支黜。終武昌軍節度觀察留後、江夏郡王,贈郯王。

兄允升勸止,悖慢無禮,貶副率,絕朝謁,出之別第。 復 成朝 謁, 允言,累官左屯衞將軍。 歷左監門衛大將軍、黃州刺史。 嘗託疾不朝,降太子左衞率府率,歲中復官。 天聖七年卒, 贈明州觀察使、奉化侯。 明道二年, 以祀汾陰恩,復率府率,還宮。 又坐笞侍 婢,而

鱛 安遠軍節度使,追封密國公。 子宗說、宗立至事並見上。宗育, 終右屯衞將軍, 贈潁州

防禦使、汝陰侯。

節度使兼侍中。 **允成** 終右神武將軍、濮州防禦使,贈安化軍節度使、郇國公。 子宗顏、宗訥、宗鼎、宗嚴、宗魯、宗儒、宗奭,皆爲環衞、刺史。 明道二年,加贈鎭江軍

|琪、 與兄 藩邸之設, 衙王 李昉請遵舊制, 昭 成太子元僖,初名德明。 德崇同日受封。 二年,元佐被疾,以元僖爲開封尹兼侍中,改今名,進封許王,加中書令。 止奉朝請而已。 不允。 八年,進封陳王,改名元佑。 元佐等尚幼,欲其知謙損之道,卿等無固讓也。」 宋琪等懇請久之,上曰:「宰相之任,實總百揆, 太平興國七年出閣,授檢校太保、同平章事,封廣平郡王, 韶自今宰相班宜在親王上, 宰相宋 與羣司禮絕; 上爲娶

濕州 備,得不自重乎?」淳化 元僖早入朝,方坐殿廬中,覺體中不佳,徑歸 雅 熙 團練使李謙溥女爲夫人,因謂宰相曰:「朕嘗語諸子,今烟偶皆將相大臣之家, 六禮具 元年,宰相呂蒙正復上言,乞班諸王下,詔不允。 府。 車駕遽臨視,疾已亟,上呼之猶能應,少頃 三年十一月已亥,

元僖姿貌雄毅,沈靜寡言,尹京五年,政事無失。 及薨,上追念不已,悲泣達旦不寐,作 **遂薨**。

上哭之慟,廢朝五

日,贈皇太子,諡恭

孝。

思亡子詩示近臣。

陳載 侍講 始韶 杖停 都 城 趸, 中 西 未 庫 並 外 佛寺招魂葬其父母,僭差踰 幾,人有言元僖爲嬖妾張氏所惑,張頗專恣,捶婢僕有至死者,而 部 毁張氏父母塚墓, 坐 稱太子之號焉。 員 裨 . 贊有 外郎閻象, 失, 端黜爲 並 乾興初, 親屬皆 坐 衞尉 輔 道 1配流。 無狀, 少卿, 制。 改盜 上怒,遣昭宣使王繼恩驗問,張縊 削 載爲殿中侍御史。 開封府判官、右諫議大夫呂端 無子,仁宗時,韶以允成子宗保出後昭成太子爲 枫 任冤。 韶停册禮,以一品鹵 許王府諮議、工部郎中趙令圖 元僖 簿葬。 死。 推 官、 左 不 右親吏悉 知。 職方員 真宗. 張又 即位、 外郎 於 決

之, 斛, 養宮中, 貰 歸本宮, 宗保 不 間 終身 生二歲,母抱以入見章獻后,后留與處。 嘗書「忍」字於座右 詔朔望出入禁省。 不 自 言。 」帝感悼, 以爲 遂 累官代州 優贈靜難 戒 熙寧七 防禦使, 軍 節 度使、 年 宗保 襲封 卒。 七歲,授左侍禁,帝親爲巾其首。 燕國 新平 神宗 郡王, 公。 臨 奠, 性 其子 諡 上仁恕, 恭靜 仲鞠 主藏吏盜米至千 泣 仲鞠亦好學能 日:「先臣 幼 久

孫

宗保卒,子仲恕嗣, 官至 忠州團練使,盜純僖。 子士盉嗣。 詩,

事親居

喪

以

孝

聞

宗北征,爲東京留守。薨年三十七,贈太師、尚書令、鄆王。 鎭 雍 東。 熙三年,改今名,加兼侍中、威武軍節度使,進封越王 商 眞宗卽位,加中書令,徙鎮永興、鳳翔, 恭靖王元份, 初名德嚴。 太平興國八年出閣, 改王雍 0 改名元俊, 永熙復土,爲山陵使,拜太傅。 淳化中,兼領建寧軍 改陳王,又改潤王。 拜同平章事, 治平中,封 改鎭寧海、 封冀王 眞

魯王。

意, 日, 以 無侍者,因輟宮人爲主湯劑。初,太宗崩,戚里皆赴禁中,朝哺臨,李多稱疾不至。元份生 次允懷,改允中,早卒;次則濮王允讓也。 元份故優容之。及是,復不欲顯究其罪狀,止削國封,置之別所。 元份子三人:長允寧; 必加鞭杖,或致死。 李以衣 元份寬厚,言動中禮,標望偉如,娶崇儀使李漢斌之女。 ,服器用為壽,皆飾以龍鳳。居元份喪,無戚容,而有謗上之語。 上盡知其所為, 上每有恩賜、詔令均給,李盡取之。 及元份臥病,上親臨問,見左右 李悍妬慘酷,宮中女婢小不如

舊國 也。 一、甚未 子仲先嗣。 允讓薨,以允寧子宗諤襲虢國公。 稱正 名之意 徽宗卽位,改封 如魯王 改封 魯王爲商王, 商王,其子尙襲魯國之類。 至熙寧三年, 韶曰:「宗室諸王追封大國, 以宗肅嗣封魯國公。 其令大宗正司改正。」制以 其世襲 宗肅,亦允寧子 7 孫尙仍

列傳第四 宗室一

寧遠

軍節度使、

魯

國

公仲先改封商國公。

虞世 將 軍 南楷法,眞宗賜詩激賞之。 允寧字德之, 四 遷右武衞、歷唐州團練、潁州 性至孝,因父感疾,恍惚失常。 又善射,嘗侍射後苑,屢破的,賜金帶器幣。 防禦、同州觀察使,進彰信軍節度觀察留後、武定軍節 既而嗜學,尤喜讀唐史,通 知近朝典故,工 初授右千牛 衞

度使。

景站

元年卒、贈太尉、信安郡王、諡僖簡

子宗諤、宗敏、宗孟、宗肅

落平章事任己。英宗即位,還所奪。元豐五 改榮恭,僕射王珪復駁之,遂諡榮思〔七〕。 給奉,仁宗以非兼侍中,令詰主吏, 宗諤: 封虢國公, 官累集慶軍節度使、 宗諤上章自陳,於是御史張商英劾其招權 年薨,贈太尉、韓王。 同中書門下平章事,進封豫章郡王。 太常諡榮孝,上省集議駁之, 立威等罪,坐 乞比外使相

軍留後,以嘗從英宗入慶寧,優贈鎭 如 此乎?」立償其直。 宗肅封魯國公。兄宗諤嘗亡寶器,意宗肅家人子竊之, 宗諤愧不取,乃施 海軍節度使、開府儀同三司、 語僧。 久之器得,宗肅 宗肅曰:「吾廉,不足取信兄弟 不復言。 北海 郡 王 元豐五年, ,終安化

封 所生母范氏,宗室子得封所生母,自宗敏始 宗敏終右千牛衞大將軍、文州 刺史, 贈越州觀察使、會稽侯。 頗涉書傳。 緣郊恩建請

越文惠王元傑字明哲,初名德和。 太平興國八年出閣, 改名。 授檢校太保、同平章事,

校太尉銀中書令、徐州 府 封 益 長 玉。 史、 、淮南鎭江 端拱初, 軍節度使。 加兼侍中、成都尹、劍南東西川節度。 大都督、武寧泰寧等軍節度使,改封兗王。 至道二年,改揚州大都督、淮南忠正 淳化 中, 徙封吳王,領揚潤大都督 軍節度。 咸平中, 再郊祀,皆爲終 眞宗卽位 一, 授 檢

獻,加守太保。六年七月暴薨,年三十二。

[]] ΠÎ 旣成, 言州縣鞭撻微民,以取 元傑穎悟好學,善屬 置酒召僚屬觀之。 詞,工草、隸、飛白,建樓貯書二萬卷,及爲亭榭遊息之所。 租 .稅,假山實租 翊善姚坦獨頫首不視, 元傑強之, 坦曰: 「坦見血山, 稅所爲耳。 語見姚坦傳中。 嘗作假 安得假

尉、尚書令, 及薨,眞宗聞之震悼,不俟旦, 追 封安王,諡 文惠, 後改邢王,後改 步及中禁門, 乃乘輦臨視, 哀動左右, 廢朝五 陳王。 無子。仁宗以恭憲王之孫、允言子宗 日。 贈太

望爲之後。

宗嘗 好 學樂善」 御 宗望字子國,終右武衞大將軍、舒州防禦使,贈安化軍節度使觀察留後、高密郡公。 延 和 一殿試宗子書,以宗望爲第 四字賜之。 卽 所居建御書閣, 帝爲題其榜 又常獻所爲文, 賜國 子監書, 及以 塗金紋羅御 書

子 仲郃 嗣。 熙寧三年,與商恭靖王孫宗肅等同 日封陳國公。 官至陳州觀察使。 卒, 諡

良僖。

子 -1-翮 闸。 父卒,徒行護喪數百里,路人嗟惻。 卒, 贈陳州觀察使。 徽宗即位,改封陳

王爲越王。

年,拜洪州 鎭靜難、彰化,進封寧王。郊祀、東封,悉爲亞獻,禮成,授檢校太尉兼侍中、護國鎭國等軍節 鎭 恭懿王元偓字希道。 都督、鎭南軍節度使。 端拱元年出閣,授檢校太保、左衞上將軍,封除國公。 眞宗卽位,加同平章事 ,封彭城郡王。 俄 加檢校 太傅,改 至道二

偓 興 內 判 頓 橋 首 府 道 三年,文武官詣闕請祠后土,元偓以領節帥亦奏章以請,詔許之。 謝 陳 頓 堯叟分導乘 、遞使。 及還, 明年, 加中 八興度清 書令,領成德、 車駕 入境, 津橋 元 上登鄈丘亭,目元偓曰:「橋道頓置 安國等軍節度,改封 偓奏方物、酒餼、 、金帛、茗藥爲貢,儀物甚 相王。 五年,加守太傅 一嚴謹 將行,命爲河、 ,爾之力也。」 元 盛 至 河 華管

和 日晡,從官退,上獨以中官從,幸元偁、元嚴宮,復宴元偓宮, 官,宮僚畢 真宗 日 自 會,賦 謂宰相曰:「朕每戒宗子作詩習 即位 以來, 七言詩。 屢以 元偓 學術勗宗子。 奉觴上壽, 、賜襲衣 射, 元偓首冠藩成, 如聞 ↑、金帶、E 頗精 習 器幣、 益自 將 如家人禮,夜二鼓而罷。 臨 **緡錢**,又 觀焉。」 |修勵 上每製篇什, 與宗室 因幸元偓 射 于 邸 第, 西 必令 六年, 南 宴從 亭。 屬

進位 太尉

年二月, 八 年七 換成德、鎭寧二鎭,進封 月,以榮王宮火,徙元偓宮於景龍門外,車駕臨幸。 帝臨哭,廢朝五日,贈太師、尚書令、鄧王,賜諡恭懿 徐王。 二年春,宮邸遺燼,燔舍數區,元偓驚悸,暴中風眩 是多,加棄尙書令。 天禧 元

薨,年四十二。

位, 勝喪,固 令,徙王 日 是爲仁宗。 ,贈太師、 子允酮, 元偓姿表偉異,厚重寡言,曉音律。 東平。 一辭起復。 八歲召入禁中,令皇子 尚書令兼中書令,追封相王,諡 神宗 母 7葬有 即位,拜太保、鳳翔雄武 日而允弱病篤,顧諸子以不得終大事爲恨。 致拜, 允弼不敢當。御樓觀酺, 得與王子並坐(云)。皇子即 後改封密王,又改王蘇。 軍節度使,朝朔望。 孝定。 熙寧二年,丁母憂,悲痛 治平中,追封韓王 薨,帝臨哭之慟,輟 英宗時,拜中 朝 書 不

節。 **允**弼 領宗正三十年,與濮安懿王共事 性端 重, 時然後言。 諸宮增學官員,允剛 ٠, 相友愛,為宗屬 已貴,猶 推敬。 日 至講席,延件讀官讀孟子

第 使 同) 火冒,急赴家廟,不恤其他,火亦不爲害。 子宗繢 知 大宗正 襲祖 事 恭懿王封爲韓國公。 神宗以其父允弼 司宗久, 卒,贈南康郡王,諡良孝。 故復選用之。 元祐中, 累遷彰德軍節度、 宗景 事 宗績弟宗景,以相州 母孝、居喪如 開府儀同三司、 不能勝。 觀 檢 居

列

第

四

宗

室

奪開府,旣 校 百] 空, 封濟陰郡王 而還之。 紹聖四年薨,年六十六,贈太師、循王,諡 宗景喪其夫人,將以妾繼室,先出之於外,而託爲良家女且納焉。 思。 坐

宗績旣卒,子仲響嗣,自平川節度使徙劍南西川。 徽宗改封韓王爲鎮王。

軍 楚恭 節 度使。 惠王元偁字令聞, **真宗卽位,加同平章事、安定郡王,進檢校太** 七歲授檢校太保、右衞上將軍、涇國公。久之, 傅。 景德二年,郊祀,遷宣德、保 領鄂州都督、武

寧啉 加 兼 TH 鎭 書令,改鎭南、寧國 進封 舒王。 大中祥符初,封泰山,加 軍節度使。 五 年,拜太保。 檢校太尉 兼侍中,移平江、鎭江 自 景德後,每有 大事 了,皆爲 軍 終獻 從 祀 汾陰,

臨 一、蔡王。 間 數四 元 偁 體 有集三卷、筆札一卷, 素羸多病,上幸眞源, 七年,薨,年三十四。 上爲製序,藏之秘閣 廢朝 時已被疾, 五日,贈太尉、 懇求扈從。 尚書令,追封 子允則,官 至 鹿邑疾甚,肩 室右 曹王 千牛衞 ,諡恭惠。 興先歸 大將軍 後 車 改 ·駕還, 卒。 封 華

直 安仁 內父爵高者 議爲定制。 允則無子,以平陽懿恭王之子宗達爲後。 先 是, 諸王 子 聽從高 安仁 授官,即爲 清 廕,其事 以 宣 諸 祖 衞 緣特旨 太祖 將軍 ·,餘以父官及族 者不以 太宗 孫 為例 熙寧三年,襲封蔡國公。 初廕授將軍 詔 屬親疏差等。 中 書 曾孫授 門下、 樞 右侍禁, 天禧 密 院參定行之。 鄰家失火,盜因爲 元 年, 玄孫 令宗正 授右 班 卿 趙 殿

竊宗達所服帶,既而得之,且知其主名,貸不 安化軍節度使、開府儀同三司、高密郡王。 問。 子 仲約 浚 并得 鍛,復 投之。 嗣。 徽宗即位,改封蔡王爲楚王。 官累武信軍留後。

以年二十始就封,故宮中稱爲「二 周 恭 肅王元儼,少奇穎,太宗特愛之。 十八太保」,蓋元儼於兄弟 每朝會宴集,多侍左右。 中行第八也。 帝不欲元嚴早出宮? 期

城、武 下平 州 海、安化軍節度使,封彭王,進太保。 奪武信節, 加 室,授荆 (拜不名, 又賜詔 大都督,改通王、 兼 章 侍 眞宗 成 中, 事 南、淮 節度, ,加檢校太傅,封廣陵郡王。 卽位,授檢校太保、左衞上將軍, 改鎭 降封 南節度大使分,行 封孟王, 改永興 端王, 安靜、武信,加檢校太尉; 書不名。 涇王。 出居故財 仁宗卽位,拜太尉、尚書令兼中書令,徙節 天聖七年,封鎭王,又賜劍履上殿。 鳳翔、京兆尹, 馬都 荆州、揚州牧,仍賜入朝 尉石保吉第。 仁宗爲皇子, 封泰山 祠太清宮,加兼中書令。 其曹國公。 封荆王,遷雍州 ,改昭武、安德軍節度使,進封榮王, 加太傅。 每見帝, 明年,爲平海軍 不趨 痛 歷橫 鳳翔牧。 自 明道 引過, 海 坐侍婢縱火,延 初, 永清保平定國 鎭安、忠武,封定王,賜 節度使, 帝憫憐之。 景祐二年大封拜宗 拜太 師, 拜同中書門 換河陽三 節度、陝 祀汾陰 燔禁中, 尋加 鎭

元嚴廣類豐頤,嚴毅不可犯,天下崇憚之,名聞外夷。 事母王德妃孝, 妃每有疾,

藥,晨夕盥潔焚香以禱,至憂念不食。 母喪,哀戚過人。平生寡嗜慾,惟喜聚書,好爲文詞,

頗善二王書,工飛白。

人事,故謬語陽狂,不復預朝謁。及太后崩,仁宗親政,益加尊寵,凡有請報可, 方陝西用兵,上所給公用錢歲五十萬以助邊費,帝不欲拒之,聽入其半。 仁宗冲年即位,章獻皇后臨朝,自以屬尊望重,恐爲太后所忌,深自沉晦。 **嘗問翊善王** 因闔門卻絕 必手書謝

|換曰:「元昊平未?」對曰:「未也。」曰:「如此,安用宰相爲。」聞者畏其言。

憂形于色,親至臥內,手調藥,屛人與語久之,所對多忠言。 賜白金五千兩,固辭不受,曰: 諡 臣 恭肅。 ·羸憊且死,將重費家國矣。」帝爲嗟泣。明年正月薨,贈天策上將軍、徐克二州牧、燕王, 慶曆三年多,大雨雪,木冰,陳、楚之地尤甚。占者曰:「憂在大臣。」旣而元儼病甚。 比葬,三臨其喪。 詔以元儼墨跡及所爲詩分賜宰臣,餘藏秘閣。

子十三人: 允熈、 允良、 允迪、允初,餘皆早卒。 熙寧中, 以允良子宗絳嗣封吳國公。

徽宗改封吳王爲周王公。

允熙終右監門衞將軍、滁州刺史,贈博州防禦使、博平侯。

中, 至太保、中書令。 允良 歷 五 節度,領寧海、平江 好酣寢,以日爲夜,由是一宮之人皆畫睡夕興。 兩軍, 封華原郡王,改襄陽,由同中書門下平章事、兼侍 薨,贈定王, 有司以

其反易晦明,諡曰榮易

允迪累官耀州觀察使。 居父喪不哀,又嘗宮中爲優戲,爲妻昭國夫人錢氏所告。 制降

右監門衛大將軍,絕朝謁,錢氏亦度爲洞眞道士。

臨奠,以允初後事屬其兄允良,乃以允成孫仲連爲之後。 累遷寧國軍節度使、同中書門下平章事。 **允**初, 初名允宗,勤於朝會,雖風雨不廢。 治平元年卒, 未嘗問財物厚薄,惟誦佛書,人以爲不慧。 贈中書令、博平郡王。 無子。

崇王元億,早亡,追賜名,封代國公。 治平中,封安定郡王。 徽宗卽位,加封崇王。

|真宗六子:長||温王禔,次||悼獻太子||祐,次|||王祗,次||信王祉,次||欽王||祈,次||仁宗。

所皆蚤亡,徽宗賜名追封。

悼獻太子祐,母日章穆皇后。 咸平初, 封信國公。 生九年而薨, 追封周王,賜諡悼獻。

仁宗卽位,赠太尉、中書令。 列 二年,追册皇太子。

傳 第 四 宗 室

仁宗三子:長楊王昉,次雍王昕,次荆王曦,皆早亡。 徽宗時改封。

州 年,封 封 子有好學,勉進之以善,若不率敎,則勸戒之,至不變,始正其罪,故人莫不畏服焉。 刺史。 濮王 牛衞將軍。 濮安懿王允讓字益之,商王元份子也。 汝南郡王,拜同平章事,改判大宗正司。 ,諡安懿。 仁宗卽位,授汝州防禦使,累拜寧江軍節度使。 周王祐薨,眞宗以綠車旄節迎養于禁中。 仁宗在位久無子,乃以王第十三子宗實爲皇子。 天資渾厚,外莊內寬,喜愠不見于色。 嘉祐四年薨,年六十五,贈太尉、中書令, 仁宗生,用簫韶部樂送還邸。 上建陸親宅,命知大宗正寺。 仁宗崩,皇子卽位,是爲 始爲右 慶曆 官衞 追 20 宗

治平元年,宰相韓琦等奏:請下有司 議濮安懿王及譙國夫人王氏、襄國夫人韓氏、仙遊

縣引任氏合行典禮。詔須大祥後議之。

二年,乃詔禮官與待制以上議。 翰林學士王珪等奏日:

母 者之祖父母妻,妻之父母昆弟,昆弟之子若子。」謂皆如親子也。又「爲人後者爲其父 · 傳曰:「何以期?不二斬,持重於大宗,降其小宗也。」「爲人後者爲其昆弟」 傳曰: 謹按儀禮喪服:「爲人後者」傳曰::「何以三年也? 受重者必以尊服服之。」「爲所後

「何以大功?爲人後者降其昆弟也。」

引以爲聖朝法。 帝王有自旁支入承大統者,或推尊其父母以爲帝后,皆見非當時,取議後世,臣等不敢 先王制禮, 尊無二上, 若恭愛之心分於彼, 則不得專於此故也。 是以秦、漢以來,

惟宗廟之重,祗承天地之意,於宗室衆多之中,簡推望明,授以大業。 子,然後繼體承祧,光有天下。 况前代入繼者,多宮車晏駕之後,援立之策或出臣下,非如仁宗皇帝年齡未衰,深 陛下親爲先帝之

孫孫萬世相承,皆先帝德也。 大國,譙國、襄國、仙遊並封太夫人,致之古今爲宜稱。 濮安懿王雖於陛下有天性之親,顧復之恩,然陛下所以負扆端冕,富有四海,子子 臣等竊以爲濮王宜準先朝封贈期親尊屬故事,尊以高官

爲兄,於皇帝宜稱皇伯而不名,如楚王、涇王故事。」 於是中書奏。王珪等所議,未見詳定濮王當稱何親,名與不名。」珪等議:「濮安於仁宗

列傳第四 宗室二

八七一〇

皆稱父爲皇考。 中書又奏:「禮與令及五服年月敕:出繼之子於所繼、所生皆稱父母。又漢宣帝、光武 今珪等議稱濮王爲皇伯,於典禮未有明據,請下尚書省,集三省、御史臺議

以聞。」禮官范鎭等又奏:「漢之稱皇考、稱帝、稱皇,立寢廟,序昭穆,皆非陛下聖明之所法, 宜 如前議爲便、」自是御史呂誨等彈奏歐陽脩首建邪議、韓琦、曾公亮、趙槩附會不正之罪, 方議而皇太后手詔詰責執政,於是詔曰:「如聞集議不一,權宜罷議,令有司博求典故

稱親,濮安懿王稱皇,王氏、韓氏、任氏並稱后。」 前 史, 乃知自有故事。 旣 而 內出皇太后手詔曰:「吾聞羣臣議請皇帝封崇濮安懿王, 濮安懿王、譙國夫人王氏、襄國夫人韓氏、仙遊縣君任氏, 至今未見施行。 可令皇帝 吾載閱

固

請

如王珪等議

塋爲 園,即園立廟,俾王子孫主奉祠事、」 事方施行,而英宗卽日手詔曰:「稱親之禮,謹邍慈訓;追崇之典,豈易克當。 且欲以

詔 等力辭臺職。 稱 「權罷集議」,後詔又稱「且欲以塋爲園」,卽追崇之意未已。」英宗命閤門以告還之。 翌日, 海等以所論列彈奏不見聽用, 繳納御史敕告, 家居待罪。 海等既出,而濮**議**亦寢。 至神宗元豐二年,詔以濮安懿王三夫人可並稱王夫 海等所列,大抵以為前

追封舒王。 卒,贈武康軍節度使、洋國公,盜曰良。仲鸞弟仲汾,幼喜書史,一讀成誦。 王二十八子。 。子仲鸞,常州防禦使。父薨,諸子皆進官,獨不忍受。 長宗懿, 英宗時爲宿州團練使,封和國公。 神宗以宗懿濮安懿王元子, 喜翰墨,樂施與,九族稱 居父喪,鄰

於毁瘠。卒官萊州防禦使,贈昭化軍節度使、榮國公。

神宗卽位,加 宗樸率近屬敦勸,乃入。治平中,建濮王園廟,宗樸遂拜彰德軍節度使,封濮國公,奉王治。 開府儀同三司。 仲全,父殁,不食者數日。 次宗樸,爲隴州防禦使,封岐國公。 同平章事兼侍中,進封濮陽郡王。 母葬時,天大雪,步泥中扶翼,道路歎惻。 宗樸與英宗友愛。 薨,贈太師、中書令,追封定王,諡僖穆。 初,韶英宗入居慶寧宮,固辭, 以潤州觀察使卒、贈

宗樸既薨,宗誼襲封。 官至昭化軍節度使、同中書門下平章事。 薨, 贈太師、中書令、

廣陵郡王,諡莊孝。

宗暉,元豐中,以淮康軍節度使襲濮國公。

安懿王及三夫人改祔,命爲誌并題神主,加

年薨,年六十七,贈太師,追封懷王,諡榮穆。 同 中書門下平章事、開府儀同三司,進嗣濮王。 子仲璲。先是,濮國嗣王四孟詣洛享園廟,以 哲宗立,改鎭南節度使、檢校司徒。 紹聖元

列傳

八七二二

餘年。 河 南府縣官充亞、 父喪,哀痛不能勝,纔服除而卒。 終獻。 宗暉之襲封也,神宗始命以其子爲之,仲璲遂以終獻侍祠, 官右監門衛大將軍、合州 刺 史。 凡十

望,世稱其忠。 薨,年六十五,贈太師、昌王,諡端孝。 治平將郊而雨,或議改給享,英宗訪諸宗晟,對曰:「陛下初郊見上帝,盛禮也,豈宜 至誠感神,在陛下精意而已。」帝嘉納。 宗晟,紹聖元年六月,以武安軍節度使判大宗正事,加檢校司 宗晟好古學,藏書數萬卷,仁宗嘉之,益以國子監書。 及郊,雨霽。 帝數被疾,密請早建儲貳,以係天下之 徒,嗣濮王。 明年三月 改 10

行,疾遂亟。 嗣 王以四時詣祠所,宗愈方屬疾,或曰不可以暑行,曰:「吾身主祀而不往,非禮也。」強興以 宗晟薨,哲宗紹聖二年四月,宗愈以鎭安節度使、開府儀同三司、檢校司徒嗣封。 是年八月薨,年六十五,贈太師,追封襄王,諡恭憲。 故事

宗綽嗣,官至河陽三城節度使、檢校司徒。紹聖三年二月薨,年六十二,贈太師,追封

榮王,諡孝婧。

我先王,而浮食厚禄,安乎! 武昌節度使,嗣濮王。 宗楚,累拜武勝軍節度使、開府儀同三司,封南陽郡王。紹聖三年三月,以檢校司徒改 既嗣爵,當詣園薦獻,會疾,以弟宗漢代行,數曰:「不能親奉篡豆,饗 」請以餠授弟,不許。 四年六月薨,贈太師、惠王,諡僖節。

從之。 詔 以宗祐 宗 累遷淸海軍節度使、開府儀 祐 爲後,泣曰:「臣不幸幼失怙恃, 克己自約,蕭然若 寒士,好讀書,尤喜學易。 同三 司 將終身悲慕 , 封 乘城 称王。 嘉站 忍爲人後乎 紹聖四年八月,加檢校 中,從父允初未立嗣,咸推其賢, 年春,又亟往, 遂薨于祠下。 敢 以死請。 」仁宗憐 司徒,嗣 濮 而

贈太師,追封欽王,諡穆恪。

王。

時已病,

當

祠

園廟,不肯移疾,

自秋

涉多連往來。

元符元·

使、開府儀 檢校司徒、太保、太尉。帝幸濮邸, 三年八月薨,赠太師,追封景王,諡孝簡 宗漢, 同三司、檢校司空嗣濮王。 英宗幼弟也。 累拜保寧軍留後、鄴國公、東陽安康郡王。 遷其子孫官。 徽宗即位 宗漢善畫,嘗作八鴈圖,人稱其工 ,徙寧江、保平、泰寧三鎭 時安懿王 諸子獨宗漢在 元符初,以彰德軍節 恩禮隆腆。 判大宗 仲增 ĪF. 嗣 事 九月 大 觀 度 加

仲 增, 濮王孫, 於屬為長,故封。 官至彰德軍節度使、開府儀同三司。 政和五年

薨,赠少師,追封簡王,謚穆孝。

寧軍 若素習者。 須終制。 節度使、開府儀同三司嗣封。 |仲御,自幼不羣,通經史,多識 累遷鎭寧、保寧、昭信、武安節度使, 帝每 見必加優禮,稱爲嗣王。 天寧節遼使 朝廷典故。 宣和四年五月薨,年七十一,贈太傅,追封郇王, 封汝南、華原 在 居父宗晟喪,哲宗起知宗正, 延,宰相 適謁 郡王 告 仲 政 御 和 rfi, 攝 事 以 力辭、 , (檢校 率 百僚 詔虛位 少傅、泰 上壽, 以

盆康孝。

寧定武, 仲 `檢校少保、少傅。 徽宗即位,拜建武節度使,爲大宗正 宣和五年六月薨,年七十,贈太保,追封恭王 , 加開府儀同三司, 封江夏郡王,徙節泰

仲 理嗣。 |靖康 初,爲安國軍節度使,加檢校少保、開府儀同三 司

嗣 濮王者, 英宗本生父後也。 治平三年,立濮王園廟。 元豐七年,封王子宗暉爲嗣濮

世世不 絕封。 高宗南遷,奉濮王神主于紹興府光孝寺。

薨, 累遷 遷, 大宗 每 日「以民 逆玩玩 帝爲 乃詔 密州 ĪF. 仲湜字巨源,楚榮王宗輔之子,安懿王孫也,初名仲泹。 事 不 輟 仲湜 · 、未行, ·去手, 膏 觀察使、 朝,賜其家銀帛,追 MI. 襲封, 易無用 大者 知 西外宗正 加開 之物,股 一株至以 府 儀 康王 對儀王 同三司, 事、保大軍承宣使。 所不 数百 即帝位于南京,仲湜由漢上率衆徑謁。 忍。 千售之。 」仲湜慚不 諡恭孝。 歷檢 校少保、少傅。 高宗嘗問墜地則何 仲湜事母 能 欽宗嗣位,授靖海節度使,更今名。 以孝聞,喜親圖 紹興元年,充明堂亞獻。 熙寧十年,授右內率府 如,仲湜對曰: 史。 時嗣濮王仲理北 性酷嗜珊 「碎矣。」帝 副率。 七年, 召知 瑚,

宗正事, 子 士從、 主管高郵軍宗子。 士街 籛、 士衎、士歆。 士從招潰卒置屯, 士從, 靖 奏假江、淮制置使,許之。 康 末,爲洺州 防禦使。 建炎二年,同 賊李在犯楚州,士 知西外

置之。」詔可其奏。 復舊制。 舟,罷官。 正 使,主奉濮王 地 州 從 遣部 事。 縣, 奉安神位 韶加獎諭 士從 將乘 隆興元年,上言:「宗司文移視官敍高 三十 已而 一從之。 不 、虛掩襲,狃於小勝,軍無紀律,敗績。 洞事 能 年,拜安德軍節度使。 詔歸南班,奉朝請。 制, 士衎, 遂 六年, 初,以軍 士街 紹興 官至崇慶軍節度使、 興,南班宗子權罷歲賜,至有身歿而不能殮者,士街言于朝, 四 授象州防禦使, 年, 隆興中,以 典宗司凡十四年。 遷涇、洪 下, 邊事 知西外宗正事。 令眼,臣兄也,位反居臣下,失尊卑敍, 遷華州觀察使、同知大宗正 州 士從移司衡、温二州。 未寧,與土籛奏減奉給恩賞之半以助軍 觀察使,權 士籛官至安慶軍節 知濮王園令。 右諫議何溥論 臣僚以其弟士籛撓 度使、同知大宗 事、安慶軍承 士從乞擇 士

行

強 一乞易 利 市 海 詔 便

忠州 防禦使。 仲儡 ||仲儡生而 ,景王宗漢子 紹興中,遷濟州 不慧,以次得封。 也。 初授右內率府 知南外宗正事。 入見楊前慟哭,帝驚問故, 副率,轉右監門衛大將 八年,加檢校 答語狂謬, 少保、 軍。 向德軍 建炎末,授武 帝優容之。 節 度 使, 功大夫、 襲封嗣

薨,上輟朝三日,追封瓊王,諡恭惠

專政,罷襲,檜死,始封土後。 士後,安懿王曾孫也。 紹興二十五年十一 踰年薨,贈少師,追封思王,諡温 月襲封,除崇慶軍節度使。 初,仲儡薨,秦檜

八七一五

朱 史

卷

百

士俊弟 也 紹興二十八年,由建州觀察使襲封,授昭化軍節度使。 初,懿王神貌

奉安報恩寺西挾,屋居隘 司,賜嗣濮王居爲世業。 陋,土齃請別營祠堂,許之。 除知大宗正事, 累加三少,充體泉觀使。 **久之**,加檢校少保,累加開府儀同三 淳熙七年薨,贈太傅,追

封安王。

士歆,仲湜第十一子也。 由保康軍節度使襲封, 加開府儀同三司, 累陞三少。

年薨,贈太傅,追封韶王。

州 觀察使。 不秩, 安懿王玄孫也。 由庶官襲封自不砝始。 年七十六、累轉武功郎。 慶元五年, 轉武安軍承宣使。 士歆旣薨,不私年最高,得襲封,除福 俄薨, 贈開府儀同三司,

追封蔣國公。

同三司,追封安國公。 不豐口,由武經大夫授利州觀察使, 襲封。 開禧初, 遷寧遠軍承宣使。 薨,贈開府儀

不儔, 開禧二年,由安遠軍承宣使襲封,除昭慶軍節度使, 遷檢校少保。 嘉定十年薨,

贈少師,追封高平郡王

由武翼大夫襲封,授福州觀察使,時嘉定十一年也。 踰年而薨, 贈開府儀同三

司,追封惠國公。

封, 越伸 **蒜而選拜**;武德郎驚, 是亦不拘定制也。 臣僚上言:「嗣濮王元降指揮,雖有擇高年行尊之文,然高宗朝儀王仲湜以德望俱隆, 乞自今應封者,命大宗司銓量,都堂審察, 閤門引見, 然後奏取進 次當襲封,以官卑,乃命上優權奉祠事,越十六年始正上俊之

止」寧宗然之。

奉國軍承宣使。 不凌,父士稠。 十七年薨,贈開府儀同三司,追封惠國公。 不嫖既売,不凌由右千牛衞將軍授福州觀察使,襲封。 嘉定十五年,遷

校勘記

日 按宋會要帝系二之二、長編卷二六記本條事都作「元佐謂曰」,疑此上有脫文。

仁宗 原作「神宗」,據宋會要流系四之七、長編卷一五一、通考卷二七七封建考改。

子不償嗣 按本書卷二二七宗室世系表,不儻是仲來之孫,但 所記仲來、 不儻官爵都 與本傳不

同,不麠亦無後。

當卽 與此 長屬籍十 處 「屬籍」。 事 六 正 合。 年 此 處 宋會要職官二〇之五, 按長編卷三二三載神宗韶, 「籍」字原作「疾」,據改。 謂「序同 謂 「宗旦嘗侍仁宗講讀, 姓之親而第其五屬之戚疎者爲屬籍」。 其後典司宗籍十有 「宗籍 六年」,

列傳第四 校勘記

(至) 宗立 原作「宗正」,據上文和東都事略卷一五漢王元佐世家改。

S 坐落平章事 按宋會要帝系四之一七,宗諤落平章事在神宗熙寧元年,琬琰集卷一六張少保

商英傳張商英於熙寧五年始任監察御史裏行,此處所敍原委疑有誤。

(4) 諡榮思 「思」原作「思」,長編卷三二七載定議時博士何洵說::「追悔前過日思,諡曰樂思。」宋會

要禮五八之八三亦作「榮思」,據改。

(六) 得與王子並坐 按上下文,「王子」當作「皇子」。

九九 荆南淮南節度大使 「淮南」原作「淮王」,據宋會要帝系一之三二、長編卷一一七、東都事略卷

一五周王元儼世家改。

徽宗改封吳王爲周王 據宋會要帝系一之三二,英宗追封元嚴爲吳王,本傳失書。

[11] 不璺 原作「不學」,據本書卷三七寧宗紀、宋會要帝系二之三五改。

宋史卷二百四十六

列傳第五

宗室三

鄭王楷 信王榛 吳王 顥 太子諶 肅王 益 王顋 樞 弟訓 景王 吳王 祀 佖 元懿太子旉 燕王 濟 E 栩 俁 信王 徐王 楚王 璩 棣 似 沂王枵 莊文太子愭 獻愍太子茂 和

王栻

魏王愷 景獻太子詢 鎮王竑

英宗四子:長 神宗, 次吳榮王顥, 次潤圧)顔, 次益端獻王頵, 皆宣仁聖烈高皇后出 也。

顏早亡,徽宗賜名追封。

列

傳

横海 三年, 觀 察使, 二鎭 吳榮王 出閣。 進 徙封揚王, 祁國公。治平元年,加檢校太傅、保寧軍節 | 顯字仲明,初名仲糺,自右內率府 神宗立 賜贊拜不名,五日一謁禁中。 進對昌王 ; 官制行,册 拜司 副率為和州防禦使, 空,徙王 度 帝致恭如家人禮。 使、 同 雍。 中書 哲宗嗣 門 下 封 **小章** 安 位,加 神宗祔廟, 樂郡公二、 事 寸, 封 太保, 東 換 陽 拜太傅, 轉明 成 郡 德 州

移鎭京兆、鳳翔

助 王 最 兩 始 好 弟 樂。 從其 其爲 誻 宮 以 頵 對 子 自 恩勝義,不許二叔出居于外,蓋武王待周公之意。 按行新第,顧膽懷思,潸然出涕。 性于 善之樂,尚 帝 满, 邸。 熈 大 寧以來,願屢請居外,章上輒卻。 出就 忠孝,漸 其言,因送列侯印十九枚,諸子五 車駕偕三宮臨幸,留宴終日。 外宅,得孔子遠其子之意。 勉之哉 于禮 義, ! 仍忝父祖,以爲邦家光。」徙封徐王,詔書不名。 自勝衣以 上,頎然皆有成人之風,殷甚嘉之。 昔漢明帝問東平王:『在家何以爲樂? 拜太尉, 諸子皆命賜官, 制曰: 「先皇帝篤兄弟之 二聖不同,同歸于道,皆可以爲萬世法。 至元祐初,乃賜咸宜坊第一區 一歲以上悉佩之,著之簡策,天下不以爲 。太皇太后嚴朝廷之禮,以義制恩, 其各進一官、以 榜曰「親賢」, 王言:『爲善 私。 股承 侍 與

荆南 節度使,徙 宣 有 疾、顥 封楚王 且 旦入問, 病益篤, 因亦被病。 帝親挾醫視診, 宣仁耐廟,拜太師,徙王冀,賜入朝不 令晝夜具起居狀聞,小愈則喜。 趨。 改准南、 既而薨

年 <u>Liri</u> 十七。 帝 即 臨哭, 酸朝五 日, 成服苑中。 贈尚書令兼中書令、揚荆冀三州牧、

日榮,陪葬永厚陵。徽宗卽位,改封吳王。

喪禮,須 辭, 不 圖 II, 乃爲 顥 博求 天 Ĺ 製玉魚以別之。 資穎異, 服 禪除,卽吉。」詔 **泳善本。** 慈聖光獻太后之服, 尤嗜學,始就 神宗 嘉其志尙, 是後親王 मु 外傅,每 易 月當除, 逐 每 得 踵 爲故實。 異書,亟 一經終,即遺講讀官以器幣服馬。 顥曰:「身為孫而 一馳使以示。 初,居英宗喪, 情文缺然 嘗 1賜方 **丐解官終制**, 團 玉帶 若是 工 河乎? 飛白,善射 俾服 以 厭 而 於至 請 朝, 如心 尊, 顥 好

子孝騫嗣, 終 寧國 軍節 度使、晉康郡王; 孝錫終嘉州 團練使, 赠永國公。

兄願 制,位 同 益端 至 太尉 獻王 更武 勝 題,初名仲恪(三,封大寧郡公,進鄠 元站 三年七月薨,年三十三,贈太師、尚書令、荆徐二州牧、 南 酉 、保信、保靜 武 昌 武安、 武 國 寧、 公、樂安郡王、 鎭海 成 德、 嘉王。 削南 魏 十節 所 E 歷 一,諡 度, 官 賜, 端獻。徽 徙 王 略 曹 與

全 +-餘 頵 端 年。 重 一明粹, 頗 好 醫 少好 書, 學,長博通 手 著普惠集効方,且儲藥以救病者 羣書,工 飛 白 篆 籀 賓接宮僚, **歲滿當去, 颠奏留**,久者 宗改封

益王

列

濞

第

Ŧī.

宗

室

=

八七二二

參 奉國軍節度使,改 子九 孝哲 右 寧武、 驍 衞將軍,早亡; 武勝,封豫章郡王 孝奕,彰化軍節度觀察留後,贈司空、平原 孝永, 邢州觀察使、贈司空、 廣陵郡王 郡王

計

孝騭

、孝悅、孝穎、孝愿,皆至節度使。

越 悼 王 惠 偲。 王 神宗 价, 八王皆早薨:佾、僅、伸、偉,徽宗賜名追 十四子:長成圧脩, 次徐冲 惠王 倜 , 次吳榮穆王 次惠王僅, 化,次儀 次唐哀獻王俊、次褒王伸、次冀王倜、次哲宗、次豫 王偉,次徽宗,次燕王俁, 封; 俊、倜、倜、价,徽宗 改封 次楚榮憲王似,次

視 拜 司 太傅 朝 大 七 吳榮穆王 、寧郡一 日 加 殊 王, 赠 禮, 尚 佖,帝第 進 申王, 書 旋 令 拜 太師, **兼中書令、徐州牧、燕王,** 九子。 拜 司 歷京 空。 初授 兆、真定尹,荆、揚、太原、興元 帝 崩, 山 南東道節度使气意,封儀國公。 佖 於諸弟爲最長,有目 盆 榮 穆。 又加贈侍 疾不得 牧, 徙國 中, 立。 哲宗立,加 改封 陳。 徽宗 崇 嗣位 寧 開府儀 五 年 一,以帝 子有奕, 一薨,輟 同三 兄

武

軍

節度使、和義郡王

康 偲 封 太 分尉 封 咸 元 **慶郡王** 年, 陸 燕王 封成國 同遷太師,俁授河東劍南 俁, 徽宗朝,俱歷太保、太傅,假進 ; 帝第十子; **偲加開府儀同三司,封永寧郡王。是後 偲初授武** 越王偲,帝第十二子。 成軍節度使、檢校太尉、祁國 西川節度使、成都牧 封衞王、魏王、燕王,偲進封定王、鄧王、越王。 母日林婕妤。 \累換節鉞,歷任尹 (吾), 偲授永興成德軍節度使、 公。 哲宗 | 假初授||定武軍節度使、檢校 朝, 牧, 俁 加開 候進封 府 儀 、幸王 同三司, 雍 州 靖

益兵衞送二王于金營,北行 鎭 紹 撫使趙霖以聞。 興 初, 上皇幸青城,父老邀之不及,道遇二王,哭曰:「願與王 有崔紹祖 者至 召赴行在,事敗,送臺獄伏罪,斬于越州 壽春府, 至慶源境上,假乏食薨,偲至韓州 稱越王次子, 受上 一皇蠟詔爲天下兵馬大元帥, त्रा 俱死。」徐秉哲捕爲首者戮 而 懯 興師恢

眞定牧。

封 何 改 簡王。 必 然。」 鳳翔 一乃立端 雄 憲王似,帝第十三子。 似 於 武。 哲宗爲母弟,哲宗 王。 以 王 徽宗定位, 府 史語言指斥, 崩,皇太 加 初爲集慶軍節度使、和國 一 徒,改鎮 送大理寺驗治,似上表待罪 后議所立 、武成 ,宰相章惇以似 了。徙封 公,進普 蔡, 寧郡王 對。 拜太保,移鎮保平、鎮安 后日 : 「均是神宗子, 元符 芫 年 出

列

傳

次,則 言,止治其左右。 恬不以爲恤 何以處之,陛下何顏見神考於太廟乎? 下之得 左 終身不忘,迹不可泯,隙 豈治世之美事邪。 若以曖昧無根之語, 司 諫 天下也,章惇嘗持異議,已有隙迹矣。 江公望上疏,以爲:「親隙不可開,開則言可離貳;疑迹不可顯,顯則事難磨滅。 陛下一切包容,已開之隙復塗,已顯之迹復泯矣。 臣願陛下密詔有司,凡無根之言勿形案牘, 加諸至親骨肉之間,則有魏文『相煎太急』之譏,而忘大舜親 不可塗, 」疏入,公望罷知准陽軍。 則骨肉離矣。 蔡王出於無心, 年尚幼小, 一有浸淫旁及蔡王之語,不識陛下將 恩意渥縟,懽然不失兄弟 徽宗雖出公望,然頗思其 倘有瑕可指,一入胸 未達禍亂之萌, 愛

楚王, 諡榮憲。 崇寧中, 徙鎭 荆南、武寧。 崇寧五年薨, 贈太師、尚書令兼中書令、冀州牧、韓王, 改封

子 有恭,定國軍節度使、永寧郡王。

吖 哲宗 然纔三月而夭, 一子:獻愍太子茂,昭懷劉皇后爲賢妃時所生。 追封越王, 諡 沖獻 崇寧元年, 改諡獻愍。 帝未有子,而中宫虚位,后因 后之立也, 鄒浩凡三上疏 一是得

暴其 諫,隨削其稿。 事 , 復竄浩昭州 至是, ,而峻茂典册。后上表謝,然浩蓋無是言也。 或謂浩有「殺卓氏而奪其子,敗人可也,詎可以敗天乎」之語,徽宗昭

國公梴, 鄭王 栩,次益王棫,次高宗,次邠王材,次祁王 次昌 國公柄,次潤國公樅。 供,次和王斌,次信王榛,次漢王椿,次安康郡王楃,次廣平郡王健, 徽宗三十一子:長欽宗,次兗王樫,次鄭王楷,次荆王楫,次肅王樞,次景王杞,次濟王 次赢 國 公樾,次建安郡王楧,次嘉國公椅,次温 **煙、楫、材、栱、椿、機六王早薨** 模,次莘王植,次儀王朴,次徐王 國公棟, 次英國公穗, 次陳國公機, 一棣,次沂王枵, 次儀國 公桐, 次|相

彰德 第作 第 寧、保平、荆南、寧江、劍南 ___ 軍 飛 鄭王 橋 母 王妃 複道 楷, 靖 康 帝第三子。 心以通往 初, 方有寵, 與諸王皆北遷。 來。 遂超拜太傅, 初名煥。 北伐之役,且將以爲元帥,會白溝失利而 西川、鎭南、河東、寧海 始封魏國公,進高密郡王、 改王鄆,仍提舉皇城司 十· 一· 節度使。 o 嘉王,歷奉寧、鎭安、鎭東、武 出入禁省,不復限 政和 旷 八年, 廷策進 欽宗立,改鎮 朝 上,唱名 幕 了於外 鳳翔

城,要帝子弟爲質,且求輸兩河。 樞, 帝第五子。 初封吳國公,進建安郡王、肅王,歷節度六鎭。 於是遣宰臣張邦昌從樞使斡离不軍,爲金人所留,約俟割 **靖康初,金人**圍京

地畢遣還,而挾以北去。

追 加 開 封景王。 府儀同三司,封文安郡王。 景王杞,初授武安軍節度使、檢校太尉,封冀國公。 靖康元年,授<u>荆南、鎭東軍節度使,遷太傅</u>。 政和中,授檢校太保,尋遷太保,改授護國、武昌軍節度使, 大觀二年,改授山南東道節度使,

:,食不食肉,上皇製發願文,述祈天請命之意,以授|祀。 二年,遣詣金營充賀正旦使。 既歸,又從上幸靑城。 杞頓首泣。 及上皇出郊、杞日侍左右、衣不解 及北行,鬚髮盡白。

開 府儀 濟 同三司, 王 栩, 初授鎭洮軍節度使、檢校太尉,封魯國公。 封安康 郡王。 政 和中, 授檢校太保,改荆南、清海軍節度使,進封 大觀二年,改授彰武軍節度使,加 濟王 靖

康元年,授護國、寧海軍節度使,遷太傅

口 景王杞爲賀金人正旦使。 旣還, 又與何奧爲請命使, 金帥紿栩曰:「自古有南即有

蒙塵。」遂自出,以栩從行。 北 ,不可相無,今所欲割地而已。」栩回以白上,且言金帥請與上皇相見,上曰:「豈可使上皇 及索諸王家屬,栩夫人曹氏避難他出,徐秉哲捕而拘之,遂同北

鎭 南 軍 徐 王棣, 節 度使, 初授鎭江軍節度使、檢校太尉,封徐國公。 加開 府 儀 同三司, 封高平郡王。 尋改山 南 政和中,授檢校太保。 東道、 河陽三城節度使,進封徐 宣和中, 改

王。後從淵聖北去。

撫 使張浚遣 紹 興 二年,有萬州李勃者,爲稱祁王,內侍楊公謹與言徐王起居狀,勃遂改稱徐王。 起行在,上命王府故吏驗視,言非眞,詔送大理,情得,棄市 宣

南 西 Ш **沂王**樗, 節 度 使,加開 初授横海 府儀! 軍節度使、檢校太尉、冀國公。 同三司,封河間 郡王 尋改 劍南 政和中,授檢校太保。 東 川、威 武 軍節度 使, 宣 遷 和 太保, 中, 改劍

封沂王。

駙 馬 蔡鞗等 後 從淵 聖 對 出 辨, 郊,至北方,與駙馬 日 楞、 彦文氣折,金人誅之。 劉彦 文告上皇左右謀變,金遣人按問, 上 一皇遣莘王植

列傳第五 宗室三

節 度使,加開府儀同三司, 和王杖, 初授靜江軍節度使、檢校太尉、廣國公。 封南康郡王。 靖康元年,授瀛海、安化軍節度使、檢校太傅,追封 三年云,授檢校太保。 尋改定武 軍

和王。後從淵聖出郊。

有遺 女一人,高宗朝封樂平縣主,出適杜安石,命大宗正司主婚。

遠軍節度使,加開 信王 上條,初授建雄軍節度使、檢校太尉, [府儀同三司,封平陽郡王。 封福國公。 靖康元年,授慶陽、昭化軍節度使, 三年, 授檢校太保。 宣和末,改安 遷檢校太

傅,進封信王。

迎 |榛歸,奉以爲主,兩河遺民聞風 後 從淵聖出郊,北行至慶源,亡匿眞定境中。 響應 時馬廣(主)與趙邦傑聚兵保五馬山砦,陰

興賊 實。 臣 於陛下, 抗, 賊 榛 遺廣詣行在奏之,其略曰:「邦傑與廣,忠義之心,堅若金石,臣自陷賊中,頗 今稍墮,皆懷歸心,且累敗於西夏, 但皆苦窘, 以禮言則君臣,以義言則兄弟,其憂國念親之心無異。 兼闕戎器。 臣多方存恤, 而 契丹亦出攻之。 惟望朝廷遣兵來援, 今山 西諸砦鄉兵約 願委臣總大軍,與諸砦鄉 不 然, 久之恐反爲 十餘 知其虛 、賊用。 、萬,力

兵,約日大舉,決見成功。」廣既至,黃潛善、汪伯彥疑其非眞,上識棒手書,遂除河外兵馬都 元 帥。 潛善、伯彥終疑之,廣將行,密授朝旨,使幾祭榛,復令廣聽諸路節制。 廣知事不成,

逐留于大名府不進。 會有言榛將渡河入京,朝廷因詔擇日還京,以伐其謀

上 同居五 金 人恐廣以援兵至,急發兵攻諸砦,斷其汲道,諸砦遂陷。 國 城 榛亡,不知所在,或日後與

紹 興元年,鄧州有楊其姓者,聚千餘人,自稱信王。 鎭撫使翟興覺許,遣將斬之以聞。

逐降為 奏除檢校 欽宗皇太子諶,朱皇后子也。 高 州防禦使。 少保、常德軍節度使,封崇國公,從之。 靖康元年,遷檢校少保、昭慶軍節度使、大寧郡王。 政和七年生,爲嫡皇孫,祖宗以來所未有,徽宗喜。 會王黼得政,謀傾京,言其以東宮比 尋進檢校少傅、寧

國

軍

節度使。

几

月,韶立爲皇太子。

潰 國 圍 稱 낈 二年,上幸青城, 制行 出 事。 傅 不 未幾, 許, 乃謀匿民間,別求狀類太子者并宦者二人殺之, 命密院同知孫傅兼太子少傅,吏部侍郎謝克家兼太子賓客,輔太子監 金人請二帝諭太子出城 統制吳革力請留,欲以所募士微 送金人,給以宦者竊 脈衛 太子

以危言譬衞士,遂擁太子與皇后共車以出。 呼云:「百姓救我!」哭聲震天,已而北去。 太子欲投獻,都人爭之,倂傷太子。遲疑不決者五日。吳升、莫儔督脅甚急,范瓊恐變生, 弟訓。 百官軍吏奔隨號哭,太學諸生擁拜車前,太子

之,白其守,請于朝。閣門言淵聖無第二子,乃詔守信劾治。遇僧伏罪,黥隸瓊州。 北至者,日:「淵聖小大王訓,見居五國城。」 十年,三京路通,詔求宗室。遇僧自言少帝第二子,守臣遣赴行在,過泗州,州官孫守信疑 訓乃北地所生。有碭山人留遇僧者,金人見之曰:「全似趙家少帝。」 遇僧竊喜。 後有自 紹興

節度使,封魏國公。金人侵淮南,帝幸臨安,會苗傳、劉正彥作亂,逼帝禪位于專,改元明 既而傅等伏誅,帝復位,乃以旉爲皇太子,從幸建康。太子立,屬疾,宮人誤蹴地上金 元懿太子諱專,高宗子也,母潘賢妃。 建炎元年六月,生于南京。拜檢校少保、集慶軍

鑪有聲,太子驚悸,疾轉劇,薨,謚元懿。

一碳字潤夫,初名伯政,藝祖七世孫,秉義郞子彥之子也。 生而 聰慧。

使,封崇國公。 使,封吳國 母之,賜名璩, 初, 伯踪以宗子被選入宮,高宗命鞠于婕妤張氏;吳才人亦請于帝,遂以伯政命才人 公、宰執趙鼎、劉大中、王庶等堅持之、命不果行。 除和州防禦使,時生七歲矣。 **尋詔赴資善堂聽讀。** 紹興十五年,加檢校少保,進封恩平郡王〔六〕,出就外 伯际以建國公就傅,璩獨居禁中。 會秦檜專政,遂除保大軍節度 俄 拜節度

時伯踪已封普安郡王,據官屬禮制相等夷,號東、西府。 十二年,子彥卒,璩去官持服,終喪,還舊官。 顯仁太后崩,普安郡王始 踰年,改武昌軍節度使。 立爲皇太子,

| 張

加恩稱皇

姪,名位始定。

遷開府儀同三司,判大宗正

事,置

司

紹興

府。

判西 外宗正 孝宗 即位,璩表請入賀,許之,特授少保,改靜江 司。 璩累章乞閑,改醴泉觀使。 淳熙中, 軍節度使。 除少傅。 高宗崩, 頃之,省紹興府宗正事,改 奔赴得疾, 踰年而

始,璩之入宮也,儲位未定者垂三十年,中外頗以爲疑。 孝宗既立,天性友愛,壤入朝,

薨,年五十九,追封信王,累贈太保、太師

屢召宴內殿,呼以官,不名也,賜予無算。

列

傳

第五

宗室三

子四人:師淳歷忠州團練使、永州防禦使,師灝、師瀹、師路並補武翼大夫。 孫希楙,特

稍保義郎。

監門衛大將軍、榮州刺史。 莊文太子諱愭,孝宗嫡長子也,母郭皇后。 孝宗爲皇子時,憎拜蘄州防禦使。 初名愉,補右內率府副率,尋賜名愭,除右 及受禪,除少保、永興軍節度

使,封鄧王。故事皇子出閣,封王,銀兩鎭,然後加司空。愭自防禦使躐拜少保,章異數也。

乾道元年,立爲皇太子,册廣國夫人錢氏爲妃。 韶增東宮從衞,太子謙讓。及奏捐月給

年二十四、諡莊文。 雜物、從之。三年秋、太子病暍、醫誤投藥、病劇。 上皇與帝親視疾,爲赦天下。越三日薨,

除 ; 東宮臣僚齊衰三月,臨七日而除。 太子賢厚,上皇與帝皆愛之。 帝從禮官議服期,以甘易月;文武百官服衰,服 比葬,帝再至東宮,命宰臣奉諡册,大小祥皆以執政 一日而

子挺云的,錢氏所生也,甫啐, 除福州觀察使,封榮國公。 乾道九年卒,贈武當軍節度

使,追封豫國公。

寧宗時,命宗子希璂爲太子後。 希基, 藝祖九世孫也、賜名搢,補右千牛衞將軍,置教

授于府。 開禧二年,除忠州防禦使。 嘉定八年,更名思正

孝宗受禪,拜雄武軍節度使、開府儀同三司,封慶王。 魏惠憲王諱愷,莊文同母弟也。 初補右內率府副率,轉右監門衞大將軍、貴州團練使。

節度 三千兩、白金一萬兩,命宰執設祖于玉津園,王登車,顧謂虞允文曰:「更望相公保全。」比至 使,進封魏王(10),判寧國府。妻華國夫人章氏,特封韓、魏兩國夫人,以示優禮。賜黃金 莊 文太子薨,愷次當立,帝意未決。旣而以恭王英武類己,竟立之。加愷雄武、保寧軍

民事 鎭,奏朝天申節,許之。 訟牒,俾擬呈臣依而判之,庶上下安,事益易治。」又請增士人貢額。 是處臣無用之地。况一郡置三判府,臣恐吏民紛競不一,徒見其擾。長史、司馬宜主錢穀、 ·,築圩田之隤圮者,帝手詔嘉勞之。 府長史上言,欲與司馬分治郡,俾王受成。愷奏曰:「臣被命判府,今專委長史、司馬, 朝廷悉從之。愷究心

節度使、揚州 藝植 淳熙元年,徙判明州。 ,農不游惰,宜獲瑞麥之應。」加愷荆南、集慶軍節度使,行江陵尹,尋改永興、成德軍 牧二。 七年,薨于明州,年三十五。帝素服發哀於別殿,贈淮南武寧軍節度使、 輟屬邑田租以贍學。 得兩歧麥,圖以獻,帝復賜手詔曰:「汝勸

列僔

第

五

宗

室三

揚州牧兼徐州牧,諡惠寧。

然曰:「向所以越次建儲者,正爲此子福氣差薄耳! 王性寬慈,上皇雅愛之。 雖以宗社大計出王於外,然心每念之,賜賚不絕。 」治二郡有仁聲,薨之日,四明父老乞 計聞,帝汝

.建祠立碑,以紀遺愛。

愛之,將內禪,升耀州觀察使,封嘉國公。 子二人。攄与卒。抦生於明州(三),母卜氏,信安郡夫人,王薨,還居行在。抦性早慧,帝 慶元間,封吳興郡王,領昭慶軍節度使。 開禧二

年薨二章,贈太保,封沂王,諡靖惠。

加 福州觀察使。 子域,三歲而夭。 後更名貴和,即鎭王竑也 韶立宗室希瞿子爲其後,更名均,領右千牛衞將軍,置教授于府。

等請,取與愿養于宮中,年六歲,賜名嚴,除福州觀察使。 景獻太子諱詢, 燕懿王後, 藝祖十一 世孫也。 初名與愿。 嘉泰二年,拜威武軍節度使,封衞 寧宗既失克王,從宰執京鐘

國公,聽讀資善堂。

開禧元年,時邊事益急,金人請誅首謀用兵者,曮用翊善史彌遠計, 奏韓侂胄輕起兵

端,上危宗社,宜賜黜罷,以安邊境。從之。

會議。 **曮立爲皇太子,拜開府儀同三司,封榮王,更名嶹。** 尋用天禧故事 ,宰輔大臣並兼師傅、賓客,太子出居東宮,更名詢。 詔御朝太子侍立,宰執日赴資善堂 嘉定十三年薨

年二十九,謚景獻。

子詢薨, 鎮王站,希瞿之子也。 乃立貴和爲皇子,賜名竑,授寧武軍節度使,封祁國公。嘉定十五年五月,加檢校 初,沂靖惠王薨,無嗣,以此爲之後,賜名均,尋改賜名貴和。

少保,封濟國公。

千牛衞大將軍。丁亥,銓薨,贈復州防禦使,追封永寧侯。 站上表稱謝。 十七年六月辛未,城生子,詔告天地、宗廟、社稷、宮觀。 八月癸未,賜竑子名銓,授左

告。 之,城乘酒碎於地。 又嘗呼彌遠爲「新恩」,以他日非新州則恩州也。 <u>做好鼓琴,丞相史彌遠買美人善鼓琴者,納諸御,而厚廩其家,使美人瞯</u>城,動息必以 爾遠大懼,日夕思以處域,而域不知也。 爾遠聞之,嘗因七月七日進乞巧奇玩以覘

族矣。」 迪之。 之再三、策立之意益堅。清之始以小官兼教授、其後累遷、兼如故。 賢已熟,大要竟何如?」清之曰:「其人之賢,更僕不能數,然一言以斷之曰:不凡。」彌遠頷 俾習焉 學錄鄭淸之登惠日閣,屛人語曰:「皇子不堪負荷,聞後沂邸者甚賢,今欲擇講官,君其善訓 時 清之拱手曰:「不敢。」乃以清之衆魏忠憲王府教授。清之日教昀爲文,又購高宗書 沂 事成,爾遠之坐卽君坐也。然言出於彌遠之口,入於君之耳,若一語洩者,吾與君皆 清之上謁彌遠,即以昀詩文翰墨以示,彌遠譽之不容口。 猶 未 有 後, 方選宗室希瓐子昀繼之。 一日,彌遠爲其父飯僧淨慈寺,獨與國 爾遠嘗問清之:「吾聞其

丞相? 言曰:「丞相以清之從遊之久,故使布腹心於足下。今足下不答一語,則清之將何以復命于 寧宗崩,彌遠始遣淸之往,告昀以將立之之意。 」的始拱手徐答曰:「紹興老母在。」清之以告願遠,益相與歎其不 再三言之,昀默然不應。最後清之乃 凡

王 而 府皇子,非萬歲巷皇子,苟誤,則汝曹皆處斬。」」故不能自己,屬目牆壁間, 已而擁一人徑過,天已暝,不知其爲誰,甚惑 彌遠 在禁中,遣快行宣皇子, 令之曰:「今所宣是沂靖惠 見快行過其府

昀旣至,彌遠引入柩前,舉哀畢,然後召竑。 爾遠亦引入柩前,舉哀畢,引出帷,殿帥夏震守之。 **站** 命亟赴,至則每過宮門,禁衞 既而召百官立班聽遺制,則引始仍 拒其從

乃 就 卽 舊 位 班 耳。 竑愕然曰:「今日之事,我豈當仍在此班? | | | | | | | | | | | 然。 未幾,遙 見燭 影中 一人已在御 ·」

還給之日:「未宣制以前當 坐,宣 制 畢, 閣 門贊呼, 百官 濟陽郡王 在 此,宣制後 拜舞, 一,判

新 皇 帝 卽 位 站不肯拜, 震猝其首 拜。 皇后 矯遺詔 進封

下

寧國 帝因 加城少保,進封 濟王。 九月丁 11: ,以此充體泉觀使,令就賜

其謀 云:「今領精兵二十萬,水陸進討。」比 發 治 秦天錫託召醫治||竑疾,||竑本無疾。 軍資庫金帛、會子犒軍,命守臣謝周卿率官屬入賀,僞爲李全榜揭于 ,以黄袍加身。 不成,率州兵討之。 寶慶元年正 月庚午,湖州 遣王元春告于朝, 人潘壬與其弟內謀立城,城聞變匿水竇中,壬等得之,擁至州 丙戌,天錫詣城,諭旨逼 城縊 明視之,皆太湖漁人及巡尉兵卒,不 與之約日:「汝能勿傷太后、官家乎? 爾遠 命殿司將彭任討之,至 手州 門, 一則事 满 數爛遠廢 李。 百 」衆許 人 耳 爾遠令客 立罪, 纮 知 遂

人院王 、德秀、魏了翁、洪咨夔、胡夢昱等每以此爲言,彌遠 帝輟朝, 一

堅

一

再

級

奏

、

記

従

之

。 賻銀絹各一千、會子萬貫,贈少師、保靜鎮 右正言李知孝累奏, 追奪王爵, 輒惡而 / 潼軍 節度使。 降封巴陵縣公。 斥遠之。 給 事 中 盛章、 於是在廷之 權 直

度宗降韶 端 平 元年,詔復官爵。 追復元 贈節度使。 妻吳氏爲比丘 德祐 元年, 提領戶部財用爺修國史常楙請立站後,試禮部侍 尼,賜惠淨法空大師,月給鉢錢 百 貫。 景定五

列

僔

第

五

宗 室 Ξ

校

Ü

<u>الة</u>

郎 先於此。 兼中書舍人王應鱗請更封大國,表墓錫諡,命大宗正司議選擇立後,迎善氣,銷惡運,莫 下禮部議,贈太師、尚書令,依舊節度使,陞封鎭王,諡昭肅。 以田萬畝賜其家,遣

校勘記

應鱗致祭。

- (二)安樂郡公 宋會要帝系一之三六、長編卷一九八作「樂安郡公」。
- 3 一仲恪 原作「仲格」,據東都事略卷一六益王顯世家、宋會要帝系一之三七改。
- 山南東道節度使 「山南」二字原倒,據宋會要而系一之三九、長編卷三三六改。
- 幸王 原作「萃王」,據本書卷一八哲宗紀、宋會要帝系一之三九改
- つぎ 候授河東劍南西川節度使成都收 · 宋愈要帝系一之四○「成都」上有「太原」二字。
- 会三年
- (1) 馬廣 原名馬擴,見本書卷二五高宗紀、繫年要錄卷一三、北盟會編卷一一五。 此因避宋寧宗

「政和」紀元

- 恩平郡王 「恩」原作「思」,據本書卷三〇高宗紀、繫年要錄卷一五三改。

記

(元) 子挺 「挺」原作「挺」。 參見本書卷三四孝宗紀校勘記(云)。

(10) 進封魏王 「進」原作「追」,據本書卷三四孝宗紀、中興聖政卷五〇改。

「揚州牧」,本書卷三五孝宗紀作「雍州牧」,疑是。

 \cong 3 轉改永興成德軍節度使揚州牧 抦生於明州 「抦」原作「柄」,據本書卷三七、三八寧宗紀和兩朝綱目卷三、四、九改。下文「抦」

字同。

開禧二年薨 「二年」原作「三年」,據本書卷三八寧宗紀、兩朝綱目卷九改。

The second secon

列傳第六

宗室四

善譽 士珸 子 淔 汝述 士 子 愿 崧 叔近 士 子 鸠 櫟 叔向 士 子 皘 砥 彦倓 不 子 書 羣 彦橚 子 不 棄 潚 彦逾 不 師 尤 뽍 希 善俊 希 懌

子植字正之,燕王五世孫。 父令樂, 官至寶文閣待制。 子

直以蔭補承務郎,累遷 少府

監主簿,改河南少尹。

列

傳

第

六

宗

室四

河 撥發綱運官。 時治西內,子植有幹才,漕使宋昪器之。或事有未便,子植 會夏旱,河水涸, 轉餉後期,貶秩 一級。 提舉二門、 輒力爭,昪每改容謝之。除蔡 白波輦運事,除直祕閣。

T 內艱,起復。 累進龍圖閣、祕閣修撰,除陝西轉運副 使。

緡。 百人,子淔奏請寬其期,民便之。 宣 和通寶」四字爲錢文。 帝手札以新錢百萬緡付五 初,蔡京鑄夾錫錢,民病 既成,子淔奏令民以舊銅錢入官,易新鐵 壅滯, 路, 會察京再相,言者希京意,論子順亂錢法,落職 均糴細麥, 子淔請鑄 小鐵錢以 命子植領其事 權之, 因範格 Ö 民苦限迫、詣子稙 以進。 錢。 旬 徽宗 日, 易得一 大說, 奉祠 訴者 百 餘 日 御 萬 書

家,靖等知之,來謁,言京城已破。子瀘泣,說之曰:「君輩宜亟還都城,護社稷,取功名,無貪 靖康初,復祕閣修撰。 金人侵洛,子淔奔荆南。 潰兵|祝靖、盛德破荆南城, 子值 居民

使,以疾辭。 須浩繁,子淔運餉不絕,以功進寶文閣直學士,再知西外宗正司。 紹興元年,召見,復徽猷閣直學士、知西外宗正司,改江西都轉運使。 卒于家,年六十七 三京新復,除京畿都轉運 時建督府, 軍

然崇寧、大觀問土木繁興,子植每董其役,雖者鄙之。 子植幼警悟,蘇軾過其家,抱置膝上,謂其父曰:「此公家千里駒也。」及長,善談論,工

崧字伯山,燕懿王後五世孫。 登崇寧五年進士第。 宣和間, 官至宗正少卿, 除徽猷

閣直學士、知淮寧府。

外者, 之,且請捕誅其母子,以絕姦心。 定。」王命子崧充大元帥府參議官、 金 迎請 人退,引兵襄邑, 兩宮, | 汴京失守, 起兵勤王, 道阻未得進。 主上特付大王以元帥之權, 問罪僭逆,若議渡江,恐誤大計。 造范塤、徐文中詣濟州 東南道都總管。 此殆天意。 聞張邦昌僭位,以書白康王:宜遣師邀金人河上, (己,請王進兵南京,且言:「國家之制, **遂與知潁昌府何志同等盟,傳檄中外。** 亟宜承制號召四方豪傑, 邦昌家在廬州,子崧檄通守趙令儦幾察 則 中原 無親王 可 傳檄 已而 胃 而

宣撫使范訥逗撓營私 又言:「自圍城以來,朝命隔絕,乞下諸路,凡有事宜,並取大元 ,所宜加罪。 宜蠲被兵州縣租, 經理淮南、荆、浙形勢之地,毋爲羣盜 向府裁決,偽檄母 輒行。

所據。」

遲疑, 實由 檄 則 止 天下 諸 閣下,不然,金 路 共誅逆節, 毋受邦昌偽赦,移書賣邦昌曰:「人臣當見危致命, 人何堅拒孫傅之請,而卒歸於閣下也。 雖悔無及矣。」又遺書王時雍曰:「諸公相與亡人之國,方且以爲佐 敵旣 今議者籍籍, 遠去, 宜速反正, 若少 謂劫請! 傾危

列傳第六 宗室四

命

功臣,不知平

日所

學何事。」

卽 位 軍 會邦昌 中, 便圖 遣使迎王次第白子崧, 一遷徙,臣竊惑焉。 夫 欲 致 子崧即貽王書曰:「似聞謂以京師殘破,不可 中興,當謹舉措,宜先謁宗廟 覲 母 后, 後入, 明正誅賞, 止欲

竊 據 州郡者。 遂 傳檄京 師,奏于隆祐太后曰:「諸路先聞二聖北遷,易姓改國,恐間有假討逆之名,以 乞速下明韶, 諭四方以迎立康王之意, 庶幾人心慰安, 奸宄自消矣。」尋以所

部

兵

〈會濟州

降霈四方。

若京師果不可都,然後徐議所向

帝皆 言 事 印 康 其奏。 王卽位,子崧請放諸路常平積欠錢,又言:「臺諫爲人主耳目,近年用非其人,率取旨 請遵舊制,聽學士、中丞互舉。 因建三屯之議:一屯澶淵,一屯河中、陜、華,一屯青、郿間,以張聲勢。 范祖禹、常安民、上官均先朝言事盡 忠,請 錄 英子。」 萬

敵騎 南侵,則三道並進,可成大功。

指爲國賊。 瓊、胡思、王紹、王及之、顏博文、余大均等逼遷上皇,取太子,辱六宮,捕宗室,竊禁物,都人 除 延康殿學士、知鎭江府、兩浙路兵馬鈴轄。 伏望肆諸市朝,以爲臣子之戒。時滑州兩經殘破,子崧薦傅亮可任。 上章論王時雍、徐秉哲、 吳升、莫儔、 除亮滑州

通判,黃潛善沮之,命遂寢。

敗趙萬犯鎭江,子崧遣將擊<u>萬於</u>丹徒,調鄉兵乘城爲備。 頃之,官軍敗歸,鄉兵驚潰,

子松率親兵保焦山寺,賊據鎭江。

情得,帝震怒,不欲暴其罪,坐以前擅棄城,降單州團練副使,謫居南雄州 兵,檄文頗涉不遜。 集英殿修撰,而子崧已卒于貶所。 初, 昌陵復土,司天監苗昌裔謂人曰:「太祖後當再有天下。」子崧習聞其說,靖康末起 子崧與御營統制辛道宗有隱,道宗求得其文,上之。 詔御史往案其獄 紹興二年赦,復

|荆湖諸州,獨子櫟能保境土。 子櫟, 燕懿王後五世孫。 李綱言于朝,遷寶文閣直學士,尋提舉萬壽觀。 登元祐六年進士第。 靖康中,爲汝州太守。 金人再渝盟、破 紹興七年卒。

堂。 間竟滅契丹。 **賓、王孝安至中京,求得上皇宸翰,懷之以歸。** 子砥言:「金人講和以用兵,我國斂兵以待和。 子砥, 藝祖後今朔之子也。仕至鴻臚丞。 今復蹈其轍。 譬人畏虎, 昭虎以肉, 食盡終必食人。若設陷穽待之, 庶能制 北遷至燕山,久之,欲遁歸,乃遣其徒朱國 建炎二年六月,至行在,帝命輔臣召問于都 往者契丹主和議,女真主用兵,十餘年

列

虎。」因復故官。已而賜對稱旨,命知台州,卒。

子畫字叔問,燕王五世孫。 少警敏強記,工書翰。 累官憲州通判。 宣和 初,充詳定九

域圖志編修官。 出知澤州,改密州。 韶爲刑部員外郎,以憂去。

建炎四年, 遷吏部員外郎。 尋用大宗正士優薦, 遷尚書左司員外郎, **兼權貨務**, 歲收

茶、鹽、香錢六百九萬餘緡,以功進秩一階。 上言復春分祀高禖禮。 除權禮部侍郎,遷徽猷待制、樞密都承旨。 試太常少卿,集太常因革禮八十篇,爲二十七 以公族爲侍從,及

改官制後都承旨用文臣,皆自子畫始。

衢、嚴、信、饒之民,生子多不舉,子畫請禁絕之。 累求補外,遷徽猷閣直學士、知秀州

既而奉祠以歸、寓于衢。紹興十二年卒,年五十四。

第。 調眞州刑曹掾,與守爭獄事,解官去。改衢州推官。 子瀟字清卿,秦康惠王後,孝靖公令奧之子也。七歲而孤,家貧力學。 胡唐老奇其才,任之。 屬時多故, 登宣和中進士

便(三)。 子 部 · 潚佐唐老繕完城具,苗、劉兵至城下,不能攻,以功進一秩。 郎 中, 朝廷遣人檢沙田蘆場,欲概增租額,子潚以承買異冒占,力止之。 總領江、淮軍馬錢糧。 諸司饋禮,月以千緡,悉歸之公帑。 累官 吏部郎中,求補外, 除直秘閣、兩浙轉運副 遷戶

數州 南以 至尚市橋北注大江,分殺其勢,水息用息。 入海,今皆湮塞,宜加疏浚。」 巨浸,豈松江一川所能獨泄。 時議者言:田之並太湖者被水患,宜分道諸浦注之江。 從之。 昔人於常熟北開浦二十四以達大江,又開浦十於崑山 遂後常熟東栅至雉浦入于徑谷; 韶子演往案視。 又疏馨福山塘, 還言:「太湖當 東

城,不 机 家僦人子女爲僕妾者。詔權戶部侍郎,陞敷文閣待制〔三〕,復知臨 明 擾而 州 扈 四環,復知臨安府。 守趙善繼治郡殘酷,子潚率諸監司劾罷之。除直 辦。 金主亮渝盟,子潚獻助軍錢十五萬緡,特遷一秩。 金人來議和 ,子潚謂 事情叵測,宜以軍禮待之。 「數文閣、知臨安府,更不能欺,禁 帝幸建康,充行宮留守參 安府。 調三衙卒修築都

文閣 禮 延 沼 還 首 宗嗣 矣。」初, 學士,移 俾率 位 一、志圖 郡 海 知 寇以 明州、沿海制置使。 胥分道入海, 告之曰:「用命者有厚賞, 不則殺無貸。」胥衆震恐, 恢復, 烙 通 子潚練兵,習爲「鵝鸛 那胥 吏, 吏反爲之用,匿其蹤迹,賊遂 臺諫王十朋、王大寶抗疏留之, 魚麗陣」,上 一觀於便殿, 大熾 帝日: 、商舶 嘉之,赐金帶。 「殷委以 不通 子満以 爭指駁 防海, 擢敷

處,悉禽獲。凡豪猾爲賊囊橐者,窮治之,海道遂平。

計 知 年卒于官,年六十六。 泉州 那訴 陞 龍 昌 吏有掠民女爲妾者,其妻妬悍,殺而磔之, 閣 決。 直 學士、知福州。 子潚訪知狀,亟遣人往興化,果得缶以歸,獄遂決。 歲饑,告糴旁郡,米價 貯以缶,抵其兄興化掾,安廨中。 以頓平, 民賴以濟。 其發擿概類此。 進龍圖 閣學

公世恬,世恬生嘉國 生 一朝奉郎子笈, 師 師 **弄字從善, 黔**,伯骕之子 子笈生和州 系出燕懿王。王生彰化軍節度使惟忠,惟忠生宣城侯從謹,從謹生崇國 也。 公令唆。 舉進 防禦使伯 土第 中 興初 小除司 蟰。 ,韓世淸挾令唆爲變,裂黃 農簿, 伯驌 遷金部郎 少從高宗于康邸,以文藝侍 中。 孝宗奇其才,顧遇 旗被其 身,固拒 左右 護発。 / 頗厚。 令晙 師舞

足冶欠額二十萬 左右曹、度支、 、倉部宜立總計, 進戶部 郎官、淮 司歸倂財物 東 總 領 之數, 以絕吏奸。 制 可。 知 活州 Ш 一鍊銅,

出 「倉粟,以收鐵錢,鹽利遂通。 光宗 初, 擢太 府 少卿、 知 秀州 累遷司農卿、 改 淮南 運 判。 知臨安府。 時郡鐵錢不行,鹽商弗至,師羼請發度牒, 有 僧號散聖者 以妖術惑衆, 師舞

捕治黥之。

侂胄大笑久之。以工部尚書知臨安府。 籬茅舍,謂師霽曰:「此眞田舍間氣象,但欠犬吠鷄鳴耳。」俄聞犬嘷叢薄間,視之乃師羼也, 錢十萬緡市北珠,製十冠以獻。妾爲求遷官,得轉工部侍郎。 或獻北珠冠四枚於侂胄,侂胄以遺四妾,其十人亦欲之,侂胄未有以應也。 「願獻少果核侑觴。」啓之,乃粟金蒲萄小架,上綴大珠百餘,衆慚沮。 韓侂胄用事,師驛附之,遂得尹京。 侂胄生日,百官爭貢珍異,師羼最後至,出小合日 佐胄嘗飲南園,過山莊,顧竹 **侂胄有愛妾十四人**, 師舞聞之,亟出

死,其黨多坐謫,以師譯嘗與侂胄異,故獲用。除寶謨閣直學士、知鎭江府。 侂胄將用兵, 師鐸度侂胄材疏意廣, 必召禍, 乃持異論, 侍御史鄧友龍劾罷之。 侂胄

讙,文武二學之士交投牒,師羼乃罷免,與祠。卒于家,年七十。 昂,糴亦稍平,執政愈益賢之。會武學士|柯子沖、 臨安府。 會荆湖始置制閫,以命師驛,給事中蔡幼學繳其命,遂罷歸。 幼學時爲學士,亦不草詔,留元剛草之。時楮輕糴貴, **盧宣德以事至府**, 師羼尹京未數月,楮價寖 未幾,詔爲兵部尚書、知 師舞擅撻遣之,衆盡

師舞四尹臨安,有能聲。嘗鈎致民罪,沒其家貲,諂事權貴,人以是鄙之。

龍嶺稅場,檄希言往訪之,俾令得復職。 戴二場,何烏龍獨不可復?」希言謂二場當倂罷去,漕不能奪,二場竟亦廢。 里,標其戶數,為圖獻于守,守才之。 希言字若訥,惠王令慶元孫也。 淳熙十四年登第。 西安令不職,守檄希言攝邑。 希言力陳烏龍場不當復,漕怒曰:「衢已復孔步、章 調衢州司戶, 漕善令,會嚴州請復烏 合郑民以計, 表其坊 改吉州司

屬 邑有誣人以殺人罪者,吏治之急,囚誣服。希言鞫得實,檄縣他捕,乃得眞盜。 用楊萬里、周必大薦,授臨安府司法,改淮西總所幹辦。 移書約諸郡:綱必時發, 至卽

受納,無滯留。始至,軍庫見錢不滿千緡,比去,庫錢充溢。

除害,中使沮其策,浠言驅卒燔之。臨平塘堤決,浠言督役,親捧土投石,兵民爭奮,堤成, 因築重隄,後不復決。民病和買絹折錢重,希言節公費,代其輸。 知臨安仁和縣。關學宮四百餘畝。適大旱,蝗集御前蘆場中,亙數里。希言欲去蘆以

時之憂,殆不止保江而已。 司,又充密院檢詳,爲宰屬、樞掾凡六年、奉祠去。 毋以守爲守。」遷宗正丞,請南班得與輪對,許之。 累遷秘書丞、著作郎、軍器少監,皆兼右 除 太社令[1]、遷樞密院編修官兼右司。上言:「諸將但務城守、敵來不拒、去不復追、異 宜論諸將,一軍受圍,諸軍共守,敵不渡淮則均受賞,以戰爲守, 嘉定十七年卒,年六十一。贈資政殿大

學士,封越國公,諡忠憲。

子興權,登進士第,再中刑法科。 官至開府儀同三司

治人如修身,治政如理家,愛民如處昆弟。 汝愚嘉之,薦于憲辛棄疾。 重,每不登額,希懌稽核公帑羨錢以足之。棄疾亦薦其能。 同寅有坐侂胄黨者,諸司莫敢薦,希懌賢其人,請以薦己者薦之。改太平州通判。先是 希懌字伯和,燕王八世孫。登淳熙十四年進士第。趙汝愚帥福建,希懌爲屬吏,嘗言: 棄疾尙氣,僚吏不敢與可否,希懌獨盡言無所避。屬邑候官苦稅 取古今官著惠愛者緝爲一編, 曰:「是吾師矣。」 汝愚當國,調江東運司幹辦。

盜黥而逃者,捕得處死。 希懌言:「強盜特貨命而輒逃者斬,今黥罪致死,非法之平也。」自

是皆減死論。

黑風峒羅世傳寇郴陽,奸民潛通賊,陰濟以糧。希懌捕治之,賊乏食,乃去。未幾,李元礪 饑民終不得食,且召亂矣。」遂行。 發粟賑給,禽首謀者治之,其黨遂散。 陞本路帥兼漕事 遷江西茶鹽提舉。 歲饑,惡少聚劫,希懌將自臨按,幕屬力止之,不聽,曰:「希懌不出,

列傳第六 宗室四

寇郴

,陳廷佐寇南安,復誘羅世傳與合,劫掠至龍泉。

有何光世者,能知賊動息,希懌授光

亦

1111 計 世 傳誅元礪以自贖。 功未竟,移知平江府,其後世傳果縛元礪以獻,廷佐勢孤

乞祠 移 遷端 知太平州 明殿學士,換昭信軍節度使、開府儀同三司,致仕。 希懌爲倅日,習知其民利病,遂損折帛價(三),減榷酤額,以蘇民力。 嘉定五年卒,年五十八,贈少 已而

保,封成

國

也。 大將 合, 皆散 軍 邑官聞之來謁, 上 晤公字公美, 貴州 走。 士 團 珸 |練使。 乘驢 資以 西亡,夜半盜奪 從上皇北 濮安懿王曾孫也。 衣 冠 鞍 遷,次洺 馬 驢去,徒步 因募得少壯 州 天資警敏, 東, 與諸宗室議,欲遁還據 |疾趨,遲明,抵武安酒 百餘 兒時嚴如 人, 從至 成人。 磁州, 城。 家, 比 招 弱冠,爲右監門 集義 謀未 語 兵以 (日:「我 就 而 解洛 金 、皇叔 圍 衞

圍 攻具,以計生得其首領、 77 時 洛州守臣王 日 入 城, 部 分守 一麟欲叛 禦。 敵乃解圍去。 降 敵治 敵 壕 軍民 塹, 怒殺之, 以功遷權 樹 鹿 角, 推統 知洺州 示以 制 持 韓 久。 仍兼防禦使 一爲主。 土晤 礪將 土 珸 土 夜 死守, 半 薄 城下, 飛火砲碎 力戦 破

旬

日

間,得勝兵五千人,歸附

者

數萬

建炎二年,金人再犯洛,粮盡援絕,衆不能守,乃擁土珸出城,由白家攤抵大名府,詔赴

行在。

年四十六。 少, 士珸奏宗子善軫文藝卓絕,衆所 紹 興五年, 遷泉州觀察使, 再遷平海軍承宣使、知南外宗正事。 贈少師,追封和義郡王。 推譽,乞冤文解,由是人知激勸。 淳熙中、諡忠靖。 子不流,歷臨安、紹興帥,治有聲。 遷節度使,未 時泉邸新建,向學者 拜而卒,

防禦使、鄭州 孟太后,乞命 士優字立之,郇康孝王仲御第四子。 帥府得承制便宜行事,又請奉王承大統,太后從之,王遂即位 觀察使, 由寧遠軍承宣使轉權同知大宗正事。 有大志,好學,善屬文。 時康王建大元帥府, 初補右班殿直,累遷忠州

與後同 事 校少保,除同 會苗傳、劉正彦作亂, 除光山軍節度使,扈蹕南幸。 濟國難。 知大宗正事 苗傳等怒浚,後坐謫。 士優易服入杭,以蠟書遺張後,趣其勤王; 黃潛善等用事,士優論其誤國,潛善斥之,出知南外宗正 復遺浚書,謂朝廷無他意,俾賊勿疑耳。 復遺 呂頤浩書,勉其 事平,加檢

丁母憂,起復,除知大宗正事〔七〕。請序位安定郡王下,從之。 累乞祠,不許。以定策功,

列傳

第

六

宗室

詔 其子不議改文秩,不恤易環衛官。 加土優檢校少師。 尋加開府儀同三司,判大宗正事

入覲,勸帝留意恤民。

金 人既歸河南、陝西地,命士優謁陵寢,遂入柏城,披歷榛莽,隨宜葺治,禮畢而還。 特

封齊安郡王,以旌其勞。

尋權主奉濮安懿王祠事。 軍興,罷宗室賜予,至有喪不能斂者,士優以聞。 詔總麻、袒

免親任環衞官而身亡者,賜錢有差。

官。 復 封 循王。 中原也。 中丞万俟离 士優數言事,忤秦檜。 六子皆進官二階。 臣以百口保飛無他。」繪大怒,諷言者論上優交通飛,蹤迹詭秘,事切聖躬,遂奪 復希旨連擊之。 及岳飛被誣,士優力辨曰:「中原未靖,禍及忠義,是忘二聖不欲 謫居于建,凡十二年而薨,年七十。 帝哀之,贈太傅, 追

州 ,殺葉濃,以功賜爵二級。 長子不凡,方苗傅之亂, 刲股納蠟書,持告張浚,以功轉兩官,易文資。 從趙哲收復建

上瞻字仰夫, 太宗五世孫。 初以廕補官, 累轉太子率府副率。 建炎初,隆祐太后幸洪

州,敵奄至,百司散走。 之,必從。 衆欲聚爲盜,士鷓出御容示之曰:「盜不過求食爲朝夕計耳,孰若仰給 如此, 則今日不饑餓,後日不失賞,是一舉而兩得也。」衆聽命。 士嶀至 一大船中, 見二帝御容, 負以走。 遇潰兵數百,同行至山 州 縣。 乃走謁太后虔 屬 中, 諭

事耳。 承宣使,追封建安郡王。 死,庶可安集; 又宜急踰城中,城中定,則外寇可弭,譬如服藥,心腹已安,外禦 會虔民作亂, 赦旣下,城中遂定。 鄉兵在外爲應,與官軍相持。 遷右監門衞大將軍、惠州防禦使。 **出**鸠詣執政,謂當請太后急肆赦, 人知免 紹興二十一年卒,贈建寧軍 、風濕, 乃餘

以行,抵會稽。 士晴,太宗之後,商、濮王之裔也。 扈駕循幸,以覃恩轉千牛衞將軍奉朝請而卒。 從上皇俱北遷,乘間變姓名入僧寺中,落髮,衣僧衣

不 羣字介然, 太宗六世孫。 宣和中,量試授承事郎。 靖康初,宰濟南章丘縣。 縣當山

八七五六

河北之衝, 不羣募效用五千人,增城浚濠,爲戰守備,敵 攻 圍 网 月 不 能

郴州 副 鈐 轄。 遷維 時羣盜出沒湖、湘間, 州通 旣 m 判,陞直 朝廷慮郴失守,復留不羣于郴。 一祕閣,通 不羣嚴備禦, 盜不能犯。 判鎭江 府,辟充兩浙宣 會岳飛破曹成,成遁 撫 進直 司主管機 顯謨閣,移 宜 文 因 字。 知 犯郴, 鼎 州 高宗 充湖北 不羣乘城 在 越,詔 兵馬 固 改

後時,故叛。」帝悔之。 羣 北 去, 進直實文閣, **葬釋之以歸。** 移知宣州 除知荆南府、累遷兩浙路轉運副使,卒于官。 帝召見,問瓊叛故,不羣曰:「由劉錡除制置,瓊等以爲圖己,棄撫諭 軍需以時辦, 而 民 不 擾。 進秩二 階。 知廬州 酈瓊扳, 擁 不 守,拒卻之。

取 樂 棄 能 愈 言 至官,用張憲成 制之, 不相能,恰件召還。 撫 棄字德夫,太宗之裔。 司 所 除太府 剛 故事,以平牒見剛中。 中不與,不棄怒。 少卿、四川 岡中 宣撫 在蜀,服用頗踰制,不棄復文致其事。 紹興中,爲江東轉運判官。 司總 剛中辟利州 領官。 剛中愕然,久之始悟其不隸己,遂有隙。 初, 轉運使王陟 趙開總蜀賦, 秦檜忌四川宣撫使鄭剛中,以不 **棄本司參議,不棄劾罷之。** 宣撫司文移率用申狀,不 檜乃罷剛中, 陞不棄數 不棄欲盡

文閣待制,知臨安府。

時,檜兄子也,不棄言其悉心振恤,全活甚衆,昌時得遷秩。 踰年改工部侍郎 尋除敷文閣直學士、知紹興府。 時浙東旱, 其媚檜如 饑民多流亡。 此。 未幾卒。 提舉秦昌

此 小使軍也。」高宗卽位,引衆歸, 不尤,有武力。 靖康之難, 與王明募義兵, 補武翼郎。 從岳飛平湖寇。 與金人戰,雄張河南、北。 飛死,檜奪其兵,遣守橫州 盜皆避其鋒,日

而卒。

子 善悉,進士登第。 累官敷文閣直學士、兩浙轉運副使。

不愿字仁仲, 嗣濮王宗暉曾孫也。 父士圃,從上皇北遷, 遙拜集慶軍節度使。 不息初

補保義郎, 紹興二十七年登第, 易左宣義郎,調婺州金華丞。治縣豪何汝翼,城請於郡,編

隸他州,邑人慴服。

列傳

第六

宗

室

[J.]

除永州 通判。 郡歲輸米,倍收其贏,民病之,不愿言於守,損其數。 帥司傲不息錄靖州

獄,辨出冤者數十百人,婦人德之,繪其像以祠。

開二年, 監之,私其利。 除知開州。 民絕鬥爭, 夜戶不閉。 不愿罷造,鹽利倍入,郡計用饒,以羨餘代民輸夏秋雨稅及天申節銀絹。 開在巴東,俗鄙陋,不思爲興學,俾民知孝義。 諸司交鷹,以比古循吏。 轉變州轉運判官,開人數千遮城 郡有鹽井,舊長吏必遣所親 在

門,不得行。

五餘萬

乃出錢市羨鹽數十萬斤,易米得三萬餘斛,運抵湖北,市銀以歸,代諸郡納上供銀,省緡錢 至變,民病上供銀。 時部使者以親故攝大寧鹽場,專其利。 不愿斥去, 而鹽獲羨餘。

曰:「米至矣。」富民爭發粟,米價遂平。 改 成都路轉運判官。 適歲饑,不愿行抵爐南,貸官錢五萬緡,遣東分糴。 雙流朱氏獨閉糴,邑民羣聚發其廩。不思抵朱氏法, 比至,下令

籍其米,黥盗米者,民遂定。

民振之,老幼疾患者官爲粥視。 失水,故歲屢饑。 永康軍歲治都江堰,籠石蛇 不 息躬視,操板築, 絕江遏水,以灌敷郡田。 全活數百 繩吏以法。 乃出令:民業耕者田主貸之,事末作者富 吏盜金, 滅役夫, 堰不 固 而圮,田

黎州青羌奴兒結反〔云〕,制司調兵往戍,屬不息給餉。故事,富人出態,而下戶以力致于

邊。不忌曰:「民饑,不可擾也。」以糴餘米發卒運之。已而朝廷命不息攝制司。初,官兵敗,前 制使遣人路奴兒結以和。 不息曰:「奴兒結,吐蕃小種也,今且和,若大族何?」不 聽

夢束 遣 遮道 生 獲 步將領飛山軍徑赴沉黎,又徙綿州兵戍邛州爲後援,戒之曰:「堅守勿動。」密檄諸蕃 不得行 畜 吐 不息乃令緣邊家出丁夫一人,分戍諸堡,復其家。 會所豪夢束畜列率數千人入漢地二百餘里,成都大恐。 蕃 列首來獻, 凡十有六日而平。 一人賞十縑,殺一人二縑。 於是邛部川首領崖獲合諸部落,大破吐蕃於漢源,斬 嘉州虚恨蠻入寇,不息標吐蕃首境上,蠻懼,一夕遁 不愿罷歸,蜀人送者自成都至雙流 不息靜以鎭之,召僚屬飲。 部 夜

中貴· 使、 知大宗 人或請見,輒謝出之。 未幾,除成都提刑,改江西路轉運判官。 IF. 事。非常制也。 吏白承受奏請須用中貴人, 不息曰:「有司不存乎?」罷不用。 廷臣薦其賢、詔授右監門衛大將軍、惠州防禦

館 一使,皆對揖,不愿不爲禮。 進 明州 觀察使,俄陞昭慶軍承宣使「む」。金人完顏烈來聘,充館件副使。 宴玉 津園,不息連 射皆中,使者驚 服 金使從者舊見

齌 使有 不息以文行 過者 讀 書 訓 其中, 勉 族屬,薦其秀傑者。 人人感勵。 淳熙十四年卒, 年六十七。 奏新 學宮, 增廣; 弟子員,做大學校定法。 贈開 府儀 同三司, 封崇國 置 自記

公。

志,特封郡夫人。

報, 非敢志富貴也。」登第時已入仕,法當超兩秩, 不息性篤孝,生七歲,遭父北遷,每思慕涕泣。 請回授其母。 長力學,母曹氏止之,答曰:「君父讎未 母封法止令人,高宗嘉其

尙如此, 宗室也。」一日,坐待漏院,有給事中白英國公借擊毬馬 [10], 此宜書之御座右。 勸上求直言,通下情,退而燔其稿。 其論王抃不宜揀選諸路軍,王友直不可爲副都指揮使,尤人所難言者。 馬驚墮,斬汝輩無益也。」馬竟不可得。 居官所至有聲,立朝好言天下事。 帝悚然可之。 旣嘉其忠諒,每宴禁中,帝飮之酒,顧謂皇太子曰:「此賢 時布衣上書狂悖,多抵罪,不息謂太上皇帝不罪言者, 蜀中武帥操重權,不愿請復置安撫司, 所敬者朱熹、張栻、斌死為請諡,又請用熹。 不愿正色曰:「上惟一皇孫,萬 遇大旱,一日 相維而治。 九疏, 其好

登第。 善俊字俊臣,太宗七世孫。父不衰,閩路兵馬鈴轄。 換左承務郎,調南城丞,改昭信軍,簽判奇之。 虞允文亦薦其有邊帥才,除幹辦諸司 善俊初補承節郎。 紹興二十七年

審計司。知郴州、敷奏稱旨、留爲太府寺丞。

旣 居,死者爲給棋,人至如歸。 煙涸 尋攝帥、知 ,宜募鄉兵保孤、姥二山,治屋以儲粟。 廬州。 會歲旱,江、浙饑,民麋至。 州城舊毁于兵,善俊葺完之,因言:「異時恃焦湖以通饋簲,今 敵或敗盟,則吾城守有餘,餉道無乏矣。」又 善俊括境內官田均給之,貸牛種,僦屋以

累 遷龍圖閣直學士,移知建州。 建俗生子往往不舉,善俊痛繩之,給金穀,捐己奉,以 增築學含,新包拯祠,春秋祀之,人感其化。

助其費

再 知廬州。 首言和好不可恃, 當高城浚池以爲備。 復芍陂、七門堰,農政用修。

屬邑坊場、河渡羨錢,百姓德之。

創 火巷,以絕後患。 以 父憂去,服闋, 僚屬 起 知鄂州。 |争言用度將不足,善俊曰:「吾將瘠己肥人。」乃省燕游 適南市火,善俊亟往視事,弛竹木稅,發粟振民,開古溝, 車騎鼓吹之

費,郡計用饒,代輸民役錢。

新,平米價,民乃定。 再 知建州 歲饑, 邑尉 民羣趨富家發其廩, 入盜十三人死罪,以希賞,善俊辨其冤 監司議調兵掩捕,善俊 曰:「是趣亂也。」論許自

徙 知隆 興府, 移江西轉運副使。 時朝廷議減月椿錢,善俊言:「及州不及縣,則縣仍迫

列傳

第六

宗

室

JЦ

取於民,猶不 科,從而 折變,益加 减 也 、陳費、 宜 路通裁其額,下之漕臣, 其數反重於正絹,倂乞蠲減。 科郡縣輕重均減之。」又奏:「和買已是白 黥卒遇赦還者,刺充舖兵,可除民

轉湖南帥 |郴、||桂地絕遠,守多非才,善俊謂宜精其選。 代輸潭州經、總制錢, 停醴陵

害〕」所言多見用

綠水渡錢。 加秘閣修撰,移知鎭江府。 丁母憂,終喪而卒,年六十四

善俊風儀 :秀整,喜功名,尤好論事。 孝宗時, 日中有黑子, 地屢震,每以飭邊備爲戒。

孝宗英武獨運,缺相者累年,善俊極言相位不可無人,尤人所難言者。

「奈何以人命希賞。」守益賢之,薦于朝。 簿,攝邑事。 善譽字靜之,父不倚,太宗之後也。 勸編戶 夏金買田,以助嫁娶喪葬。 授兩浙運幹,改知撫州臨川縣。 善譽幼敏慧,力學。 捕得海盜全黨,守欲上其功,善譽曰 乾道五年,試禮部第 縣嘗預借民賦,善 初調

譽閱籍發逋負,按籍征催,卒以時辦集,遂罷預借。

大旱,善譽通融諸郡常平,計戶振貸,嗣歲麥禾倍收,民爭負以償。 改常州添差通判。 史浩言其賢, 詔赴部堂審察, 累遷大理丞、 湖北常平茶鹽提舉。 奏罷稅場十餘、渡四十 會

Ŧi. ,民便之。 俾諸郡售田,委郡文學董其入,以給計偕者。

寓閩者 無疾 其章。 寧, 而卒,年四十七,時淳熙十六年也。 移潼川路提刑、轉運判官。遂寧守徐翮乏廉聲,部使者以其故御史,寬假之。 出迎,善譽抑使循廊,翻大沮。 善譽徑以 少業儒, 開,罷翻。 善譽卽郡庠立學以敎之, 又以羨貲給諸郡置莊,民生子及娠者俱給米,威惠並孚。 郡人聞之,爭訟其過。 人始感勵。 引年乞祠,歸處一室,以圖書自娛。 善譽劾諸朝,宰相王准善翮,寢 善譽過途 宗子

善譽早失怙恃,撫育諸季備至,居官廉靖自將,多所著述,郭雍、朱熹嘗取其易說云。

年 郎,遷尙書,知平江 侍立修注官。 進 一士第。 汝述字明可, 調南 八年, 劍州順昌尉。 太宗八世孫。 府 除起居郎 卒。 兼密院都承旨, 嘉定六年,詔主管官告院,自是常兼宰士,累遷將作少監,權 曾祖士說,從二帝北遷,臨河駡敵而死。 俄 遷兵部侍郎。 以母憂去,服闋, 汝述登淳熙十一 改刑部侍

汝述爲尉 應 詔 上封事, 論議懇惻。 立朝薦引, 多知名之士。 然為時相所親,臘躋通

顯,人亦以此少之。

列

徒二百餘人。帝許之。臺諫皆言不可,遂寢 服,城中稍定。 叔近招通,通聽命。叔近以素隊數十人入賊城,衆猶不解甲。 西兵討之。兵潰爲亂,抵秀州城下,叔近乘城論以禍福,亂兵乃去。未幾,差權兩浙提刑。 叔近,悼王元孫,榮良公克類之子也。 叔近奏:通初無叛心,止緣葉夢得賞不時給,遂至紛爭;今已就招,請赦其 建炎元年,爲秀州守,杭卒陳通反,韶字道宗將 叔近置酒,推誠待之,遂皆感

虐,軍民怨憤,小卒徐明率衆囚芾,迎叔近領郡事,叔近不得辭,因無定之,請擇守于朝。 京,狎娼周氏,周氏後歸叔近,淵銜之,乃誣叔近通賊,奪職拘于州,以朱芾代之。| 芾肆殘 叔近還秀州,已而汪淵兵至杭,詐傳呼云:「趙秀州來。」通郊迎,淵遂誅之。初,淵在汴

日,,, 至郡,叔近出迎,俊叱令置對。方操筆,羣刀遽前,斷其右臂,叔近呼曰:「我宗室也。」俊曰: 「汝旣從賊,何云宗室!」語未竟,已折首于地。徐明等見叔近死,遂反戈嬰城,縱火驅掠。翌 俊斬關入,捕明等誅之。取周氏歸于淵。 奏禾**達,**朝廷命張俊致討。俊,淵部曲也,辭行,淵謂之曰:「叔近在彼。」俊諭意。領兵 紹興九年,御史言叔近之寬,贈集英殿修撰。

時雍等速歸政,置救駕義兵。 叔 向,魏王之系也。方,汴京破時,叔向潛出,之京西。金人退,引衆屯青城,入至都堂, 其後爲部將于渙上變,告叔向謀爲亂,詔劉光世捕誅之。

弟横 邑中,號「三虎」,畜僮僕數百,邑官莫敢誰何。 **彥倓字安卿,彭城侯叔褧曾孫也。父公廣,饒州太守。 彦** 俊白其守治之,縛潘氏昆弟,正其 **彦**俊初調凓陽尉,邑民潘氏兄

改揚州司戶,攝獄掾。 有告主藏吏盜錢餘千萬,治之急,吏泣請死。 **彦**俠祭其情,屏人

罪。

問, 則諸吏共貸也,乃許自首冤罪,一 日 而 畢。

預借,邑遂易治。 改平江府推官,攝宜興縣。 縣自中興後,預借民明年稅, 民挾此得慢其令。 **彦**倓請禁

救之, 彦倓力爭, 竟抵胥罪。 知臨安於潛 縣。 縣胥往往通臺省吏,得肆其奸。 浮橋 [屢以水敗,彥倓梁以石,民免溺死。 **彦**俊執其點者,械送府。 陞臨安府通 臺省吏從中 剕

開禧初, 知興國軍。 歲旱蝗, 而軍需益急,屬邑令吳格負上供銀尤多,彦倓坐累貶秩,

列

格 愧謝。 **彦**倓日:「屬時 既而各斬首以獻,散其餘黨。 多艱,宜寬民力以崇根本,何謝爲?」潰卒據外城爲變,彥倓募能斬

况主斷不平,是激之使叛也。 累遷湖南運判。 徭 人羅孟傳反,累歲不能平。 能遣課者離其黨與,俾還自相讎,破之易矣。」帥從其計,遂降 **彦**俊謂帥臣曰:「徭人讎殺,乃其常情,

孟

捕

者賞之。

藕省也。」珍散其衆。乃第民高下,損其稅有差,免輸湖籍田米,舉緡錢四 賴以濟。 石塘,亦置莊以備增築。會旱,饑民聚陂湖中, 彦倓取死囚, 羃首刖足,徇於衆曰: 「此劫蔆 尋知紹興府。 韶改太府少卿,遷顯謨閣、知太平州,調江西轉運使。 格價輕,彥倓權以法,民便之。復鹿鳴禮,置興賢莊以資其費。 嘉定十一年卒于官,年六十 十萬以助荒政,民 築捍海

四。

官福建路運幹, 旱,令循故事禱雨,而責租益急。彥橚曰:「損斂已責,所以招和氣,何禱爲? **彦**構字文長,悼王七世孫。祖訓之在忠義傳。 屬邑負振鹽本錢數千萬,累歲不能償,彥橚白其長,蠲之。 **彥楠登乾道二年進士第。** 」已而果雨。累 尉樂清,

初,知晉陵縣,歲饑, **彦**橚振恤有方, 所活幾二十萬。 又以羨錢爲五等戶代輸。

者,嘯聚汀、贛間,彥橚遣將捕戮之。 擢監登聞檢院。 時韓侂胄方柄 用,朝士悉趨其門,彥楠切歎惋。 遷廣西提刑, 諸郡鬻官鹽,取息之六以奉漕司,後 出 知汀州 州民葉姓

至八分。彥橚復其舊,以蘇民力,朝廷從之。

侂胄死, 韶戶部侍郎兼樞密院檢詳。 士大夫前與兵議者, 坐侂胄黨, 將倂逐之。 彦橚

歎曰:「士方以偽學廢,今又以兵端斥去,苟欲錮士,何患無名!」 与見帝,必言才難

中有怨言,彥熽曰:「不樂者主帥耳,何損士卒。」持之三年,掛虛籍者贏三萬,額減錢百萬 遷湖廣總領。舊士卒物故,大將不落其籍,而私其月請,彥橚置別籍稽核之。 比去,餘七百萬,而諸路累積趙負獨四百萬,盡蠲之。 或傳軍

緡,用度以饒。 知平江府。 郡之昆山並大海,盜出沒,莫可蹤迹,彥橚奏分其半置嘉定縣,屯兵以守。

轉寶謨閣待制。卒于官,年七十一。

累遷太府少卿、 彦逾宁德先,魏悼王後,崇簡國公叔寓**曾孫也**。 匹 Ш 總領。 將入境,利西帥吳挺遣屬吏安丙來迓,彥逾見卽喜其人,從容問 紹興三十年登第。 淳熙五年,知秀州

列

之曰:「太尉統衆六萬,得無虛籍乎?」丙以情告。 賦。 挺不敢隱。 改知鎭江府,郡適旱饑,彥逾節浮費,發粟振糴,民賴以濟。 **彦逾遺挺書,俾損虛籍數千,以寬四川之**

欲倚殿帥郭杲爲川,遣中郎將范任告之,杲不應。時中外洶洶,彥逾見汝愚,對泣,汝愚密 兵爲衞。 「彥逾與樞密第能謀之耳,太尉爲國虎臣,當任其責。」杲未及對,彥逾急責之,杲許諾,遂領 告以翊戴之議。 遷戶部侍郎、工部尚書。 寧宗卽位,汝愚謂彥逾曰:「我輩宗臣,不當言功。」 意逾大喜,力贊其決。郭杲嘗被誣,
>>

意逾為自于帝,

杲德之,

遂馳告杲日: 孝宗崩,光宗疾,不能持喪。 樞密趙汝愚議請立嘉王爲皇帝,

嘉泰間,知明州兼沿海制置使。嘉定間,乞祠以歸,尋卒。 安撫制置使,兼知成都府。彥逾爲政不擾,蜀人便安之。以定策勳,累遷資政殿大學士。 會留正冤相,汝愚登右揆,彥逾以端明殿學士出知建康,兼江東安撫使。 未行,改四川

妆愚黨,帝由是疑汝愚。 <u></u> **彦逾始與汝愚協濟大計,冀汝愚引己共政,及外除,頗觖望,乃疏當時名臣上之,**目爲

利 西安撫於東路,以革世將之弊。 共兩入蜀皆有聲。 然吳氏世守武興,兼利西安撫,操重權。 而彥逾奏復利西安撫,乃領以武帥。 吳挺卒,朝廷用丘崈議,併 其後吳曦因之以生

變,人以是咎彥逾云。

校勘記

遣范塤徐文中詣濟州 文中偕至帥府。」帥府是指康王趙構的兵馬大元帥府,這時駐在濟州;趙構也未曾封濟王,「王」 「濟州」原作「濟王」。 按繫年要錄卷四載此事說:「子松因遺填與承事除

字當是「州」字之訛,據改。

- Ξ 兩浙轉運副使 「兩浙」原作「兩淮」,據繁年要錄卷一七八、一七九、一八二改。
- 3 陞敷文閣待制 「敷文」原作「華文」,按本書卷一六二職官志,敷文閣紹興十年置,華文閣慶元

二年置;繁年要錄卷一八八、咸淳臨安志卷四七都作「敷文閣」,據改。

(日)除太社令 遂損折帛價 「太」原作「大」,太社令紹興十五年置,見本書卷一六四職官志,據改。 「帛」原作「市」。按眞德秀西山先生眞文忠公文集卷四五少保成國趙正惠公墓誌

銘 云:「其爲太平州,則朘折帛價使輕,蠲榷酤欲使少。」「市」字當爲「帛」字之訛,據改。

(云) 士珸 、宋會要帝系六之一七改。下同。 原作「士晤」,據本書卷二四高宗紀、卷二三一宗室世系表和中興聖政卷二、繁年要錄卷

(+) 除知大宗正事 「知」字原脫,據繫年要錄卷三六補。

(元) 奴兒結 原作「奴結兒」,據本書卷三五孝宗紀、卷四九六蠻夷傳、朝野雜記 乙集卷一 九丙申青

列

傳 第

六

校

勘

記

羌之變條改。

八九二 昭慶軍承宣使 「昭慶」原作「招慶」。

六故昭慶軍承宣使知大宗正事贈開府儀同三司崇國趙公行狀改。 按宋無「招慶軍」而有昭慶軍,據葉適水心先生文集卷二

同上書同卷同篇此語作「有給使數人白同班 曰英 國公借擊毬

馬」,疑此處「給事中」三字有誤。

6

有給事中白英國公借擊毬馬

宋史卷二百四十八

列傳第七

公主

英宗四女 光宗三女 秦國大長公主 神宗十女 魏惠獻王一女 寧宗一女 太祖六女 哲宗四女 太宗七女 徽宗三十四女 理宗一女 眞宗二女 孝宗二女 仁宗十三女

賜諡恭懿。 公主,再適忠武軍節度使高懷德,賜第興寧坊。開寶六年十月薨,太祖臨哭,廢朝五日 秦國大長公主,太祖同母妹也。 眞宗追封大長公主。 元符三年,改秦國。 初適米福德,福德卒。 政和四年,改封恭懿大長帝姬 太祖即位,建隆元年,封燕國長

有姊一人,未笄而夭。建隆三年,追封陳國長公主。 元符改封荆國大長公主。 政和改

封恭獻大長帝姬。

太祖六女。申國、成國、永國三公主,皆早亡。

賢肅 卽 位 一,進封鄭國。 魏國大長公主,開寶三年,封昭慶公主, 元符改封魏國大長公主。 淳化元年,改封秦國。 政和改賢肅大長帝姬。 眞宗至道三年,進長公主。 下嫁左衞將軍王承衍,賜第景龍門外。 大中祥符元年薨,賜諡

淳化 改封 魯 元年,改晉國。 魯國大長公主,開實五年,封延慶公主, 國 政和改賢肅大長帝姬 眞宗初,進長公主。 大中祥符二年,進大長公主。 下嫁左衛將軍石保吉。 太宗卽位,進封許國。 薨,賜諡賢靖。

淳化元年,改齊國 陳 國 大長 公主,開寶 眞宗初, 五年,封永慶公主, 進許國長公主。 下嫁右衞將軍魏咸信。 咸平二年薨,諡貞惠, 後改恭惠。 太宗卽位,進封號國。 景祐

追 封 大長公主。 元符改封陳國。 政和改賢惠大長帝姬。

太宗七女。長滕國公主,早亡。

徐國大長公主,太平興國九年,封蔡國, 下嫁左衞將軍吳元晟。 淳化元年, 改魏國

薨,諡英惠。至道三年,追封燕國長公主。 景祐三年,進大長公主。 元符改徐國。 政和改

英惠大長帝姬。

主。 景祐三年,進大長公主。元符改邠國 那國大長公主,太平興國七年爲尼,號員明大師。 八年卒。 至道三年,追封曹國長公

賜第普寧坊。宗慶,禹錫之孫,帝命主以婦禮謁禹錫第。歷徙韓、魏、徐、福四國。 楊國大長公主,至道三年,封宣慈長公主。咸平五年,進魯國, 下嫁左衞將軍柴宗慶, 仁宗立,進

鄧國大長公主。 明道二年薨,追封晉國 (1),諡和靖。 元符封揚國。 政和改和靖大長帝姬

列傳第七 公主

主性妬,宗慶無子,以兄子爲後。

|國, 賜第。 雅國 大長公主, 至道三年, 景德元年薨,諡懿順。 封賢懿長公主。 景祐三年,追封大長公主。 咸平六年,下嫁右衛將軍王貽永,進封鄭 皇祐三年,改韓國。 徽宗改封

雍國

政和改懿順大長帝

姬。

薨,賜諡慈明。 正覺大師。改楚國,又改邪國。 衞國 大長公主,至道三年,封壽昌長公主。 徽宗改衞國。 政和改慈明大長帝姬 天禧二年,改建國 大中祥符二年,進封陳國, 乾興元年,封申國大長公主。 改吳國,號報慈 天聖二年

獨 爲兄弟行,時遵勖父繼昌亡恙,主因繼昌生日以舅禮謁之。 其爲壽。 主請出所逑繫人,以私錢募告者,果得眞盜,法當死,復請貰之。 無所取。 荆國大長公主,幼不好弄,未嘗出房闥。太宗嘗發寶藏,令諸女擇取之,欲以觀其志,主 遵勖賓客皆一時賢士,每燕集, 真宗即位,封萬壽長公主,改隨國, 主必 親視饗饎。 下嫁駙馬都尉李遵勖。 嘗有盜入主第, 帝聞, 歷封越、宿、鄂、冀四國。 密以棄衣、寶帶、器幣助 舊制選尚者降其父 帝命有 司 訊 捕。

內侍責侍者,主曰:「早衰力弱,不任步趨,非左右之過。」由是悉得免。 復 從者裁五六人。帝聞,遽命內侍督諸縣邏兵以衞主車。其後居夫喪,衰麻 御 華 初, 遵勖出守許州, 暴得疾, 主亟欲馳視之, 左右白: 麗。 嘗燕禁中,帝親爲簪花,辭曰:「自誓不復爲此久矣。」嘗因浴仆地,傷右肱,帝遣 須奏得報乃可行,主不待報而往, 未嘗去身、服除、不

欲, 皆感泣,帝亦悲慟曰:「先帝伯仲之籍十有四人,今獨存大主,奈何嬰斯疾 尤 玉,時衣數襲 移於朕,亦所不避也。」主雖喪明,平居隱几,冲淡自若。 主曰:「豈可以母病邀賞邪?」 齊白金三千兩, 視他子與己出均。 主善筆札,喜圖史,能為歌詩,尤善女工之事。 而已。 吾歿後當 及病目,帝挾醫診視, 亦如是。」 自后妃以下皆至第候問。 辭不受。帝因謂 嘗誠諸子以「忠義自守,無恃吾以速悔 誠諸 子曰:「汝父遺令:柩中無藏 從臣 曰:「大主之疾,倘 帝親抵 」復 其目, 顧問子 左右 孫

余

所

口口

皇祐 三年薨, 年六十四。 帝臨奠, 輟視朝五日。 追封齊國大長公主、諡獻穆。 徽宗改

封 荆國。 政和改獻穆大長帝姬

七七六

眞宗二女。長惠國公主,早亡。

魯國 ,諡昭懷。 昇國大長公主,初入道。 徽宗改封昇國大長公主。 明道二年,封衛國長公主,號清虛靈照大師。 政和改昭懷大長帝姬 慶曆七年, 追封

仁宗十三女。徐國、鄧國、鎭國、楚國、商國、魯國、唐國、陳國、豫國九公主,皆早亡。

周、 陳國大長公主,帝長女也。寶元二年,封福康。嘉祐二年,進封兗國。 主幼警慧,

性純孝。帝嘗不豫,主侍左右,徒跣籲天,乞以身代。帝隆愛之。

廷。久之,復召瑋,使爲駙馬都尉如初。 多不謹,帝爲黜都監梁懷一輩十餘人。後數年不復協,詔出肆於外, 夜扣皇城門入訴,璋皇懼自劾。諫官王陶論宮門夜開,乞繩治護衞,御史又共論主第內臣 帝念章懿太后不及享天下養,故擇其兄子李璋使尚主。暐朴陋,與主積不相能。 英宗立,進越國長公主。神宗治平四年,進楚國大 主降封沂, 屏居內 主中

長公主。

孝,追封秦國。 |熙寧三年薨,年三十三。 以瑋奉主無狀,貶陳州。 徽宗加周、陳國。政和改封莊孝明懿大長帝姬 輔臣議論,帝以主事仁祖孝,命日莊

進 惠國。 秦、魯國賢穆明懿大長公主,仁宗皇帝第十女也。母曰周貴妃。 治平四年,進許國大長公主行。下嫁吳越忠懿王之曾孫、右領軍衞大將軍錢景 嘉祐五年, 封慶壽

改韓、周、燕國。 徽宗朝,進秦、魏兩國。政和三年,更封令德景行大長帝姬

魯國。 靖康二年,諸帝姬北徙,姬以先朝女, 俭人不知,留于汴。 建炎初,復公主號,改封 凑、 避地南渡,賊張遇掠其家,中子愕被害。公主至揚州朝謁,復避地之閩。

厚澤,是以鍾慶於長主。長主待遇諸子,宜法仁宗用心之均一。」主感服 三子,愐、愷非已所出,故獨厚於忱。 上戒之曰:「長主壽考如此,乃仁宗皇帝四十二年深仁 使,仍詔戚里不得援例。久之,又爲忱請優賜推恩,上重違之,加忱開府儀同三司。 每入內,見必先揖。靖康中,戚里例納節,至是,公主爲其子忱請還舊官,上以忧爲瀘川節度 紹興三年,自閩至會稽,請入見,因留居焉。後徙合州。上以公主行尊年高,甚敬之, 時主有

加 明懿。 薨,年八十六。上輟朝五日,幸其第臨奠,詔子孫皆進官一等。 諡日賢穆。 二十九年,

列傳第七 公主

國大長公主(三)。熙寧九年,改魯國 一無所增飭。十年夏,旱,曹族以主生日將盛具爲壽,主曰:「上方損膳徹樂,吾何心能安。」 **兗國大長公主,帝第十一女也。** 嘉祐六年,封永壽。 下嫁左領軍衞大將軍曹詩。 進榮國長公主。 主性儉節, 治平四年, 於池臺苑囿 進別

國,又改賢懿恭穆大長帝姬。 元豐六年薨,年二十四,追封荆國,諡賢懿。 遷其二子曄、敗皆領團練使。 徽宗追封克

悉屛之。

改吳國,進吳、越國,改秦、克國。政和二年薨,追封燕、舒國,諡懿穆,復改懿穆大長帝姬。 進冀國大長公主。元豐五年,改魏國,下嫁開州團練使郭獻卿。八年,進楚國。 燕、舒國大長公主,帝第十二女也。 嘉祐六年,封寶壽。八年,進封順國長公主。治平四 徽宗

英宗四女。舒國公主,早亡。

王 師 約 魏 楚國大長公主,帝長女。 四 [年, 進陳國長公主。 元豐八年薨,追封燕國大長公主,諡惠和 嘉祐八年,封德寧。 治平三年,進封徐國, 元祐四年,追 下嫁左衞將軍 封封

秦國 徽宗追封魏國,加韓、魏國,改魏、楚國,又改惠和大長帝姬

國長 獻皇 然。 湯 劑 公主 |后喪,毁甚,主曰:「吾與上同體,視此亦復何聊 間 以 魏 進。 國大長公主,帝第二女,母日宣仁聖烈皇后。 遇旱暵,帝降損以薦,主亦如之,曰:「我奉賜皆出公上,固應同其休戚。」帝居慈聖光 ,改蜀國, 帝厚於姊妹,故主第池藥服翫極其華縟。 下嫁左衞將軍王詵。 武母盧寡居,主處之近舍,日致膳羞。盧病,自和 ! 嘉祐八年,封寶安公主。 」立散遣歌舞三十輩 主以不得日侍宣仁於寶慈宮,居常悒 神宗立,進舒

企即 太后 食之,主強 駕往、望第門而 臨問,已不省,后 元豐三年,病篤。 爲帝盡 食。 哭,輟朝五 慟哭,久稍能 主性不妬忌,王詵以是自 賜金帛六千,且問所 日。 言,自訴必不起,相持而 追 封 越國、盜賢惠。 須,但謝 恣,嘗貶官。 復詵官 後 (進封大長公主,累改)秦、荆、魏 而已。 泣。 至是,帝命還,就官,以慰主意。 帝繼至, 明 日 薨,年三十。 自爲 診脈,親持粥 帝 未上

主 好 列 讀 傳 古文章,喜筆札,賙恤族黨, 中外稱賢。 就不矜細行,至與妾姦主旁,妾數抵戾 八七七九

國。

八七八〇

薨後,乳母訴之,帝命窮治,杖八妾以配兵。 既葬,謫詵均州。 子彥弼,生三歲卒。

禮。 五年薨。 進翼國大長公主,改秦、越、楚國,加今封。 |韓、 魏國大長公主,帝第三女,與魏國同生。始封壽康公主,改祁國、衞國, 政和三年,改賢德懿行大長帝姬 (国)。 下嫁張敦 宣和

神宗 十女。 楚國、鄆國、潞國、邢國、邪國、兗國六公主,皆早薨。

如成人。 周國長公主,帝長女也。 年十二卒,帝后皆變服哀送。 母日欽聖憲肅皇后。 追贈燕國。 元符末,改封周國 封延禧公主。 生而警悟,自羈丱習嗜宛

先帝意,以主降琦之子嘉彦。歷封温、曹、冀、雍、越、燕六國。政和元年薨,追封唐國長公主。 唐國長 公主,帝第三女也。 始封淑壽公主。 初,帝念韓琦功德,欲與爲婚姻,故哲宗緣

潭國賢孝長公主, 帝第四女也。 母日宋貴妃。 始封康國。 紹聖四年, 下嫁王遇。 歷

韓、魯、陳、鄆四國。」大觀二年薨,追加封諡。

處聖瑞宮。 徐國長公主,帝幼女也。 侍母疾,晝夜不暫去,藥餌非經手弗以進。迨疾革,號慟屢絕,左右不忍視。 母日欽成皇后。 始封慶國,進益、冀、蜀、徐四國。 年及笄,循

子,不成而死,媵妾得女,拊視如己出。 盡 一禮,無裏外言。志向沖淡,服玩不爲紛華,歲時簡嬉遊,十年間惟一適西池而已。 崇寧三年,下嫁鄭王潘美之曾孫意。 政和三年,改稱柔惠帝姬。 事姑修婦道。潘故大族,夫黨數千百人,賓接皆 五年薨,年三十一,追封 再生

賢靜長帝姬。

哲宗四女。鄧國、楊國二公主,早亡。

陳國公主,始封德康公主,進瀛國、榮國。 大觀四年,下嫁石端禮,徙陳國。 改淑和帝

姬。政和七年薨。

列傳第七 公主

降潘 號,改封吳國 正大。 秦 國 康懿長公主,帝第三女也。 改淑 愼帝姬。 覲上于|越,以玉管筆、小玉山、奇畫爲獻,上温辭卻之。 靖康末,與賢德懿行大長 始 封康懿,進嘉國 公主俱以先朝女留于 慶國。 政和二年,改韓國 汴。 避 地 至婺 建炎 公主, 刐 初,復公 出

道。 封 多,乃詔:「哲宗惟正夫爲近親,餘人毋得援例。」顯仁太后歸,主同秦、魯國大長公主迎于 紹述之奸,頗抑正夫。 又爲正夫求恩數,上曰:「官爵豈 預 魏 秦國 宜 咸信、柴宗慶皆除使相。 十九年,又入朝。 |防變,乞除開府。」上不許。 八年再入見,留宮中三日。 紹 興 大長公主。 四年入見,其子堯卿等五人各進官一等。主奏言:「祖宗以來, 隆興二年薨,諡康懿。 子長卿、粹卿、端卿皆自團練使陞觀察使,從所請也。 |鼎去位, 正夫始得開府之命。 今正夫歷事四朝,在汴京曾建議迎陛下,至杭州 可私與人,况今日多事,未暇及此。」時趙鼎當國,方論羣臣 給事中劉一正言其非舊制,恐援例者 時極暑,上每正 駙馬都 衣冠對之飲 又言禁衛 孝宗卽位,進 尉石保 未

軍 承 宣 主 使, 在 日,正夫官至少傅,封和 清卿容州觀察使,墨卿、才卿並帶團練使,其盛如此。 國公;温卿寧國軍承宣使,長卿寧江軍承宣使,端卿 正夫薨於紹興二十二年,

贈太傅。

徽宗三十四女。 政和三年,改公主號為帝姬,國號易以美名,二字。

嘉德帝姬,建中靖國元年六月,封德慶公主。 改封嘉福,尋改號帝姬,再封嘉德。

下嫁

左衛將軍曾夤至

榮德帝姬,初封永慶公主,改封榮福。 尋改號帝姬,再封榮德。 下嫁左衞將軍曹晟。

順淑帝姬,初封順慶公主。 薨,追封益國(公)。 及改帝姬號,追封順淑。

安德帝姬,初封淑慶公主,改封安福。 尊改號帝姬,再封安德。 下嫁左衛將軍宋邦光。

茂德帝 姬,初封延慶公主,改封康福。 尋改號帝姬,再封茂德。 下嫁宣和殿待制蔡峰

八七八四

薵 汲帝 姬 初 封 壽慶公主。 薨, 追 封 豫 國。 及改帝姬號, 追 封壽湖。

惠淑帝 姬,初封 惠慶公主。 薨, 追封 鄧國 及改帝姬號, 追 封 惠淑。

安淑帝 姬, 初封安慶公主,改封 隆 福 薨, 追封 蜀國 及改帝姬號, 追封安淑。

崇德帝姬, 初 封 和慶 公主, 改封崇福。 尋改帝姬號。 下嫁左 衞將軍曹湜。 再 1 封崇德。

宣和二年薨。

康 淑帝 姬, 初 封 康慶公主,改封承福 薨, 追封 商國 及改帝姬號, 追 封 康淑

榮淑 帝 姬, 初封崇慶公主(も),改封懿福 薨, 追封蔡國 及改帝姬號, 追封榮淑

保 淑 帝 姬,初 封保慶公主。 薨, 追封魯國。 及改帝姬號, 追封保淑。

成 德帝姬 初 封昌福公主。 改號帝姬,再封成德。 下嫁向子房。

洵 德 帝 姬, 初封衍福公主云。 改號帝姬, 尋改封洵德。 下嫁田丕。

悼穆帝 姬 初封徽福公主。 改號帝姬。 薨, 追封悼穆

顯德帝姬 初封顯福公主。 改號帝姬, 尋改封顯德。 下嫁劉文彦

熙淑帝姬, 初封 熙福公主。 薨,追封華國。 及改帝姬,追封熙淑。

敦淑帝姬, 初封壽福公主。 薨, 追封涇國。 及改帝姬,追封敦淑。

顺德帝姬,初封順福公主(去)。 改號帝姬,尋改封順德。 下嫁向子展。

柔福帝姬,初封柔福公主。後改帝姬。

列傳

第七

公

生

中福帝姬,初封。 薨,追封冲慧。

寧福帝姬,政和四年封。

保福帝姬,追封莊懿。

賢福帝姬,追封冲懿。

仁福帝姬,追封順穆。

和福帝姬。

永福帝姬。

八七八六

華福帝姬。 令福帝姬。

儀福帝姬。

慶福帝姬。

純福帝姬。

恭福帝姬。

行。 建炎三年薨,封隋國公主。

列 傳

第 七

公 主 右三十四帝姬,早亡者十四人,餘皆北遷。 獨恭福帝姬生纔周哗,金人不知,故不

安德 帝姬 有遺女一人,後適嗣秀王伯圭,封秦國大人。

軍 中見內 榮德 人言宮禁事,遂自 帝姬至燕京,駙馬曹晟卒,改適 稱榮德帝姬。 習古國 鎮撫使解潛送至行在 王。 紹 興中,有商人妻易氏者,在 7 遣内夫人驗之, 劉超

付大理寺、獄成、詔杖死。

清送 薨。 主。 從 顯仁太后歸,言其妄,送法寺治之。 至 靜 又有 行 善遂伏誅。 在, 開封尼李靜善者,內人言其貌似柔福,靜善即自稱柔福 遣內侍 柔福薨在紹興十一 馮益等驗視, 遂封福 年,從梓宮來者以其骨至,葬之, 內侍李睽自北還,又言柔福在 國長公主,適永州 防禦使高世榮。 嘶州兵馬鈴轄韓世 五. 國城,適徐還 追封 其後 和 或 內 而

富 李 師 孝宗二女 克 等 屬 吏, 長嘉國 孝宗時 公主, ì居東· 宮、奏: 紹 興二十四年, 臣 女幼而多疾,不宜罪醫。」遂寢 封碩 人, 進永嘉郡主,三十二年 乾道二年,贈嘉 卒。 詔 以醫 國

公主。

次女生五月而

夭,未及封

文安郡主,光宗長女也; 次女封和政郡主 季女封齊安郡主。 皆早卒。 紹熙元年,並

追贈公主。

十九。 德,母敢或違。」賜甲第居之。 司前軍統領羅忠信子良臣。詔王府主管鄧從義諭旨:「皇女孫郡主宜執婦道,務成肅雍之 安康郡主,魏惠獻王女也。 良臣以恩轉秉義郞,除閣門祗侯官。 初封永寧郡主,改封通義。以父遺表,遂升安康。 開禧元年,郡主薨,年三 歸殿前

祁國公主,寧宗女也。生六月而薨,追封祁國

周、 漢國 公主, 理宗女也。 母賈貴妃, 早薨。 帝無子,公主生而甚鍾愛。 初封瑞國公

列

傳第

-6

公

主

校

勘

記

主,改昇國。 一人尙主,遂取周震炎。 開慶初,公主年及笄,詔議選尙。宰臣請用唐太宗下降士人故事,欲以進士第 廷謝日,公主適從屏內窺見,意頗不懌,帝微知之。

常御小辇從宮人過公主第。特賜董役官滅三年磨勘,工匠犒賞有差。 公主,拜鎭慶遠軍承宣使。 都統,進封公主爲周國公主。 景定二年四月,帝以楊太后擁立功,乃選太后姪孫鎭尙主。 鎮宗族娣姒皆推官加封,寵異甚渥。 帝欲時時見之,乃爲主起第嘉會門,飛樓閣道, 擢鎭右領軍衛將軍、 明年,進封周、漢國 密 邇 宫 苑, 駙馬

哀, 諡端孝。 七月,主病。 鎭官節度使云。 有鳥九首大如箕,集主家搗衣石上,是夕薨,年二十二。無子。 帝哭之甚

校勘記

- (二) 追封晉國 「追」原作「進」,據宋愈要帝系八之九、長編卷一一二改。
- 進許國大長公主 「許國」原作「魯國」,據宋會要帝系八之一七、十朝綱要卷四、長編卷二七
- = 進邠國大長公主 三七邠國大長公主進封魯國大長公主制改。 「邪國」原作「祁國」,據宋會要帝系八之二四、十朝綱要卷四和宋大詔令集卷

四四 改賢德懿行大長帝姬 「大長」二字原脫,據宋會要帝系八之二九、十朝綱要卷七補。

二 一曾夤 馬都尉,選尙嘉德帝姬。」「曹」應作「會」,據改。 辻朝綱要卷一五作「曾寅」。 原作「曹夤」。 按宋會要帝系八之五六,「以故相曾公亮四世孫姪進士夤爲左衞將軍尉

(<u>六</u>) 追封益國 「封」原作「諡」,據宋會要帝系八之四〇改。

(七) 崇慶公主 (元) 衍福公主 「衍福」原作「衍國」,據宋會要帝系八之四二、十朝綱要卷一 宋會要帝系八之四二、计朝綱要卷一五都作「榮慶公主」。 一五和宋大詔令集卷四〇

衍福公主特改封衍福帝姬制改。

(元) 順福公主 「福」原作「德」,據宋會要帝系八之四二、十朝綱要卷一五改。

宋史卷二百四十九

列傳第八

范質 子曼 兄子杲 王溥 父祚 魏仁浦子咸信 孫昭亮

范質字文素,大名宗城人。父守遇,鄭州防禦判官。 質生之夕,母夢神人授以五色筆。

|翰再相,質遷主客員外郎、直史館。 歲餘,召入爲翰林學士,加比部郎中、知制誥。 翰,深器之,卽奏爲監察御史。及維翰出鎭相州,歷泰寧、晉昌二節度,皆請質爲從事。 邊,少帝命漢祖等十五將出征。是夜,質入直,少帝令召諸學士分草制,質曰:「宮城已閉, 九歲能屬文,十三治尚書,教授生徒。 每朝廷遣使齎詔處分軍事,皆合機宜。周祖問誰爲此辭,使者以質對。歎曰:「宰相器也。」 恐泄機事。」獨具草以進,辭理優膽,當時稱之。漢初,加中書舍人、戶部侍郎。周祖征叛, 後唐長興四年舉進士,爲忠武軍節度推官,遷封丘令。晉天福中,以文章干宰相桑維 契丹侵

列傳第八 范質

恭帝 是爲 夏, 1-1 于 周 左 ,路左。 僕射兼門下侍郎、平章事、監修國史。 廣 太 從征壽州還,加爵邑。 后誥 順 嗣位,加開府儀同三司,封蕭國公。 居 初 旭 及議 自鄴 師還,以樞密使魏仁浦爲相,命質與王溥並參知樞密院事。 加拜中書侍郎、平章事、集賢殿大學士。 六年夏,世宗北征,質病留京師,賜錢百萬,俾市醫藥。 起兵 迎湘陰公儀注,質蒼黃論 向 闕,京城擾亂,) 質建議以律條繁冗,輕重無據, 吏得因緣爲奸。 質匿民間,物色得之,喜甚, 撰, 從征高平還, 稱旨。 乃白 翌日,兼參知樞密院 加 太后,以質爲兵部侍 司徒、 弘文館· 時 及平關 大雪, 世宗不豫,入受顧命 大學士。 事。 解 南,至瀛州, 世宗 郎、 袍衣之。 郊 祀 樞 特命詳定, 顯德 畢, 密 ()質見 副 進位 且令 四年 使。

靟 就 府 無主,今日須得天子。」太祖叱彥壞不退,質不知所措,乃與溥等降階受命 及 謁 太祖 太祖對之嗚咽流涕,具言擁逼之狀。 北征,爲六師推戴,自陳橋還府署。時質方就食閣中,太祖入,率王溥、魏仁浦 質等未及對,軍校羅彥瓊舉刃擬質日:「我

弟泰 位 M 寧軍節度使光義,自居戎職,特負將材,及領藩維,尤積時望; 質因 宋初,加 絹二千匹、錢二百萬。 上奏曰:「自古帝王 兼侍中,罷參知樞 一開基 太祖 密。 創業,封 初即位,庶 俄被疾,太祖征澤、潞,幸其第,賜黃金器二百兩、 建子弟,樹立磐維,宗戚旣隆,社稷永固。 事謙抑,至於藩戚尚未崇建,幕府賓佐未 嘉州防禦使光美,雄俊 伏見皇 列于 銀器

樞 行恩制 老成,修身樂善,嘉譽日聞。 密 副 此 使趙普精通治道、經事霸府、歷歲滋深、覩其公忠、誠堪毗倚。 臣之願 也。 臣又聞爲宰相者,當舉賢能,以輔佐天子。 乞並行封册,申錫命書。 皇子皇女雖在襁褓者,亦乞下有司許 竊以端明殿學士呂餘慶、 乞授以台司,俾申才

用。」帝嘉納之。

質等憚帝英睿, 先是,宰相見天子議大政事,必命坐面議之,從容賜茶而退, 每事輒具箚子進呈, 具言曰:「如此庶盡禀承之方, 冤妄庸之失。」帝從之。 唐及五代猶遵此制。 及

由是奏御寖多,始廢坐論之禮。

南郊行禮圖上之。 太祖聞之,爲悲惋罷朝。 乾德 二年正月,罷爲太子太傅。 初,帝將 有事圜丘,以質爲大禮使。 帝尤嘉獎。 贈中書令,賵絹 由是禮文始備,質自爲序。 九月、卒、年五十四。 五 百匹、粟麥各百石 質與鹵簿使張昭、儀仗使劉温叟討論舊典,定 將終,戒其子是勿請諡,勿刻墓碑。 禮畢,進封魯國公,質奉表 、固辭,

公,皆與凝同云。 登第名在十三,亦以其數處之。 質力學強記,性明悟。 誠如其言,不學何術以處之。」後從世宗征淮南,詔令多出其手,吳中文士莫不驚伏。 初,質既登朝,猶手不釋卷,人或勞之,質曰:「有善相者,謂我異 舉進士時,和凝以翰林學士典貢部,覽質所試文字,重之,自以 貢閹中謂之「傳衣鉢」。其後質登相位,爲太子太傅,封 日 位字 魯

質 每下制 敕 ()未嘗 破 律,命刺史縣令, 必以戶口版籍爲急。 朝廷遣使視民田 按獄訟, 皆延

見,爲述天子憂勤之意,然後遣之。

耶 ? 臣 再 駕 也 湯州 世宗初征淮南、駐壽、濠、銳意攻取、 過 寬儀罪。 小不當誅。」因冤冠叩頭泣下,曰:「臣備位宰相,豈可使人主暴怒, ,因事怒竇儀,罪在不測。 。」世宗意遂解,復坐,卽遣赦儀。 質入謁請見,世宗意其救儀,起避之。 且議行幸揚州。 質以師老,與王溥泣諫乃止。 質趨前日 致近臣於死地 儀 近 及

願

|宗 產, 卷,又述、朱梁至周五代爲通錄六十五卷,行于世。 真宰相 死, ,食不異品。 質性卞急,好面折人。 爲 可惜 也。」太宗亦嘗稱之曰:「宰輔中能 爾。」從子 身没, 家無餘貲。 ·校書· 以廉介自持,未嘗受四方饋遺,前後所得祿賜多給孤遺。 郎杲求奏遷秩, 太祖 因論輔相,謂侍臣曰:「殷聞范質 循規矩、愼名器、持廉節, 質作詩曉之, 子旻。 時人傳誦以爲勸戒。 無出 止有居第,不 質右 者,但 有 閨門 欠世 事 生

嶺 宋 旻字貴參, 南平,遷知邕州兼水陸轉運使。 初 了為度 支員 十歲能屬文。 外 鄭、判 大理 以父任右 正 事 俄 俗 千牛備身、太子 好淫祀, 知 開 封 縣 輕醫藥, 太宗 司 議郎,累遷 時領 重鬼神, 京尹 著作佐 數召 旻下令禁之。 與語,頗 郎 器 且割己 重之。

以肩 創 奉市藥以給病者,愈者千計,復以方書刻石置廳壁,民感化之。 一人二萬衆,攻州城七十餘日。 日篤,堅壁固守,遣使十五輩求援。 興載歸闕下。 疾愈,通判鎭州,有能聲,賜錢二百萬,遷庫部員外郎。 旻屢出親戰,矢集於胸,猶激勵將卒殊死戰,賊遂少却。 廣州救兵至, ` 圍解,賜璽書獎之。 會南漢知廣州官鄧存忠扨 旻病甚, 詔令有司 病

悉以便宜從事,無庸一一中覆也。」歲運米百餘萬石給京師,當時稱有心計。 開寶 九年, 知准南轉運事。 太祖謂旻曰:「朕今委卿以方面之重,凡除民隱、急軍須之

州 車駕 給 言:「俶在 一主客員外郞。 事 征 中。 六年,卒,年四十六。 太平興國初,召爲水部郎中。 晉陽,上書求從,召爲右諫議大夫、三司副使,判行在三司,又兼吏部選事。 國日,徭賦繁苛,凡薪粒、蔬菓、箕帚之屬悉收算。 坐受人請求擅市竹木入官, 有集二十卷、邕管記三卷。 錢俶獻地,以旻爲考功郎中,權知兩浙諸州 爲王仁瞻所發, 其後子貽孫上言,詔復舊官。 貶房州 欲盡釋不取,以蠲其弊。」從之。 司戶。 語在仁贍傳。 軍事。 師還,加 量移唐 旻上

齊名,爲文深僻難曉,後生多慕效之。 杲字師回, 父正, 青州從事 杲少孤,質視如己子。 以蔭補太廟齋郎,再遷國子四門博士 刻志於學,與姑臧李均、汾陽郭昱

列

傳

鍄

趸。 言其才比東方朔,求顯用,以觀其效。 言伐閱之家不當與寒士爭科第,杲遂不應舉。 太平 嘗攜. 興國 文謁 一初,遷著作郎、直史館,歷右拾遺、左補闕。 陶穀 、竇儀, 咸大稱賞, 謂!早曰:「若舉進士,當待汝以甲科。」及秋 太宗壯之,擢知制誥 稍遷著作佐郎, 雅熙二年,同知貢舉。 出爲 許、 鄧二州 從 試,有上書 俄上書自 事 坐事

|杲大悔。 養。太宗從其請。改工部郎中,罷知制誥。杲旣至,而晞吝如故, 安來者,給早日:「少尹不復靳財物,已揮金無算矣。」杲聞之喜,因上言兄老,求典京兆以便 杲家貧,貸人錢數百萬。 杲視事踰年,境內不治。 母兄晞性嗇,嘗爲興元少尹,居京兆,殖貨鉅萬。 會賊帥劉渥剽掠屬縣,吏卒解散,遂驚悸成疾 且常以不法事干公府。 親故有自長

從之。 解之。 右諫議大夫、知濠州,復召爲史館修撰 求爲學士,且言於宰相李昉曰:「先公嘗授以制誥一編,謂杲才堪此職。」因出示時,防屢開 移知壽州,上言:「家世史官,願秉直筆,成國朝大典。」召爲史館修撰,固求掌誥詞,帝 時翰林學士宋白左遷鄜州,賈黃中、李沆參知政事,蘇易簡轉承旨,杲連致書相 未幾,太宗飛白書「玉堂」額以賜翰林,杲又上玉堂記,因請備職。 太宗惡其躁競,改

州 遇朗州通判錢熙,杲問以「朝議將任僕何官」,熙言:「重修太祖實錄爾。」杲默然久之。 初 ,太宗以太祖朝典策未備,乃議召杲。 杲聞命喜甚,以爲將加優擢,晨夜趨進。

感疾,至京師,旬月卒,年五十六。太宗閔之,錄其二子。

貧, 果性虛誕,與人交,好面譽背非,惟與柳開善,更相引重,始終無間。 lR端坐終日,不知計所出,人皆笑之。子坦亦登進士第。 不善治生,家益

王溥字齊物,丼州祁人。

營兵拒契丹,委祚經度芻粟;卽位,擢爲三司副使。歷周爲隨州刺史。 募人開大秦山岩梯路,行旅感其惠。顯德初,置華州節度,以祚爲刺史。未幾,改鎭潁州。 城北隄以禦水災。 通 均部內租稅,補實流徙,以出舊籍。州境舊有通商渠,距准三百里,歲久湮塞,祚疏導之,遂 京師,遇暑雨多腐壞,祚請班鎧甲之式於諸州,令裁之以輸,民甚便之。移刺商州,以奉錢)舟楫,郡無水患。 父祚,為郡小吏,有心計,從晉祖入洛,掌鹽鐵案,以母老解職歸。 因求致政,至闕下,拜左領軍衞上將軍,致仕。 歷鄭州團練使。宋初,升宿州爲防禦,以祚爲使。課民鑿井修火備,築 漢法禁牛革,輦送 漢祖鎭井門,統行

周祖將兵討之,辟溥爲從事。 溥,漢乾祐 中舉進士甲科,爲秘書郎。時李守貞據河中,趙思綰反京兆,王景崇反鳳 河中平,得賊中文書,多朝貴及藩鎭相交結語。 周祖籍其

列傳第八

王

溥

宋

中書侍郎、平章事。宣制畢,周祖曰:「吾無憂矣。」即日崩。 中書舍人、翰林學士。三年, 周 名,將按之,溥諫曰:「魑魅之形,伺夜而出,日月旣照,氛沴自消。 祖從之。 師還,遷太常丞。 從周祖鎭鄴。 加戶部侍郎,改端明殿學士。 廣順初,授左諫議大夫、樞密直學士。二年, 周祖疾革,召學士草制,以溥爲 願一切焚之,以安反側。」 遷

夏,命參知樞密院事。 顯德四年,丁外艱。起復,表四上,乞終喪。世宗大怒,宰相范質奏解之,溥懼入謝。 |溥薦向洪。 此謀,肯輕示外人?蓋蘇逢吉誣之耳。」世宗始悟,韶贈其官。世宗將討秦、鳳,求帥於溥, 從容問溥曰:「漢相字崧以蠟書與契丹,猶有記其詞者,信有之耶?」溥曰:「崧爲大臣,設有 世宗將親征澤、潞,馮道力諫止,溥獨贊成之。凱還,加兼禮部尚書,監修國史。 事平,世宗因宴酌酒賜溥曰:「爲吾擇帥成邊功者,卿也。」從平壽春,制加階爵。 世宗嘗

右司員外 恭帝嗣位,加右僕射。 郎、知制誥張淡,左拾遺王格,直史館、左拾遺董淳,同加修纂,從之。 是多,表請修世宗實錄,遂奏史館修撰、都官郎中、知制誥扈蒙,

太祖 服闋,加太子太傅。開寶二年,遷太子太師。中謝日,太祖顧左右曰:「溥十年作相,三 因見溥,謂左右曰:「溥舊相,當寵異之。」即令分臺省班於東西,遂爲定制。 宋初,進位司空,罷參知樞密院。 乾德二年,罷爲太子太保。舊制,一品班於臺省之後, 五年,丁內

遷 一品,福履之盛,近世未見其比。」太平興國初,封祁國公。七年八月,卒,年六十一。 輟朝

二日,贈侍中,諡文獻。

貨,所至有田宅,家累萬金。 溥性寬厚,美風度,好汲引後進,其所薦至顯位者甚衆。 頗吝嗇。 作頻領牧守, 能殖

溥在相位,祚以宿州防禦使家居,每公卿至,必首謁。 祚置酒上壽,溥朝服趨侍左右,

既得請,於大駡溥曰:「我筋力未衰,汝欲自固名位,而幽囚我。」舉大梃將擊之,親戚勸諭乃 坐客不安席,輒引避。 作曰:「此豚犬爾,勿煩諸君起。」溥諷作求致政,祚意朝廷未之許也,

1

|朱梁至||馬爲三十卷,日五代會要。 有集二十卷。 溥好學,手不釋卷,嘗集蘇冕會要及崔鉉續會要,補其剔漏,爲百卷,曰唐會要。 又采

後改名貽矩,至司封員外郎。貽正子克明,尚太宗女鄭國長公主,改名貽永,令與其父同 子貽孫、貽正、貽慶、貽序。 貽正至國子博士。 貽慶比部郞中。 貽序,景德二年進士,

行。見外戚傳。

天、著作佐郎。 助孫字象賢,少隨周祖典商、潁二州,署衙內都指揮使。顯德中,以父在中書,改朝散大· 宋初、遷金部員外郎、賜紫、累遷右司郎中。淳化中、卒。太祖平吳、蜀、所獲

王溥

魏仁浦

跪也。 {記 禮志,時論許其諳練云。 拜禮何以男子跪而婦人否,普問禮官,不能對。 貽孫曰:「古詩云『長跪問故夫』,是婦人亦 文 ,備言其事。」普大稱賞之。 (史副本分賜大臣。 唐太后朝婦人始拜而不跪。」普問所出,對云:「大和中,有幽州從事張建章著渤海國 溥好聚書,至萬餘卷,貽孫遍覽之; 端拱中,右僕射字昉求郡省百官集議舊儀,貽孫具以對,事見 又多藏法書名畫。太祖嘗問趙普,

縣,仁浦迎謁道左,即補舊職 浦 克供養, 補 曰:「不貴達,不復渡此!」晉末,隸樞密院爲小史,任職端謹,儕輩不能及。 契丹入中原,仁 牙職。 隨衆北遷。 魏仁浦字道濟,衞州汲人。幼孤貧,母爲假黃縑製暑服,仁浦年十三,嘆曰:「爲人子不 乃使慈母求貸以衣我,我能安乎!」因慷慨泣下。辭母詣洛陽,濟河沉衣中流,誓 仁浦以重威降將,不願事之,遂遁去。 會契丹主殂于眞定,仁浦得脫 歸。 魏帥杜重威素知仁浦謹厚,善書計, 重威遣騎追之,不及。 漢祖起太原, 次鞏 欲留

不足憂也。」遷兵房主事,從周祖鎭鄴。 時 周祖掌樞密, 召仁浦問闕下兵數,仁浦悉能記之,手疏六萬人。 周祖喜曰:「天下事

鎭,有 用 知 留 者 且示以韶曰:「朝廷將殺我,我死不懼,獨不念麾下將士乎? 令郭崇害周祖 守印,易詔書以示諸將。 ,莫若易詔以盡誅將士爲名,激其怒心,非徒自免,亦可爲楊、史雪寃。」周祖納其言, 功朝廷,君上信讒,圖害忠良,雖欲割心自明,奚可得也,事將奈何。今詔始下,外無 隱帝用武德使李鄴等謀,誅大臣楊邠、 洪義 知事 衆懼且怒,遂長驅渡河。 不濟,與殷謀,遣副使陳光穗齎詔示周祖。 史弘肇等, 及卽位,以仁浦爲樞密副承旨,俄遷 」仁浦曰:「侍中握強兵臨 密詔澶帥李洪義殺騎將王 周祖懼,召仁浦 倒 重

步 節鎭,魏仁浦無遣 於 登 紙 寬仁門, 周 `校簿無差,周祖尤倚重焉。 旭 嘗 問仁浦諸州屯兵之數及將校名氏,令檢簿視之。 密遣小黃門召仁浦計事。明日,起復舊職。 達禁密。」 廣順 末,太原劉崇寇晉州,仁浦居母喪,而宅邇宮城,周祖 周祖 大漸,謂世宗曰:「李洪義長與 仁浦曰:「臣能記之。」遂手疏

右

羽林將軍,充承旨

密使。 宗 宗 特 出 以 世宗 陣 世宗 賜 西 河即位 仁浦。 殊 欲命 死 ,授右監門衞 戰,遂克之。 仁浦 從平 爲相 壽春,加檢校 ,議者以其不由科第,世宗曰:「古人爲宰相者」 大將軍、樞 師還,拜檢校太保、樞密使。 太 傅, 密副使。 進爵邑, 從征高平,周師不利,東偏已潰, 遷中書侍 故 郎、平章 事 1,惟 宰相生辰賜器幣鞍馬, 事、集賢殿大學士兼樞 ,豈盡由 科第耶? 仁浦勸世

列

遂决意用之。恭帝嗣位,加刑部尚書。

就第,復賜上尊酒十石、御膳羊百口。從征太原,中途遇疾。還,至梁侯驛卒,年五十九,贈 骨,不許。 奉觴上壽,帝密謂之曰:「朕欲親征太原,如何?」仁浦曰:「欲速不達,惟陛下愼之。」宴罷, 宋初,進位右僕射,以疾在告。」太祖幸其第,賜黃金器二百兩、錢二百萬。 乾德初,罷守本官。 開寶二年春宴,太祖笑謂仁浦曰:「何不勸我一杯酒?」仁浦 再上表乞骸

長者。 州刺史。漢隱帝寵作坊使賈延徽,延徽與仁浦並居,欲倂其第,屢譖仁浦,幾至不測。及周 中,元昭即繫温玉以變聞。時周祖總樞務,知其有間,置而不問。顯德中,仁浦爲樞密使, 祖入汴,有擒延徽授仁浦者,仁浦謝曰:「因兵戈以報怨,不忍爲也。」力保全之。當時稱其 其利。仁浦方爲樞密院主事, 元昭意仁浦必庇温玉, 會李守貞以河中叛(己, 温玉子在城 邑、解縣兩池權鹽使,遷解州刺史。會詔以仁浦婦翁李温玉爲權鹽使管兩池,元昭不得專 仁有度,雖公事不欲傷於人,豈念私隙乎?」元昭至京師,仁浦果不介意,白周祖授元昭慶 元昭不自安。及代歸闕,道洛都,以情告仁浦弟仁滌,仁滌曰:「公第去,可無憂。我兄素寬 仁浦性寬厚,接士大夫有禮,務以德報怨。漢乾祐中,有鄭元昭者,開封浚儀人,爲安 世宗朝近侍有忤上至死者,仁浦力救之,全活者衆。淮南之役,獲賊兵數千人,仁浦

從容上言,俾隸諸軍,軍中無濫殺者。

景德四年,其子咸信請諡曰宣懿。

案碎器,客皆驚愕,咸熈色不變,止令更設饌具。其寬厚若此。以父任,累遷屯田郎中,後 至太僕少卿。卒年四十九。子昭慶駕部員外郎,昭文西染院使,昭素供奉官、閤門祗侯。 子咸美、咸熙、咸信。咸美以左司禦率府率致仕。咸熙性仁孝,嘗會賓客,家童數輩覆

咸信字國寶,建隆初,授朝散大夫、太子右坊通事舍人,改供奉官。

姻好。 開寶中,太宗尹京,成昭憲之意,延見咸信於便殿,命與御帶党進等較射,稱善。

初,太祖在潛邸,昭憲太后嘗至仁浦第,咸信方幼,侍母側,儼如成人。太后奇之,欲結

選尙永慶公主,授右衞將軍、駙馬都尉。踰年,出領吉州刺史。

矯 制 免所過稅算,罰一季奉。俄遷愼州觀察使。<u>雍熙三年多,契丹擾邊,王師出討,悉命諸</u> 太平興國初,眞拜本州防禦使。四年,韶用奉外賜錢十萬。 五年,坐遣親吏市木西邊,

籍 田 畢,就 拜彰德軍節度。八月,遣歸治所。

主壻鎭要地三王承衍知大名,石保吉知河陽,咸信知澶州。

四年,本郡黃河淸,咸信以聞,詔

淳化四年,河決澶淵,陷北城,再命知州事。 太宗親諭方略,傳置而往。 時遣閻承翰修

河 一成之。 橋 咸信請及流 上大悅。 水未下造舟爲便,承翰入奏:「方多難成,請權罷其役。」咸信因其去,乃集 河平,遣還役兵。俄詔留築隄,咸信以為天寒地涸,無決溢之患,

復

奏罷之。

陵還. 之。 檢 隆 路 校 爲 行 營都 太尉。 一上言 眞宗即 二年 排 陣 ·, 改 使。 統 1.先墳 署 位 將祀汾陰, 武 記 契丹請和, ,改定國軍節度。咸平中,大閱東郊,以爲舊城內都巡檢。 在洛,欲立 成軍節度,知曹州。 督 師。 命知澶州,令入內 至具州,敵人退,召還行在所。 帝置酒 一碑,求涖盟津,以便其事,卽改 行宫, 秋霖積潦,咸信決廣濟河隄以導之,民田無害。 面賞繼隆、保吉,咸信避席,自愧無功, 副 都 知張 総能 諭旨。 知 景德初,從幸澶州,石保吉與李繼 河陽。 移 領忠武 大中祥符初, 從東封, 軍節 車駕北征,爲貝冀 度。 上笑而 扈駕 撫 慰 朝 加

信 雄 「咸信 軍 I聯樂: 未 老病, 天禧 戚 幾 里 召 諸 初, , 位 還,年已昏眊,見上,希旨求寵 子 改陝州 居節制,復何望耶? 不 ·克承 大都督府長 順 身後復能保守其家業耶? 史、 」是多,以新 保平軍 渥。 節 建 七 度。 南 年 - , 表乞任用, 上出示 京,獎太祖 有 」未幾卒,年六十九,贈中 感 風 疾苦 舊臣,加 歸。 同 中書向敏中日:「咸 眞宗嘗謂 平 章 書令。 事 宰 俄 相曰: 錄 其

咸信頗知書, 善待士,然性吝喜利,仁浦所營邸舍悉擅有之。 旣卒,爲諸姪所訟,時人 孫姪

,遷官者七

恥之。

子 昭易、昭亮、昭侃。 昭易西京作坊使,知隰州。 昭侃改名昭昞,爲崇儀使。

以上 司。 之失儀者。 日,命昭亮就賜禮物。是日,告命至,軍府榮之。父卒,遷四方館使,仍兼掌客省,多糾羣官 加詳定,旣成,賜白金千兩。 一尊酒, 上言閻門舊儀制未當,乃詔龍圖閣學士陳彭年、待制張知白、引進使白文肇與昭亮同 丁公主憂,起復,授六宅使,領富州刺史,遷內藏庫副使。 昭亮字克明,公主所生。幼未名,太宗召入禁中,命賦賞花詩,詩成上之,太宗大悅,酌 命筆題「從訓」、「昭亮」二名,令自擇之。拜如京副使,遷如京、洛苑使,掌翰林 昭亮多病在告,詔給其奉。 又建議設儀石於內殿,加領恩州團練使。時咸信在大名,屬生 天禧二年,卒。 未幾,拜西上閤門使,進秩東

贈 貝州 昭亮未死日,數遣人入謁,求進用,加兼端州防禦使。 觀察使。 以弟昭侃爲供備庫使,子餘慶爲內殿崇班 未及拜命,死,仍以制書賜其家,

坐黜 德潤嘗少之。 削。 昭亮與陳彭年款昵,彭年嘗稱 李維 即王 會閤門副使焦守節、內殿崇班郭盛以役卒與德潤治第,昭亮廉知發其事,皆 曾妻之叔父,同在翰林,曾受詔試舉人,以家事屬維。 其才。 昭亮居官務皦祭,多遣人偵伺僚輩,樞密承旨尹 昭亮意曾受祈請,

列

傳

第

八

魏仁浦

校

勘記

爲供備庫副

奏其竊語。 遣中使參問無他狀,曾始得釋。 昭亮陰險多此類,時人惡之。餘慶改名成德,

宗 長者著稱,豈非絕人之資乎。 事,及其爲相,廉愼守法。 宰相之器焉。 死。 贊曰:五季至周之世宗,天下將定之時也。范質、王溥、魏仁浦,世宗之所拔擢,而皆有 嗚呼,春秋之法責備賢者,質可得免乎! 宋祖受命,遂爲佐命元臣,天之所置,果非人之所能測歟。 溥刀筆家子,而好學終始不倦。 質臨終,戒其後勿請諡立碑,自悔深矣。 仁浦嘗爲小史,而與溥皆以寬厚 太宗評質惜其欠世 質以儒者曉暢軍

校勘記

會李守 貞以 河中叛 「李守貞」 原作「李守真」,據本卷王溥傳、東都事略卷一八魏仁浦傳、舊五

代史卷一〇九本傳改。

宋史卷二百五十

列傳第九

石守信 子保興 保吉 孫元孫 王 一審琦 子承衍 承行 孫克 臣等

高懷德 韓重贊子崇調 崇業 張令鐸 羅彥瓌 王彦昇

署,以功遷殿前都虞候,轉都指揮使、領洪州防禦使。 遇敵高平,力戰,遷親衞左第一軍都校。師還,遷鐵騎左右都校。從征淮南,爲先鋒,下六合, 入渦口,克揚州,遂領嘉州防禦使,充鐵騎、控鶴四廂都指揮使。 石守信,開封浚儀人。事周祖,得隸帳下。廣順初,累遷親衞都虞候。 恭帝卽位,加領義成軍節度。 從征關南,爲陸路副都部 從世宗征晉陽,

援軍數千,皆殺之。 軍 進討,破筠衆于長平,斬首三千級。 太祖卽位,遷侍衞馬步軍副都指揮使,改領歸德軍節度。 澤、潞平,以功加同平章事。 又敗其衆三萬于澤州,獲僞河陽節度范守圖,降太原 李重進反揚州,以守信爲行營都部署兼知 李筠叛,守信與高懷德率前

列傳第九 石守信

揚州 其城 行 府 事 建隆 帝親征至大儀頓,守信馳奏:「城破在朝夕,大駕親臨,一鼓 二年,移鎭 **鄞州,兼侍衞親軍馬步軍都指揮使,詔賜本州宅一** 可平。」帝亟赴之, 區

子孫, 爲節 信等謝曰:「臣愚不及此,惟陛下哀矜之。」帝曰:「人生駒過隙爾, 何爲 死 出 乾德 m 度使之樂,吾終夕未嘗安枕 歌兒舞女以終天年。 肉骨也。」明日 此 言耶?」帝曰:「人孰不欲富貴,一旦有以黃袍加汝之身,雖欲不爲,其可得乎。」守 初, 帝因晚朝與守信等飲酒 1,皆稱 三病,

乞解兵權,帝從之,皆以散官就第,賞賚甚厚。 君臣之間 ·而臥。」<u>守</u>信等頓首曰:「今天命已定,誰復敢有異心, 無所猜嫌,不亦善乎。」守信謝曰:「陛下念及此,所謂 ,酒酣,帝曰:「我非爾曹不及此,然吾爲天子,殊不若 不 如多積金、市田宅以遺 陛

者,復留之。 從。 負 股耶。」

一 当时

三 下

一 下

所以 乃出 宣 巨出, 而 彦卿宣進之,太祖 太祖 惟陛下深思利 普復懷之,太祖迎謂之曰:「豈非符彦卿事 欲使符彦卿管軍,趙普屢諫,以爲彦卿名位已盛, ·害,勿復悔。」太祖曰:「卿苦疑彦卿, 日:「果然,宣何以復在卿所? 能 負周 世宗?」太祖默然,事遂中 耶? 」普日:「臣託以處分之語 」對曰:「非也。」因 止。 何也? 不可復委以兵權, 股待 彦卿厚,彦卿豈 |奏他 太祖 有 事 侏 腐 不 旣

充 西京留守。 開 寶 、六年秋, 三年,加檢校太師。 加守信 兼 侍 中。 四年, 太平 興 從征范陽,督前軍失律,責授崇信軍節度、兼中書 或 初, 加兼 中書令。 二年,拜中 ·書令,行 河 南 尹

令,俄進封衞國公。 七年,徙鎮陳州,復守中書令。九年,卒,年五十七,贈尚書令,追封威武

郡王,諡武烈。

迫甚急,而傭直不給,人多苦之。子保興、保吉 守信累任節鎮, 專務聚斂, **積財鉅萬**。 尤信奉釋氏,在西京建崇德寺,募民輦瓦木,驅

陽陽監 京使。 年,遷尚食副使。 保 軍。 開寶中, 興字光裔, 守信卒, 領順州刺史。太宗征河東, 本名保正,太祖取興宗之義改之。 太祖嘗召功臣子弟詢以時事,保興年最少, 起復,領本州團練使。 雍熙初,契丹擾邊,與戴興、 爲御砦四面都巡檢。 建隆初,年十四,以蔭補供 應對明白, 太平興國八年, 太祖 楊守一並爲澶州 奇之, 奉官。 出爲高 拜 如 明

前軍駐泊。

以數千騎據險,渡河求戰。 李繼遷入鈔,徙銀、夏、綏、府都巡檢使。 保興所部不滿二千人,乃分短兵伏於河滸,俟其半渡,急擊之, 嘗巡按罨子砦,並黑水河,趣谷中,夏人知之,

斬首百餘級,追北數十里。優詔褒美。

軍鈴轄,改夏、綏、麟、府州鈴轄。 端 拱中,知平戎軍,徙莫州,俄爲西京都巡檢使。 至道二年,徙延州都巡檢使兼署州事,改本路副都部署, 淳化五年,眞拜蘄州團練使,爲永興

第 九 石 守 信

列

傳

中流矢,挺身持满,易騎奮呼,且行且鬥,凡三日四十二戰,賊遂引去。 自是吳移、越移諸族歸降。 與范重召等五路討賊。 有岌伽羅膩數族率衆來拒,保興選敢死士數百人銜枚夜擊,殲之。 還,至烏、白池,賊又爲方陣來拒。 保興麾衆出入陣中,會乘馬

保興曰:「城危如此,安暇中覆,事定,覆而不允,願以家財償之。」夏人退,驛置以聞,眞宗貸 咸平二年,知威虜軍。會夏人入鈔,保興發官帑錢數萬緡分給戰士, 主者固執不可。

不問。

唇方畢。五年,以疾求歸京師。未幾卒,年五十八。子|元孫 三年,就拜棣州防禦使。 徙知邢州, 改澶州。 在郡頗峻刑罰,每捶人,令緩施其杖,移

保興世豪貴,累財鉅萬,悉爲季弟保從之子所廢。

朔州觀察使。 州防禦使。五年,坐遣親吏市竹木、秦、隴間,矯制渡關,爲王仁瞻所發,罰一季奉。七年,改 馬。選尙太祖第二女延慶公主,拜左衞將軍、駙馬都尉,俄領愛州刺史。太平興國初,遷本 保吉字祐之,初以蔭補天平軍衙內都指揮使。開寶四年,召見,賜襲衣、玉帶、金鞍勒 守信卒,起復,爲威塞軍節度。確熙三年,出知河陽。四年,召入,復命知大

名府兼兵馬都部署,連改橫海、安國二鎭節度。

景德 行宮後苑。 于北門外。 躬率將士,臣不及保吉。」帝曰:「卿等協和,共致太平,軍旅之事, 殷復何憂。」歡甚, 賜以襲 曰:「臣受命禦患,上稟成算。 至於布列行陣,指授方略,皆出於繼隆。」繼隆曰:「宣力用心, 初,改武寧軍節度、同平章事。多,幸澶淵,命與李繼隆分爲駕前東西面都排陣使,軍 真宗卽位, 加檢校太尉、保平軍節度。 遼騎數萬驟至城下,保吉不介馬而馳當其鋒,遼人引去。 帝謂繼隆等曰:「自古北邊爲患,今其畏威服義,息戰安民,卿等力也。」保吉進 車駕北巡,命爲河北諸路行營都部署,屯定州 俄而請盟,錫宴射於

冬,公主疾,詔歸視,主薨。 鎭所,詔獎諭之,仍從其請。 一年,改鎭安軍節度。 明年,保吉卒,年五十七,贈中書令,諡莊武。 未幾,自治所來朝,願奉朝請,從之。四年,部民上治狀,乞還 大中祥符初,從東封,攝司徒,封祀壇奉俎,加檢校太師還鎮。

衣、金帶、鞍勒馬

好治 之,會有辟召乃止。 盜私積,不時求對,懇請配隸,帝曰:「是有常法,不可。」**保吉請不已,帝戒勖之**。 械以運糧。 生射利,性尤驕倨,所至峻暴好殺,待屬吏不以禮。鎭大名也,葉齊、查道皆知名士,嘗 保吉姿貌瓌碩,頗有武幹。 初,程能爲京西轉運,保吉託治其私負,能不從。至是,其子宿爲屬 又染家貸錢,息不盡入,質其女,其父上訴,眞宗亟命遣還。 累世將相,家多財,所在有邸舍、別墅,雖饌品亦飾以綵績。 邑吏,將辱 嘗有僕侵

迓貴主。 議 初, 善弋獵,畜鷙禽獸數百,令官健羅鳥雀飼之,人有規勸者輒怒之。 守信鎭陳,五十七年卒,及保吉繼是鎭,壽亦止是,談者異之。 因完葺 城壘,疏牖于上,以瞰衢路,如箭窗狀。 未嘗 上聞,賓佐諫之不 在陳州、盛飾廨舍以 聽, 頗涉衆

保吉子貽孫,任崇儀使、帶御器械,坐事発官。 孝孫,西京左藏庫使。

元孫字善良台, 始名慶孫, 避章獻太后祖諱易之。 以守信蔭爲東頭供奉官、 閣 門 祗

候,累遷如京副使。

檢。 管、緣邊安撫使,遷邕州觀察使 褒諭之。 巡檢,徙知莫州,有治迹,以禮賓使再任。 時開 仁宗卽位,改文思副使、勾當法酒庫。 再遷西上閤門使、 屯田,鑿塘水,有訟元孫擅污民田者,遣官按視,訟者以 井代州兵馬鈴轄, 又徙保州,領廉州 更盜酒,坐失察,追二官,復如京副使。 歷侍衛親軍步軍殿前都虞侯 刺史,銀廣信、安肅 誣 服,卽 賜白 金五百兩, 軍緣邊 鄜延副 爲澶州 都 總 詔 巡

度 斬塞下。 一使兼太傅,錄其子孫七人。 康定初,夏人寇延州,元孫與戰于三川 賈昌朝獨言曰:「在春秋時,晉獲楚將穀臣,楚獲晉將知罃,亦還其國不誅。」因入 及元昊納款,縱元孫歸。諫官御史奏:元孫軍 口,軍敗見執。 傳者以爲已死, 敗不死, 贈忠正 辱國,請 軍 \subseteq 節

用命之士。」元孫遂不徙。後徙許州,還京師卒。 以升祔赦 對 ,探袖出魏志于禁傳以奏曰:「前代將臣敗覆而還,多不加罪。」帝乃貸<u>元</u>孫, ,内徙襄州。 侍御史劉湜言:「元孫失軍辱命,朝廷貸而不誅,若例從量移,無以勸 安置全州

世宗征劉崇,力戰有功,遷東西班都虞候,改鐵騎都虞候,轉本軍右第二軍都校。 平李守貞,以功署廳直左番副將。 審琦字仲寶,其先遼西人,後徙家洛陽。 廣順中,歷東西班行首、内殿直都 漢乾祐初、隸周祖帳下,性純謹,甚親任之。 知 鐵騎 指揮使,從 世宗召禁

校宴射苑中,審琦連中的,世宗嘉之,賞賚有加。 俄領勤州刺史。

濠州 都指 逐。 ;掉使。 審 ,審琦率敢死士數千人拔其水砦,奪月城,濠州遂降。 擒其刺史,獲鎧仗軍儲數十萬計。 親 征 琦 選輕騎銜枚夜發, 淮南,舒州堅壁未下,韶以郭令圖領刺史, 又破南唐軍于紫金山,先登,中流矢,轉控鶴右厢都校、領虔州團 信宿至城下, 令圖 大敗舒人,令圖得復還治所。 既入城,審琦等遂救黄州,數日,令圖爲舒人 命審琦及司超以精騎攻其城,一夕拔 及攻楚州 爲 南 世宗嘉之,授散員 面 練使。 巡檢,城將陷, 世宗圍 所

列

審琦意准人必遁,設伏待之。

緊
五
千
餘

少頃,城中兵果鑿南門而潰,伏兵擊之,斬數千級,

獻于行在, 賜名馬、玉帶、錦綵數百匹。 淮南平,改鐵騎右廂都校。又從平瓦橋關。

帝即位,遷殿前都虞侯、領睦州防禦使。

傷,車駕臨視。澤、潞平,改領武成軍節度。李重進叛,副石守信爲前軍部署討之。 宋初,擢爲殿前都指揮使、領泰寧軍節度。 從征李筠,爲御營前洞屋都部署,爲飛石所

僚白令不先容府,請按之。審琦曰:「五代以來,諸侯強横,令宰不得專縣事。 建隆二年,出爲忠正軍〔三節度。在鎭八年,爲政寬簡。所部邑令以罪停其錄事 今天下治平, 東,幕

我忝守藩維,而部內宰能斥去點吏,誠可嘉爾,何按之有?」聞者歎服

召審琦宴射苑中,連中的,賜御馬、黃金鞍勒。 開寶二年,從征太原,爲御營四面都巡檢。 六年,與高懷德並加同平章事。七年,卒,年 三年,改鎭許州,賜甲第,留京師。

初,審琦暴疾,不能語,帝親臨視,及卒,又幸其第,哭之慟。 賜中書令,追封琅琊郡王,

賻贈加等。葬日,又爲廢朝。

飲,嘗侍宴,太祖酒酣仰祝曰:「酒,天之美祿;審琦, 殷布衣交也。 之不令飲邪?」祝畢,顧謂審琦曰:「天必賜卿酒量,試飮之,勿憚也。」審琦受詔,飮十杯無 審琦重厚有方略,尤善騎射。鎭壽春,歲得租課,量入爲出, 未嘗有所誅求。 方與股共享富貴,何靳 素不能

自此侍宴常引满,及歸私家卽不能飲,或強飲輒病。

承站 子承衍 至 一如京使,承俊、承僎至內殿崇班,承偓至閤門祗侯,承僅至左神武將軍致仕,承休至 、承衎、承德、承祐、承俊、承偓、承僎、承僅、承休。 承德西上閣門使、會州 刺史,

內殿承制

知。 壽,韶賜銀萬兩、錦綵五千匹。 州防禦使。 三年,尙太祖 承衍字希甫,幼端蓮,審琦鎭克、滑、壽春〔四〕,皆署以牙職。 太平興國初,遷應州觀察使。 女昭慶公主,授右衞將軍、駙馬都尉,仍充都知。 三年,加檢校太保。坐市竹木秦、隴,矯制免稅算,罰一季 二年春,太宗幸其第,赐宴, 開寶初,補內殿供奉官都 踰年,領恩州 承衍以金器 刺 、名馬爲 史,加本

七年,授彰國軍節度。

戒嚴 明年召還,復爲貝冀都部署。端拱初,換永淸軍節度,再知天雄軍。 ,城中大恐,屬上元節,

承衍下令市中及佛寺然燈設樂, **雍熙中,出知天雄軍府兼都**部署。 時契丹擾鎭陽,候騎至冀州,去魏二百餘里。 與賓佐宴遊達旦, 吏民千餘詣監軍,請爲 人賴以安。

真宗卽位,改河中尹 傳 第 九 王 審 琦 **〈、護國軍節度**, 加檢校太尉。 咸平六年,以疾求罷節鉞,三抗表不 ススー七

本道節帥,詔褒之。

親臨,赠 帝自 中書令,給鹵簿葬 臨 問 至 臥 內慰勉久之, 賜予甚厚, 二,諡 恭肅 其後 公主請置守冢 擇尙醫數人迭宿其第。 五 戶,從之。 車駕

承衍善騎射,曉音律,頗涉學藝,好吟咏。 以功臣子尚主 貴顯,擁富貲,自奉甚厚。

融 京副 贈 一內殿承制。 泰州 爲 內殿 使,歷洛苑、六宅二使、領平州刺 子世安、 防禦使。 承 制。 世隆、世雄、 世隆幼子克明為西上閣 世安子克正 召見其三子,賜名克基、克緒、克忠,皆面授供奉官。 世融。 一殿中丞。 世安至崇儀副使、通事舍人。 史。 克基 門副使。 性驕 克忠並爲西染院副使兼閤門通事舍人。 恣,每坐諸叔之上,人皆嗤之。 世隆字本支,以公主子爲如 世雄 至內殿崇班。 景德初卒,特 克緒 世

景德 初,進秩東上閤門使。 兵馬 又爲 % 鈴轄, 中, 承行 西京水南巡 眞宗以天水近邊,蕃漢雜處,擇守臣撫治,擢 字希悅,開寶中,授閑廐使,面賜紫袍、金帶,纔十二歲。太平興 完使。 改尚 食使。 檢使,改如京使。 咸平中, 承衎病足,在大名不能騎,政多廢弛,及代,賜告家居,表求解職,不 鳳翔張雍病, 兩賜川 峽傳詔 表求治郡自效,命知潭州,遷六宅使、 命承衎代之,徙涇州,授西上閤門使, ,慰撫官吏, 經略蠻洞。 承衎 知秦州,徙 連知延、代、井三州, 知 天 國 領昭 雄軍 中,出監 改領 州 刺 永州 大中 史, 徐 刺 州 俄 皆 符 知

允。 以久不 朝請,求近郡,改左武衞大將軍,知壽州。 二年,卒,年四十九。詔遣其弟承僎馳

往護

承衎生于郡廨,至卒亦於其地,人咸異之。 承行 頗涉學, 喜爲詩, 所至爲一集。 曉音律,多與士大夫遊,意豁如也。 初,審琦鎭壽

子世京爲閤門祗侯,世文內殿崇班。

部被甲操刃立庭中,官吏駭觀。 賢穆有孫登科,可喜也。」仕累通判壽州。 克臣字子難。 是日天貺節,率掾屬朝謁如常儀,人賴以安,獨坐貶監潭州稅。 祖承衍尚秦國賢穆公主。 克臣徐言曰:「此不過爲盜耳。」立遣甲者去, 戒兇卒勿妄引 鼓角卒夜入州廨, 擊郡將, 既就擒, 而監 克臣第景酤進士, 仁宗閱其文, 顧侍 兵使所 . 臣 曰:

他人,衆讙服。

遂下諸郡使械送尤桀者斬以徇,盗爲少衰。 去 之白金, 又坐奪官。 鄆 才尺餘 爲遠,且州徙於高, 熙寧中, 爲開封、度支二判官, 復起甬道,屬之東平王陵埽,人得趨以避水。 復爲戶部副使,以集賢殿修撰 八十年不 · 知有 遷鹽鐵副使。 水患,安事 河決曹村,克臣 ,此。」克臣不聽,役愈急,隄成,水大至,不 知鄭州 時鄭俠以上書竄嶺表,克臣嘗薦俠,且餽 事寧,皆繪像祀之。 . 巫樂隄城下,或曰:「河決澶淵 京東多盜,克臣請以便宜處決,

得爲 間 明 進 者於 天章 年 ,拜工部侍郎。 他道。 閣 待制 徙知太原。 ,徙知瀛州。 至是, 王中正 神宗幸尚書省,至部舍止輦,獎其治力, 有告外間入境,密旨趣具獄, 西討罔功,而誣克臣姑息士卒,使 株連甚衆, 無固志,黜爲 以爲雖 克臣陰緩之,已而 少者 不及。 單州。

顧

其子

射馬都尉師約使入覲。

元祐四年,以龍

圖閣直學士、太中大夫卒,年七十六。

文至 第。 師約字君授,少習進士業。 ,面賜 明 日 点戲 玉帶。 賦一編,即坐中賦大人繼明詩, 英宗欲求儒生爲主壻,命宰相召克臣諭旨,令師約持所爲 **遂賜對**, 選爲駙馬都尉,尙徐國 公主。 授

左 衞將軍 神宗 卽 位, 拜嘉州 又賜九經、筆硯,勉之進學。 刺 史,遷成州 團 |練使。 國朝故事主壻未嘗居職, 帝始令師約

同管當

觀 察使。 班院 試 其才。 明年, 主就館乃罷,遷汝州 防禦使。 始 制 財馬都尉七年考績 法 轉晉 州

哲宗 寸, 遷鎭 安軍節度觀察留後。 宣仁后 臨朝, 師約屢上 書 言事 元符

初、議

者以爲

職 不當上言,褫其秩。 徽宗卽位,乃復保平軍 留後,又爲樞 !密都承旨,未幾復罷 。崇寧元年,

卒,年五十九。

師約善射,嘗陪遼使燕射玉津園, 發中鵠,發必破的,屢受金帶及鞍勒馬之賜。

行 數 、裘、寶帶、名馬以寵異之。 周 周 重 面 ,援兵不至,危甚。 前 歷 高 再鎭宋州 軍都部署。 |延、潞二鎭及留守洛都,節制宋、亳, 懷德字藏用, 懷德始冠,白行周願從北 真定常山人, 懷德左右射,縱橫馳突,衆皆披靡,挾父而 及行周移鎮 周天平節度齊王行周之子。 鄭州, 皆署以牙職。 征。 改集州 行周壯之, 刺史, 晉開運 仍領 許其行, 懷德忠厚倜儻, 分板。 初, 出。 遼人 至戚城遇遼 以 功領 又遷 八侵邊, 信州 羅州 以行 有武 軍 刺 刺 史,從 史,賜 被 勇。 周 圍 爲

博, 厚,丼賜懷德衣帶 諸 州 及 桑盜 晉末,契丹南侵,以行周爲邢趙路都部署禦之,留懷德守睢陽。 再 領 大起, 天平 ٠, 懷德堅壁清野, 、、綵繒、 以懷德爲 、鞍勒馬 忠州 敵不能 刺 史領 職 入。 如 故。 行周 一一率兵 周祖 、歸鎭, 征慕容彦超 敵逐 解 還過汝上, 去。 會杜 漢 重威降契丹,京東 初, 行周 寵賜行周 移鎮 甚 魏

宗討之,以懷德 行周 一本,召懷德爲東 爲 先鋒都 虞候 西 班 都 指 高平克捷,以功遷鐵騎右廂都指揮使、領 揮 使、領吉州刺 史,改鐵騎都指 揮 使。 果州 太原劉崇 團練使。 入寇,世

幣、銀鞍勒馬。 指 懷德以少擊衆, 援,以抗 揮 使、 從 征 周師 領 淮 岳 南 州 世宗 擒其 世宗命懷 知 防禦使, 廬 、裨將以還、盡偵 州 日因按 行 德 賜 府事,充招安使。 率帳下 駿 (轡淮壖) 馬七 匹。 親信數十騎覘其 知其形勢強弱,以白世宗。 以觀賊勢,見一將追擊賊衆, 南 唐將劉仁贍據 戰廬州城下, 八營壘。 壽春, 斬首 懷德 七百餘級。 舒元據紫金山 夜涉准, 世宗大喜,賜襲衣、金帶、器 奪槊以還, 遲 明,賊始覺來 尋遷龍捷 令左右問之, 置 連 **建珠砦為** 左 厢 都

乃懷德也。 瓦 橋關,降姚內斌以歸。 世宗北征 召 至行在慰勞,許以節 ,命與韓通率兵先抵 恭帝嗣位, 滄州 鉞 擢爲侍衞馬軍都指揮使、 0 初得關南, 又命副陳思讓爲 領 江寧軍 雄州 節 度至, 兵馬 都部 又爲北 署, 克 面

. 營馬軍都指揮使 祖 女燕國長 公主,加駙

以 馬 都 功遷忠武 尉。 太祖 即位, 李筠叛上黨,帝將親征,先令懷德率所部與石 軍節度、檢校太尉。 拜殿前副 都點檢, 從平揚州。 移鎭滑州,充關南副都部署,倘宜 建隆二年, 守信進 改歸德軍節度。 攻,破筠衆於 開寶六年秋, 澤 州 南 事 25

就 第療之。 太宗卽位,加 四年,從平太原, 銀侍中,又加 改鎮曹州 檢校太師。太平興國三年春 封冀國公。 七年,改武勝軍節度。是年七月,卒,年 一被病 詔 太醫王元佑、 道 上馬志

冬,長公主薨,去駙

馬

都尉號

五 十七,贈中書令,追封渤海郡王 ,諡武穆。

妙。 好 懷 射獵 德將家子,練習戎事,不喜讀書, ,嘗三五日露宿野次,獲狐兔累數百, 性簡 率, 不拘小節。 或對客不揖而起,由別門引數十騎從禽於 善音律, 自爲新聲, 度曲 極精

處恭,歷莊宅使至右監門衞大將軍致仕。 處俊至西京作坊使。

郊。

韓 重贅, 磁州武安人。 少以武勇隸周太祖 ,先登中流矢,轉都虞候。 麾下。 廣順 初,補左班殿直副都知。 俄遷控鶴軍都指揮使、領 從世宗

戦高

平

以

功

遷

一鐵騎指揮使。

從征淮南

虔州

刺

史。

馬 步 軍 宋 都指 初,以 揮 翊戴功,擢爲龍捷左廂都校、領永州防禦使。從征澤、潞還,命代張光翰爲侍衞 使、領 江寧軍 節度「台」。 討李重進,爲行營馬步軍都虞候。 建隆 二年,改殿前

按 都 指 圖 修之, 揮 使、 命重贇董其役。 領 義 成 軍節度。 乾德 三年, 一年秋 發京畿丁壯數千,築皇城東北隅,且令 河決澶州, 命重贇督 丁壯數 十萬 塞之。 有 司 繪 洛陽宮殿,

四 年, 太祖 郊 祀 以爲 儀仗都部署 時有潛 重贇私取親兵爲腹心者,太祖 怒,欲誅之。

趙普 親兵者。」太祖 ||練日:|| 親兵,陛下必不自將,須擇人付之。 納其言,重贇得不誅 後聞普嘗救己,卽詣普謝,普拒 若重贇以讒誅,即人人懼罪,誰復爲陛下將 | 不見

定州 赴 道 七年,卒,赠侍 心燕飲。 兼 行, 五年二月,出爲彰德軍節度。 見 重贇旗幟, 出其不意, 帝曰:「契丹知我是行,必率衆來援,彼意鎮 中。 大駭欲引去, 破之必矣。」乃命爲 重贇乘之,大破其衆,獲馬數百匹。 開寶二年,太祖征太原,過其郡, 北 面 都部署。 、定無備,必由此路入。 重疊令軍士銜枚夜發,果遇契丹兵于 重贇迎謁於王橋頓,召 太祖大喜,優韶褒美。 卿爲我領兵倍

重變 信奉釋氏,在安陽六七年,課民採木爲寺,郡內苦之。子崇訓、崇業。

子,及卒,贈侍中。 重贅 與張 光翰、趙彦徽 |彦徽,真定安喜人,與太祖同事世宗,太祖兄事之,及卒,贈侍中。 分領諸 軍節 度, 嘉其翊 戴功也。 光翰,後唐 山 南節度使虔釗 兄

崇訓 字知禮,乾德中,以蔭補供奉官, 遷西京作坊副使,出爲澶州河南北都巡檢使。 從

A宗征河東,還,以具、冀等州都巡檢使權知麟州。

州, 徙知威虜軍,改如京使。 雍 熙中, 李繼遷寇夏州,崇訓領兵赴援,大敗之。 咸平初,出知石州。 屬繼遷犯境,崇訓追襲之,至賀蘭山 徙監夏州軍。 歷 知越、泉、登、 一而還。 莫四

二年,再知麟州,又敗繼遷於城下。

巡 破契丹于定州。 兵饑乏不敢進,遂遁去。移井、代鈴轄,權知幷州。 威虜軍,崇訓陳兵唐河,折其要路。 **)**檢使。 崇訓由 徙鎮、定、高陽關行營鈴轄,屯鎭州 河西徙閩、越、再移北邊,凡二十五年,以勞擢西上閤門使、邠寧環慶淸遠軍都 六年,授四方館使、樞密都承旨。 敵遣別騎寇赤堠驛,崇訓分兵擒戮之。旣而 兼河北都轉運使事 又命爲鎭、定、高陽馬步軍都鈴舊,屯定 從部署張進領兵由上門會大將王超,襲 契丹兵至方順河,將寇 值霖雨,敵

祥符二年,授右龍武軍大將軍,領韶州防禦使[t],以本官分司西京卒,年五十六。 桑贊逗留不進,崇訓帥兵獨往。 景德初, 契丹入寇至唐河,崇訓陳兵河南。 時車駕幸澶州,召崇訓,乃還。三年春,拜檢校太傅。 翌日,又與王超追襲至鎭州。 旣而都部署

州

崇訓爲人長厚謙畏,未嘗忤物。

子允恭,禮賓副使,有謀略,好學,人以爲能世其家云。

廷美得罪,降爲右千牛衞率府率,分司西京,俄削秩,去駙馬之號,從貶房陵。 崇業字繼源,以蔭補供奉官,選尙<u>秦王</u>廷美女雲陽公主,授左監門衞將軍、駙馬 廷美卒,起爲 都尉。

列傳

第

九

韓重変

張令

鐸

靜 年 難 改左 軍 行 屯 軍 衛大將日 司 馬 軍、領高 雍 熙三年,授 州 團練使,追 寧州 刺 封 史。 公主為號國 公主 卒, 葬州 長公主。 境。 眞宗 五. 年 十月, 初 始 卒, 得 年四 朝。 咸 浴平四

允升為

內殿承制、閣

門祗候

州 春 軍 軍 左 命 又 漢乾 厢 張令 副 與龍 令鐸本名鐸,以 都 韓令坤 指 祐 小中, 捷 揮使、 棣州 右 爲 廂 從 霸 領 柴貴分爲 厭次人。少以勇力隸軍伍 周 州 太祖 虔 與河中 部署,率兵 州 璽 平 河中, 京城左右 練 張 使。 鐸 、戊守。 以 同 從世宗 姓 功 廂 遷奉國 名, 巡 恭 檢。 征 故 帝 0 准 賜今名。 卽 軍 後唐淸泰中, 世宗 南, 位 指揮使。 一,授侍衞親軍 將北 移領虎 征 捷左 廣順 , 補 命 寧衞 與韓通 步 厢, 初, 軍都指揮使、領 遷控鶴 心小校。 加常州防禦使。 高 懐徳 指 晉初 揮 領 使。 武 兵 改 信 先 累 隸 再 赴 奉 軍 征 遷 節 滄 本 國

臨 隆 三年 問 宋 賜 ·, 出 初, 帛 Ŧi. 爲 遷 千 鎭 馬 匹、 盛 步 軍 軍 銀五 節 都 度 虞候 千 帝 爲 領 皇 陳 州 弟 節 興元 制 尹 甚 光美 厚。 太祖 婱 明 征 人其第 年 李筠,以令鐸爲東京舊 春,卒於京師,年六 三女。 開 寶二 年, + 城內都 來 朝 帝 被 甚悲悼, 巡檢。 病, 車 鲤

侍

t|1

度

使。

令鐸性仁恕,嘗語人曰:「我從軍三十年,大小四十餘戰,多摧堅陷敵,未嘗妄殺一人。」

及卒,人多惜之。

知 原州 子守正,至內園使。 ,就加西上閤門使、知泰州,卒。錄其子奉禮郎永安爲大理評事,後至殿中丞 守恩,淳化中,累至崇儀副使,稍遷崇儀使,領綿州刺史。 景德初,

羅彦褒,幷州太原人。父全德,晉泌州刺史,彦瓌得補內殿直

備選。 赴 幽薊。 少帝在澶州,欲命使宣慰大名府,時河北契丹騎充斥,遂募軍中驍勇士十人從行,彦瓖 **銜枚夜發,往返如期,由是補興順指揮使。** 彦瓌至元氏,聞漢祖建號太原,以馬歸漢,漢祖嘉之。及入汴, 開運末,契丹主至汴,遣彦瓌送廐馬千匹 擢爲護聖指揮使。

馬步軍都軍頭。 從向訓收秦、鳳有功、遷散指揮都虞侯。

初,遷散員都虞候,坐樞密使王浚黨,出爲鄧州教練使。

世宗嗣位,召爲伴飲指揮使,改

周

今日須得天子。」質等由是降階聽命。 顯德末, 太祖自陳橋入歸公署,見宰相范質等,未及言,彦瓌挺劍而前曰:「我輩無主, 擢為控鶴左廂都指揮使,改內外馬軍都軍頭、領眉州

列

防禦使。

卒,年四十七。 田 軍 節度。 欽祚殺太原 從平澤、潞還,命代趙彥徽爲侍衞步軍都指揮使、領武信軍節度。 乾德二年,改安國軍節度,與昭義軍節度李繼勳大破契丹。 軍千餘人于靜陽,禽其將應英等,獲馬三百匹。 明年,移鎭華州。 四年春,又與閣 建隆二年, 開寶二年, 出爲彰德 門使

王 一彦昇字光烈,性殘忍多力,善擊劍,號「王劍兒」。本蜀人,後唐同光中,蜀平,徙家洛

宋偓 遷龍 突圍 殿 直 破 捷 而 初 右 金牛水砦, 入,以功遷護聖指 開運初, 事宦官驃騎大將軍孟漢瓊,漢瓊以其趫勇,言於明宗,補東班承旨。 第 九軍都虞侯。 契丹圍大名,少帝幸澶淵,募勇敢士齎詔納城中,彦昇與羅彥瓌應之。 禽偽軍校閻 揮使。 累轉鐵騎右第二軍都校、領合州 承旺 周廣順中,從向拱破太原兵虒亭南,斬敵帥王璋於陣,以功 一、范横。 又從李重進扞吳兵于盛唐, 刺史。 世宗征淮南, 斬二千餘級。 晉天福中,轉內 從劉崇進、 夕

太祖北征,至陳橋, 爲衆推戴。 彦昇以所部先入京,遇韓通於路,逐至第殺之。 初,太

張永

德

攻

瀛

州

束城,改散員

都指

揮使。

祖誓軍入京不得有秋毫犯,及聞通死,意甚不樂。 以建國之始,不及罪逐昇,拜恩州 團 練

使、領鐵騎左廂都指揮使。

。」彥昇意在求賄,溥佯不悟,置酒數行 後爲京城巡檢,中夜詣王溥第,溥驚悸而出,旣坐,乃曰「此夕巡警甚困,聊就公一 而罷。 翌日,溥密奏其事,乃出爲唐州刺史。 醉

不敢動。 者,彥昇不加刑,召僚屬飮宴,引所犯以手捽斷其耳,大嚼,巵酒下之。 太祖以其專殺韓通,終身不授節鉞。 乾德初,遷申州團練使。 前後陷者數百人。西人畏之,不敢犯塞。 開寶二年,改防州防禦使,是多,又移原州。 七年,以病代還,次乾州卒,年五十八。 其人流血 西人有犯漢法 被體,股慄

鐸身四十餘戰,未嘗妄殺,可謂勇者之仁矣。 彥瓌於革命之日,首挺劍以語范質,於宋則未 之馳逐敗度,豈非亦因以自晦者邪。至於審琦之政成下蔡,重贇之功宣廣陵,卓乎可稱。 其兵柄,以保其富貴,以遺其子孫。漢光武之於功臣,豈過是哉。然守信之貨殖鉅萬,懷德 功在衆先,於周則其過不在人后矣。王彥昇殺韓通,太祖雖不加罪,而終身不授節鉞,是 論曰:石守信而下,皆顯德舊臣,太祖開懷信任,獲其忠力。 一日以黄袍之喻,使自解

列

傳

第九

王彦昇

校勘

記

足垂訓後人矣。 保吉、承衍咸以帝壻致位藩鎮, 其被驅策、著戎功, 則保吉爲優,況推功李

繼隆,尤爲不伐而有讓,然械役名士,縱意禽荒,累德多矣。

校勘記

- 元孫字善良 「善良」,隆平集卷一九、東都事略卷一九本傳都作「善長」。
- (=)忠正 軍 原作 中正 軍」,據長編卷一二七、東都事略卷一 九本傳
- 忠正 軍 原作「中正軍」,據長編卷二、東都專略卷一九本傳改。
- <u>(</u>되 兗 II. 滑 、卷八八地理志,此三處卽兗州、滑州和壽春,「海」爲「滑」之誤,據改 壽春 「滑」原作「海」。按上文汪審琦傳,審琦先後領鎮有泰寧、武成和忠正軍,據本書卷八
- 至 (子) 領江 寧軍節度 「江寧軍」,東都事略卷二一 高懷德傳、韓重贇傳都作「寧江軍」。 參考 本書
- 卷一太祖紀校勘記(三)。
- (4) 領 月韓崇訓 韶 州防 禦 死 時的官衙,和東都事略卷二一本傳記載此事,都作「韶州防禦使 使 原 作「領詔 防禦使」,按長編卷七四、宋會要職官四六之二所載大中祥符三年七 一,據改補

列傳第十

韓令坤 父倫 慕容延釗 子德豐 從子德琛 符彥卿 子昭愿 昭壽

韓令坤,磁州武安人。

陳州 赴闕, 本州防禦使,卒。 年,爲左驍衞山郎將,遷左監門衞將軍。 掊斂民財,公私患之。 行軍司馬,及令坤領陳州,徙倫許州。 父倫,少以勇敢隸成德軍兵籍, 汀奏之。世宗怒,追劾具伏,法當棄市。 項城民武郁詣闕訴其事,命殿中侍御史率汀按之。 累遷徐州下邳鎮將兼守禦指揮使。 宋初,拜磁州刺史,轉亳州團練使。 罷職,復居宛丘,多以不法干郡政,私酤求市利, 令坤泣請於世宗, 遂冤死流海島。 世宗以令坤貴,擢 倫詐報汀云被詔 乾德四年,改 顯德六

使、領 宗 節 卽 位 令 泗 , 授 坤 州 小 殿 防 隸 禦使。 前 周 都 祖 虞 帳 候 征太原,爲行營前軍 下 , 廣 俄賞高 順 初, 平之功 歷鐵騎 二,爲 散 馬 軍都 龍捷 員 、都虞侯,控鶴右 左 校。 廂 都虞候 未幾,爲侍衞 第一 領 容 州 馬軍都指揮 軍都校、領 團 一練使, 進本 和 使、領 州 厢 刺 定武 史。 都 指 軍 揮

興宣 等 唐 襲 東 都 之。 祖 世 宗命宰相李穀將兵 副 李 令坤 留 重 守 進 先令延遇以 馮 合兵擊之,大敗吳 延 魯 Ξ 爲 精 征 僧 淮南 騎 匿寺中 數 人。 ,俾令坤等十二將以從。 百 遲 , 世宗親征,聞揚 令 明 馳 坤 求獲之, 入,城中 不之覺。 送行在, 州 無 備 穀退保正陽, 令坤繼 ,遣令坤及宣祖 遂以 令坤 至撫之,民皆按堵。 爲吳 知 州 人所乘。 、白延遇、 事 由 是 泰 趙 令 州 坤 南

懼,以城降。

節 坤 守, 刺 度 聞 史 孟 使 秦 援 畤 俊 錢 至 進 遂 崇 俶 , 世 進 復 受詔 宗 軍]5 俄 城 蜀 攻常 復 命 守, 岡 幸 向 與孟 准 拱 逼 潤, 右 揚 爲 圍毗 緣 俊 州 次 江 兵 令 楚州 戦, 陵 招 坤 討 棄其 反 大敗 使, 爲 遣 城 南 令 以 乏, 坤 唐所敗。 令 擒孟 世宗 쬭 坤 ·兵 副 先 俊, 怒 之, 入場州 南唐 命太祖 敗其將馬 下 壽 乘勝遣將陸孟 州 與張 命 貴 權 歸 Ξ 朝 永德領兵趨六合援 知 軍 于 加 府 楚州 俊逼 檢 事 校 泰州 灣頭 太 揚州 尉 堰, 城爲 領 周 200 鎭 師 擒 吳 安 漣 不 令 能 軍 州

所

毁

詔

發

丁壯別築新城,命令坤爲修城都部署

先赴大名,又副王晏爲益津關一路都部署,俄爲霸州都部署,率所部兵戍之。 六年春,命令坤以汴、亳民導汴水入于察。 三月,世宗將北征,命率龍捷、虎捷、驍武兵 恭帝卽位,加

檢校太尉、侍衞馬步軍都虞候。多,詔防北邊。

侍中。 河陽 別殿置酒餞之,因勗其爲治。 宋初,移領天平軍,加侍衞馬步軍都指揮使、同平章事。 及澤、潞平,還京,錫宴令坤等于禮賢講武殿,賜襲衣、器幣、鞍勒馬有差,以功加兼 又從討李重進。 建隆二年,改成德軍節度,充北面緣邊兵馬都部署。 太祖親征李筠,詔令坤率兵屯 將赴鎮,

寧。 爲閑廐副使。 聞其卒,甚悼惜之。 乾德六年,宜發背卒,年四十六。太祖素服發哀于講武殿,錄其子慶朝爲閑廐使,慶雄 令坤有才略,識治道,與太祖同事周室,情好親密。鎮常山凡七年,北邊以

俊具伏,令坤乃殺之。 嬖之。 會擒陸孟俊,將械送行在所,楊氏於簾間窺見之,即拊膺慟哭。 令坤怪問之,楊氏 曰:「孟俊往年入潭州,殺我家二百口,惟妾爲希崇所匿得免,願甘心焉。」令坤以詰孟俊,孟 初,南唐遣邊鎬破湖南,以馬希崇分司揚州,及今坤克取之,希崇以妓楊氏獻,今坤甚

興 11] 慕 周祖 延 爲其佐命,以延釗隸帳下。 到, 太原 父章, 襄州 馬步軍都校、 周廣順 初, 補 、領開州 西頭供奉官, 刺史。 歷尚 延釗 食副 少以 勇幹 使、鐵騎 聞 都 漢 虞侯 祖之

改 進 沿 都 口 鎭 指 江 延 聞 寧軍節度,充殿前 揮 世 馬 渥 吳 宗 使、 軍 督 人舟 節位 都 舟師沿江 治部署。 領 、數百艘泊東佈洲, 本州 了為殿前散指揮使都校、領<u>溪</u>州 團 歸朝, 繼 出練使; 副 進,大破之。 都 復爲殿前都虞候, 點檢,復爲 遷殿前 卽 命延釗與右神武統軍宋延渥至討之。 淮南 都虞候 北 革, 面 行營馬步 出爲鎮淮軍都部署。 遷殿前副 刺史。 領陸州防禦使。 軍都虞候 高平之戰,督左先鋒,以功授 都指揮使、 從征淮南,改龍 顯德五 領淮南節度。 年,世宗在迎鑾江 延釗以 捷左廂都校、 恭帝卽位,) 驍騎 虎捷左廂 由陸

李筠 兵按 治 叛 太祖 邊 初命 境, 卽 位 與王 以 一,延 鎭 釗 静 全 方握 聞 斌 由 重兵屯真定, 東 太 路 祖嘉之, 會兵 (進討, 加殿前 帝遣使諭旨 俄爲行營都 都 計點檢、 許 同 部 以 中書門下二品 署、 便宜 知潞州行府事; 從 事 0 延釗 (E), 與韓令坤率所部 避其父名故也。 及平, 加 兼侍

是冬大寒, 建 隆 三年 遣中使賜貂裘、 ,長春節來朝,賜宅 百子氈帳 品 表解 四年 · 春, 軍 職 命師 、,徙爲 南 山南 征 以 東道節度、 延 釗爲湖南道行營前 西 南 面兵馬 都部署。 軍都部

中

詔

還

澶

州

署。 時延釗被病,詔令肩 奥即 戎事 賊將汪端與衆數千擾朗州,延釗擒之,磔于市。 荆和

旣平,加檢校太尉。 是冬,卒,年五十一。

遣使勞問, 初,延釗與太祖友善,顯德末,太祖任殿前都點檢,延釗爲副,常兄事延釗 洎寢疾, 御封藥以賜, 聞其卒, 慟哭久之。 贈中書令,追封河南郡 及卽位,每

王,錄其子弟授官者四人。

奉西頭官都知,至磁州刺史;延卿至虎捷軍都指揮使。 子德業、德豐、德鈞。 德業至衞州刺史, 德鈞至尙食副使。 延卿子德琛 延釗弟延忠,歷內殿直、供

德豐字日新,幼聰悟,延釗愛之,嘗曰:「興吾門者必此子。」八歲,補山南東道衙內指揮

使。 延釗卒,授如京使。

命爲昇州都監。 開寶中,從征太原,領御砦南面巡檢。 市廛安靜,澤國富饒,使者多哀聚金帛,德豐獨以廉潔聞。 又爲揚州都監。 征南唐,爲洞子都監。 俄領蔚州 城旣下, 刺史。

九年,以簡靜爲治,邊鎭安之。 太平興國二年,知慶州兼洲、寧都巡檢。 嘗破小遇族,奪名馬數十匹,詔書褒諭。

雅熙四年,使登、萊閱強壯,及還,拜西上閤門使。 列 僔 第 -|-慕 容 延 61 是多,出爲定遠軍鈴轄,命領後陣中

隊,別將萬騎以禦邊害。

幾,以所部不治 言 其得西夏情, 淳化二年, ,徙知慶州 進秩 倔強難制 東 Ŀ, ,俄又改靈州無部署。 命德豐代之, 知邢州。 三年,改判四方館事,出知 就賜白 金三千兩。 穀價湧貴,德豐出私廩賑饑民,全活者衆。 會建使名, 延州。 時候延廣知靈武, 改爲 四方館使。

轉引進使。

賊入境,德豐率兵擊走,獲羊馬甚衆。

長安,貧甚,眞宗憫之,特詔給團練使奉。 餉 五 十五。 . 饋不絕,詔獎之。 三年,改滄州。 咸平二年,遷客省使,知鎭州, 家無餘財,談者善之。 召對便坐, 撫慰甚至。 德豐輕財好施,厚享將士。在西邊時,母留京師,妻拏寓 踰年,進潁州團練使,知貝、瀛二州。 是多,遼人南侵,德豐繕兵固守, 五年,卒,年

子惟素,至殿內承制。

崇儀副使、荆湖北路鈴轄。 重 千 艘 雲安,德琛往接之,又斬百 來寇。 德 梁以延釗蔭補供奉官, 與順戰龍山,斬首千餘級; 蠻擾澧、鼎境上, 德琛戰於北汉, 奪耕牛、鎧甲, 斬馘以歸。 累遷內殿崇班、知夔州。 餘級。 累詔褒論。 又與白繼贇擊賊,斬二萬餘,悉焚其舟。 歷西京作坊、左藏二副使。咸平二年,轉 李順之亂,賊酋張餘領衆十萬餘、舟 賊剽開州, 徙峽

路 **鈴轄**,未至,復知夔州。 景德中,領梧州刺史,復任峽路,再遷莊宅使,又爲井、代鈴轄,知

憲州、天禧初,改右監門衞大將軍。

遷散 |州,兼領北面騎軍,賜戎服、介胄、戰馬。 慟哭而去。 歸田 其城,授耀州團練使。改慶州刺史。 二,觀者神之。 卿 員指揮使。 年十三,能騎射。 里,晉祖釋不問。改左羽林統軍,俄兼領右羽林,改鎭 符彥卿字冠侯,陳州宛丘人。父存審,後唐宣武軍節度、蕃漢馬步軍都總管兼中書令。 天成三年,以龍武都虞侯、吉州刺史討王都于定州,大破契丹于嘉山。 晉天福初,授同州節度。 郭從謙之亂,莊宗左右皆引去,惟彥卿力戰,射殺十數人,俄矢集乘興,遂 事莊宗於太原,以謹愿稱,出入臥內,及長,以爲親從指揮使。 奉韶築堡方渠北烏崙山口,以招党項。清泰初,改易 嘗射獵遂城鹽臺淀, 兄彥饒亦鎭滑臺。 鄭延。 俄而彦饒叛,彦卿上表待罪,乞 一日射麞、彘、狼、狐、兔四十 明年克

騎 兵數萬 又副李守貞 少帝幼與彥卿狎,卽位,召還,出鎭河陽三城。遼 圍高 行周于鐵丘,諸將莫敢當其鋒,彦卿 (五)討平青州楊光遠,移鎮許州,封祁國公。 獨 人南侵,詔彥卿率所部拒戰澶淵。 引數百騎擊之,遼人遁去,行周得

契丹大敗,其主乘橐駝以遁,獲其器甲、旗仗數萬以歸。 甫 非 遇曰:「與其束手就擒,曷若死戰,然未必死。」彦澤等然之。 輒壞, 淠 爭絞泥吮之, 與杜重威、李守貞經略北鄙。 人馬多渴死。 時晉師居下風,將戰,弓弩莫施。 契丹主率衆十餘萬圍晉師于陽城,軍中乏水, 少帝嘉之,改武寧軍節度、同平章 **遂潛兵尾其後**, 彦卿謂 順 張彦澤、皇 風擊之,

主笑而 威 遼。 以 大軍 爲 釋之。 遼主 左右所間,會再出師河朔,彦卿不預,易其行伍, 降於滹水,急韶彦卿與高 以陽城之敗詰彦卿,彦卿對曰:「臣事 行周領禁兵屯澶淵。 晉王,不敢愛死,今日之事,死生唯命。」遼 會彦澤引遼兵入汴,彦卿與行 配以贏師數千,戍荆 州口。 及 杜 周 遂

守 領數 UL 敵,當死戰,城不可入。」賊惶愧羅 習 十騎遽至城下,仁 縋 會徐、宋寇盜蠭起,遼主卽遣彦卿歸鎭。 而 出 ·,大呼賊中曰:「相公當爲國討賊,何故自入 恕遣其徒執彦卿 拜彦卿前, 乞冤罪, 馬,請隨 行次甬橋,賊魁李仁恕擁衆數萬攻徐州。 入 城 0 虎 **彦卿爲設誓,乃解** 俄頃 口 , 乃助 彦卿子昭序 贼 攻城? 去 自城中遣軍 我雖父子,今爲 校陳 彦卿

守太保、移鎭青州。 漢 祖 彦卿 自徐州來朝,改鎮 及殺楊哪輩,召促赴闕下。 兗州 加 **銀侍中**。 乾祐中, 加兼中書令, 封魏國公,拜

錦綵、軍糧萬石,連被賜賚。 周 祖即位,封准陽王。 劉銖誅,以其京城第宅賜彦卿。 俄移鎭鄆州。 會召魏府王殷,欲以彦卿代鎭。俄遼人起兵,留 及征兗州,彦卿朝行在,獻馬及

殷控扼,故彦卿不入朝。殷得罪,即以彦卿爲大名尹、天雄軍節度,進封衞王

世宗初,并人擾潞州,潞兵敗,命彦卿領兵從磁州固鎭路壓其背。及帝親征,命爲行營

行都部署兼知太原行府事,領步騎二萬進討。

取。 連下數州,彥卿等皆以芻糧未備,欲旋軍。世宗不之省,乃調山東近郡輓軍食濟之。及世 及周師入境,汾、晉吏民望風款接,皆以久罹虐政,願輸軍須以資兵力,世宗從之。而 初,彥卿之行也,世宗以幷人雖敗,朝廷饋運不繼,未議攻擊,且令觀兵城下,徐圖進

賜彥卿繒綵、鞍勒馬,遣歸本鎭。 餘,遼騎遁走。先鋒爲遼人所掩,重傷數百人,諸將論議矛盾,師故不振。世宗乃班師,數 宗至城下,命與郭從義、向訓、白重贊、史彥超率萬騎屯忻口,以拒北援,又下盂縣。 遼人駐忻北,遊騎及近郊,史彥超以二千騎當其鋒,左右馳擊,彦超死之;敗遼衆二千 還京,拜彥卿太傅,改封魏王。 恭帝卽位,加守太尉。

|太祖卽位,加守太師。建隆四年春,來朝,賜襲衣、玉帶。 宴射于金鳳園,太祖七發皆中

的,彥卿貢名馬稱賀。 開實二年六月,移鳳翔節度,被病肩輿赴鎮。至西京,上言疾亟,請就醫洛陽,從之。

列 僔 剱 +

符 产 卵

假滿百日,猶請其奉,爲御史所刻,下留司御史臺。 太祖以烟舊特冤推鞫,止罷其節制。

年六月, 卒, 年七十八。 喪事官給。

遣歸徐州矣。」德光母曰:「留此人中原,何失策之甚!」其威名如此 悉分給帳下,故士卒樂爲效死。遼人自陽城之敗,尤畏彥卿,或馬病不飮齕,必唾而呪曰: 「此中豈有符王邪?」晉少主旣陷契丹,德光之母問左右曰:「彥卿安在?」或對曰:「聞其已 |彦卿將家子,勇略有謀,善用兵。 存審之第四子,軍中謂之「符第四」。前後賞賜鉅萬,

主其事,由是斛量始平。詔以羨餘粟賜彥卿,以愧其心。 鎭大名餘十年,政委牙校劉思遇。思遇貪黠,怙勢斂貨財,公府之利多入其家,彥卿不 時藩鎭率遣親吏受民租,槪量增溢,公取其餘羨,而魏郡尤甚。 太祖聞之,遣常參官

賓客終日談笑,不及世務,不伐戰功。居洛陽七八年,每春月,乘小駟從家僮一二遊僧寺名 **彦卿酷好鷹犬,吏卒有過,求名鷹犬以獻,雖盛怒必貰之。 性不飮酒,頗謙恭下土,對**

昭信、昭愿、 周 世宗宣懿皇后、太宗懿德皇后,皆彦卿女也。 昭壽。 昭信,天雄軍衙內都指揮使、領賀州刺史。周顯德初,卒,贈檢校太保、閬 自恭帝及太祖兩朝,賜詔書不名。

州防禦使。

園

,優游自適

昭愿字致恭,謹厚謙約,頗讀書好事。 周廣順中,以蔭補天雄軍牙職,俄領興州 刺 史。

攻幽州 作坊副使。 開寶中,改領恩州。 命與定國軍節度宋偓率兵萬餘,置砦城南。師還,眞拜察州刺史,知井、澶二州。 俄授尚食使,出護陳、許、蔡、願等州巡兵。 **彦卿養疾居洛,入補供奉官。** 四年,改領羅州刺史。 從征太原, 為御營四 面巡檢使。 七年,遷西京 及

還,帝賜以名方御藥,拜本州防禦使。 不踰月,復移抖門兼副部署。丁內艱,起復,爲本州團練使,連知永興軍、梓滑二州 咸平初,又爲天雄軍、邠州二鈴轄。三年,以疾求歸京師,詔遣中使、尙醫馳傳診視。旣 。四年,卒,年五十七。車駕臨哭,贈鎭東軍節度。子承

煦,爲左千牛衞將軍。

刺史。端拱二年,知洪州。淳化四年,改定州。咸平初,遷鳳州團練使、益州鈴轄。 二年多,命與劉知信護鎭州屯兵。會遣將北征,又與知信爲押隊都監,轉尙食使,眞拜光州 昭壽,初補供奉官。開寶七年,改西京作坊副使。 歷遷六宅副使、領蘭州刺史。 雍熙

人傳道。 昭壽以貴家子日事遊宴,簡倨自恣,常紗帽素氅衣,偃息後圃,不理戎務,有所裁決,即 多集錦工就廨舍織纖麗綺帛,每有所須,取給於市,餘半歲方給其直,又令部

列

傳 第

+

符 彦 卿

曲 私 邀取 之。 廣 ·糴黍稻,未及成熟者亦取之,悉貯寺觀中,久之損敗,即勒道釋償之。 縦其

秋,官兵討平之。見雷有終傳。 取兵器。 送之,延順等悉解廐中馬韁,奔逸庭下,陽逐諠呼,登廳執昭壽殺之,丼殺二僕,據甲仗庫, 無所適,卒見均至,卽與衆推均爲帥,合驍猛、威武兵爲亂。 趙 凌忽軍 延順等八人謀欲害昭壽,未敢發。 劍南 '都監王澤聞之,急召本軍都虞候王均率兵擒捕。 自李順平後,人心洶洶,知州牛冕緩弛無政,昭壽又不能御軍,人皆怨憤。 。三年正旦,中使自峨眉山還京,昭壽戒馭吏具鞍馬將 延順左執昭壽首, 牛冕洎轉運使張適奔漢州 右操劍, 神衞卒

昭壽子承諒,娶齊王女嘉興縣主,至內殿承制。

善,平荆、湘則南服底定,鎮常山則北邊載寧,未嘗恃舊與功以啓嫌隙。 后,累朝襲籠,有謀善戰,聲振殊俗,與時進退,其名將之賢者歟。今坤、延剑素與太祖親 以備宿衞,或請老以奉朝請。雖太祖善御,諸臣知機,要亦否極而泰之象也。彥卿一門二 論曰:五季之亂,內則權臣擅命,外則藩鎭握兵。 宋興,內外廓淸,若天去其疾,或納節 創業君臣有過人

校勘記

南唐東都副留守馮延魯 「馮延魯」 原作「馬延魯」,據舊五代史卷一 一六世宗紀、 通鑑卷二九

二、馬令南唐書卷二一本傳改

 \equiv 敗其將馬貴 「馬貴」,舊五代史卷一一六世宗紀、周世宗實錄(輯本)顯德三年四月已卯條都作

「馬在貴」。

S 右神武統軍宋延渥 原作「左神武統軍宋延偓」,據本書卷二五五、東都事略卷二一宋偓傳及通

下文「延渥」原作「延偓」, 同改。 按:宋屋本名延渥,後改名偓

同中書門下二品 鑑卷二九四改。 「一品」原作「三品」,據長編卷一、東都事略卷二〇本傳改。 唐代宰相有稱

爲「同中書門下三品」的,唐代宗以後, 中書門下長官升爲二品,因此五代、宋初有稱爲「同中書

門下二品」的。

三三三 李守貞 原作「李守眞」,據舊五代史卷八二少流紀、卷一〇九本傳改。 下同。

宋史卷二百五十二

列傳第十一

王景 子廷義 郭從義 曾孫承祐 李洪信 弟洪義 武行德

楊承信 侯章

累 將 遷奉聖都虞候。清泰末,從張敬達圍晉陽,會契丹來援,景以所部歸晉祖 王 檀鎭滑臺,以景隸麾下,與後居莊宗戰河上,檀有功,景嘗左右之。 王景, 萊州掖人,家世力田。景少倜儻,善騎射,不事生業,結里中惡少爲羣盜。 莊宗入汴,景來降,

耀州 揮使、領 厢都 校。 え福 團 「練使。 鄭州防禦使,出爲晉州巡檢使、 二年,契丹南侵,少帝幸澶淵,景與高行周等大破契丹衆于戚城,遷侍衞馬軍都指 初,授相州 及代,會晉祖幸鄴,留爲京城巡檢使,改洺州團練使。 刺史。 **范**延光據鄴叛,屬郡多爲所脅從,景獨分兵拒守,晉祖嘉之,遷 知州事,拜橫海軍節度。 契丹至汴,以其黨代景。 開運初,授侍衞馬軍左

91

景 歸 次常 Ш 聞 契 丹 主 殂 |欒城,即間道歸鎮,斬關而入,契丹遁去。

漢 乾帖 初, 加 同 平 章 事 會契丹饑,幽州民多度關求食,至滄州境者五千餘人,

撫,詔給田處之。

等數 或 邽 册 封 訟 斬 褒 必 命 百 國 面 周 首 話 景 公, 旭 人遮道留之不 數 與向 之, 微 貧級 加 탉 開 興景 拱 不至 府階。 來兵 是秋,秦州 大 善,及卽位,加棄侍中。 出大散 獲,有截景馬鐙者。 過卽諭 世宗 (即位, 降。 關 而 進 釋去,不爲 討, 加 逾 兼中 年 連陷砦棚, -,徙景鎭秦州 書令。 俄以景爲護國]胥吏所搖, 由是部民便之。 景起身行伍 先是,秦、 遂命景為 兼 酉 軍節度,歲餘, 面 素無智略, 鳳陷蜀,州旁蕃漢戶詣闕請收復, 緣 西 邊 面 都 行 部署。 營都部署,大破蜀軍于上 然臨 遷鎭 廣順 恭帝卽位,進封凉 政不尙刻削, 鳳 初入朝,民周環 翔 顯德 民 初, 有

面 緑邊 宋 都 初, 部 加守 署 太保, 四 年 卒,年 封 太原 --郡 十 五 王 建隆二年 贈 太 傅, 追 春來朝,太祖宴賜加等,復以爲鳳翔節度、 封 岐 王 , 諡 元 靖 西

巨 屢過官妓侯小師家, 自 初, 歸 國 景之奔晉 受 /恩隆 也, 厚 妻 意甚慕之。 誠 (坐戮, 無 所 欲。 二子 固。 今妻被誅,誠得小師爲妻足矣。」晉祖 逃獲 問 之, **発**。 景 晉祖待之厚, 稽 類 再 拜 日 臣 賞賜萬計 昔爲卒,嘗 嘗 大笑,即 負 問 胡 景 所欲,對日 牀 以 從 小師 隊 長 賜 11

景甚寵嬖之,後累封楚國夫人。 侯氏嘗盜景金數百兩,私遺舊人,景知而不責

崇,無自謙抑。」景曰:「人臣重君命,固當如是,我惟恐不謹耳。」初封郡王,朝廷以吏部尚書 張昭將命,景尤加禮重,以萬餘緡遺昭。 名,今使於我,是朝廷厚我也,豈可以往例爲限耶?」 性謙退,折節下士,每朝廷使至,雖卑位必降階送迎,周旋盡禮。 左右或言其過厚,景曰:「我在行伍間,即聞張尚書 左右或曰:「王位尊

景子廷義、廷睿、廷訓。廷訓至驍衞大將軍致仕。

節度。 新堤。六年,增治京城,又命廷義董其役。開寶二年,加領橫州團練使,從征太原。 勇敢,親鼓士乘城,獨觅胄,矢中其腦而願,經宿卒,年四十七。太祖甚惜之,優詔贈建雄軍 校、領珍州刺史。宋初,改內外馬步軍副都軍頭。乾德四年,與韓重贇率師護治滑州靈河 廷義起家供奉官,改如京副使,以善騎射,周世宗擢爲虎捷都虞侯,遷龍捷右第二軍都 廷義性驕傲,好夸誕,每言:「我當代王景之子。」聞者咸笑之,因目爲「王當代」。 廷義性

王晏,徐州滕人,家世力田。晏少壯勇無賴,嘗率羣寇行攻劫。梁末,徐方大亂,屬邑皆

爲他盜所剽,惟晏鄉里恃晏獲全。

後唐同光中,應募隸禁軍,累遷奉國小校。

恣行 ·暴虐, 晉開運末,與本軍都校趙暉、忠衞都校侯章等戍陝州 晏與暉等謀曰:「今契丹南侵,天下洶 洶, 英雄豪傑固當 會契丹至汴, 遣其將劉愿據陝, 乘時 自 奮 且開 太原劉

公威 得晏 爲 乃率敢死士數人夜踰城,入府署,劫庫兵給其徒,遲明,斬愿首縣府門外。 旣 本城 而 等來歸,甚喜,卽日以暉爲保平軍節度,章爲鎭 意遠被,人心歸服,若殺愿送款河東,爲天下唱首,則取富貴如反掌耳。」 暉等表晏始謀功爲第一,遷建雄軍節度。 副指揮使、內外巡檢使兼都虞候;遣其子漢倫奉表晉陽。時漢祖 漢祖 入汴,加同平章事 國軍節度,晏爲絳州防禦使,仍領 雖 建號,威聲 衆請 暉等然之。晏 暉 爲 帥,章 未

州 漢 競 倫 攀 操而 濱 居 張 州 旭 康鎭 刺 登,晏麾伏兵擊之,顚死者甚衆,遂焚橋遁。 即位,加兼侍中。 史。 晏來朝 八月來朝,周祖以晏家彭城,授武寧軍節度,俾榮其鄉里。 了,獻馬 七匹,賜襲衣、金帶。 廣順元年, 劉崇侵晉州, 親郊畢,封滕國公,加開府階。 晏閉關不出,設伏城上。 遣漢倫 追北數十里, 斬首百餘級, 三年,周祖 | 井人以 世宗卽位, 爲 征免 擢

加兼中書令。

初 晏至鎭, 悉召故時同爲盜者遺以金帛,從容置酒語之曰:「吾鄉素多盜,我與諸君昔 列傳第十一 王晏 郭從義

張正撰文賜之,詔改其鄉里爲使相鄉勳德里,私門立戟。未幾,改河南尹 內安靜,吏民詣關舉留,請爲晏立衣錦碑。世宗初,復請立德政碑。世宗命比部郎中、知 嘗爲之。 後來者固當出諸君之下,爲我告論,令不復爲,若不能改,吾必盡滅其族。」由是境 、西京留守。 顯德三 人制誥

請老,拜太子太師致仕。 年,移鳳翔節度。 太祖卽位,進封趙國公。 六年,從世宗北征,爲益津關一路馬軍都部署,韓令坤副焉,遂平三關。 每朝會,令綴中書門下班。俄歸洛陽別墅。 從征李筠,師還,改安遠軍節度。乾德元年,進封韓國公,上章 四年多,卒,年七十七。

乃誣 衆,得非待糟糠之薄,致夫人怏怏成疾耶?若能斥去女侍,夫人之疾可立愈。」晏以爲謗己, 病, 興語人曰:「吾能治之。」晏遽訪興,興日:「我非能醫, 口以他事,悉案誅其夫妻。 初,晏爲軍校,與平陸人王興善,其妻亦相爲娣姒。 晏既貴,乃薄興,興不能平。 但以公在陝時 止 妻,今妓妾甚 晏妻

廢朝三日,贈中書令。

援。 州已立大功,河陽小城不煩枉駕。」慙不能對,遂引兵還。 晏意欲兼有三城,即與漢倫同率兵赴之。 守西洛日, 白重贊鎭河陽,時世宗征淮南,重贊慮幷人乘間爲寇,因葺城壘,且約晏爲 重贊聞其來, 拒不納, 遣人語之曰: 「公在陝

義 緣 卵角, 郭 從 義 莊宗 其先沙陀部人。 畜於宮中, 與諸子齒 父紹古, 事後唐武 明宗與紹古同事武皇,情好款狎 皇忠謹 特 見信 任, 賜姓 ,即位 李氏 一,以從義補內 紹古卒,從

職 ,累遷內園使。

東

鎭 表爲 次南道行 晉 天 馬 福 步軍都虞候,屢率師破契丹于代北。 初, 營都虞候,領首 始復姓郭氏。 軍自太行路 坐事出爲宿州團 渡河 「練副使。 及建大號,從義首贊其謀,擢鄭州防禦使, 丁內艱北歸, 遂家太原。 漢祖 在

爲 廷, 寧 軍 永 許以 興 節 漢 軍 祖 華州 節 入汴,以爲 度。 趙 節 思綰之叛,爲行營都部 制。 思綰糧盡,城中人相 河北 隱帝從其計, 都巡 檢使。 卽 遣 署,賜戎裝、器仗、金帶。 杜 食, 使諭思綰,思綰開門納款。 重威據大名叛,以爲行營諸軍都虞候,重威降,爲鎭 從義繫書矢上射入城中, 師至 永興,圍其城,即以從 翌日,從義具軍容入城 說思綰令降, 仍表 義

憇候 館 中, 思綰 入謁 ,即令武 土 執 Ź, 井其黨三百餘 人悉斬於市,以功 加 同平章

令。 朝 四年,從征 因 周 話 廣 扈從,世宗 順 初 淮南,移鎮徐州 加 兼 甚悅, 侍中,移鎭 改天 平 許 及世宗自迎鑾至泗州 軍 州 節 度, 顯 德 即合從符彥卿 初, 親郊, 加檢校: 破 見於行在。恭帝即位,加 契丹于 大師。 忻口。師還 世宗將 征 劉崇,從義 以 開 功 府 加 兼 適 中 書

尹、 護國軍節度。 宋初,加守中書令。 六年,以疾歸京師。 太祖征揚州,從義迎謁於路, 開寶二年, 改左金吾衞上將軍。 願扈從,不允。 乾德二年,又爲河中 逾年, 上章請老,拜

悉入 、思綰,思綰敗,從義盡 從義 性重厚,有謀略,多技藝,尤善飛白書。 取之。 守温詣從義求其愛妾,雖不敢拒,而 初,思綰之叛也,巡檢使喬守温遁去,姬妾 心銜焉, **遂發守温**

太子太師致仕。

四年,卒,年六十三,贈中書令。

遁事 庭, ,坐棄· 周 旋擊拂, 市,人皆冤之。 曲盡其妙。 從義善擊毬, 旣罷, 上賜坐,謂之曰:「卿技固精矣,然非將相所爲。」 **皆侍太祖於便殿**, 命擊之。 從義易衣跨驢 夢馳 從義 驟殿 大

知邢州,卒。子世隆爲比部員外郎。 子 守忠、守信。 守忠至閉厩副 使。 世隆子昭祐 守信字寶臣,頗知書, 承祐。 昭祐爲閤門祗侯 與士大夫游,至東上閤門使、

慙。

坊左 府率,遷 翰 謁 承站 林 司, 者,眞宗爲 西京作坊使、勾當右騏驥院。 字天錫 遷西上 ,娶舒王元偁女,授西頭供 玉石 閣 門副 小牌二,勒銘以戒飭之。帝即 使。 坐盜御 酒及用尚方金器除名,岳州編管,徙許州別 院之大校試路馬者,前鳴鞭擁御蓋, 奉官。 仁宗爲皇太子,承祐補左淸道 位, 遷西 染院副使兼閤道通事舍人、勾 承祐代試之,其 率 駕。起爲率 府

列

狂僭如此。進六宅使、象州團練使。

軍 徙 澶 闕 補 州 承 兵 귮 何 人,使者曰:「聞朝廷方擇才武者。」承祐起挽強自衛,左右皆笑。 馬總管,役卒有異謀者,康得不待奏,捕斬之。 性 真授衛州 一狡獪 『, 緣東 刺 宮恩, 史、知相州,入爲羣牧副使,改潍 又憑藉王 邸親,既廢復用,乃僭言事,或指切人過 州 再 團 知 「練使,歷知曹、鄭、澶 澶州, 會中使過, 失, 遽延入問管 軍、 貝州 同列謂之

州 鳳 代 余 觀 靖 路 州 副 察使、永 論 副 總管 其非才 都 爲 總管 H 耐 興 ", 改 累遷 兼 軍 衞 知 副 四廂 知 建武 代州,徙邢 相州 都 總管, 都指揮使。 軍節 ,尋徙大名府 度使、 改 州 知 邢州 、殿前 以父喪,起復眞定府、定州 諫官錢明逸言承祐無廉守,邢民素厭苦之,改 副都 副 徙 都指 總管。 河陽 揮 兵馬 使。 樞密使杜衍 巡總管。 衍 等路副都總管。 惡 去 承站 位 ,復進爲殿前 驕恣,奏罷 諫官歐陽脩 相 都虞侯、丼 軍 權 州 相

配 河。 輕 徙 罪 尋 亳 以 借用 宣 州 一徽 翰林器, 南院 諫官言承站 使 判 出入擁 應 在應 天府,府壁 旗 天府給 槍 以禁兵擬 壘不完,盜至卒無以禦,承祐始城南 糧 不以 次,且 周 衞 擅 體涉 留糧綱)狂僭, 批宣 無人臣 頭 不發 禮 關,後沙、雕、 罷宣 戍還兵, 徽 南院使, 越法杖 盟

許 州 都 總管 1 ,徙節保 靜 軍 知許 州

轉運使蘇舜元薦承祐有將帥才,政事如龔、黃。 帝謂輔臣曰:「彼庸人,監司乃龔、黃比

之,何所 取信哉。」改知鄭州,未行,暴疾卒。 贈太尉、諡曰密。 承祐所至,多興作爲煩擾,百

姓苦之。

藩 遇,因有疑貳,謀害晉祖,其從兵皆亂。 潞王舉兵,少帝殺弘實而東奔,捧聖軍數百騎從行,洪信預焉。 H. 李洪信 隸帳下, , 幷州晉陽人, 漢昭聖太后弟也。 及卽位,愛將朱弘實總領捧聖軍,弘實擢洪信爲爪牙,漸遷小校。 時漢祖方護晉祖,洪信以兵應之,獲免。 后弟六人,洪信居長,少善騎射。 及次衞州, 少帝與晉高祖 後唐明宗在 清泰中,又 應順中,

聖左 領武 信 厢 晉 初,爲興順左廂都指揮使。漢祖統禁軍,遷鎭太原,奏隸麾下。漢祖領陳州刺 軍 都指揮使三、俄加岳州防禦使。 節 度 從漢祖降鄴,以警扈之勞, 授侍衞馬軍都指揮使、 史、左護

爲雍

王重美牙校。

節度。 恃以朝選,藩帥難 初,楊邠 以元從功臣爲方鎭者不語政務,令三司擇軍將分補諸鎭都 制 洪信聞內難,即召馬步軍都校聶召,奉國軍校楊德、王建、黃全武、楊 押牙、孔 目官,或

乾祐

中,以

羣

小用事,

心懷憂懼,白太后求解軍

職,出爲鎭寧軍節度。

歲餘,遷保義

軍

列

翟本, 右牙 都校任温 武德,護聖都校康審澄及判官路濤、掌書記張洞 都 ;押牙楊昭勍、

孔 目官魏守恭、悉殺之、誣奏謀逆。

北遁,遣禁兵千餘屯京兆,洪信益懼,卽請入朝,懇辭藩鎮,拜左武 之故,移鎭京兆。 周 廣順 加同 本城兵不滿千,王峻西征至陝州,以援晉州爲辭,又取 平章事。 洪信常以此妄殺自歉,及革命, 內不 衞上將軍 ·自安。 公去數百 周祖 世宗 循以漢· 即位,遷 及劉 太后 崇

左 聽衞上將軍。 顯德五年,改右龍武軍統軍,從世宗北征,爲合流口部署

洪信 乾德 無他才術,徒以外戚致位將相。 五年,改左驍衞上將軍。 開寶五年請老,以本官致仕。 斂財累鉅萬,而吝嗇尤甚。 八年,卒,年七十四 時節鎮皆廣置帳下親

兵, 惟洪信最寡少。 弟洪義。

洪 義 本名洪威,避周祖名改焉。 漢祖鎭太原,補親校。 開國,授護聖左廂都校、領岳州

防 黎使, 遷侍衞馬 軍 都 指 揮使、領武信軍節 度

遣 供 奉官 少帝 孟業齎密詔令洪義殺之,又令護聖都指揮使郭崇等害周 即位, 改鎭寧軍 節 度。 會誅楊邪、 史弘肇等,時侍衞步軍都指揮使王殷屯澶州 消周祖起兵,少帝又詔洪義扼 旭 於 鄴。 洪義 素怯懦 慮 。 卽

殷覺,

遷延不敢發,遽引業見殷,殷乃錮業,送密詔於周祖

河橋,及周祖兵至,洪義就降。漢室之亡,由洪義也。

鎭 安州 廣 順 2 顯德初,加檢校太師。 初,權 知宋州節度,未幾,眞拜歸德軍節度,加同平章事,權知許州。 世宗卽位,加兼侍中,未幾,徙青州。 六年夏,遷京兆尹、永 歲餘,改

興 軍 節 度。 恭帝嗣位,加開 府階

暇 日 ,從禽郊 |宋 武行德,幷州楡次人,身長九尺餘,材貌奇偉,家甚貧,常採樵鬻之自給。 初,加兼中書令,移鄜州。 外,值 行德負 (薪趨 一拱於道左,晉祖見其魁岸,又所負薪異常,令力士更舉之,俱 乾德五年,代歸。 卒年五十九, 贈太師。 晉祖鎭幷門,

不 能 舉,頗奇之, 晉 天福 初,授奉 因留帳下。 國 都 頭,遷指 揮使,改控鶴指揮使、寧國軍都虞候。 開運中,契丹至汴,

歸其國 行德 被獲,乃僞請於契丹以自效。 泝汴至 河陰, 行德謂 諸將曰:「我輩受國厚恩, 契丹信之,方具舟數 十艘載鎧 而受制 於契丹, 甲,今行德率將校軍 與其離 鄉 井、 投邊 一卒送

爲異 定禍 亂, 域之鬼,曷若 以圖 富 貴 興諸 可乎?」衆素服行德威名,皆曰:「所向惟命,不敢愛死。」行德即殺契 君 驅逐兇黨, 共守 河陽, 姑俟契丹兵退,視天命所屬 歸之,建功

契丹兵 及 丹 午 品 殊 使,分授 倘 死 充 戰 斥 廷 器 行德 勳 甲, 大 由 敗 厲 氾 + 水倍道 棄 卒 城 ,繕 走。 抵河陽。 甲兵,據 行德遂 上游,士氣 據河陽, 契丹節度使崔廷勳出兵來拒 。盡以府 益 奮 ,人望歸之。 庫分給將士, 因 行德 推 行 德 知州 事 自 带 日

德 河 陽 聞 漢 城 祖 節 起 太原 度 漢祖 郎自 由晉 稱 河 、絳至洛,行德迎候境 陽 都部 署 ,遣其弟行 友間道: 上,以所部兵 奉表勸 (翼至· 進 , 京師,還河陽 漢祖覽奏喜甚, 即授行

明 詣 卽 僧 河 捕 南 從 府 部 尹 僧 嫗 乾 **** 、西京 行德 買疏 訊 祐 凛然。 治 Ħ, Ż, 見盛 就就 留守。 加同 筥 三年,丁 具伏 鹽樸 翻 不章 視 時 與關 非 禁鹽 密置 事 外 村 移真定 吏同 嫗 艱 一入城,犯者法至死, 一鹽筥 所 起復 誣 有 嫗 , 中 尹、成德 疑 -,少答其直 以希賞 而 語之, 軍節度 行德釋嫗, 一,不買而去。 告者 嫗言:「適有 廣順 給厚賞。 初 斬僧及 僧自城外買蔬 嫗持 加 洛陽民家嫗 兼 徐侍中, 抱關吏數輩。 入城, 抱 俄 ,取視 關 將 改 念武 者 入 搜得 城 人畏之若神 霽 軍 之而 節 鹽 蔬 度, 去。 俄 擒以 有 遷

率 晏 洛 所 陽 [A] 部丁壯於古隄疏導之,東達于泗上。 換 城 顯 其 頭 德 缺 任 初 令暮 加開 先是, 之。 府 階 唐末楊 行德 進 封 氏 率 譙 ・部民萬 據 國 准 甸 餘完其城,封邢 世宗 自 甬 及親征 橋 卽 東南 位, 兼 以行德爲濠州行營都部署, 中 國公。 書 令 爲汙澤。二年,將議 是秋 初, , 世宗自 代王晏爲武 河東還 寧軍 南 破淮軍二千 , 次 征 河陽, 節 遣 度 行 以 德 與

上將軍 餘 人於郡境。 五年,下淮南,復授行德保大軍節度兼中書令。 俄遣率師屯定遠以逼其城,爲吳人所敗,死者數百人,行德以身免,左授右衞 恭帝嗣位,進封宋國公。

十二,贈太師。 加 開 府儀同三司。 |宋 初,加中書令,進封韓國公,再授忠武軍節度,改封魏國公。 開寶二年,入爲太子太傅。 太平興國三年,以本官致仕。 乾德二年多,移鎭安州 四年,卒,年七

幼以父任,自義武軍節院 楊 |承信,字守眞,其先沙陀部人。 <u>父</u>光遠, 仕晉至太師、壽王。 使領蘭州刺史、歷宣武、平盧二軍牙校。 承信,光遠第二子(四),

開運 一初,光遠以靑州叛,少帝遣李守貞等討之,食盡勢窮,承信兄承勳劫其父以降,靑

軍,放歸,服喪私 平, 光遠死。 承信與弟承 第,尋安置鄭州。 祚詣闕請死, 詔釋之, 以承信爲右羽林將軍, 初,光遠送款契丹求援,兵未至而 光遠降。 承祚爲右驍衞將 及契丹來寇,

州

承勳時爲 鄭州 防禦使, 召數其罪殺之。 以承信爲平盧軍節度, 繼父職。 仕漢歷安、鄭二州

節度,累加檢校 太師

列

僔

第

-|-

楊

承

信

候 瘅

周廣順 初, 加 同 平 章 諸將西討劉崇, 承信表求預行。 以郊祀恩加開府階, 封杷國

府 世宗即位 事 壽州 平, 進韓國 累戰 功, 公。 擢忠正 顯德初,征淮南,爲濠州攻城副都部署,改壽州北砦都部署兼知 軍節度、同平章事 時 徙州治下蔡, 承信既增廣其城, 又

遣 造 監 軍 薛 友柔敗准人六百餘于廬州 北。 恭帝即位,進封 魯國

宋 初 加 兼侍中, 來朝,會征李筠, 命爲澤州 西 面都部署,筠平,移鎭河中。 乾德元.

進 封趙 國 公。 二年,卒,年四 一匹 一,贈中 書令。

苛, 故能始終富 承信身長八尺, 貴。 美儀 其卒也,蒲民表乞祠之,則其遺愛之在人者可知矣。 表, 善持 論 且多藝能,雖叛臣之子,然累歷藩鎮,刻勵爲政而 景德四 年,錄其孫

松

爲奉職

揮 使,屯兵陝州 侯章, 幷州 楡次人。 , 為內 外馬 初在并門事後唐莊宗爲隊長, 步 軍 都 指 揮使兼三城巡 檢使 明宗朝遷小校。 晉開運末,爲忠衞

度。 其租賦,乃矯奏貧民數千戶負稅租,久禁繫不能輸,願以已奉代。 乾祐 契丹入中原,與趙暉、王晏謀斬契丹將劉愿,送款於 初 加同 平 章事,尋 移鎭 邠州 |章居 鎭 無善政,傲 Ĩ 剝下 , 以貪 時方姑息, **猥聞**,用 詔褒之。 見戶 爲 副

漢祖

漢祖

入汁,

擢爲

鎭 國

軍節

會

使趙彥鐸有良馬,章欲之不與,誣彥鐸謀逆,殺之,亦置而不問。 俄加檢校太師

當錫宴, 將軍王璨副之。俄徙西北水砦都部署,再爲武勝軍節度。 府階,封申國公。世宗即位,加兼中書令。世宗親征壽陽,命章爲攻城水砦都部署,右衞大 俄賜宴廣政殿,章又獻銀千兩、馬七匹上壽,復不納。三年,授鄧州節度。 周 初,加兼侍中。 以申愷樂, 豈俟其貢奉爲之耶?」命復賜之。 廣順二年入朝,獻銀帛,請開宴,周祖謂左右曰:「諸侯來朝,天子自 仍令有司自今藩鎭有進奉者勿受。 周祖親郊,加開

戰鬥取富貴,若此諛佞,未嘗爲之。」坐中有慚者。 漢間事 建隆 一元年八月,授太子太師,封楚國公。旣罷節鎮,居常怏怏。 ,,時有輕忽章者,章厲聲曰:「當遼主疾作謀歸,有上書請避暑嵩山者,我粗人,以 乾德五年卒。 一日於朝堂與故舊言

以死。 嚮, 世之習,有不能盡去之者。 太祖待以 論 侯章在藩邸 曰:王景輩微時,或至爲盜、負薪,遭五代之亂,奮身戎功,重據邊要。 一誠信,宜無不自安者。 有剝下 之名, 武行德守洛邑,辯究欺罔,民用畏服,顧不優於諸人耶? 李洪義狃於肺腑之戚,而無外凛之志,咎孰 景趨 利改圖,乃至滅族。 王晏、郭從義遷怒肆忿, 湛焉。 宋興,稽顙北 斯皆亂 誣人

列

傳

第

十

侯

章

校勘記

校勘記

許州都總管 按宋會要職官六五之七和長編卷一六八、一 六九、郭承祐於皇祐二年六月落宣徽

南院使、知亳州, 八月再降為許州兵馬總管。 此處「許州」上當有「爲」字。

按舊五代史卷八〇、九九、一〇〇,漢祖劉知遠於晉天

 \exists

漢

祖

領陳州刺史左護聖左廂都指揮使

福 六年七月爲太原尹; 天福十二年二月卽皇帝位, 三月以北京興捷左廂都指揮使李洪信 爲陳

|州 刺 史、檢校司徒,十一 月鄴杜重威降,十二月以護聖左廂都指揮使、岳州防禦使李洪信 為遂州

節度使充侍衞步軍都指揮使。 遂州,後梁爲武信軍節度。 據此,此處「漢祖」下當有脫文,「左護

聖」之「左」字疑衍。

(E) 廣順 原作「廣聖」,後周的年號是「廣順」,不是「廣聖」;舊五代史卷一一〇周太祖紀,此事正

繋於廣順 元年,據 改。

光遠次子; 承信光遠第二子 本傳也說承信有兄承勳、弟承祚、和五代史合。 原作「三」。 按舊五代史卷九七、新五代史卷五一楊光遠傳都說承信是 據 改。

宋史卷二百五十三

列 傳第十二

折德 展 子御勳 御 卿 曾孫克行(1)

周

孫行友

子全照

馮繼業 王承美 李繼

軍 仕 ,以德晟爲節度使 (三)。 周 至靜難軍節度使。 其鎮府州時,署德扆爲馬步軍都校。 時從阮鎭邠寧,父子俱領節鎭,時人榮之。 廣順間,周世宗建府州爲永安

折德扆,

世居雲中,爲大族。

父從阮,自晉、漢以來,

獨據府州,控扼

西北,中國賴之。

宗 **德** 展未至, 南 征,還次通許橋,德晟 顯德中, 德愿又破抖軍五百餘于沙谷砦,斬其將郝章 德晟率師攻下河市鎮,斬拜軍五 迎謁,且請遷內地。 百餘級。 世宗以其素得蕃情,不許,厚加賜賚而 入朝,以其弟德愿權總州 張 釗 事。 遣之。 時世

宋初, 德晟 又 破 河東 沙谷砦, 斬首五百級。 建隆二年來 朝, 待 遇 有 加, 遭 歸鎭。

列

僔

第

+ =

乾德 元 年 敗太原 軍于城下, 擒其將楊璘。 二年, 年四十八, 贈侍中。 子御勳、 御

開寶 九 年,郊祀 二年,太祖 御 勳字世隆, 西洛,復來朝,道病後期, 征太原,御勳詣行 德晟鎭府州 日,表爲 在. 謁見,以爲 改泰寧軍 右 職。 永安軍 德 展 卒, 節度使、留京師。 留後。 以御 勳領汾州 四 年,以 太平興國二年,卒,年四十, 郊祀 團 練使、權 來 朝 禮 知 府 畢 州 歸 鎮。 事

贈

侍

太宗 州,又殺其憲州 征河東 御 卿 幼補 命御卿與尹憲領屯兵同攻嵐州,又破岢 刺史霍翊,又擒其將馬延忠等七人。 節院使, 御勳 知州事,署爲兵 (馬都 校。 遷崇儀使。 嵐軍 御勳徙鎮 擒其軍使折令圖以獻,遂下嵐 召爲開厩副 使、 知府州

御卿大敗之於子河汉,斬首 何自而至?」御卿對曰:「敵緣山峽小徑入,謀剽略。 人,擒其吐渾一人〔三〕,自是契丹知所畏。 淳化三年,凡四遷而爲府州觀察使。 五千級,獲馬千匹,契丹將號突厥太尉、司徒、舍利死者二十餘 太宗因遣使問御卿曰:「西北要害皆屯勁兵,戎人 五年,拜永安軍節度使。 臣諜知之,遣人邀其歸路,因縱兵大 旣而契丹衆萬餘入寇,

擊,敗走之,人馬墜厓谷死者相枕,其大將韓德威僅以身免。 皆聖靈所及,非臣之功也。」上

卿 疾 罪 出 」言訖泣下。 也。 戰,德威聞其至,不敢進。 歲餘,御卿被病,德威諜知之,且爲李繼遷所誘,率衆來侵,以報子河汊之役。 今臨敵棄士卒自便, 不可, 死於軍中乃其分也。 會疾甚,其母密遣 上聞悼惜久之,贈侍中, 人召歸, 御卿曰:「世受國恩,邊寇未滅, 爲白太夫人,無念我, 以其子惟正爲洛苑使、知州 忠孝豈兩 御卿力 御

州。 帳, 寇, 松花砦,惟昌 臂中流矢墜馬, 惟昌與宋思恭、 俘斬甚衆。 秋,入朔州 咸平二年,河西黃 與從叔 界,破狼 以功領富州刺史, 攝弓起, 劉文質 同巡檢使海超、弟供奉官惟信率兵赴戰。 女族長蒙異保及惟昌所部啜訛引趙保吉之衆入寇麟州萬戶谷,進 水砦,時契丹方圍岢嵐軍,聞敗遁去。 得裨將馬突圍出,海超、惟信沒焉。 合戰于坦井峯 改文思使。 · () 景德元年, 敗走之。 又破言泥族拔黄砦, 與王萬海等破賊砦,護芻糧抵麟 九月,保吉黨萬私保移埋復 會保吉兵衆,官軍不 明年,拜興州 、刺史。 焚其器甲、車 ·敵,惟昌 來

事。

惟正

歸朝,以其弟惟昌繼之。

翌日卒,年三十八。

三十竿以壯 軍容,請別給賜。」許之。 七年,命河東民運糧赴麟州 ,當出兵爲援,惟昌力疾

八八六三

列

傳

大中祥符二年,表求赴闕。

真宗命近臣

與射於苑中,宴賜甚厚。

上言:「先臣

御

卿

蒙賜

領 步 騎 屯 寧遠 岩 冒 風 沙而 時疾已亟, **獨與賓佐宴飲,** 談笑自若焉。 明日

七。以其弟惟忠繼之。

使、 知府州銀鱗府路都巡檢使,領普州刺史,再遷左藏庫使,眞拜嘉州刺史,改資州,進簡 惟忠字蓋臣,初以兄惟信戰沒,補 西頭 供奉官,擢閤門祗候。 及惟昌 一卒,以惟忠爲 六宅

州 團 一練使。 惟忠 知兵事。 喪母, 起復雲塵將軍卒。 天聖中,契丹與夏國會兵境上, 聲言嫁娶,惟忠覘得其實,率麾下往備

馬, 之, 蓋虜所縱也。 戒士卒毋輕動 既卒,錄其弟姪子孫七人,以其子繼宣嗣州事。 一夕風霾,有騎走營中,以爲寇至,惟忠堅臥不動,徐命擒之,得 久之,特贈惟忠耀州 觀察 數誕

使。

寶元 中,繼宣 坐苛虐掊刻,種落嗟怨,絀爲左監門衞將軍、楚州都監,擢其弟右侍禁繼

閔爲西京作坊使,嗣州事。

冬服 遂引 絕, 阻 ", 賊伏兵邀 去, 繼 河 閔 圍 字廣孝。 豐州 賊緣厓 擊之,盡掠所齎,繼閔脫身繇間道歸。 豐州 腹微徑魚貫而 慶曆中,元昊兵攻麟州不克,進圍州城。 逐陷 繼 閔以城守勞,特 前,城中矢石亂下,賊轉攻 遷宮苑使、普州 會赦,止奪宮苑使,後復官,領果州團 城 城險且堅,東南有水門,厓壁峭 北, 刺 士卒 史。 復力戰 未 幾 護送 賊 死 麟 傷甚衆, 州 戍卒

練使。 自元昊反,繼閔招輯歸業者三千餘戶。 皇祐二年,卒,以其弟繼祖嗣 州

防 禦使卒。 繼 祖字應之,由右侍禁遷 賜以九經。韓絳 繼祖有子當襲州 發河東兵城囉兀,繼 事 西染院使, 累轉皇 ,請以授兄之子克柔,詔 祖 爲 城使、成州 先鋒,深 [從之,而進其三子官,錄二 入敵帳,降部落戶八百。 團 B練使。 臨政二十餘年。 孫 爲借 加 解州 奏乞 職

諤 使卒。 忠 用 州 理 是 河。 弟繼 刺 諸司 史。 取 綏州。 世 夏人來攻, 使無賻禮,詔以繼世蕃官, , 少從軍, 為延州 說韓絳城囉兀以撫橫山 繼世 再戰皆捷。 以騎步萬 東路巡檢。 軍于懷寧砦, **諤抵罪逮繫獄,以兵付之而** 因 捍邊有績,特給之。 畫取 鬼名山之內附,繼世先知之,遣其子克懃報种諤, 河南之策, 入晉祠 谷,往銀 絳以 從子 川, 行, 爲 克行 然 分名山之衆萬 遂 同名山守綏州 以 左騏驥使、果州 五千 户 錄 居於 團 功 領

援,克行請往 老將矍然曰:「眞折太尉子也。」擢 克行字遵道 諤使以兵三千 護 前 光繼関 子 也。 初仕 知 道, 軍 海州 ·府,無 戰于葭蘆川,先登,斬級四百 所 知 名。 夏 人寇 環慶,种諤拒之,詔 ,降戶千,馬畜萬計。 河東 出 師

克行 抗 秦 章 兵 討 願 率部落先 夏國 ,張世矩將河 驅 ,未報,卽委管鑰而 外軍 民,克行 與俱。 西。 大會咩保吳良以萬騎來躡,克行爲後拒,度 廷議 謂 守臣 難 自 行, 詔克行選兵隸 世矩。

列

傳

第

+

折

徳

展

宋

出必勝,夏人畏之,益左廂兵,專以當折氏 賊半度隘 縱擊大破之,殺咩保吳良。師還自劾,釋不問。 王中正出塞,克行先拔宥州,每

討之狀,敵疑不敢動。 太原孫覽議城葭蘆,諸將論多不合,召克行問策,即頓兵吐渾河,約勒部伍,爲深入窮 既訖役,又入津慶、龍橫川,斬級三千。

役,以出其不意,若徐圖之,士心且怠矣。」希甫持不可,并上二議,卒用克行策。 希甫曰:「由近及遠, 法也。」克行曰:「不然, 事有奇正。今乘七氣之銳, 所利在速, 故先遠 寇至,軍中皆戒嚴,克行止之曰:「彼自擾耳。」已而果然。 詔 河東進築八砦,通道鄜延。 延帥遣秦希甫來共議,克行請兩路供力, 以遠者爲先。 城成,諜言

安軍節度使。子可大爲榮州團練使、知府州。 在邊三十年,善拊士卒,戰功最多,羌人呼爲「折家父」。官至秦州觀察使,卒,贈武 從子可適。

門,或欲掩殺以爲功,可適曰:「此以饑而逃耳,非叛也。」單馬出詰之曰:「爾輩何至是,不爲 脂之役,與夏人戰三角嶺,得級多,又敗之於蒲桃谷東。兵久不得食,千人成聚,籍籍于軍 侍,隸延州。 可適未冠有勇、馳射不習而能。 從种諤出塞,遇敵馬以少年易之,可適索與門,斬其首,取馬而還,益知名。 鄭延郭逵 (三)見之,歎曰:「眞將種也。」薦試廷中,補殿

父母妻子念而甘心爲異域鬼耶?」皆回面聲喏,流涕謝再生,各遣歸

至,伏 敵,必敗。」 甲 如 積。 疾 趨 院、夏人十萬入寇,可適先得其守烽卒姓名,詐爲首領行視,呼出盡斬之,烽不傳,因 發衝之,其國母踰山而 ,大破之于尾丁磑 論 前後功,至皇城使、成州 果舉軍 來, 可適 所部纔八千, 旦 遁,焚棄輜重,雖帷帳首飾之屬亦不返,衆相蹈藉,赴 次檉楊溝,正 團 練使、知 轉戰至高嶺,迺從間道趣洪德,設伏邀其歸路。 午駐營, 岷 蘭州 與我軍 · 分騎據西山,曰:「彼若躡吾後,腹背受 産澗 死 敵

千人 失道盡 渭 漢請 帥 章楽合熙、秦、慶三 留以責效,乃以權第十二將〔六〕。 死, 文振歸 罪於可適,從即下之吏, 道兵築好水 ĬĬ, 命總管王文振統之,而 宰相章惇欲按軍法,哲宗不許,猶削十三官 可適將軍爲副。 熙州 兵

而

稻

西安州, 可適 嵬 名 知之,遣兵夜往 遷可適 阿埋、 東 昧勒都逋,皆夏 上閤門使、洛州防禦使、涇原鈴轄、知州事,眞拜和州防禦使,進明州 .襲,丼俘其族屬三千人,遂取 人桀點用事 者,詔 可適 天都 密圖之。 山 帝為 會二

回答以畜牧爲名會境上, 御文德殿受賀,以 (其地為 觀察

騎往,即薄靈州 帥 鍾 傳 行邊,爲敵 JII 夏 人扶老挾稚, 所隔,以輕騎 拔之,得歸。 中夜入州城,明日俘獲甚夥,而慶兵 傳議取 靈武, 環慶亦請 出 、不至,乃引還。 師, 命 印 適 將萬 詔

使,爲副

都

總管

列

傳

第

+

折

德 展

馮

緵

業

使 入覲,帝以傳策訪 焉, 對 曰:「得之易,守之難,當先侵弱其地,待吾藩籬旣固, 然後 可 圖

帝曰:「卿言是也。」進武 安軍節度觀察留後、步 軍 一都虞侯

院 年,復以爲渭州,命其子彥質直祕閣參軍事, 大難之, 康 ,別有傳。 軍 節度使。 大城蕭關,與傳議齟齬, 又欲借車牛以運,及致十萬 轉運使請於平夏、通峽、鎭戎、西安四砦分築場圃 會覆 師數百于踏 所於熙河,皆戾其意,乃中以疑謗,召爲佑 數月而卒,年六十一。彥質,紹興中簽書樞密 口 , 傳劾之,貶鄭州 置 觀察使。 **獨**粟五 百 俄知 萬, 神 衛州, 可適 觀 使。 以費 拜 淮 明

暉卒,遂代其父爲朔方軍留後。 方 軍 節院使, 馮 繼業字嗣宗,大名人。父暉,朔方節度,封衞王。 隨父歷洲、孟,及再領朔方,皆補牙職 以郊祀恩,加靈州大都督府長史,遷朔方節度、靈環觀察、 周廣順初,暉疾,繼業圖殺其兄繼勳。 繼業幼敏慧,有度量,以父任補朔

處置、度支、温池権稅等使。

業慮其爲變,以太祖居鎭日嘗得給事,乃豫徙其孥闕下。 恭帝時 ,繼業既殺兄代父領鎮,頗驕恣,時出兵劫略羌夷,羌夷不附,又撫士卒少恩,繼

建隆 初,來朝,連以駝馬、寶器爲獻。開寶二年,賜詔獎論,拜靜難軍節度使。 三年,改

鎭定 贈侍中。 國軍軍 ·,更民立碑頌其遺愛。 太平興國初來朝,封梁國公,留京師。 明年,卒,年五十一,

來歸 校詣闕言,願誘退渾、突厥內附,上嘉其意。 \pm |承美,豐州人,本河西藏才族都首領。 承美授豐州牙內指揮使,父卒,改天德軍蕃漢都指揮使、知州事,移豐州刺史。 其父事契丹,爲左千牛衞將軍,開寶二年率衆 遣軍

領弗香克浪買爲歸德郎將〔七〕,沒細大首領越移爲懷化大將軍,瓦窰爲歸德大將軍。 寇,又擊敗其衆萬餘,追北至青冢百餘里,斬獲益衆。以功授本州團練使。 二年冬來朝,令歸所部,控子河汉。自是諸蕃歲修貢禮,頗效忠順。 太平興國七年,與契丹戰,斬獲以萬計,禽其天德軍節度使韋太以獻。 以乞黨族次首 明年, 契丹來 淳化

年,卒,贈恩州觀察使。 特詔月增 景德初來朝,以其守邊歲久,遷本州防禦使以還。 五萬。 尋請於州城置孔子廟,詔可之。未幾被疾,遣中使挾醫視之。·大中祥符五 六年,錄其子文寶、孫懷筠(公以官。 自承美內屬,給奉同蕃官例,至是,

承美 改文恭爲供奉官。 任。 初, 承美養其長孫文玉爲子,奏署殿直,及卒,其本族首領上言文玉曉達 下蕃 漢議 議 九年,承美葬,詔以緡帛、米麴、羊酒賜其家 同,以爲侍禁、知 州事 文玉父文恭時爲侍禁,在沂州,表訴其事 軍政,請令襲 丁, 詔

李繼 周,延州金明人。 祖計都,父孝順,皆爲 金明鎭使,繼周嗣掌本

數千於石堡砦。 明年,計李繼遷,命開治塞門、鴉兒兩路,又 熙中,又與侯延廣敗末藏、末腋等族於渾州 太平 興國 三年,東山蕃落集衆寇淸化砦,繼周率衆敗之,殺三千餘 以功轉供奉官,復加恩賞,仍賜官第 招降族帳首領二十餘人,率所部入夏州,敗蕃兵 西 Щ 淳化四年, 遷殿直, 賜 介胄、戎器、茶綵。 補殿前 承旨。 雍

使, 周 居近 凡六十餘萬。 戰 賜袍帶、銀綵、雕戈以寵之。大軍討西夏, 卻之。 盧關,未嘗內順。 繼 周 以阿都關、塞門、盧關等砦最居邊要,遂規修築砦城。 咸平初,改西京左藏庫副使。三年,復爲 授供備庫使, 繼周夜率所部往襲,焚之,斬首俘獲甚衆。 領金明縣兵馬都監、新砦解家河盧關路都巡檢。 命爲延州路踏白 先鋒,入賊境,焚積聚,殺人畜,獲器 1.先鋒。 有磨盧家、媚咩、 至道二年,授西京 會繼遷邀戰於路,繼 五年, 授西京 拽藏等族 作坊副 甲

作坊使。 蕃騎入鈔,繼周逐之出境。 景德元年,夏人圍鱗州, 繼周受詔率兵會李繼福掩擊

之。加領誠州刺史。

愞, 從子士用朴忠練邊事,且爲部落所伏。 大中祥符二年,卒,年六十七。詔邊臣擇其子可襲職者以名聞,邊臣言其子殿直士彬遜 乃詔士彬管勾部族事,士用爲巡檢都監以左右

士彬後至供備庫副使、 金明縣都監、 新砦解家河盧關路巡檢。 康定元年,元昊反,攻

保安軍,而潛兵襲金明,士彬父子俱被禽。 士彬兄士紹至內殿崇班,士用至供奉官、閤門祗

候

李繼福者, 亦與繼周同時歸順, 授永平砦茂村軍主,以戰功歷歸德將軍,領順州刺

至內殿崇班、新歸明諸族都巡檢。

事之甚謹。 人賴之以避寇。 孫行友,莫州淸苑人,世業農。 及尼坐亡,行友益神其事,因以其術然香燈,聚民漸衆。 山中蘭若有尼,姓孫氏,名深意,有術惑衆。 初,定州西二百里有狼山者,當易州中路,舊有城堡,邊 行友兄方諫(云)名之爲姑師, 自晉少帝與契丹絕好,

列

傳第

+

孫行友

收指 端 殺 益 邊 以以 獲。 一依以 州 困 揮 圖 乘勝 避 使 於 自固 難 8 轉輸,逋民往往依方諫,推以爲帥。 焉 , 且賜院 、祁溝關、平庸城,破 易、定帥聞 額日「勝福」。每契丹軍 于朝, 飛狐砦,契丹頗畏之,邊民千餘家賴以無患。 因以方諫爲邊界遊奕使,行友副之。 來, 方諫懼主帥捕 必 率其 徒 襲擊之,鎧仗、 逐, 乃表 ,歸朝,因署爲東北 自是捍禦侵軼, 畜產 所得 然亦陰持 漸 多 多所 面 招 兩

方諫 寇 刺 每 史。 入,諸 自 尋 狼 而 晉師 以 Ш 軍 蕃 率衆復保定州 鎭 失律, 將 閉 耶 量坐視 律忠代方諫於雲州 薊人導契丹陷中原, 方諫之密搆也。 歸命 無所得 於漢 =授 行 , 方諫 友易州 不 受 刺 命, 史, 歸保 行 契丹授方諫定州節度,行 義 狼 泰州 Ш 刺 契丹 史。 北歸, 弟兄掎 焚劫 角以 友易州 中 Ш

東還, 見, = 王 干 璉 且 乘 行 加檢 請 間 乾 友 自 嘗 平 祐 校太傅。 效, 定幽 中, 遣都校王 乃厚 契丹復犯塞,行 州 六年 加 乃移 友遇巡 賜子,留 方 世 諫 宗 警 鎭 之軍 於石 北 友 華州, 樂之, 征 门行 門。 河,與契丹遇, 以行友 友 俘殺數百 及 攻下 周祖 爲定州 契丹之易州, 一受命, 殺 百餘騎,又嘗獲其 留後。 行 周 太祖 友 屢 擒其刺 上言偵得契丹離 北 顯德 征 ,行友道獻 初,正 史李在欽 刺刺 授節 史蔡福 俘馘 鉞 合, 順、清苑 以 世宗 願 人 得 馬 以 勁 自 求 令 河 兵

宋初,

加同平章事。

狼

山佛舍妖妄愈甚,

衆趨之不可禁,

行友不自安,

累表乞解官歸

繼能 切責 Ш 旣 而出詔示之,令舉族赴闕,行友蒼黃聽命。 一, 詔 (,)削奪從前官爵,勒歸私第。 密表其事,太祖遣閤門副使武懷節馳騎會鎭、趙之兵,稱巡 不允。 建隆二年,乃徙其帑廩,召集丁壯,繕治兵甲,欲還狼山以 仍戮其部下數人,遣使馳詣 既至,命侍御史李維岳就第鞫之,得實,下詔 狼 山,輦其尼師之屍焚之。 邊直 入其城, 自固。 行 兵馬都監藥 友 不之覺。

大將 史。 子全照。 軍,又改左龍武軍大將軍。 几 年秋,韶冕行友禁錮 未幾,以郊祀恩,起爲右龍武軍將軍。 太平興國六年,卒,年八十,贈左衞上將軍 乾德二年,遷右監門衛 o 方進至德州 刺

友弟易州刺史方進、兄子保塞軍使全暉皆詣闕待罪,詔釋之。

廣韶 門碼 路都 護屯 巡檢 兵於夏州,兼 候,歷靜戎、威虜二軍監軍 、鄜延二路都巡檢使。 全照字繼明,以蔭補殿直,雍熙中授京南巡檢,俄隸幽州部署曹彬麾下 事 知州 事 淳化 召還,爲登萊路都巡檢使,遷左藏庫使、延州監軍兼阿都關盧關 五 從田 年, 率兵與李繼隆克綏州 重 進 擊 賊 有 功, 就 加 西京作坊使, 因 「與張崇貴等同戍守之。 兼 知威虜軍,連 一,遷供 奉官、閣 俄

威平 列 初 傳 第 入掌軍 + 頭 採 引見司 行 友 二年, 加如京使, 爲涇原路鈴轄兼安撫都監,是冬徙井、汾 スス七三

部署, 役, 嘗 旣 年 等 命 又 州 止 加 慮 都 度 領 命 26 巡 地 全 營 兵 照 檢使。 河 安平 閣 八千 素剛 北 扼 全照言沿 使,復爲環 南,徙置祁州。 三年, 執,與興 要害之路。 改 不協 河 知 慶 高 [順安軍] 路 ",乃以 俄 以全照 阜可 鈐 知天 分置 曹璨代之。 好陵 雄 代還, 五 軍 城堡屯戍者,寧邊 年 人,取 府。六年夏,上 , 將城 復爲環慶路鈴轄, 其嘗所保 旣調兵夫二 級州 以慕興 裁 薦 軍 定 萬 者王 ·南、武 防 與李繼 為緩州 餘 秋禦戎之要,命爲 德 強縣 全照 鈞、裴自榮 和 側凡二處,上 言 部 規 1其非 署 度 靈 共 全照爲鈐 便,乃罷。 州 事 寧邊軍品 道 一重於興 四 又

冀等 德清 勞慰 以 傳 門, 城守勞, 詔 州 軍 都 景 魏能 鈐 德 不 時 部 能 契 署 轄 元 加檢校工 不 丹 守 周 年 從其約,率兵馬全入, 、瑩,若 ٦, 請 全照言:「若敵 吏民 上幸澶淵, 和 部份 多爲 朝廷 全照欲擊 賊所 遣 書,增食邑三百 命爲 曹 騎 害。 賊, 利 駕前 南 用就 卽 逼 及契丹出 全照 分兵給之。 魏 西 其行 城 面 邢洺 戶 坐 帳 但得 城 0 議 境 樓 路 徙 事 騎 鎭 旣 馬 引 北 , 兵 全照 步 州 丽 弓 面 千 射之。 邊 軍 將 百 疑 騎 召還 鈐 帥 非 果逼 轄 還 必能設奇 欽若 兼 誠 師 進 府城, 天雄 懇, 倂 東 至 勸 F 朝 軍 府 閣 取 判 全 就命 駐泊 城 \勝。]上 府 丽 門使,領英州 王 拒 全照令以 一欽若 兼 全照 退 之, 賞 管 留 勾 其忠果, 知 真宗遣 軍 不遣,故 次雙行 刺 府 南 貝、 使

一全照深刻,常慮人以嚴察議己,今授此州,似涉譏誚。」乃改焉。 全照 形 短 精 悍, 知 兵, 以嚴 毅整衆, 然性 剛 使氣 專 任 刑 罰 中 三年,爲邠寧環慶都部 書 初 進 凝嚴: 州 刺

八八七五

使。 署。 照是好勇多言者, , 屯者至府,命全照兼駐泊鈴轄。 踰歲表求歸朝,命掌閤門、客省、四方館事。 趙德明納款,朝議減西鄙戍兵,令屯近地,全照以邊防不可無備,未即奉詔。 德明使已至闕,復何盧焉。」因徙全照知永興軍府, 全照許州有別墅,求典是州,可之。 四年,車駕西幸,留爲新城都巡檢。 仍拜四方館使。 大中祥符中,遷引進 上日:「全 未幾 西師

卒,年六十。

也。 弭兵之利,君子所不予也。 間,持兩端以取將相,終以首鼠獲咎,其諸異端之害歟。 周,分蒞種落,亦能世其職者也。 卿之嫌,自從阮而下,繼生名將,世篤忠貞,足爲西北之捍,可謂無負於宋者矣。承美、繼 制者,莫不竭忠效節,雖奔走僵仆而不避,豈人心之有異哉?良由威德之並用,控御之有道 折氏據有府谷 [B],與李彝興之居夏州初無以異。太祖嘉其嚮化,許以世襲,雖不無世 論曰:五代之季,邊圉之不靖也久矣。太祖之興,雖不勤遠略,而向之陸梁跋扈而不可 繼業雖出賊叛之族,而有循良之風。方諫、行友介遼、晉 全照職親禁衛,素稱嚴果,而昧於

校勘記

展之玄孫。

疑「曾孫」爲「玄孫」之譌。

- 曾孫 克行 按本傳所載, 克行父繼閔, 機閔父惟忠, 惟忠父御卿, 御卿父德扆。 克行當是折德
- Ξ 廣順間周世宗建府州爲永安軍以德扆爲節度使 據舊五代史卷一一 四周世宗紀、通鑑卷二九二,建府州爲永安軍,以折德扆爲節度使,事在顯德 按廣順爲後周太祖年號,當時世宗尚未即位。
- 擒其吐渾一人、朱倉要方域二一之二作「生擒」吐渾首領一人」,「吐渾」下疑有脫文。

元

年周世宗卽位之後。

- 埋井峯 「井」原作「丼」,據長編卷四五改;宋會要方域二一之四作「埋井寨」。
- (芸) 郭逵 原作「郭達」,據本書卷二九〇郭逵傳、東都事略卷一〇四折可適傳改。
- (云) 第十二將 渭州墓誌銘都作「第十三將」。 長編卷四九九、五〇一同, 東都事略卷一〇四本傳、 李之儀姑溪居士後集卷二〇折
- (中) 以乞黨族次首領弗香克浪買爲歸德郎將 買,乞黨族大首領歲移,幷爲歸德郎將。」宋會要方域二一之九同。 按: 長編卷二四說:「耶保、 此句 凝有脫 移邈二族首領弗香克浪
- **元** 懷筠 長編卷七九、宋會要方域二一之一一都作「德筠」。
- 70 行友兄方諫 「兄」下原衍「子」字, 據舊五代史卷一二五、 新五代史卷四九本傳和通鑑卷二

記

八五删。

(0)東北面招收指揮使 「面」原作「西」,據舊五代史卷一二五本傳注改, 通鑑卷二八五作「東北招

收指揮使」。

尋以蕃將耶律忠代方諫於雲州 按舊五代史卷一二五本傳三契丹之入中原也, 以方諫爲定州

節度使,尋以其將耶律忠代之,改方諫爲雲州節度使。」 新五代史卷四九本傳:「契丹後滅晉,以

方諫爲義武軍節度使,已而徙方該於雲中。」此處「方諫」下當有脫文。

=李在欽 原作「任欽」,據舊五代史卷一一九周世宗紀、通鑑卷二九四改。

=寧邊軍 原作「平邊軍」,據本書卷八六地理志 、長編卷五五改。

府谷 「府谷」二字原倒。 折氏世居府州,府州的治縣名府谷,據本書卷八六地理志、 九城志卷

四乙正。

宋史卷二百五十

列 傳第十三

李繼勳 侯益 子仁矩 藥元福 仁寶 孫 延廣 趙 晁 張從恩 一子延溥 **扈彦珂** 薛懷讓 趙贊

都校。 之。 莊宗攻大名,先登,擒軍校,擢爲馬前直副兵馬使。 石傷足,莊宗親以藥傅其瘡。及愈, 會莊宗與梁人戰河上,益挺身出門,擒其二將,遷馬前直指揮使。 侯 從明宗討趙在禮於鄴。 ,汾州平遙人。 祖父以農爲業。 會諸軍推戴明宗,益脫 改護衞指揮使。 唐光化中,李克用據太原,益以拳勇隸麾下。 征劉守光,先登,遷軍使。 身歸洛,莊宗撫其背出涕 梁小將李立、李建以驍勇聞,軍 莊宗入汴,爲本直副 破洺州,爲機 中憚 從

殷據夷門叛,益率所部祈關先入,轉左右馬前從馬直都校、領潘州刺 列 僔 史。 王都據定州叛,益

·縛請罪,明宗曰:「爾盡忠節,又何罪也。」改本直左廂都

校。

天成初,朱守

明宗立,益

面

從 王 一晏球 攻討 會契丹來援, 益遊擊之,破其衆唐河北,克其城,授寧州 刺 入爲 羽林

五十指揮都校、領費州刺史。

時 夏 帥 李仁福卒,子彝超 擅命自立,以邀節鉞,命益帥師討之。 明宗不豫, 遽 追還

出 商 應 州 順 刺 初 史。蜀軍寇 ,潞王舉兵鳳翔 金州,益 以益為西面 率鎮兵襲擊,大破之。詔賜襲衣、名馬, 行營都虞候。 益知軍情必變, 加西 稱疾不奉 面行營都 執政 巡檢使。

益 謂 日...「宗 晉 初, 召爲奉國 社 危若 綴旒, 卿能 都 校、 領光州防禦使。 為股死耶? 益 范延光反大名, 張從賓據 曰:「願假銳卒五千人,破賊必矣。」 河陽爲聲援。 以益爲 **士乘之**, 晉祖 西 召

大 面 敗 行 營副 其衆,擊殺殆 都 部署,率禁兵數千人,次虎牢。 盡,汜水爲之不流,從賓乘馬入水溺 從賓軍萬餘人, 死。 灰汜水而 築京觀 刻石紀功。 庫 益親鼓, 晉祖大喜,

拜 河 陽 城 節 度,充 鄴 都行 營都虞候。 會 延光以城降,移鎮 浴 州

-[-月 九 天 福 日 大 匹 年, 工 戰 晉 功, 旭 追念虎牢之功,遷 故 復以 此 月此 日 徙 武 卿鎭彭門,領相印。」仍賜門戟, 寧軍節度、同平章事,遣中使謂益曰:「朕思卿前 改鄉 里爲將相 鄉 勳 年

賢里。九月,徐州大火,益出金、粟振之。

爲 先鋒下秦、成諸州 明 年 徙 鎭 秦州 充 益聞 西 面 之懼,請援於朝 都 部 署 階州 義 軍 父 '潛遺書於蜀將,以達誠意。 校王 君懷苦其刺 史暴虐,率衆數千投蜀,請 少帝 聞之、疑爲

邊 息 ,議徙 於內地。 會清 帥安審畸移鎭許下,以益爲河中升 が、護國 軍節

益 率 僚屬 歸京 師,詣契丹主, 自陳不預北伐之謀。 契丹授以 鳳翔 節

也。 下, 所親掌 如 益 建 召益 率川 來, 及 漢 何 樞 即置 入朝 兵數萬出大散關以應之。 密 即位 重 三 建為帥,遣崇惲 一勿問 謀 處回 ,加兼侍中。 入朝 時漢祖已不豫,召至臥 (1) 齎書 荷 遲疑不决, 招 奉表以階、秦歸蜀 益自以嘗受契丹命,聞漢兵入洛,憂之,後城隍爲備。 益 即以便宜從事。」景崇至京兆,合岐、雍、邠、涇之師以破蜀 復遣 漢祖 編州 內, 知其 謂之曰:「侯益貌順 刺 一,授刺 事 史吳崇惲 遣客省使王景崇 史, 厚遺 故昶遣之。 之。 、朝廷, 崇煇本秦州 率禁軍數千, 益 心懷攜 遂與其子 貳。 押衙 ,歸蜀 爾往至彼 倍道 孟 益 昶 趣岐 昶 遣 故 吏

軍。

益

懼

卽

中書令。 耳。 言, 牙甚衆, 說景崇日:「君致位 卽 會聞 隱帝笑之。 率數十騎 事若妄發, 漢 俄 封 祖 魯 崩, 奔入朝。 國 益 景崇欲誅益,慮隱帝不 通 厚賂 禍亦旋踵 顯 景崇聞之,遂據城叛,益親屬在城中餘七十口悉爲景崇所害 ,亦可少 史弘肇輩,言景崇之橫恣 隱帝遣侍 至 矣。」景崇怒曰:「子去,勿爲游說, 知 11: 臣 足, 問益結連蜀軍之由,益對曰「臣欲誘之出關, 何必懷禍 知先朝密旨。 · (||) ° 人之心,爲已甚之事 諸權貴深庇護之,乃授以開封 從 事 程渥, 景崇 吾將族爾。」益知不 亚 里人也。 况 侯 君 益因遣之 掩殺之 親 尹 用 戚 兼 渥

列

僔

第

家屬盡在京城,不如閉關以挫其銳,遣其母妻發降以招之,可不戰而定。」慕容彦超以爲益 師奄至,戰留子陂,漢軍不利。 衰老,作懦夫計,沮之。 及周 祖 起兵,隱帝議出師禦之,益獻計曰:「王者無敵於天下,兵不宜輕出,況大名戍卒 隱帝遣益與彦超及張彦超、閻晉卿〔三、吳虔裕守澶州。 益臨陣,見士卒無鬥志,又占候不祥,乃與焦繼勳等夜謁周 至赤岡,周

温, 周祖慰勞遣還。

廣順初,封楚國公,改太子太師,俄又改封齊國公。 顯德元年多,告老,以本官致仕歸

洛。 遣使賜茶藥錢帛,就撫問之。

太祖即位,遣賜器幣,歲一來朝,太祖以耆舊厚待之。 乾德初,郊祀,詔綴中書門下班,

處與丞相等。三年,卒,年八十,贈中書令。

園使。 五子:仁愿、仁矩、仁寶、仁遇、仁興。 仁興,右屯衞將軍。 仁愿子延濟,西京作坊使、康州刺 仁愿至左金吾衞大將軍、 蓬州刺史。

仁矩從益爲商州牙校。 益之討張從賓也, 仁矩首犯賊鋒,以功領蓬州刺史,充河南牙

職 從益歷潞、徐、秦三鎮。 開運初,入爲氊毯使,出爲天平行 軍 司馬

漢初,授隰州刺史,至郡決滯訟,一日釋繫囚百餘,獄爲之空,民情悅服。 仕周,歷左羽

林將軍,出爲泗州刺史,改通州,兼屯田鹽鐵監使。

太祖甚惜之,特命中使護喪。 宋初,歷 那 、雄二州刺 史。 子延廣、延之,咸平二年進士及第。 治軍有方略, 歷數郡, 咸有 善政。 開寶二年,卒,年五十六。

未易取也。 之右江生毒藥樹,宣化縣人常採貨之。仁寶以聞,詔盡伐去。 必萬全。」帝以爲然。遂以仁寶爲交州水陸計度轉運使。 言陳取交州之策,太宗大喜,令馳驛召歸。 遇害死江中。 仁寶以蔭遷太子中允,即趙普妹壻。 不如授仁寶飛輓之任,且經度之,別遣偏將發荆湖士卒一二萬人,長驅而往,勢 太宗聞之,甚悼惜,特贈工部侍郎,錄其子延齡、延世並爲齋郎。 盧多遜與普有隊,普罷相,即以仁寶知邕州。 多遜遽奏曰:「若召仁寶,其謀必泄,蠻夷增備, 前軍發, 遇賊鋒甚盛, 援兵不繼, 九年不代。 太平興國中,上 延齡至殿中

京師 白晝入州城,居民驚擾。 還益。 延廣, 初在襁褓中, 遭王景崇之難, 乳母劉氏以己子代延廣死。 延廣父歷通、祁、雄三州刺史,悉以補牙職。仁矩在雄州日,方飲宴,虜數十騎 延廣引親信數騎馳出衙門,射殺其酋長一人,斬首數級,悉禽其餘 劉氏行丐抱持延廣至

延世至太子中舍。

八八八三

黨。 延廣持首級以獻 仁矩喜,拊其背曰:「興吾門者必汝也。」監軍李漢超以其事聞,詔書

褒美,賜錦袍銀帶。

巡者。 鄜、 邊巡檢,善撫士卒,下樂爲用,戎人畏服,遷閣門祗候。 坊、 戎人聞延廣之至,不敢復爲寇亂 仁矩卒, 近臣言:「延廣將家子, 延、丹緣邊都巡檢使。 補西 頭供奉官。 習邊事無出其右。」延廣時被病,強起之,遷崇儀副 從党進討太原。太平興國初,預修永昌陵,出護延州軍兼緣 延廣力疾入辭,太宗賜以名藥及方,遣太醫隨侍,其疾亦尋 會西北戎入寇,邊人擾亂,求 使,充同 可使徼

廣所 渥 保守,而 物 脱 相 縱 走,乘勢大破其衆。 叛 持久之。 火而去,關右騷然。延廣率兵數百,自間道追之,會渥於富平西十五里,渥衆已千餘 了。季盗 卒劉 與亡卒爭一旦之命於鋒鏑之下。」延廣怒,因擊之,挺身與屋門大樹下,斷屋右臂, 渥嘯聚亡命數百人,寇耀州富平縣,謀入京兆,其勢甚盛。所過殺居民,奪財 喪氣 渥素憚延廣,傳言:「我草間求活,觀死如鴻毛耳;侯公家世富貴,奈何不思 ,餘黨稍稍自歸,關右以定。 渥創甚, 止谷中, 後數日爲追兵所獲。 上嘉之,擢拜崇儀使。 渥素號驍勇無敵,至是爲延

結繼遷,朝廷命騎將李繼隆率兵問罪,以延廣護其軍。 化二年 ,李繼遷始擾夏臺,即命 延廣領獎州 刺史、知靈州,賜金帶名馬。 旣而夏臺平,保忠就縛。 會趙保忠陰 手詔褒美,

錫資甚厚。 師還,留爲延州鈴轄。 會節帥田重進老耄,郡中不治,以延廣同知州事兼緣邊

都巡檢使。

戎人素服其威名,皆相率引避。 署。 州, 延廣得廣情,恐後倔強難制。 朝廷謀帥, 賜白金二千兩,歲增給錢二百萬。 先是,延廣知靈州,部下嚴整,戎人悅服,李繼遷素避其鋒。 同知樞密院事錢若水稱延廣可使, 遽韶還,以慕容德豐代之,部內甚不治。 戎人塞道,郵傳餽餫皆不通,延廣獨引數十騎之鎭 就拜寧州團練使、 監軍康贊元害其功, 至道間, 知靈州兼兵馬都部 繼遷 寇靈 誣奏

之,爲出涕,赗賻甚厚,以其子爲六品正員官。 不起,家世受國恩,今日得死所矣,但恨未立尺寸功以報上耳。」言訖而卒,年五十。 一年春,被病,上遣御醫馳驛視之。 醫至,疾已亟,延廣謂中使李知信曰:「延廣自度必 子紹隆,東染院使、帶御器械。 紹隆子宗亮 上聞

右侍禁、閤門祗俠。

張從恩, 幷州太原人。 父存信, 振武軍節度。 後唐明宗微時,嘗隸存信麾下。

尙幼,頗無賴,明宗甚薄之,及卽位,止授散秩。 列 傳 第 - |-Ξ 張 從 恩 從恩不得志,乃退歸太原。

時從恩

京 副留守,移授澶州防禦使。 晉 祖 鎭 河東 為爲 少帝娶從恩女。 歷樞: 晉初 密副 以以 使、宣徽南院使、權西京留守,俄判三司 外 戚擢爲右 金吾衞將 軍, 未幾, 改刺 貝州 安從 進

于襄陽,以從恩爲行營兵馬都監

錫 賚 加等,仍賜銀裝肩興二,俾迎其家。 少帝嗣位,襄陽平, 遷檢校太尉、 開封尹,充東京留守。 明年,契丹擾河朔,從恩僅 少帝自鄴歸汴, 能完守。 郭 改 加 鄴 同 都留守。 中書門

平章事。是歲,契丹將趙延昭據甘陵,命從恩爲貝州行營都部署。 從恩至,延昭 遁去。

與杜 重威合兵三萬北伐。

鎭晉州 開 運 初,改天平軍節度。 又改潞州 及契丹入汴,從恩欲降,從事高防諫曰:「公晉室之親,宜盡臣節。」從 巡檢使王守恩悉取其家財, 契丹復擾邊,命十五將北征,以從恩充北面行營都監。 漢祖至汴,從恩惶懼不敢

出 漢祖 召 賜襲衣、金帶、鞍勒馬、器幣以安慰之。 尋拜右京 衞上將軍,奉朝請

以城歸漢祖。

不

聽,乃棄城而去。

周 初 遷左 金吾衞上將軍。 周 加 征 | 兗州,從恩從行。 世宗嗣 位 加檢校太師, 封褒國

公。 宋初, 改封許國公,久之,以病免。 乾德四年,卒,年六十九。

逢珂,得補河東節度左都押衙。 扈彥珂, 代州鴈門人。 幼事王建立,以謹厚稱。 會漢祖自太原建號,擢爲宣徽南院使。 晉天福中,建立節制潞州,卒,遺表薦 未幾, 授鎭國軍

度,華商等州觀察、處置等使。

先擊河中; 良帥鎭撫。 後,腹背受敵,爲之奈何?」周祖從其言,及平河中,以功遷護國軍節度。 山華州。 乾酤初,河中李守貞、永興趙思綰、鳳翔王景崇並據城叛,周祖爲樞密使,總兵出征,道 時議多以先討景崇、思綰爲便, **彦珂暗弱**,朝議少之。 河中平,則永興、鳳翔失勢矣。今拾近圖遠,若景崇、思綰逆戰于前, 周祖意未决, 彥珂曰:「三叛連衡, 推守貞爲主, 宜 時蒲人彫弊,思得 守貞兵其

同三司、太子太師致仕,歸西京。 以滑州李守貞宅賜之。世宗嗣位,授左衞上將軍。 廣順初,就加同平章事,移鎭滑州。 太祖即位,遣使就賜器幣,數月卒,年七十五 歲餘代歸。 顯德三年,以老疾上章求退,授開府儀 與鳳翔趙暉俱獻緡帛,請開宴,不納,

時,改神武右廂都校、領獎州刺史。 |薛懷讓,其先戎人,徙居太原。 少勇敢,喜戰鬥。 東川董璋遣懷讓率本軍從晉祖討賊,賊平、遷絳州 後唐莊宗在鎮,得隸帳下,累歷軍職

列傳

第

-{-

扈彦珂

薛

懷

灕

刺 史。 泰 初 移 申 州 明 年,表乞罷郡赴代北 軍,力陳 不允。

晉 懷 天 福 州 中,范延 刺 史,所 光 叛 至 於鄴 一無善 政, ", 以 懷聽 頗 事誅 爲 斂 招 牧 使 楊光 遠 及 反青州 戦 41 流 召 矢, 1懷讓 詔 賜湯 至 闕, 一藥存 賜襲 問 衣 玉 叉 歷 沂

行營先鋒都指揮使,以功改宿州團練使。

以 汝 渡 橋 懷 讓 懷 契 爲 時 讓 契丹 丹 馬 亦 軍 南 在 歲擾邊陲 侵, 左 籍 厢 中,非其 少帝 排 陣使 辛 , 澶 朝 志 州 廷 彻 叉 擇 從北 遣懷讓與李守貞 驍將守要郡, 面都招討杜 命懷讓爲洺州 重 皇甫 威爲先鋒都指揮使。 遇、梁漢璋率兵 團 T練使。 萬 會符彦 及重威 人緣 卿 河 降契丹於中 而 北 F 討 契丹, 以

紿 州 健 克 鐸 而 契丹 云 還 契丹、 一表歸漢。 大掠 我 主 麻 答 北 奉詔 其對 造副 歸, 漢 爲 內。 旭 留 將 邢州 遣 麻 楊安以八百 及麻答為 郭從義 答守鎭 帥, 今 分兵萬餘,與懷讓 州 率 鎭 衆襲 , 騎 **麻答遣步健督洺州供** 軍 攻懷讓 所 契丹, 逐, 楊安 請置 又命 取 亟 剛鐵將 頓 邢州 遁, 于 郡。 鐸 又納 三百 運。 時 鐸 僞 款 騎 無 懐 帥 繼之。 讓 漢 拒 劉 心, 祖 聞漢祖舉義晉陽, 鐸 守邢臺,堅 輒開 懷 懷 譲 讓 門 戦不 乘 迎之, 其不虞,遣 勝 壁 拒 退保 即殺 懷 之,不 步 本

鐸,奪其城。漢祖卽授以安國軍節度。

隱帝 卽 位. 移鎭 同州 及 殺 楊邪等 , 急召懷讓至闕 會北郊兵敗, 懷讓降于周

褒之。 懼,獻馬十匹,復不納。 掠治隱等,強伏之,遣掌書記李炳、親校賈進蒙追、判官劉震等鍛成其獄,隱等皆棄市。 人詣闕訴寃,懷讓亦自入朝,遽獻錢百萬,請開宴,不納。 周祖登位,賜襲衣、金帶、鞍勒馬,遣還任,加同平章事。 夏陽富人張廷徽誣告趙隱等五人爲盜殺人,且厚賂懷讓子有光。 有司請逮懷讓繫獄,周祖以宿將,釋不問,杖流慶等。 俄捕獲本賊,下御史臺鞫問,懷讓 劉崇入寇,懷讓表求西征,詔 懷讓 知之,卽諷 俄以懷讓爲 吏

世宗卽位,加左武衞上將軍。 顯德五年,請老,拜太子太師致仕。 恭帝卽位, 封杞國

公。建隆元年,卒,年六十九。贈侍中。

左屯衞上將軍。

祿 薄, 懷讓 猶有馬百匹、橐駝三十頭,傾資以給芻粟,朝夕閱視爲娛。家人屢勸鬻以供費,懷讓 及死,童僕皆剺面以哭,蓋其俗也。 好畜馬駝,馬有大鳥小鳥者,尤奇駿。 漢隱帝使求之,各而不獻。 及罷節鎭,環衞

壽,尚明宗女興平公主,至樞密使、忠武軍節度。 趙贊字元輔,本名美,後改焉。 幽州 薊人。 祖德鈞,後唐盧龍節度,封北平王。 父延

列

宋

贊曰:「是兒令器也。」贊七歲誦書二十七卷,應神童舉。 幼能誦書,弱不好弄,克彰庭訓,宜錫科名,可特賜童子及第。 贊幼聰慧 明宗甚愛之,與諸孫、外孫石氏並育於六宅。 明宗詔曰:「都尉之子,太尉之孫, 暇日,因遍閱諸孫數十人,目 仍附長興三年禮部春榜。」久

之,延壽出鎭宣武軍,因奏署牙內都校。

壽從契丹北歸,贊得留鎭河中。 內都校。開運末, 契丹主將謀南侵, 委政延壽。及平原陷, 贊復受契丹署爲河中節度。 年,晉祖命贊奉母歸薊門,契丹署爲金吾將軍。 以 契丹之援,引兵南下,德鈞父子降晉,契丹主盡錮之北去,贊獨與母公主留西洛。 清泰末, 晉祖起拜門, 命延壽以樞密使將兵屯上黨, 德鈞將本軍自幽州來會。 數年,契丹以延壽爲范陽節度,又署贊爲牙 時晉祖 天福三 延

若泥首 自懷憂恐,謂陛下終不能容,招引西軍,蓋圖苟免。 爲 之。及贊出鎮,從爲上介。至是,恕語贊曰:「燕王入遼,非所願也,漢方建國,必務懷柔,公 **贊懼漢疑已,潛遣親吏趙仙奉表歸蜀。判官李恕者,本延壽賓佐,深所委賴,至家事亦參** 公申理。」贊卽遣恕詣闕。 未幾,漢祖起晉陽,贊奉表勸進,漢祖加檢校太尉,仍鎭河中。 歸朝,必保富貴,狼狽入蜀,理難萬全。儻復不容,後悔無及。公能聽納,請先入朝, 漢祖見恕,問贊何以附蜀,恕曰:「贊家在燕薊,身受契丹之命, 臣意國家甫定,務安臣民,所以令臣乞 改京兆尹、晉昌軍節度。

哀求覲。」漢祖曰:「贊之父子亦吾人也,事 ,契丹出於不幸。 今聞延壽落於陷穽,吾忍不容贊

耶 一級未 ·還,贊己離鎭 入朝, 即命爲 左 一 聽 衛 上將軍,徙恕邪 州 判 官

贊獨 與大將楊承信將輕騎斷吳人饟路,又獨以所部襲破公綰軍,爲流 南 會吳遣驍將魯公綰帥十餘萬衆泝淮奄至,跨山 道 持 行營左 贊仕周,歷左右羽 重, 自秋涉冬, 廂排 陣 使。 林、左龍 未嘗挫衂。 世宗歸京,留贊與諸將分兵圍壽春, 武三統軍。 及受詔移軍,尺椽片瓦,悉輦而 世宗南征,初遣贊率師巡警壽州 爲棚,阻肥水,俯瞰 **贊獨當** 矢所中。 城城中。 行,城中 東 面 時大軍已解圍,贊 Ļ 城外,俄 誻 將 無敢睥睨者。 戰 多不利, 命爲准

准 政,務從寬簡,居民便之。 恭帝卽位,加開府階。 其羊馬 水 和之間,破吳人五百于石潭橋。 世宗 漲溢,濠人謀乘輕舟奄焚其橋,贊覘知之,設伏橋 城, 及世宗移兵趣濠,以牛革蒙大盾攻城,贊親督役,矢集于胄,雖被重傷,猶力戰,遂拔 再征壽春, 刺史唐景思死焉,團練使郭廷謂(四)以城降。 命造橋渦口 ,以通濠、泗。 淮南平,以戰功多,授保信軍節度。 令騎帥韓令坤董其役,俾贊副之。 下。 世宗詔褒美之。 豪人果至,贊令強弩亂發,殺獲 贊入視事,盡去苛 又以所部兵巡撫 屬霖

將 及州境,乃前後分置步騎,綿綿不絕,林莽之際,遠見旌旗,所部羌、渾來迎,無不懾服 宋初,加檢校太師,移忠正軍節度,預平維揚。 歲餘,改鎭延州,受密旨許以便宜

列

僔

第十

趙

绁

李繼

爋

晉陽,又以爲河東道 乾德 年, 移 建 行 雄 . 營前 軍 節度。 軍馬 秋,命將征太原,以贊爲邠州路部 步 軍都 虞候。 車 駕 薄城下, 分軍 应面 署。 開寶二年,太祖將 贊扼其西 偏 井人

年,改鎭鄜州。

乘晦

自突門潛犯贊壘,贊率衆擊之,久而方退,弩矢貫足。

太祖勞問數四,

賜良藥傅之。

DU

太宗即位 進封 衞 國公。 太平 興國二年,來朝, 未見而卒,年 五十五。赠侍 中

贊 頗 知書,喜爲詩,容止閑雅, 接士大夫以禮,馭衆有方略。 其爲政雖無異跡,而吏民

畏服,亦近代賢帥也。

及再幸壽春 其所敗,死者數萬,梯、屋悉皆被焚。 指揮使、領永州防禦使。 世宗親征淮上,令繼勳領兵屯壽州城南,進洞屋、雲梯,以攻其城。 李繼勳,大名元城人。 回,左授繼勳右武衞大將軍,又以其掌書記陳南金裨贊無狀,幷黜之。 顯德初,遷侍衞步軍都指揮使、領昭武 周祖領鎮,選隸帳下。 召歸闕,出爲河陽三城節度。議者以爲失責帥之義。 廣順初,補禁軍列校,累遷 軍節度。 歲餘,改領曹州 繼勳怠於守禦,爲 至虎捷左廂 都

顯德四年冬,復從世宗南征,及次迎鑾,即命繼勳帥黑龍船三十艘於江口灘,敗吳兵數

繼 勳爲 獲戰船二艘, 戦權 左廂都部署,前澤州刺史劉洪副之,俄權知邢州 以功遷左領軍衞上將軍。 七月,改右羽林統軍。 恭帝即位,授安國軍節度,加 六年春,世宗幸滄州

檢校太傅。

延彥及弟

延勳來獻

〔無〕。

河 東 宋初, 燔平遙縣, 加檢校太尉。 俘獲甚衆。 太祖 建隆二年多,又敗抖軍千餘人,斬首百餘級,獲其遼州刺 平澤、潞, 繼勳朝于行在,即以爲昭義軍節度。 是秋,率師入 史傅

送款 取 繼 遼 勳 大敗之。 孙 乾德 於 繼 ,復遣繼勳與羅彥瓌、郭進、曹彬等領六萬衆赴之,大破契丹及太原軍 勳。 二年,詔與康延沼、尹訓率步騎萬餘攻遼州, 州將杜 卽遣 內供奉官都知慕容延忠入奏,詔褒之。 延韜危蹙,與拱衞都指揮使冀進、兵馬都監供 太原將郝貴超領兵來援,戰于城下, 未幾,丼人誘 .奉官侯美籍部下兵三千 契丹步騎六萬人來 於城下。五

太平 河 拜 太子 東 興 開 命繼勳 太 寶 國 師 韧, 初 致 加兼 爲 仕, 將征 行 侍 朝 營前 河東, 會許 中。 軍 綴 俄以疾求歸洛陽, 都部署。 以繼勳爲行 中 書 門下 駕至 班 營前 一城下, 尋卒,年六十二,贈中書令。 許之,賜錢千萬、 軍 分軍 都 部 四 署, 面 繼 敗丼人於渦河。 白 勳 金萬 栅其 两 南 是 秋 年 二年, 春,移鎮 表乞骸骨, 太祖 大名。 親征

加

п

平

章

事

列

繼勳 累壓藩鎭,所至無善政,然以質直稱。 信奉釋氏。 與太祖有舊,故特承 艫 遇

弟繼 偓,亦有武 勇,周顯德末,補內殿直。 宋初,累歷軍 職。 開寶 中,爲步 軍副都 軍頭。

史。 太平 興國三年,遷內外馬步軍 累至龍衞 右廂都指揮使、領本州團練使。 副都軍頭。 坐事改右衞率府率。六年,加本衞將軍、領獎州刺

繼勳 子守恩至如京使,守元至北作坊使,守徽爲崇儀副使。

,爲拱衞、威和親從馬鬥軍都校,天平軍內外馬軍都指揮使。 藥元福,幷州晉陽人。 幼有膽氣,善騎射。 初事邢帥王檀爲廳頭軍使,以勇敢聞。事後 晉天福中,為深州刺史

賜之。 福力戰,召撫之曰:「汝奮不顧命,雖古之忠烈無以過之。」元福三馬皆中流失,少帝擇名馬 躍出而鬥,元福奮鐵撾擊契丹,斃者數人,左右馳突,無不披靡,契丹兵潰。少帝登城,見元 |丹曰:「先攻其東,即浮梁可奪。」

|契丹信之,盡銳來戰。|元福與慕容鄴各領二百騎爲一隊, 城 兩隅,登陴望之,不見其際。元福以左千牛衞將軍領兵居陣東偏。 開運初,契丹陷甘陵,圍魏郡,師次於河。少帝駐軍澶淵,契丹陣於城北,東西連亘,掩 明日將戰,面授元福鄭州刺史,為權臣所沮,止刺原州,俄改泰州 澶民有馬破龍者告契

與元 不意以擊之,此兵家之奇也。」元福乃率麾下騎,開拒馬出戰, 井 排 十餘里,殺獲甚衆,敵帥與百餘騎遁去。 未 陣 福 皮 使。 明 謀曰:「軍中飢渴已甚,若俟風反出戰,吾屬爲虜矣。 泉,土輒壞塞。 晉師列方陣, 契丹復入。 契丹順 設拒馬爲行砦。契丹以奇兵出陣後,斷糧道,晉人乏水,士馬飢渴, 命元福與李守貞、符彥卿、皇甫遇、張彥澤等禦之於陽城,爲右廂副 風揚塵,諸將皆曰:「彼勢甚銳,俟風反與戰,破之必矣。」守貞 以元福爲威州 彼謂 諸將繼至,契丹大敗,追北二 我不能逆風以戰,宜出其 鑿

厮褒率衆攻靈州。 千級,禽三十餘人,又遣部校援出令温,護送洛下。 將行營騎兵。 會靈武節度王令温以漢法治蕃部, 元福與暉出威州土橋 令温遣人間道入奏, 西 遇彥超兵七千餘,邀暉行李。 乃以河陽節度馮暉鎭朔方,召 西人苦之,共謀爲亂,三族酋長拓跋彥超、石存、也 關右兵進討,以元福 元福轉戰五十里,殺

刺史。

超等衆數萬,布爲三陣,扼要路,據水泉,以待暉軍,軍中大懼。暉遣人贻以金帛,求和 福 彥 解 超許之。 曰:「彼雖衆而精兵絕少,依西山爲陣者是也,餘不足患。」元福請以麾下騎先擊西山兵, 而 日 朔方距威州 中 未决, 使者往復數四,至日中,列陣 此豈可信哉? 七百里,無水草,號旱海,師須齎糧以行,至耀德食盡,比明,行四十里。 欲困 段耳。 如故。 遷延 至暮, 元福日:「彼知我軍飢渴,邀我於險,既許和 則吾黨成禽矣。」暉鷲曰:「奈何?」元

列

傳

第 +

 \equiv

藥

元 福

進擊,敵衆果潰。 公但嚴陣不動 ",俟敵· 元福即舉黃旗以招暉,暉軍繼進,彥超大敗,橫尸蔽野。是夕,入淸邊軍 少却,當舉黃旗爲號;旗舉則合勢進擊,敗之必矣。」暉然其策,遂率衆

明日,至靈州。

元福還郡,詔賜暉、元福衣帶繒帛銀器

之,下令還顧者斬,衆皆殊死戰,大敗獨兵,追至大散關,殺三千餘人,餘皆棄甲遁去。 鷄,依山列棚。 漢乾祐中,從趙暉討王景崇於鳳翔。時兵力寡弱,不滿萬人,蜀兵數萬來援, 都監李彦從以數千人擊躅軍,衆寡不敵,漢軍少卻。 元福領數百騎自 景崇至實 後 鳳翔 驅

周 廣順 初,王彦超討徐州叛將楊温,以元福爲行營兵馬都監。數月克之,率師還京,改 平,以功遷淄州刺史。

陳州防禦使

遂止 蒙坑,崇夜燒營遁。峻令元福與仇超、陳思讓追至霍邑,旣行,又遣止之。 無 邊患矣。」 劉崇召契丹擾邊,志在疲弊中國,今兵未交而遁, 未幾, 周 加 劉崇引契丹擾晉州,命樞密使王峻率兵拒之,以元福爲西北面都排陣使。 知其事,明年,因調兵戍晉州, 謂左右曰:「去年劉崇之遁,若從藥元福之言,則 宜追奔深入,以挫其勢。」諸將畏懦, 元福謂 思讓等 軍過

俄與曹英、向訓討慕容彥超於兗州,元福爲行營馬步軍都虞候。 韶元福自晉州率所部

城、諸軍鼓躁角進、拔之。以功授建雄軍節度。 皆尊禮之,當時有爲宿將。 狡,多計謀,恐璋不能集事, 十餘日,元福營棚皆就,又穴地及築土山,百道攻其城。 朝 即遣東行,賜六銖、袍帶、鞍馬、器仗。 ,選爾代之。 築連城以圍兗,彥超晝夜出兵,元福屢擊敗之,遂閉壁不敢出。 已敕曹英、向訓不令以軍禮見汝。」及至軍中,英、訓 周祖謂曰:「比用曹州防禦使鄭璋,我度彥超 會周祖親征,元福以所部先入羊馬 **[X]**

福擎 難。」世宗曰:「一以委卿。」遂部分卒伍爲方陣而南,元福以 都 :部署。 走之。 世宗高平之戰,劉崇敗走太原,遂縱兵圍其城。 時攻具悉備,城中危急,以糧運不繼,詔令班師。 師還,加檢校太尉,移鎭 陝州。 又歷定、廬 以元福爲同州節度,充太原四面壕砦 、曹三鎭。 元福 麾下爲後殿,崇果出兵來追, 上言曰:「進軍甚易,退軍 甚

宋初,加檢校太師。 九月卒,年七十七,贈侍中。

元 福雖老,筋骨不衰,人或言其氣貌益壯,當復領兵,必大喜, 曲致禮待, 或加以贈遺,

時稱驍將。

趙晁 眞定 初事杜重威爲列校。 重威誅, 屬周祖鎭鄴中,晁因委質麾下。 周祖開

列

以 國,擢爲作坊副 日使酒詣其第,毀峻,峻不之責。 逮 事霸府,復有軍功,而遷拜不滿所望,居常怏怏。時樞密使王峻秉政,晁疑其軋己。 使。 慕容彥超據兗州叛,以晁爲行營步軍都監 世宗嗣位,改控鶴左廂都指揮使、領賀州刺 **兗州平**, 轉作坊使。 史。 晁自

當死 除意在速戰,令晁倍道兼行。晁私語通事舍人鄭好謙曰:「賊勢方盛,未易敵也,宜持重以 挫其銳。」好謙以所言入白,世宗怒曰:「汝安得此言,必他人所敎。 言其人,則舍爾;不言, 從征劉崇,轉虎捷右廂都指揮使、領本州團練使兼行營步軍都指揮使。 」好謙懼,遂以實對。世宗即命丼晁械於州獄,軍迴始赦之。 軍至河內,世

平,拜檢校太保、河陽三城節度、孟懷等州觀察措置等使。 揮使。時李重進敗吳人于正陽,以降卒三千人付晁,晁一夕盡殺之。世宗不之罪。 及征淮南,改虎捷左廂、領閬州防禦使,充前軍行營步軍都指揮使,又爲緣江步軍都指 恭帝即位,加檢校太傅。

宋初,加檢校太尉。未幾,以疾歸京師,卒,年五十二。太祖甚悼之,贈太子太師,再贈

侍中。

分,故太祖常優禮之,再加贈典焉。 子延溥。

展身長七尺,儀貌雄偉,好聚斂,處方鎭以賄聞。以周初與宣祖分掌禁軍,有宗盟之

延 河溥, 周顯德中,以父任補左班殿直。 宋初, 爲鐵騎指揮使。 開寶初,太祖 親征晉陽

太宗守京邑,延溥以所部爲帳 下 牙軍,轉殿前散員指 揮 , 使。 九年,改鐵騎 都 虞候

馬步 帝嘉納之。 曰:「陛下巡行邊陲,以防禦外侮,今契丹未殄,而誅譴將士,若舉後圖,誰爲陛下戮力乎? 軍都虞候。 太宗即位,遷散指揮都虞侯、領思州刺史。 師還,遷內外馬步軍都軍頭、領本州防禦使。 從平太原,略地 燕薊。 六軍扈從有後期至者, 太平興國二年,轉內殿直都虞侯。 帝怒, 欲置于法。 延溥遂進 三年,改

使,仍判登州。 以延溥爲本州防禦使,卽命爲幽州東路行營壞砦都監。 坐遣親吏市竹木所過關渡矯稱制冤算,責授登州 五. 年,殿前白進超卒,即日以延溥爲日騎、天武左右廂都指揮使,棄權殿前都虞候 又爲鎭州兵馬都部署,俄判霸州 團練使,令赴任。 詔修緣邊城壘。 是冬,帝北 逾年,加凉州觀察 巡至大名,復

董愿爲幽州 雅熙二年,改蔚州觀察使,判冀州。 西北道行營都監。師還, 命知具州,改滑州部署。 會命曹彬等北征,又與內衣庫使張紹勍、 四年,再知且州,以疾求代, 引進副使

代未至,卒,年五十。贈天德軍節度。

子承彬,至內殿崇班。 承彬子咸一,爲虞部員外郎,知宗正丞事。 咸熙, 天聖八年進士

及第。

降。 屬 長幼, |晁子 論日: 遭景崇鯨鯢,殆無噍類,推其心迹,豈懷貳之罰歟。嶭懷讓、趙晁爲將,皆忍於殺 延溥, 侯益在晉、漢時,數爲反覆,觀其受命契丹,私交偽蜀,亦岡之戰,復夜謁周祖 能救後至之誅,雖父子之親,仁暴相戾有若是者。 餘皆逢時奮武,致身榮

校勘記

顯

扈彦

河請

擊河中,卒用其策,愚者之一慮云。

王處 回 「處」字原脫,據通鑑卷二八七及卷二八八、獨檮杌卷下 補。

言景崇之横恣 「横恣」原作「横怒」,通鑑卷二八八作「恣横」,舊五代史卷一〇一漢隱帝紀注引

宋史作「横恣」,據改。

- 閻晉卿 原作 閻 進卿」,據舊五代史卷一〇三漢隱帝紀、卷一〇七本傳及通鑑卷二八九改
- 回回 郭 廷 謂 原作「郭 延請」, 據舊五代史卷一一七世宗紀、 陸游南唐書卷一一 本傳改
- 左 傅 延 彦及 弟 延 勳 本書卷 太祖紀作「傅廷彦、弟勳」,卷四八二北漢世家和長編卷二所載姓名

與太祖紀同,此處疑有誤。

宋史卷二百五十五

列傳第十四

郭崇 楊廷璋 宋偓 向拱 王彥超 張永德 王全斌

曾孫凱 康延澤 王繼濤 高彦暉附

郭崇, 應州金城人。重厚寡言,有方略。 初名崇威, 避周祖名, 止稱崇。 父祖俱代北

| 崇弱冠以勇力應募爲卒。 後唐淸泰中,爲應州騎軍都校。

晉祖割雲應地入爲契丹,崇恥事之,奮身南歸,歷鄆、河中、潞三鎮騎軍都校。

開運中,

戍太原。 從周祖平河中,以功遷果州防禦使、領護聖右廂都指揮使。 會漢祖起義,以崇爲前鋒。入汴,改護聖左第六軍都校、領郢州刺史,改領富州 周祖鎭鄴,以崇領行營騎

軍兼天雄軍都巡檢使。

列

傳

第十

뗃

郭崇

乾祐 三年多,崇從周祖平國難,與李筠拒慕容彥超於劉子陂,走之,以崇補侍衞馬軍 都

宋

推戴 勿草草,此非關令公事。」崇卽送鸑就館舍。 俄 樓,崇未敢登,即遣道 門樓呼崇曰:「汝等何遽至此? 指 而 揮 寶所領衛兵都校張令超以衆歸崇, 使。 樞 密 遣 使王峻 馮 道等迎湘陰公贇於徐州,將立之。 在京 下與語,崇乃登, 師 聞變,遺崇率七百騎東拒濟,遇於睢陽。 」崇曰:「澶州軍變,遣崇等來衞乘與,非有他也。」讚召崇升 具言 寶親將買、王等數怒目視道,將害之。 [漢曰:「汝輩 軍情有屬,天命已定,贇執崇手泣,俛首久之。 會契丹南侵、周祖北征,次于澶州,爲六軍 崇阿于牙門外,獲懼,

鎭 州 爲節鎭,以潁州隸焉,命崇爲節度。 廣順 初, 領定武軍節度,又爲京城都巡檢使、修城都部署兼知步軍公事。 周祖親郊, 加同平章事, 出鎭澶州 周祖 未幾,復升陳 不豫 了,促還

邊, 署。 金帶、器幣、鞍勒馬,遺之。世宗平關南 崇率師攻下東塵縣,斬數百級,俘獲甚衆。五年,天清節,崇來朝,表求致政,不允,賜襲 師還,加 無侍 中。冬, 移眞定尹、成德軍節度。 主, 至 靜安軍,崇來朝。 四年,世宗征淮 恭帝嗣位,加檢校太 南, 契丹出騎萬 乘 餘 掠

世宗立,丼人侵潞州,

命崇與符彥卿出固鎭以禦之。

世宗親征,又副彦卿爲行營都部

近邊,崇有異心,宜謹備之。」太祖曰:「我素知崇篤於恩義,蓋有所激發爾。」遣人覘之,還言 宋初, 加棄中書令。 崇追 感周室恩遇, 時復泣下。 監 軍 陳思海 密奏其狀,因言:「常山

崇方對賓屬坐池潭小亭飲博,城中晏然。 爲平盧軍節度,重進叛,改命崇爲節制。乾德三年,卒,年五十八。太祖聞之震悼,贈太師。 太祖笑曰:「果如朕言。」未幾來朝。 時命李重進

州卒。 院副使。 恭太傅、安德軍節度。 軍節度兼侍中。 子 次女爲仁宗皇后。天聖三年, 守璘至洛苑副使,妻即明德皇后之姊也。子允恭,以父任授殿直,至崇儀副使、知常 允恭子中庸,左侍禁、 閤門祗侯、副使,中和,娶潁川郡王德彝女,爲西染 六年,又詔追封崇英國公,加贈守璘永清軍節度銀中書令,允恭忠武 詔贈崇尚書令兼中書令,守璘太尉、寧國軍節度,允

不拜,願推恩其父洪裕。即令召洪裕赴闕,以老病辭,就拜金紫光祿大夫、眞定少尹。 氏 歷皇城使、昭義兵馬都監、澶州巡檢使。 三叛,入平國難,廷璋數獻奇計。卽位,追册廷璋姊為淑妃,擢廷璋為右飛龍使,廷璋固辭 傳言恐逼,姊以告廷璋。廷璋往見周祖,歸謂姊曰:「此人姿貌異常,不可拒。」姊乃從之。 <u></u>
周祖從漢祖鎭太原,廷璋屢省其姊,周祖愛其純謹。姊卒,留廷璋給事左右。及出討 楊廷璋字温玉,真定人。家世素微賤,有姊寡居京師,周祖微時,欲聘之,姊不從,令媒 延璋

列傳第十四 楊廷璋

不朝 世宗 周祖 自澶淵還京,言廷璋有幹材,遷客省使。 命廷璋往代之。 將行,謂之曰:「懿不就命,即 俄爲河陽巡檢、知州 圖之。」廷璋至,屛左右,以詔 事。 涇帥史懿稱疾

懿,諭以禍福,懿卽

日載路。

俄聞周主崩,廷璋嘔血不食者數日

惠愛。 羊馬數萬計。 世宗立,拜左驍衞大將軍,充宣徽北院使。 前後率兵入太原境,拔仁義、高壁等砦,獲刺史、軍校數十人,俘其民數千戶,獲兵器 并人棄沁州二百里,退保新城,廷璋遂置保安、興同、白壁等十餘砦 征劉崇,以爲建雄軍節度。 在鎭數年,頗有

潰,追北數十里,斬首千餘級,獲器甲萬計。 百餘人,許以重賞,由間道遣人約謙溥爲內應。 速救之。 會濕州 廷璋曰:「隰州城壁堅完,抖人奄至,未能爲攻城具, 刺史孫議卒,廷璋遣監軍李謙溥領州事。 奏至,世宗喜曰:「吾舅眞能禦寇。」 旣至,即銜枚夜擊, 謙溥至,抖人來攻其城,議者以爲宜 當出奇以破之。」乃募 城中鼓躁以出, 一詔褒 | 井人大 之。 敢 死

漢晁等三人。恭帝 世宗自 河東還,加檢校太保。 即位,加檢校太傅。 顯德六年夏,率所部入河東界,下堡砦十三,降巡檢使斯

遣 親征,詔廷璋率所部入陰地,分賊勢。 題信使齎蠟書求援鄰境,廷璋獲之,械送京師,因上攻取之策,即下詔委以經略。 宋初, 加檢校太尉。 吏民詣闕, 請立 賊平,歸鎭。 一碑頌 小功德。 是秋來朝,改鎭邠州。 太祖命盧多遜撰文賜之。 乾德四年,移鄉 李筠叛,潛 及 車

州 開寶二年,召爲右千牛衞上將軍。 四年,卒,年六十。 賻帛二百

州 日 ,太祖命荆罕儒爲鈐轄。 廷璋美髯,長上短下,好修容儀,雖見小吏,未嘗懈惰。 罕儒以廷璋周朝近親,疑有異志,每入府中,從者皆持刀劍, 善待士,幕府多知名人。

史懿,陰德之報也。

欲圖

[廷璋。

廷璋推誠待之,殊不設備,罕儒亦不敢發,終亦無患。

議者以廷璋在涇州保全

供裕少時, 嘗漁於貂裘陂, 忽有馳騎至者, 以二石鴈授洪裕, 一翼掩左, 一翼掩右, 曰:

吾 北嶽使者也。」言訖,忽不見。 是年生淑妃,明年生廷璋,家遂昌盛

廷璋子七人,皆不爲求官,惟表其孤甥安崇勳得

子也。 廷璋子坦、熉皆進士及第。 坦至屯田員外郎、鹽鐵副使、判官;吳爲都官郎中。

西頭供奉官。

崇勳,後唐樞密使重誨

女義寧公主、生偓。 宋偓,河南洛陽人。 廷浩歷石、原、房三州 謙恭下士。 祖瑤, 刺 唐天德軍節度兼中書令。 史; 晉初,爲汜水關使, 張從賓之飯, 父廷浩, 尚後唐莊宗 力戦

之。偓年十一,以父死事補殿直,遷供奉官。

列

僔

第

十四四

宋堡

晉祖 嘗 事 ·莊宗,每偓母入見,詔令勿拜,因從容謂之曰:「朕於主家誠無所靳,但朝廷多

耳 府 庫 空竭 主所 知也 今主 居塗下, 薪米爲憂, 當奉主居西洛以就豐泰。」命偓分司就

養,敕有司供給,至於醢 漢 旭 在晉陽,遣其子承訓至洛,奉 醢 :加等。 書偓 母,與偓結昏,卽 永寧公主 也。累授北京皇城使。

漢乾祐初,拜右金吾衞大將軍、駙馬都尉。 隱帝即位,授昭武軍節度,移鎭滑州

周祖 舉兵向闕,時偓在鎭,開門迎謁, 周祖深德之。 屋率所部兵從 周 旭 一, 至 劉子陂,

帝衛兵悉 走投周祖 周祖謂偓曰:「至尊危矣,公近親, 可亟 去擁衛, 無令驚動。」偓策馬及

御營,軍已亂矣。 廣順 初,丁內艱,服除,授左監門衞上將軍 前景州刺史劉建於壽州

面 巡) 檢。 世宗征淮南,令屋與左龍武統軍趙贊、右神武統軍張彥超、 師還,以偓爲右神武統軍,充行營右廂都排陣使,又爲廬州城下副部署 吳 人人大

几

發 (舟師,次東淅洲(I),斷蘇、杭之路。世宗遣屋領戰艦數百艘襲之,又遣大將慕容延釗 率步

騎 而 進,水陸合勢大破之。

宗 駐 迎鑾,命偓率舟 世 宗嘗次于野,有虎逼 師三千泝江而上,巡警諸郡。 乘輿,偓引弓射之,一發而斃。 師還,復授滑州節制,又移鎭鄧州。 及江北諸州悉平,畫 江爲界。 恭帝

卽 i位,加 開 府儀 同三司

宋初,加檢校太師, 遣領舟師巡撫江徽、舒州團練使司超副之。 李重進謀以揚州级

以功改保信軍節度。 察其狀,飛章以聞。 太祖令偓屯海陵,以觀重進去就。 來朝,徙鎮華州。 會鑿池都城南, 遂從征揚州,爲行營排陣使。 命偓率舟師數千以習水戰,車駕數 及平,

臨觀焉。 五年,改忠武軍節度。

三年,徙邠州。 開實初,太祖納偓長女爲后。 太平興國初,加同平章事。二年,移定國軍節度。 偓本名延渥,以父名下字從「水」, 開寶初, 上言改爲偓。 四年,從平太原,又從征

幽州。

詔偓與尚食使侯昭愿領兵萬餘,攻城南面。

師還歸鎭。

朝,赠侍中,諡莊惠,中使護葬。 右 衞上將軍。 五年多,車駕幸大名,召偓詣行在,詔知滄州。 雍熙中,曹彬等北伐, 班師, 命偓知霸州, 歸闕。 端拱二年, 卒, 年六十四。 廢 六年,封邢國公,俄遷同州。 九年,又爲

眞宗聞之,詔釋勿問,仍諭其族屬務遵先后遺戒焉。 元度至供備庫副使,元載、元亨並至左侍禁、閤門祗侯。 我瞑目無他憂,惟慮族屬不敦睦,貽笑於人。」景德中,偓幼子元翰果詣京府,求析家財。 偓,莊宗之外孫,漢祖之壻,女卽孝章皇后,近代貴盛,鮮有其比。子元靖至供備庫使, 初,孝章寢疾,語晉國長公主日:

元度子惟簡,爲殿直,惟易爲奉職。

不納,客於周祖門下。 行至石會關,殺所 晉 陽招致天下士,將往依之。中途遇盜,見拱狀貌雄偉,意爲富家子,隨之,將劫其 向 洪字星民, 乘驢市酒會里中豪傑,告其故,咸出丁壯護拱至太原。 懷州河內人。 及周祖領節鎮、署拱知客押牙。 始名訓,避周恭帝諱改焉。 少倜儻負氣。 以策干漢祖,漢祖 弱冠,聞漢祖在 財。拱覺,

巡檢。 師還,會征慕容彥超,命爲都監,賜以六銖、袍帶、鞍勒馬、器仗,卽日遣行。 與巡檢陳思讓逆戰於虒亭南,殺三百餘人,擒百人,獲其帥王璠、曹海 周祖卽位,授宮苑使。 未幾,改客省使、知陝州 廣順中,遷皇城使,出監昭義屯軍。 并人領馬步十五都來侵,拱 金,又敗其軍於壺關。 賊平,命爲陝州

俄遷內客省使。 帥 情之,令誓不敢侵犯。 會延州高允權卒,其子紹基欲求繼襲,即自領使務。 嘗請禁州民賣軍裝兵器於西人,從之。 召拜左神武大將軍、宣徽南院使。 所屬部落有侵盜漢戶者,烘招其質 朝廷益禁兵戍守,命拱權知 州

中。 高平之捷,以功兼義成軍節度、河東行營前軍都監。 劉崇入寇,遣馬軍樊愛能、 步軍何徽赴澤州,令拱監護之。 師還,出鎭陳州 世宗親征,拱以精騎居陣

先是、晉末、秦州節度何建以秦、成、階三州入蜀,蜀人又取鳳州。 至是,宰相王溥薦拱

乃召 拱 與鳳翔王景並率兵出大散關,連下 城砦。 復命拱為 西南 囬 行營都監。蜀人聞 順

陣使張 州 急, 發卒五 建雄領兵二千直 一千餘 出 鳳州北堂倉鎮 抵 黃花谷, 路 又遣別將領勁卒千人出敵後,截其歸 ,行至 黃花谷,將 絕周 師糧 道 拱與王景偵知之,命排 路。 敵果爲建雄 所

敗 邑營砦, 奔堂倉, 望 風宵 又爲勁卒所逼,合勢掩擊,擒其監軍王巒、孫韜等千五 遁,秦、鳳、階、成平。 召歸,宴於金祥殿,賜襲衣、金帶、銀器、繒帛、鞍勒馬。 一百餘。 由 是劍門之下,州

使,以令坤爲 有 出 劫 師 Ì 顛 謀收 妻女者。 徳二年, 復。 副 韓令 世宗親征 及 時 拱至,戮其不奉法者數輩 坤有 周 師 久 棄城之意 准 駐淮陽, 南 以拱權 都將趙晁 卽 | 驛石 東京留守兼 拱 赴行在,拜淮 軍 白廷週等 中肅: 判 然。 開 封府事。 驕 六月, | 恣横暴,不 南節度,依前宣徽使兼緣江招討 追 時揚州 叙秦、鳳 相 稟從,惟務貪 初平,南 功 加 檢校太尉。 唐令境上 濫 一, 至

恱 舒 取 蘄、 世宗 及 師 和 從之。 、泰復 行 ·', |吳 為|吳 人有負 |拱 人所據。 封 、糗糧 庫, 付揚 以送者 拱上言 州 È 至壽春,與李 欲 者 且 一徙揚州之師 復遗本府牙將 重進合勢以 併力攻壽春, 分部按巡城中, 攻其城,改准 俟其城下 秋 南道招 毫 不犯,軍 然後 討 改 都 民感 圖 監 淮

世宗 冽 再 傳 第 幸壽州, ---Z 召拱宴賜甚厚,以爲武寧軍節度,命領其屬駐鎭淮軍。 面 127 Ŧ. 彦 赵 及 |克壽州,以功

敗

淮

南

軍二

千于

黃蓍砦

時

周

師

闡壽

春經

年

未下,

江、

淮草寇充斥,

吳援兵棚於紫

金山

興

城

中烽火

相

應。

而

加 同 平 章 事 了、領武 寧軍節度。 四年,徙歸德軍節度。 淮南平,改山南東道節度,俄充西南面

水 陸 發 運招討 使。 恭帝即位,加檢校太師、 河南尹、 西京留守。

下 宜 急濟大河、 宋 初 加銀侍 踰太行,乘其未集而誅之,緩則勢張,難爲力矣。」帝從其言,卷甲倍道趨之。 中。 太祖 征李筠,拱迎謁至汜水,言於上曰:「筠逆節久著,兵力日盛,陛

筠果率兵 南向、聞車駕至、惶駭走澤州城守、遂見擒。 乾德初,從郊 祀畢,封譙 國

拱 尹 河南 十餘年,專治園林第舍,好聲妓,縱 酒爲樂,府政廢弛,羣盜畫劫。太祖聞之怒,

移鎭 安州 ,命左武: 衛上將軍焦繼勳代之,謂繼勳曰:「洛久不治,選卿代之,無復效拱 爲也。」

太平 興國初,進封秦國公,來朝,授左衞上將軍。八年,代王彥超判左 書合、 金吾街 仗

獻 西京長 夏門北園,韶以銀五千兩償之。 雍熙三年,卒,年七十五 贈 中

昱,大中祥符八年進士出身。 德明子悅,爲虞部郎中。

眞宗聞拱之後有寒餒流離者,

錄其孫懌爲國子助教。

拱子德明,至洛苑使;

咸平初,

渭南。 王彥超,大名臨淸人。 會明宗即位, 繼岌遇害, 性温 和恭謹,能禮下士。少事後唐魏王繼岌,從繼岌討蜀, 左右遁去, 彥超乃依鳳翔重雲山僧舍暉道人爲徒。 暉善

觀人,謂彥超曰:「子,富貴人也,安能久居此?」給資帛遣之。

丹,以彥超從行。 時晉祖帥陝,乃召至帳下,委以心腹。 天福初,累遷奉德軍校,再轉殿前散指揮都虞候、領蒙州刺史。漢初,領 及移鎭太原,將引兵南下,遣從事桑維翰求援契

周祖平內難後,北征契丹,以彥超爲行營馬步左廂都排陣使,從周祖入汴。時自彭門

岳州防禦使兼護聖左廂都校,出爲復州防禦使。

州叛,眞拜彥超武寧軍節度,命討之。 **彦超督戰艦破其水砦,乘勝拔之。**

迎湘陰公入纘位,會軍變,周祖革命,卽命彥超權知徐州節度。

未行,湘陰公舊校鞏廷美據

復以所部追

又與樞密使王峻拒劉崇於晉州,彥超以騎兵進,崇遁去,授建雄軍節度。

賊至霍邑,賊步騎墮崖谷,死者甚衆。 **彦超歸鎭所,俄改河陽三城節度,移鎭河中**

陰地關與符彥卿會兵圍汾州,諸將請急攻,彥超曰:「城已危矣,旦暮將降,我士卒精銳,儻 部浚胡蘆河,城李晏口。工未畢,遼人萬餘騎來侵,彥超擊敗之,殺傷甚衆。 躬冒矢石,數日下之,擒其守將安彥進,獻行在。 驅以先登,必死傷者衆,少待之。」翌日,州將董希顏果降。遂引兵趣石州,彥超親鼓士乘城, 顯德初,加同平章事。劉崇南寇,命彥超領兵取晉州路東向邀擊,從戰高平。彥超自 師還, 改忠武軍節度,加兼侍中。 韶率所

宰相李穀征淮南,以彥超爲前軍行營副部署,敗淮南軍二千于壽州城下。 吳兵水陸來

列 傳 第 + 四

 \pm 彦 超

里。 穀退保正陽, 還, 改京兆尹、永興軍節度。 吳 人躡其後。 會李重進兵至, 六年夏,移鎭鳳翔。 合勢急擊,大敗吳人三萬餘衆,追北二十餘 恭帝嗣位, 加檢校太師、西面緣邊副

都部署。

留滯於小郡者,蓋天使然爾。」帝大笑。這超翌日奉表待罪,帝遣中使慰諭,令赴朝謁 「卿昔在復州、股往依卿,何不納我?」彥超降階頓首曰:「勻水豈能止神龍耶!當日陛下不 宋初, 加銀中書令,代還。太祖與彥超有舊,因幸作坊,召從臣宴射,酒酣,謂彥超日:

鎭 鳳翔。三年,丁外艱,起復。開寶二年,爲右金吾衞上將軍判街仗事 未幾,復以爲永興軍節度。又以其父光祿卿致仕重霸爲太子少傅致仕。 乾德二年,復

之冗食者,居處服用,咸遵儉約。 九,當自知止。」明年,表求致仕,加太子太師,給金吾上將軍祿。彥超旣得請,盡斥去僕妾 太平興國六年, 封哪國公。七年, 彥超語人曰:「人臣七十致仕, 古之制也。 雍熙三年,卒,年七十三。 赠尚書令。 我年六十

無 曰:「卿等皆國家舊臣,久臨劇鎭,王事鞅掌,非朕所以優賢之意。」彥超知旨,卽 勳勞,久冒榮寵,今已衰朽,願乞骸骨歸丘園,臣之願也。」行德等竟自陳夙昔戰 開寶初,彥超自鳳翔來朝,與武行德、郭從義、白重贊、楊廷璋俱侍曲宴。 太祖從容謂 前 功及履歷 奏曰:「臣

艱苦,帝曰:「此異代事,何足論?」翌日,皆罷行德等節鎭。

時議以此許彥超

後,汝曹勉爲善事以自庇。」及卒,諸子果無達者。 初,彥超將致政,每戒諸子曰:「吾累爲統帥,殺人多矣,身死得免爲幸,必無陰德以及 孫克從,咸平元年進士及第,亦止於州縣。 宣化門內有大第,園林甚盛,不十餘年,

其家已鬻之矣。

政當次補其任,率族屬泣拜,請丕濟其急,丕又爲代掌一年,鄉里服其義。父頴事晉至安州 度,多嚴選富家子掌帑庫。 防禦使。 張永德字抱一,丼州陽曲人。家世饒財。曾祖丕,尚氣節。後唐武皇鎭太原,急於用 或調度不給,即坐誅,沒入貲產。 丕爲之滿歲,府財有餘。宗人

以女妻永德。 邀乞焉,紿曰:「此悲田院耳。」賊卽舍去,繇是免禍。周祖爲樞密使,表永德授供奉官押班。 永德生四歲,母馬氏被出,育於祖母,事繼母劉,以孝聞。 永德迎其母妻詣宋州。時寇賊充斥,乃易弊衣,毁容儀,居委巷中。有賊過,即 周祖初爲侍衞吏,與顯善,乃

累君侯家耳。」遇愕然曰:「何謂也?」永德曰:「姦邪蠹政,郭公誓清君側,願且以永德屬吏, 永德在潞州,聞有密韶授遇,永德探知其意,謂遇曰:「得非涖殺永德耶?永德即死無怨,恐

乾祐中、命賜潞帥常遇生辰禮幣。遇,周祖之外兄弟也。時周祖鎭鄴,被讒,族其家。

列 傳 第

+

74

張 永 德

視 事 丈人事得成否?」永德日 成足以爲德,不 成死未晚。」遇以爲然,止令壯士嚴衞,然所以餽之甚厚。 :「始必成。」未幾,周祖使至, 遇賀且謝曰:「老夫幾誤大事 親問之日:「君

然終不能奪。 往 資,得為軍 日:「兒見溝旁郵 迎之,至鴻溝,遇雨甚,踰旬不能前 初 魏 人柴翁以經義教里中,有女,後唐莊宗時備掖庭, 他日,語周祖曰:「君貴不可言,妾有緡錢五百萬資君,時不可失。」 舍隊長,項點黑爲雀形者,極貴人也,願事之。」問之,乃周祖也。父母大愧, 女悉取裝具、計直千萬、分其半以與父母、令歸魏、 明宗入洛,遣出宫。 柴翁 周祖 夫妻

徳故以: 逼 一令飲,極醉, 柴翁好獨 此 護遇,遇送永德歸周祖 寢,人傳其能司冥間事。 因漏言曰:「花項漢作天子矣。」其妻頗露之,遇亦微有聞,未深言。 日晨起,大笑不已,妻問之,不對。 **翁好飲**,其 至是,永

尉、領和州刺史。 周 祖登位,封永德妻爲晉國公主,授永德左衞將軍、 逾年,擢爲殿前都虞候、領恩州團練使,俄遷殿前都指揮使、泗州防禦使, 內殿直小底四班都 知, 加駙馬都

時年二十四

時太祖與永德各領牙兵二千,永德部下善左射、太祖與永德厲兵分進,大捷,降崇軍七千餘 顯德元年,幷州劉崇引契丹來侵。 世宗親征,戰于高平,大將樊愛能、何徽方戰退衄

衆。 至六月,攻之不克。 世宗擲枕於地,大呼稱善。翌日,誅二將以徇,軍威大振。進攻太原,師薄城下, 吾將案之以法。」永德曰:「陛下欲固守封疆則已,必欲開拓疆宇, 威加四海, 彥卿、史彥超北控

忻口以斷

契丹

援路。

太原

城四十里,

周師去城三百步,

圍之三

匝。

自四月 及駐上黨,世宗晝臥帳中,召永德語曰:「前日高平之戰,主將殊不用命,樊愛能而下, 契丹援兵果至,彥超戰沒,繼敗其衆二千,餘衆遁去。 以永德領武信軍 宜痛懲其失。」 永德與符

春,劉仁贍堅壁不下。 攻,大敗之,仁瞻僅以身免。 時永德父頴爲隸人曹澄等所害,因奔南唐。 永德出疲兵誘之,傍伏精騎,每戰陽不利,北退三十里,伏兵突起夾 會議南征,永德請行自効,許之。 師至壽

節度。

師還,徙義成軍節度。

時韓令坤在揚州,復爲吳人所逼,欲退師。世宗怒,遣永德率師援之, 隴,發伏馳入據之,敵衆散走。翌日,又攻第二砦,鼓譟而進,始攻北門,淮人開南門而遁。 永德選勁弓強弩伏隴旁,太祖麾兵直攻第一砦,戰陽不勝,淮人果空砦出門,永德亟登 太祖與永德領前軍至紫金山,吳人列十八砦,戰備嚴整。 三年,世宗親征,至壽州城下,仁贍執澄等三人檻送行在,意求緩師,詔賜永德,俾其甘 敵壘西偏有高隴,下瞰其營 又敗泗州軍千餘于

曲溪堰,俄屯下蔡。

擊。 數十艘, 之。 步,以鐵索千餘尺橫截長淮,又維巨木,自是備禦益堅矣。 不 利 吳人 俄 時 吳將 吳 而 吳人多溺死。 既不得進, X 風 林仁肇 以 反, 周 吳 師 人稍 中帥衆千 在 溺者甚 壽春 詔褒美之。 却, 餘, 攻 永德 一衆, 圍 水 日 奪其巨 進兵敗之。 陸 急, 齊進 又恃水戰, 艦數 又以船 十 又夜使習 艘。 數 乃大發樓船蔽江 永德解 艘 水者 載 薪 沒其 ,乘風 俄又敗千餘衆於淮北岸, 金帶,賞習 (船下, 縱 而 火, 下,泊于濠、 1水者。 將焚周浮 鐵鏁, 乃距 梁, 泗 浮 引 梁 輕 周 周 舠急 師 餘 憂 頗

丹擾邊,命永德率步騎二萬拒之。 冬, 擢爲殿前都點檢。 恭帝嗣位,移忠武軍節度 四年, 從 從世宗北伐, 克壽州還, 還駐澶淵,解兵柄, 制授檢校太尉、 領鎭 寧軍 加檢校太尉、同中書門 節 度。 五. 年 夏, 契

易取 之。 每 呼 駙馬 太祖 俄歸本鎮 也。 不名。 臣以每歲多設游兵,擾其農事, 卽 位, 加兼侍中。 時抖、汾未下,太祖密訪其策。 永德入朝,授武勝軍節度。 仍發間使以諜契丹,絕其援,然後可下也。」帝然 永德曰:「太原兵少而悍,加以契丹爲援,未 入覲,召對後苑,道舊故, 飲以 亘

豪橫莫能禁,永德乃發其姦,置于法。 會出 師 討 2金陵,永德以己資造戰船數 十艘,運糧萬斛, 進潛詣闕, 誣永德緣險固置十餘砦,圖爲不軌 自順陽沿漢水而下。 富民高進

太祖 命樞密都承旨曹翰領騎兵察之,詰其砦所,進日:「張侍中誅我宗黨殆盡,希中以法,報

私 憤 爾。」翰以進授永德,永德遽解縛就市,笞而釋之。 時稱其長者。

太平興國二年來朝,拜左衞上將軍。 數月,復舊秩。 六年,進封鄧國公。 五年,坐市秦、隴竹木所過矯制免關市算,降爲本 雍熙中,連知滄、雄、定三州

衞 大將軍。 端拱元年, 拜安化軍節度。 召還,爲河北兩路排陣使,屯定州。嘗與契丹戰,斬獲甚

二年,丁內艱,起復。 淳化初,又代田重進知鎭州。二年,改泰寧軍節度兼侍中,出判

并州銀井代都部署。

曰:「彼雖以年月便利,乘金而來,反值歲星對逆,兵家大忌,必敗。」未幾,折御卿捷報至,衆 永德明天文術,嘗與僚佐會食,有報遼兵寇州境者,永德用太白萬勝訣占之,語坐客

始歎伏。

乘傳出入,不得齎貨邀利,及令人諸處圖回,與民爭利。 永德在太原,曾令親吏販茶規利,

自五代用兵,多姑息,藩鎭頗恣部下販鬻。宋初,功臣猶習舊事。太宗初卽位,詔羣臣

司 闌 西京,仍以其孫大理寺丞文蔚釐務洛下,以便就養 出徼外市羊,爲轉運使王嗣宗所發,罷爲左衞上將軍 真宗卽位,進封衞國公。未幾,判左金吾街仗事。 |咸平初,屢表請老,授太子太師,分

八

還本鎭。 留爲 年 東京內外都巡檢使。 冬, 是秋卒,年七十三。 契丹入邊,帝將北巡,以永德宿將,召入對便殿,賜坐,訪以邊要。 遣內園使馮守規護枢還京師,贈中書令。 三年,制授檢校太師、彰德軍節度、知天雄軍 諸孫遷秩者五 俄以 以老不可從 衰耄, 人。 命

居。 劉卒,馬預 永德出母, 中參,時年八十一,太宗勞之,賜冠帔,封莒國太夫人。 後適安邑劉祚。 及永德鎮南陽,作已卒,迎母歸州廨,起二堂,與繼母劉 同母弟劉再思,署子 並

城使,於市

西里起大第,聚劉族。

節 永德 繡 置 貴,吾不 日:「吳境不通, 了當保 「鼎中煑之,成 旗 遽召 幟。 初, 五. 永德 吝此, 慮損 之,乃 永德善騎射,左右分掛 + -年富 寓 中金。 睢陽書生也。 雕 子何可去? 陽, 貴,安用 (君福。) 言訖而去。及永德屯下蔡,牙帳前後隊部 有 自是 書生隣居臥疾,永德療之獲愈。生一日就永德求汞五兩,旣得,卽 此爲? 」生曰:「吾自有術。」永德送行數舍, 懇求藥法, 生曰:「君當大 日與永德游,一日,告適淮上,語永德曰:「後當相遇于彼。」永德 夜宿帳 十的,握十矢,疾馳 然能 中, 降志禮賢,當 復 求汞法。 別有授公藥法者。」永德由 互發,發必中。 僧 曰:「始語 活者貴, 淮民環觀,有一 曲八百人,皆金銀刀槊, 今不謬矣。 此 益罄家資, 僧睥睨, 終能謹

初,睢陽書生嘗言太祖受命之兆,以故永德潛意拱嚮。 太祖將聘孝明皇后也, 永德出

延

致方士,故

太祖

以方

外待之。

緡錢金帛數千以助之,故盡太祖朝而恩渥不替。

孫文蔚虞部員外郎,文炳殿中丞。

召之,懼不敢行。 王全斌,丼州太原人。其父事莊宗,爲岢嵐軍使,私畜勇士百餘人,莊宗疑其有異志, 全斌時年十二,謂其父曰:「此蓋疑大人有他圖,願以全斌爲質,必得釋。」

父從其計,果獲全,因以隸帳下。

以全斌爲右廂都指揮使。及討慕容彥超于兗州,爲行營馬步都校。 鳳,遂領恩州 禁軍列校。 與符彥卿等十數人居中拒戰。 及莊宗入洛,累歷內職。 晉初,從侯益破張從賓於汜水,以功遷護聖指揮使。 團練使。 俄遷領泗州防禦使。從世宗平淮南,復瓦 同光末,國有內難,兵入宮城,近臣宿將皆棄甲遁去,惟全斌 莊宗中流矢,扶掖至絳霄殿, 全斌慟哭而去。 橋關,改相州留後。 周廣順初,改護聖爲龍 顯德中, 明宗卽位,補 從向訓平秦、

完葺西山 宋初,李筠以潞州叛, 堡砦, 不踰時而就。 全斌與慕容延釗由東路會大軍進討,以功拜安國軍節度。 建隆四年,與洺州防禦使郭進等率兵入太原境,俘數千人以 詔令

歸,進克樂平。

軍 步騎二萬 乾 1、諸州 年冬, 兵萬 又爲 忠武 人由 軍節 鳳州 路進 度。 刨 日下詔 召示川 1)伐蜀, 峽地圖,授以方 命全斌爲西川行營前軍都部署, **华禁**

州 命彥進、延澤督治閣道,數日 泉,遂至嘉陵,殺虜甚衆。 軍趙崇渥遁去,復與三泉監軍劉延祚、大將王昭遠、趙崇韜引兵來戰行,三戰三敗,追至利 進、延澤、萬友分三道擊之,蜀人悉其精銳來逆戰,又大破之,乘勝拔其砦, 千人,獲軍糧四 蜀人依江列陣以待,彥進遣張萬友等奪其橋。 擒招討使韓保 昭遠遁去,渡桔柏江,焚梁,退守劍門。 月, 率兵 路險,軍難並進,不如分兵治閣道,與大軍會於深渡。」意進以白全斌, 十餘萬 拔乾渠渡、萬仭 IE 斛 一、副使李進,獲糧三十餘萬斛。 蜀人斷閣道, 進拔石圖、 成,遂進擊金山砦,破小漫天砦。 燕子二砦,遂下 魚關、白水二十餘砦, 軍不能進。 途克利州,得軍糧八十萬斛。 興州 會暮夜,蜀人退保大漫天砦。 全斌議取羅川路以入,延澤潛謂 蜀刺史藍思館退保西縣。 旣而崔彦 先鋒 全斌由羅川趣深渡,與彥進 進、康延澤等逐蜀 史延德進軍三泉, 蜀將王審超、監 全斌然之。 敗蜀 詰朝,產) 数 軍過三 軍

蘇,蜀人於江西置砦,對岸有渡,自此出劍關南二十里,至清強店,與大路合。 宜 |各陳進取之策。」 侍衞軍頭向韜曰:「降卒牢進言:『益光江東, 自 利州趨劍門,次益光。 全斌會諸將議曰:「劍門天險,古稱一夫荷戈,萬夫莫前,諸君 越大山數重,有狹徑名來 可於此進兵,

昭遠 攻,破之必矣。」全斌納其策,命史延德分兵趨來蘇,造浮梁於江上,蜀 卽 屢 (敗,併兵退守)劍門,莫若諸帥協力進攻,命一偏將趨來蘇,若達清強,北擊劍關,與大軍夾 劍門不足恃也。』」全斌等即欲卷甲赴之,康延澤曰:「來蘇細徑,不須主帥親往。 聞延德兵趨來蘇,至淸強, 即引兵退, 陣於漢源坡,留其偏將守劍門。 人見梁成,棄砦而 全斌等撃破之, 且蜀人 遁。

崇韜皆遁走,遣輕騎進獲,傳送闕下,遂克劍州 ,殺蜀軍萬餘人。

路兵 始自 |峽路 相 四 嫉,蜀 [年正月十三日, 師次魏城, 至。 人亦構,主帥遂不協。 廷讓等及犒師,並同全斌之至。 孟 全斌等先受詔,每制置 | 昶遣使奉表來降,全斌等入成都。 及詔書頒賞,諸軍 必須諸將僉議,至 亦無 旬餘,劉廷讓三等 差降。 一是,雖小 由 事不 是兩

能

卽

決

全師 怨, 兵,但分遣諸州牙校。蜀軍 匿 上其家於江 人人思亂。 雄 俄 者 詔 發蜀兵赴闕, (图), 嘗爲將, 有威惠, 士卒畏服。 曲 民舍。 兩路 隨軍使臣常數十百人, 後數日為 人給錢十千,未行者, | 至綿州 亂兵所獲,推爲主帥 果 叛, 劫屬邑, 衆至十餘萬, 適以 全斌 加兩 其族赴闕下, 彦進 月廩食。 及王仁贍等各保庇之, 綿州 全斌等不卽奉命, 自號 遇亂, 「興國 軍」。有蜀 師雄恐爲所脅, 不令部 由 文州 是蜀 刺 送 軍 蜀 乃 史

全斌 遣 都 監米 光緒往招撫之, 光緒盡滅師雄之族,納其愛女及橐裝。 師雄聞之,遂無

列

傳

雅 不利,退入成 祚 屬 歸 、東川、果、遂、渝、合、資、簡、昌、普、嘉、戎、榮、陵十七州,並隨師 同討之,爲師雄所敗,彥暉戰死,欽祚僅免,賊衆益盛。全斌 署節 全斌等甚懼。時城中蜀兵尚餘二萬,全斌慮其應賊,與諸將謀,誘致夾城中,盡殺之。 殺 率衆急 都 帥二十餘人,令分據灌口、導江、郫、新繁、青城 監李德榮, 都 攻 綿州 師雄分兵綿 據其城。 爲橫 海 指 成都 揮使 漢間,斷閣道,緣江置砦,聲言欲攻成都。 十縣皆起兵 劉福 、龍捷指揮使田紹斌 應師雄,師 等縣。 雄自 所敗 、又遣張廷翰(晉)、張煦往擊之, 彦進 號「興蜀 與張萬友、高彥暉、田 雄 遂 爲 攻彭州 大王」, 亂 自 是,邛、閩、眉、 郵傳不通者月 開幕府, 逐刺 史王 置 僚

之,師雄 未幾, 走保灌 劉廷讓、曹彬破師雄之衆於新繁,俘萬 口砦。 賊勢旣衄,餘黨散保州縣。 「餘人。 有陵州指揮使元裕者,師雄署爲刺史,衆 師雄退保鄉縣, 全斌、仁贍又攻破

萬餘,仁贍生擒之,磔于成都市。

宋德威殺知州八作使王永昌及通判劉渙、 雄黨劉澤合,衆至五萬,逐普州刺史劉楚信,殺通判劉沂及虎捷都校馮紹 仁赡等討呂翰於嘉州 與賊將宋德威、唐陶鼈據銅山, 俄虎捷指揮使呂翰爲主將所不禮,因殺知嘉州客省使武懷節、戰權都監劉漢卿 翰敗走入雅州 旋爲康延澤所破。 師 雄 都監鄭光弼, 病死於金堂, 仁膽又敗呂翰於雅州 遂州 推謝行本爲主,羅七君爲佐國令 牙校王可璙(台)率州民爲亂 又果州指揮使 翰走黎州 與師

爲下所殺,棄屍水中。後丁德裕等分兵招輯,賊衆始息。

賜全斌,仍諭諸將,以不徧及也。全斌拜賜感泣。 左右曰:「我被服若此,體尙覺寒,念西征將衝犯霜雪,何以堪處!」即解裘帽,遣中黃門馳 全斌之入蜀也,適屬多暮,京城大雪,太祖設氈惟於講武殿,衣紫貂裘帽以視事,忽謂

旨,不可輕去。」全斌猶豫未決。 將帥,多不能保全功名,今西蜀旣平,欲稱疾東歸,庶免悔吝。」或曰:「今寇盜尙多,非有詔 初,成都平,命參知政事呂餘慶知府事,全斌但典軍旅。 全斌嘗語所親曰:「我聞古之

帮,豪奪婦女,廣納貨財,斂萬民之怨嗟,致羣盜之**充**斥。以至再勞調發,方獲平寧。洎命 宗族、官吏、將卒、士民悉令安存,無或驚擾;而乃違戾約束,侵侮憲章,專殺降兵,擅開公 等初立功,雖犯法,不欲辱以獄吏,但令中書問狀,全斌等具伏。詔曰:「王全斌、王仁瞻、崔 開豐德庫,致失錢二十八萬一千餘貫。遂令中書門下召與訟者質證其事,而全斌等皆引 旋歸,尙欲含忍,而銜寃之訴,日擁國門,稱其隱沒金銀、犀玉、錢帛十六萬七百餘貫。 又擅 彥進等被堅執銳,出征全蜀,彼畏威而納款,尋馳詔以申恩。用示哀矜,務敦綏撫,應孟昶 其令御史臺於朝堂集文武百官議其罪。」 會有訴全斌及彥進破圖日,奪民家子女玉帛不法等事,與諸將同時召還。太祖以全斌

列

萬 彦進 抑有 特從寬貸,止停旄鉞,猶委藩宣。 禁暴戢兵,當崇於武德。 左 右 銳 旅 犯 未平,慮征 衞 兩、帛萬匹、錢千萬賜之。 ·彝典。 ^_,奉我 秋毫, 大將軍。」開寶末,車駕幸洛陽郊祀, 可責授昭化軍節度觀察留後, 於是百官定議, 成謀,既居克定之全功,宜體輯柔之深意。 庶德澤之涵濡, 俾生聚之寧息。 而罔思寅畏,速此悔尤,貪殘無厭,殺戮非罪,稽于偃革,職爾玩兵。 南諸將不遵紀律,故抑卿數年,爲殷立法。 全斌等罪當大辟, 蠢茲 全斌至鎭數月卒,年六十九。 庸蜀,自敗姦謀,爰伐罪以宣威,俄望風而歸命。 我非無恩,爾當自省。 特建 請準律處分。 隨州爲崇義軍、 召全斌 而忠武軍節度王全斌、武信軍節度崔彥進董茲 侍祠,以爲武寧軍節度。 乃下詔曰:「有征無戰,雖舉於王 比謂不日清謐,卽時凱旋,懋賞策勳, 全斌 今已克金陵,還卿節鉞。」仍以 金州爲昭化軍以處之。 贈中書令。 可責授崇義軍節度觀察留後, 天禧二年,錄其孫永 謂之曰:「朕 尚念前勞, 遽令按堵, 仁贍責授 一師; 以江 銀器

全斌 輕財重士,不求聲譽,寬厚容衆,軍旅樂爲之用。 黜居山郡十餘年, 怡然自得, 識

昌

爲三班奉職

一稱之。

子審鈞,崇儀使、富州刺史、廣州兵馬鈴轄; 審銳,供奉官、閤門祗侯。 曾孫凱。

蜀 。有勞,而審鈞以忠義死,當錄其孤。」 遂以爲三班奉職、監鳳翔盩厔稅。 日馳獵南山下,以踐蹂民田,捕至府。 凱字勝之。 祖審鈞,嘗爲永興軍駐泊都監,以擊賊死,遂家京兆。 時寇準守長安,見其狀貌奇之。爲言:「全斌 饒於財,凱散施結 歷左右班殿直、監 取

益州市買院、慶州合水鎭兵馬監押、監在京草場。

右侍禁、雄州兵馬監押,擢閤門祗侯、定邢趙都巡檢使。 先是,守卒掃遺稈自入,凱禁絕,而衆欲害之。 事覺,他監官皆坐故縱,凱獨得冤。 自

伺 一候烽,前後斬首三百餘級,獲區落馬牛、橐駝、器械以數千計。 元昊反,徙麟州都監。 嘗出雙烽橋、染枝谷,遇夏人,破之。 夏人圍鱗州,乘城拒鬥,書 又破龐青、黃羅部,再戰于

夜三十一日,始解去。特遷西頭供奉官。

浪, 寇猝大至,與岊相失。 代遷,邊寇猶鈔掠,以爲內殿崇班、鱗州路緣邊都巡檢使,與同巡檢張岊護糧道于青眉 乃分兵出其後夾擊之,復與日合,斬首百餘級。 又入冤毛川,賊

南作坊副使,後爲抖、代州鈴轉,管勾麟府軍馬 衆三萬,凱以兵六千陷圍, 流矢中面,鬥不解, 事。 又斬首百餘級, 賊自 厦人二萬寇靑塞堡,凱出鞋邪谷, 蹂躞,死者以千數。 轉戰 遷

四 十里,至杜肪川,大敗之,復得所掠馬牛以還 經略使明鎬言凱在河外九年,有功,遂領資州刺史。 久之召還,

列傳第十

四

王全斌

康延澤

未及見,會甘陵盜起,

使, 靜以處之。 指 軍副都指揮使。卒,年六十六。贈彰武軍節度使,諡莊恪。 即命領兵赴城下。 揮使、涇州 歷環慶、幷代、定州路副都總管, 凱至,與主帥以恩信撫接,遂復常貢。 觀察使。 賊平,拜澤州刺史、 又徙秦鳳路,辭日 捧 知州州 日 天 帝諭以唃氏 武 DCI 厢、 未幾, 召拜武勝軍節度觀察留後、侍衞親 木征,交易阻絕,頗有入寇之萌, 綿州防禦使,累遷侍衞親軍 爲神龍衛四廂都指 揮 使、 步軍 凙 州 宜安 軍 副 룊 練 都

戰無不力,前後與敵遇,未嘗挫衄 凱 治軍有紀律, 善撫循士卒,平居與均飲食,至臨陣援枹鼓,毅然不少假。 **兔毛川之戰**, 內侍宋永誠哭于軍中,凱劾罷之。 故士卒畏 尤

緘。 緘子詵,字晉卿,能詩善畫,尚蜀國長公主,官至留後。 篤

好於故舊。

康 延澤,父福,晉護國軍節度兼侍中。延澤,天福中,以蔭補供奉官。 周廣順二年,永興

李洪信入覲,遣延澤往巡檢,遷內染院副使。

書幣先往撫之,且察其情僞。 |宋 初 從慕容 延 釗、 李處 及還、盡得其機事,因前導大軍入境、遂下荆峽。以勞授正使。 耘平湖湘。 時期 南高保融卒,其子繼 沖嗣 領軍事, 命延澤齊

乾德中,征蜀,爲鳳州路馬軍都監,破白水、閤子二砦,進擊西縣、三泉,獲韓保正 由

爲成 來蘇 都府都監。 路會大軍,克劍門。 會全師雄復亂,徙爲普州刺史(+)。 及孟昶降,延澤以百騎先入成都,安撫軍民,盡封府庫而還。 時有降兵二萬七千,諸將懼爲內應,欲 就命

之,追北至合州。 晚。 盡殺之。 諸將一 不能用。 延澤請簡老幼疾病七千人釋之,餘以兵衞還,浮江而下,賊若來劫奪,卽殺之未 又破可璙餘黨謝行本等,擒羅七君。 俄出兵,敗賊黨劉澤三萬人。復有王可璙率數郡賊兵來戰, 事平,優韶嘉獎,就命爲東川七州招 延澤擊

姪爭家財失官,居西洛卒。 全斌等得罪,延澤亦坐貶唐州教練使。 開寶中,起爲供奉官,遷左藏庫副使。 坐與諸

安巡檢使。

使,出爲隨、澤二州刺史。 兄延沼,幼隸後唐明宗帳下。 仕晉祖,爲尚食使,改散指揮使都虞候、興聖軍都指揮

|州 刺史。 周祖北征, 延沼與白文遇、李彦崇、曹奉金丼從。 從世宗征劉崇,率兵攻遼州,轉龍捷右廂都校、領岳州防禦使,眞拜蔡齊鄭楚四州 廣順中,爲侍衞馬步軍都軍頭、領信

宋初,李重進叛,以延沼爲前軍馬軍都指揮使。 建隆四年,改懷州防禦使。 乾德六年,

防禦使、晉潞二州兵馬鈴轄。

列

僔

第十四

康延

澤

八九二八

命李繼勳等征 河東 以 延沼爲先鋒都監。 太祖親征太原,以延沼宿將, 熟練邊 事,韶領兵屯

潞州,會以疾歸郡。開寶二年,卒,年五十八。

王繼 濤, 河朔人,少給事漢祖左右。 乾祐初,補供奉官,歷諸 司副使。 仕周,爲右武衞

大將軍。 淮南平,爲天長軍使。 顯德 五年,遷和州 刺 史。

宋初,爲左驍騎大將軍,再遷左神武大將軍。 乾德二年,命護徒治安陵隧道

與供 奉官王守訥部送昶歸闕。 大軍伐蜀, 爲鳳州路壕砦使。 守訥白全斌,言繼濤問昶求宮妓、金帛,全斌遂留繼濤,止令 興元降, 王全斌命繼濤權 府 事 孟 全斌 又遣繼濤

守訥送冠。俄詔以繼濤爲彭州刺史。

綿州軍亂,劫全師雄爲帥,率衆攻彭州 ,繼濤與都監李德榮拒之,德榮戰死, 繼濤身被

八槍,單騎走至成都。

之,道病卒。 州 刺 史高彥暉,帥師討賊,奮不顧命,垂老之年,殞身鋒鏑。 素與通事舍人田 韶曰:「故彭州刺史王繼濤, 欽祚有隙,會欽祚入朝, 先登 一擊賊, 乃誣奏繼濤以他事。 身被 重創,優典未 永言痛悼,不忘于懷。宜各賜其 太祖 加 驛召繼濤, ,齎志而歿。 將 故階 面 質

家粟帛。」

高彥暉,薊州漁陽人。仕契丹爲瀛州守將。世宗北征,以城來降,遷耀、階二州刺史。

大,日將暮,請收兵,詰朝與戰。」欽祚欲遁,盧賊曳其後,乃紿之曰:「公食厚祿,遇賊畏縮, 何也?」彥暉復麾兵進,飲祚潛遁去。彥暉獨與部下十餘騎力戰,皆死之,時年七十餘。 師伐蜀,爲歸州路先鋒都指揮使。 全師雄之亂,崔彥進遣彥暉與田欽祚共討之。至

彥暉老將,練習邊事,上聞其歿,甚痛惜,故並命優恤之。

黨,乘時建功,各奮所長,有足尙者。王彥超起自戎昭,歷典藩服,引年高蹈,武夫之貞;至 公祖之知,而非人臣之不二心者矣。乾德伐蜀之師,未七旬而降款至,諸將之功,何可泯 於自悔多殺,垂戒後裔,近乎仁人之用心。張永德前朝勳伐,夙識太祖,潛懷尊奉,雖有橋 彪,宋武無猜於徐廣,何以加之。 廷璋開懷以待罕孺,宋偓抗章以察重進,向洪獻謀以平上 王全斌黷貨殺降,尋啓禍變,太祖罪之,而從八議之貨,斯得馭功臣之道。 論曰:郭崇感激昔遇,發於垂涕。太祖祭其忠厚,亟焚思誨之奏云。雖魏文不強於楊 延澤能相地

傳第

十四四

康延澤

校勘記

險,豫謀屯備。 繼濤、彥暉,先登重傷,殞沒無避,咸可稱焉。

校勘記

- (1) 次東流洲 流 原作「沛」,據舊五代史卷一一八周世宗紀、通鑑卷二九四改。
- (1) 大將王昭遠趙崇韜引兵來戰 「趙崇韜」原作「趙彦韜」, 據本書卷四七九西蜀世家、長編卷五

及下文改。趙彥韜係另一人,亦見西蜀世家。

- **=** 劉廷讓 原作「劉延讓」,據本書卷二五九本傳改,下文同。長編卷六作「劉光義」,廷讓原名光義。
- 有蜀文州刺史全師雄者 「文州」原作「交州」,交州宋時通稱交趾,不是西蜀州名。 長編卷六
- 琬琰集下編卷一王全斌傳作「文州」,據改。
- **三** 張廷翰 原作「張延翰」,據本書卷二五九本傳、長編卷六改。
- **公** 遂州牙校王可璙 「遂州」原作「逐州」,據長編卷六、琬琰集下編卷一王全斌傳改。
- (中) 徙爲普州刺史 「普州」原作「晉州」,據長編卷六及注文所引實錄改
- 3 恩義」。 亟焚思誨之奏 本書卷二六一陳思讓傳說:「弟思誨,至六宅使」,當卽此人。據改。 此處所焚,當即陳思誨之密奏;本書卷二六六至仲甫傳、長編卷一記此事都作陳思誨。 「思誨」原作「思晦」。據本卷郭崇傳,陳思誨密奏「崇有異心」,太祖察「崇篤於

宋史卷二百五十六

列傳第十五

趙普 弟安易

趙普字則平,幽州薊人。後唐幽即趙德鈞連年用兵,民力疲弊。 普父迴二舉族徙常

Щ, 又徙河南洛陽。 普沈厚寡言,鎭陽豪族魏氏以女妻之。

宰相范質奏普爲軍事判官。 周顯德初,永興軍節度劉詞辟爲從事,詞卒,遺表薦普於朝。 宣祖臥疾滁州,普朝夕奉藥餌,宣祖由是待以宗分。 世宗用兵准上,太祖拔滁

州,

嘗與語,奇之。時獲盜百餘,當棄市,普疑有無辜者,啓太祖訊鞫之,獲全活者衆。

淮南平,

調補渭州軍事判官。太祖領同州節度,辟爲推官;移鎮宋州,表爲掌書記。

擐 甲露 太祖 刃, 諠擁麾下。 北征至陳橋,被酒臥帳中,衆軍推戴,普與太宗排闥入告。太祖欠伸徐起,而衆軍 及受禪,以佐命功,授右諫議大夫,充樞密直學士

列 僔 第 -[-五 趙 普

車 駕 征 命普與呂餘慶留京師, 普願扈從,太祖笑曰:「若勝胄 介乎?」從平上黨,

远兵部侍· 鄓 、樞密副使,賜第一區。 建隆 三年,拜樞密使、檢校太保。

事以副之,不宣制,班在宰相後,不 拜相,上視如左右手,事無大小,悉容決焉。 令翰林學士講求故實,

竇儀曰:「今皇弟尹開封,同平章事,即宰相任也。」令署以賜普。 署敕,普以爲言,上曰:「卿但進敕,朕爲卿署之可乎?」善曰:「此有司職爾,非帝 無敕,皆用內制,普相 乾德二年,范質等三相同 止用敕,非舊 日罷,以普爲門下侍郎、平章事、集賢殿大學士。中書無宰相 典也 知印,不預奏事,不押班, 是日,普兼監修國史。命薛居正 但奉行制書而已。 、呂餘慶參知政 先是,宰相 王 事也。」 旣

太原旣 聞 坐 E 堂 如 叩門聲,普亟出,帝立 此,特試 中, 太祖數微行過功臣家,普每退朝,不敢便衣冠。 下, 熾炭燒肉。 則我獨當之,不如姑俟削平諸國,則彈丸黑子之地,將安逃乎?」帝笑曰:「吾意 卿 爾。 |普妻行酒,帝以嫂呼之。 風雪中,普惶懼迎拜。 帝曰:「已約晉王矣。」已而太宗至,設重裀地 因與普計下太原。普曰:「太原當西北二面 一日,大雪向夜,普意帝不出。

徵 丁壯籍名送京師,以備守衞;諸州置通判,使主錢穀。 五 一年春, 加右僕射臼、昭文館大學士。 俄丁 內艱,詔起復視事。遂勸帝遣使分詣諸道, 由是兵甲精銳,府庫充實

書,實不知。」帝嘆曰:「受之無妨,彼謂國家事皆由汝書生爾!」 何物,普以實對。 開寶二年多,普嘗病,車駕幸中書。

三年春,又幸其第撫問之,賜賚加等。 時錢王俶遣使致書於普,及海物十瓶,置於廡下。會車駕至,倉卒不及屏,帝顧問 。上曰:「海物必佳。」卽命啓之,皆瓜子金也。 普惶恐頓首謝曰:「臣未發 六年,帝又

令追班,將下制逐普,賴王溥奏解之。 師治第,更因之竊貨大木,冒稱一一市貨醫都下。權三司使趙玭廉得之以聞。太祖大怒,促 普爲政頗專,廷臣多忌之。時官禁私販秦、隴大木,普嘗遣親吏詣市屋材,聯互筏至京

|鄰爲秘書省正字。|普恩益替,始詔參知政事與|普更知印、押班、奏事,以分其權。 未幾,出 洞嘗納路可度,趙孚授西川官稱疾不上,皆普庇之。太祖怒,下御史府按問,悉抵罪,以有 屢攻其短。會雷有鄰擊登聞鼓,訟堂後官胡贊、李可度受財骫法及劉偉僞作攝牒得官,王 分異之。普又以隙地私易尚食蔬圃以廣其居,又營邸店規利。盧多遜爲翰林學士,因召對 河陽三城節度、檢校太傅、同平章事 故事,宰相、樞密使每候對長春殿,同止廬中;上聞普子承宗娶樞密使李崇矩女,即令

會柴禹錫、趙鎔等告秦王廷美驕恣,將有陰謀竊發。帝召問,普言願備樞軸以察姦變, 太平興國初入朝,改太子少保,遷太子太保。頗爲盧多遜所毀,奉朝請數年,鬱鬱不得

列

第十五

趙普

徒兼侍中, 退 又 上書, 自 封梁國 陳預聞太祖 公。 先是,秦王廷美班在宰相上,至是, 、昭憲皇太后顧託之事,辭甚切至。 以普勳舊,再登元輔,表乞居其 太宗感悟,召見慰諭 俄拜

下,從之。及涪陵事敗,多遜南遷,皆普之力也

臣昨聞普言,今復聞宣諭,君臣始終之分,可謂兩 對曰:「昨日曾至中書,執御詩涕泣,謂臣曰:『此生餘年,無階上答,庶希來世得效犬馬力。』 當刻石,與臣朽骨同葬泉下。」帝爲之動容。 齒髮衰矣,不容煩以樞務,擇善地處之,因詩什以導意。 八年,出爲武勝軍節度、檢校太尉兼侍中。 翌日,謂宰相曰:「普有功國家, 帝作詩以餞之,普奉而泣曰:「陛下賜臣詩, 全。 普感激泣下, 股亦爲之墮淚。」宋琪 **股**昔與游,今

雅熙三年春,大軍出討幽薊,久未班師,普手疏諫曰:

伏覩今春出師,將以收復關外,屢聞克捷,深快興情。 然晦朔屢更, 荐臻炎夏, 飛

輓日繁,戰鬥未息,老師費財,誠無益也。

蹈 人不服,自古聖王置之度外,何足介意。 不測之地。臣載披典籍, 伏念陛下自翦平太原,懷徠閩、浙,混一諸夏,大振英聲,十年之間,遂臻 頗識前言, 竊見漢武時主父偃、徐樂、嚴安所上書及唐相 竊慮邪諂之輩,蒙蔽睿聰,致興無名之師,深 廣 遠

姚元崇獻明皇十事,忠言至論,可舉而行。伏望萬機之暇,一賜觀覽,其失未遠,雖悔

ijſ

勝; 藩,曷敢興言而沮衆。 之間,時涉秋序,邊庭早凉,弓勁馬肥,我軍久困,切慮此際,或誤指蹤。 凝滯,理貴變通。 兵者凶器,深戒於不虞。 臣竊念大發聽雄,動搖百萬之衆,所得者少,所喪者多。 前書有「兵久生變」之言,深爲可慮,苟或更圖稽緩,轉失機宜。 蓋臣已日薄西山、餘光無幾、酬恩報國、正在斯時。 所繫甚大,不可不思。 臣又聞上古聖人,心無固必,事不 又聞戰者危事,難保其必 臣方冒寵以守 伏望速詔班 旬朔

師,無容玩敵。 臣復有全策,願達聖聰。 望陛下精調御膳,保養聖躬,挈彼疲氓,轉之富庶。

將見

邊烽不警,外戶不扃,率土歸仁,殊方異俗,相率嚮化,契丹獨將焉往?陛下計不出此, 乃信邪諂之徒,謂契丹主少事多,所以用武,以中陛下之意。 陛下樂禍求功,以爲萬

師。 全,臣竊以爲不可。 非特多難興王,抑亦從諫則聖也。 伏願陛下審其虛實, 究其妄謬, 正姦臣誤國之罪, 罷將士伐<u>燕</u>之 。古之人尙聞尸諫, 老臣未死, 豈敢面諛爲安身

帝賜手詔曰:

傳

之計而不言哉?

列 股 昨者興師選將,止令曹彬、米信等頓於雄、霸,裹糧坐甲以張軍聲。 第 + 五 趙 普 八九三五 俟一兩月間

志也 山山 後 平定(三)、潘美、田重進等會兵以進,直抵幽州, 奈何將帥等不遵成算,各騁所見,領十萬甲士出塞遠門,速取其郡縣,更還 然後控扼險 固 恢復 舊疆 此股之 師以

援輜 重,往復勞弊,爲遼人所襲,此責在主將也。

卿當 悉之也。 比 肸 踵 百王之末,粗致承平,蓋念彼民陷於邊患,將救焚而 疆埸之事,已爲之備,卿勿爲憂。 卿社稷元臣,忠言苦口 拯溺, 匪黷武以佳兵, ,三復來奏**,**嘉

普 表 謝

下

親

密論

聖謀。

必

愧

實

咋 以天 兵久駐塞外, 未克恢復, 漸及炎蒸, 事危勢迫, 臣竊審命師討罪,信爲上策,將帥能遵成算, 輒陳狂! 甘俟 憲章。

可平 隆 大業, 特 定。 鑑 衷誠 無一 惟其不副天心, 物之失所,見萬國之咸寧。 邊極武,與契丹較勝負哉? 紆 宸翰, 由茲敗事。 今旣 所 邊鄙有備,更復何虞。 宜端拱穆淸,嗇神和志, 臣素虧壯志, 矧在衰齡, 况陛下登極 自可遠繼九皇, 雖無功伐,願竭 一十年,坐 俯

忠 純

觀

五.

帝

豈必窮

觀 、覲,辭甚懇切。 者 咸 嘉其忠。 上惻然謂宰相曰 四年,移山南 東道節度,自梁國公改封許國公。 :「普開國元臣,殷所尊禮,宜從其請。」旣至,慰撫數四,普 會詔 下親耕籍田,普表求

嗚咽流涕。

陳王元僖上言曰:

賢。况爲邦在於任人,任人在乎公正,公正之道莫先於賞罰,斯爲政之大柄也。苟賞 弼,委之心膂,財成帝道,康濟九區,宗祀延洪,史策昭煥,良由登用得其人也。 今陛下 罰匪當,淑愿莫分,朝廷紀綱,漸致隳紊。必須公正之人典掌衡軸,直躬敢言,以辨得 君臨萬方,焦勞庶政,宵衣旰食,以民爲心。歷考前王,誠無所讓,而輔相之重,未偕曇 臣伏見唐太宗有魏玄成、房玄齡、杜如晦,明皇有姚崇、宋璟、魏知古,皆任以輔

失,然後彝倫式序,庶務用康。

位,不私徇人情以邀名望,此真聖朝之良臣也。竊聞憸巧之輩,朋黨比周,衆口嗷嗷, 沈冥廢滯得以進,名儒懿行得以顯,大政何患乎不舉,生民何患乎不康,匪踰期月之 四 願陛下復委以政,啓沃君心,羽翼聖化。 惡直醜正,恨不斥逐遐徼,以快其心。何者?蓋慮陛下之再用普也。然公讜之人,咸 |目未終,使之明之,四聰未至,使之達之。 官人以材,則無竊祿,致君以道,則無苟 賢愚洞分,玉石殊致,當使結朋黨以馳騖聲勢者氣索,縱巧佞以援引儕類者道消。 伏見山南東道節度使趙普,開國元老,參謀締構,厚重有識,不妄希求恩顧以全祿 國有大事,使之謀之;朝有宏綱,使之舉之;

失人公司,實

邦

、國大幸

間 可臻 清靜之治 臣知慮庸淺,發言魯直。 伏望陛下旁采羣議,俯察物情, 苟用不

籍 田 禮畢,太宗欲相呂蒙正,以其新進,藉普舊德爲之表率,册拜太保兼侍中。

帝謂之

卿國 之勳舊,殷所毗倚,古人恥其君不及撓、舜,卿其念哉。」普頓首 謝

之, 政, 盡以 普深嫉之,奏流 時 樞 條奏,利 密副 使趙昌言與胡旦、 用 坐流 馬周,黜昌言等。 商州,普固請誅之。 陳象興、董嚴、梁顥厚善。 鄭州團練使侯莫陳利用 其嫉惡強直皆此 會旦令翟馬周上封事, 類 驕肆僭侈,大爲不法, 普廉得 排毁時

患 時論歸咎於普,頗爲同列所窺,不得專決。 李繼 遷之擾邊, 普建議以趙保忠復領夏臺故地, 因令圖之。 保忠反與繼遷同謀爲邊

手 詔 上 中 詔 涕 書 表 边 舊制 求 淳化三年春,以老衰久病,令留守通判劉昌言奉表求致政,中使馳傳撫問,凡三上表乞 日 視 致 事 因 て, 有 開 仕 ·; 宰 力疾請對 國舊勳 大政 柏 一勉從 以 則 未時歸第,是歲 ",惟卿 召對。 ,賜坐移晷, 之,以普爲 一人,不同 冬,被疾請告, 西京留守、 頗言及國 大熱,特許普夏中至午時歸私 他等, 無至 河南 家事,上嘉 車駕 尹 固 屢幸其第省之, 譲, 依前守太保 納之。 俟首 |塗有 普 「將發, 兼中 日 賜予 第。 , 當就第 書令。 車駕幸 明年, 加等。 與卿 普三 **死朝謁**, ·其第 普遂稱 爲 表 別。」普捧 一級讓, 疾篤,三 止日 赴 賜

骸骨。 命,用表尊賢。 書賜之。又特遣使賜[音詔曰:「卿頃屬微痾,懇求致政, 股以居守之重, 慮煩耆耋,維 拜太師,封魏國公,給宰相奉料,令養疾,俟損日赴闕,仍遣其弟宗正少卿安易齎詔 佇聞有瘳,與朕相見。 今賜羊酒如別錄,卿宜愛精神,近醫藥,強飲食,以副 師之

股眷遇之意。」七月卒,年七十一。

普, 卒。 因追悼承宗,秉未至而普疾篤。 <u></u>
曾已罷中書令。故事,無生辰之賜,特遣普姪婿左正言、直昭文館張秉賜之禮物。 宋朝忠臣,久被病,亦有冤累耳。」潛還,普力疾冠帶,出中庭受神言,涕泗感咽, 卒之先一歲, 普生日, 上遣其子承宗齎器幣、鞍馬就賜之。承宗復命, 未幾卒。 先是,普遣親東甄潛詣上清太平宮致禱,神爲降語曰:「趙 普聞之, 次歲, 是夕

左右 也。 八分書以賜之。 「感動。 朕君臨以來,每優禮之,普亦傾竭自效,盡忠國家,眞社稷臣也, 朕甚惜之。」因出 上聞之震悼。 廢朝 遣右諫議大夫范杲攝鴻臚卿,護喪事,賻絹布各五百匹, 五日,爲出次發哀。 謂近臣曰:「普事先帝,與朕故舊,能斷大事。 贈尚書令,追封眞定王,賜諡 忠獻。 嚮與股嘗有不足,衆所知 上撰神道碑銘,親 米麪各五百石。

一女皆笄,普妻和氏言願爲尼,太宗再三論之,不能奪。 賜長女名志願,號智果大師;

八九三九

葬日,有司設鹵簿鼓吹如式。

第

+

Ŧī.

趙普

次女名志英,號智圓大師。

太祖常勸以讀書。晚年手不釋卷,每歸私第,闔戶啓篋取書,讀之竟日。及次日臨政,處決 「若塵埃中可識天子、宰相,則人皆物色之矣。」自是不復言。一普少習更事,寡學術,及爲相, 初,太祖側微,普從之游,旣有天下,普屢以微時所不足者言之。 太祖豁達,謂普曰: 既薨,家人發篋視之,則論語二十篇也

不去,竟得俞允 非陛下之刑賞,豈得以喜怒專之。」太祖怒甚,起,普亦隨之。太祖入宮,普立於宮門,久之 以其人奏,太祖怒,碎裂奏牘擲地,普顏色不變,跪而拾之以歸。他日補綴舊紙,復奏如初。 毅果斷,未有其比。嘗奏薦某人爲某官,太祖不用。|普明日復奏其人,亦不用。明日,普又 固不爲遷官,卿若之何?」善曰:「刑以懲惡,賞以酬功,古今通道也。且刑賞天下之刑賞, |太祖乃悟,卒用其人。 又有羣臣當遷官,太祖素惡其人,不與。 | 普堅以爲請,太祖怒曰:「殷 一普性深沈有岸谷,雖多忌克,而能以天下事爲己任。 宋初,在相位者多齷齪循默, 普剛

聽斷不明,幾誤國事。」即日竄逐德超,遇彬如舊。 |太宗入||弭德超之讒,疑||曹彬不軌,屬||普再相,爲||彬辨雪保證,事狀明白。||太宗嘆曰:「朕

祖吉守郡爲姦利,事覺下獄,案劾,爰書未具。郊禮將近,太宗疾其貪墨,遣中使諭旨

執 政曰:「郊赦 可特勿貸祖吉。」普奏曰:「敗官抵罪,宜正 山刑辟。 然國家卜郊肆類,對越天

地,告于 神明,奈何以吉而隳陛下赦令哉? 」太宗善其言,乃止。

享於大烝,永同休於宗祏。 周 高 、旋三紀,茂巖廊之碩望,分屏翰之劇權,正直不回,始終無玷,謀猷 王 一佐,翊戴興運,光啓鴻圖,雖呂望肆伐之勳,蕭何指縱之効,殆無以過也。 眞宗咸平初,追封韓王。 茲爲茂典,以答舊勳,其以普配饗太祖 二年,詔曰:「故太師贈尚書令、追封韓王趙普, 廟庭。 可復,風 烈 **識冠人彝**,才 自輔弼 如 生。 兩朝, 宜預

普 子 承宗,羽林大將軍,知潭、鄆二州,皆有聲; 承煦,成州團 一練使。 弟固、安易。 固 至

都官郎中。

易言 城下 南 府 其 推官。 安易字季和。 拜監察御 、非便, 會普居相位, 請許 史,知 納鐵錢, 建隆初, 興元府; 十年不赴調 韶從之。 攝府州錄事參軍,節度使折德扆言其清幹,遂命卽眞。 轉殿 中,賜緋 九年,起拜宗正 太平 魚袋。 興國中,歷華、邢二鎭掌書記。 先是,兩川 一少卿 7 知定州。 民輸稅者以鐵錢易銅 會以曹璨知州,徙安易 部 錢。 再遷 至太原 河

淳化中, 管建議以圖地用鐵錢,準銅錢數倍,小民市易頗爲不便,請如劉備時令西川鑄 通

判

列

傳

第

+

五

趙

普

(),未幾代歸。

叉

表求

外任,命知耀州

留不造,

命按視北邊事

皆碎 大錢 請 反 思錢多, 蓋鎔樂盡其精液矣。 以十當 非 百 經 久計 下 都 也。 省集議,吏部尚書宋琪等言:「劉備時蓋患錢少,因而 而 太宗不之詰,猶嘉其用心,賜以 安易論請不已,仍募工鑄大錢百餘 金紫, 進之,極其精 且遣其典鑄。 改作,今安易之 好,俄 旣而 逐殿階 大 有 虧

耗,歲中裁得三千餘緡,衆議喧然,遂罷之。 事具食貨志。 時屬籍未備,奏請纂錄,咸平初,乃 命

政,安易請復井田 梁周 翰與安易同修。 歷 知襄、 廬 三州 之制。 就 安易略涉書傳, 遷宗 又以其家本 正 卿, 歸朝, 燕薊, 性 強 復領 狠, 多 訪以 卵職 好談 邊 世務, 事 而 疎闊 不可用。 初, 太宗嘗 問 農

景德初,禮官詳定明德皇太后靈駕發引,於京師 壬地權攢,依禮埋懸重,升祔神主。

|易上言:

宗。 大葬 但 焚於柏 至 鑿 木爲 望約孝章近例,但於壬地權攢,未立神主升祔, 軱 皇朝,上奉祖宗陵廟行此 [禮 城訖,始 埋 云 懸 懸 「旣虞作主」, 重 重 ,以主神靈。 可 且棺 立 柩 未歸園陵,則神 **虞者**, 吉仗還京,備九祭, 王后七月而葬,則埋 禮,何以今日乃違典章,苟且 已葬設吉祭也。 靈 豈入太廟? 復埋虞主,然後立神主,升廟 懸 明未葬則未立虞主及神主。 重,掩玄堂,凶仗、 凶儀一 奈柏 城未焚凶 一升耐, 切祗奉。 方權攢妄立神 、輼輬車、 仗,則 俟丙午年靈駕 凶 所以 室 穢 龍 唐 輴 主, 周制 突祖 自 之 屬 西 曠

去園陵,東回祔廟。如此則免於顚倒,不利國家。

乃詔有司再加詳定。判禮院孫何等上言:

所合埋重,一依近例,便可升祔神主。安易妄言,以凶仗爲凶穢,目羣官爲顚倒,指梓 不得而見也。」旣不欲穿擴動土,則龍輔、攢木、題凑,蒙槨上四柱如屋以覆,盡塗之。 闕。 宜。 不行,旣殯而祭。所言五祀不行,則天地之祭不廢,遂議以園陵年月不便,須至變禮從 宮爲棺柩,令百司分析園陵,凂瀆聖聰,誣罔臣下。 不至,伏恐祭祀難行。 况明德皇太后德配先朝,禮合升祔。遂與史館檢討同共參詳,以爲廟未祔則神靈 又緣先準禮文,候神主升祔畢,方行享祀。若俟丙午歲,則三年不祭宗廟,禮文有 按晉書洋太后崩,廢一時之祀,天地明堂,去樂不作。又按禮,王后崩,五祀之祭 攢旣畢則梓宮在郊,可以葬禮比附。遂按禮云「葬者藏也,欲人

變禮 宗」。按檀弓云:「喪之朝也,順死者之孝心也。」鄭玄注云,謂遷柩於廟。 陰陽 奉明德皇太后,獨先祔廟,後園陵」者。今詳當時先山陵後祔廟,正爲年月便順,別無 [拘忌;今則年月未便,理合從宜。 ,以合聖情。 安易又云「昔日覩羣官盡公,奉二帝諸后,並先山陵,後祔廟;今日覩羣官顚倒, 未埋重則禮文不備,未升祔則廟祭猶闕, 又云:「其哀離 穢唐突祖 須從

列

第十五

趙

其室也,故至於祖考之廟而後行,商朝而殯於祖,周朝而遂葬。」今亦遙辭宗廟而後行,

豈可以禮經所出目爲顚倒,吉凶具儀謂之唐突哉?

之制,欺罔君上,乃至於斯。 遺命權停享祀。 從初亦無詔命令住廟享。 詳當時文籍,緣|孝章爲|太宗嫂氏,上仙之時,止輟五日視朝,百官不會成服,與今不同。 入廟。 又云:「孝章皇后至道元年崩,亦緣有所嫌避,未赴園陵,出京權攢之時,不立神主 直至至道三年,西去園陵,禮畢,然後奉虞主還京,易神主祔廟,以合典禮。」今 今按禮文,固合如此。 今明德皇太后母儀天下,主上孝極曾、顏,况上仙之初,卽有 安易荒唐庸昧,妄有援引,以大功之親,比三年

志,老而益堅;詩書之文,懵而不習。 况安易以計直自負, 所詆者無非良善,以淸要自高, 本院所議,並明稱典故,旁考時宜,雖日從權,粗 所尚者無非鄙俗。 名宣之

從之。 工部尙書。 安易又屢言陵廟事,詞 錄其子承慶爲國子博士,孫從政爲太常寺奉禮郎。 多鄙俚。 晚歲進趨不已,時論嗤之。 二年卒, 年七十六。 鮂

亦稽古,請依元議施行。

一一般三人罷相,始繼其位,太祖不亟於酬功,普不亟於得政。 及其當揆,獻可替否,惟義之從, 未嘗以勳舊自伐。偃武而修文,愼罰而薄斂,三百餘年之宏規,若平昔素定,一旦舉而捁 求其始終一心,休戚同體,貴爲國卿,親若家相,若宋太祖之於趙普,可謂難矣。陳橋之事 人謂普及太宗先知其謀,理勢或然。事定之後,普以一樞密直學士立於新朝數年,范、王、 諭 曰:自古創業之君,其居潛舊臣,定策佐命,樹事建功,一代有一代之才,未嘗乏也。

方册,他日 之。太原、幽州之役,終身以輕動爲戒,後皆如其言。家人見其斷國大議,閉門觀書,取決 匪 晚年廷美、多遜之獄,大爲太宗盛德之累,而普與有力焉。豈其學力之有限而猶有患失之 說攸聞。」普爲謀國元臣, 竊視,乃魯論耳。昔傳說告商高宗曰:「學于古訓乃有獲,事不師古,以克永世, 乃能矜式往哲,蓍龜聖模,宋之爲治,氣象醇正,茲豈無助乎。

校勘記

心敷?君子惜之。

(二) 父迴 「迴」,隆平集卷四、東都事略卷二六本傳都作「迥」。

3 右 .僕射 本書卷二一〇宰輔表同。卷二太孤紀及長編卷八作「左僕射」。 「平定」原作「平安」,據長編卷二七、太平治蹟統類卷三改。

俟

兩月間

山後平定

列

傳

第

-|-

五.

校 勘 記

八九四五

.

